







BIBLIOTECA DE LOYOLA
Sala H Estante L Plútoe 5

Justitiae si patetculis

36/1



IUSTI LIPSI
ADMIRANDA,


sive,

DE MAGNITUDINE
ROMANA

LIBRI QVATTVOR.

AD SERENISSIMVM PRINCIPEM
ALBERTVM AVSTRIVM.

Secunda editio correctior, auctiorque.



ANTVERPIÆ,
EX OFFICINA PLANTINIANA,
Apud Ioannem Moretum.
M. D. XCIX.

Cum Priviliis Cesareo & Regio.



SER^o PRINCIPI
ALBERTO AVSTRIQ
IMPERATORIS FILIO,
NEPOTI, FRATRI,
S.R.E. CARDINALI,
BELGICÆ SVPREMO GVBERNATORI,

I. LIPSIUS *dedicat consecratque.*

NTER Historiarum fru-
ctus, SER^o PRINCEPS,
ego illum eximum ha-
beo, qui ad Sapientiam
& rerum in orbe ADMI-
RANDARVM cognitio-
nem ducit. Quis enim
paullò altior & attentior
eas legit, qui non diuina illa opera obseruet,
magna imperia stabilita, aut diruta: & in iis
imaginem quamdam Prouidentiæ simul &
Potentiæ diuinæ? Ita profectò se res habet,
sicut vñus in superis Deus est, qui machinam
hanc totam moderatur & temperat: sic in
terris velut Curatores & Vicarios quosdam
suos constituit, qui in partibus eam tueantur
& administrent. Atque horum quosdam cre-
scere voluit in magnas opes, copias, opera:

A 2 quid



4 quid nisi in imagine ostendens, cælestem illam & sine fine ac modo potentiam, quam ipse habet, & per riuulos ac canales illos deducit? Ut igitur cælum & micantia illa astra cum intuemur, ab iis ad puram, primam, & inaccessam quamdam lucem ducimur: sic ab humanâ istâ MAGNITUDINE, ad auctorem illius & fontem Deum. Quis ille fuit, qui Assyrios terris & gentibus imposuit? qui Persas, Macedonas, Romanos? quis qui iterum loco mouit & deiecit? magnus ille auriga & rector vniuersi, qui habenas in hoc mundo curru temperat; qui impellit, qui sistit, & poëtæ verbo,

*Diuosque mortalesq; turmas
Imperio regit unus aquo.*

Quod magis sentio, & in animum demitto, cum in ipsâ potentiatâ & magnitudine, infirmitatem istorum video, aut breuitatem. Quid enim illa omnia nunc, aut ubi sunt? abierunt. ubi supra fidem cumulate opes? defluxerunt. ubi cælo certantia opera? non apparet. Heu res mortalium vel maximorum paruæ! heu validissimorū instabiles! imò omnia illa somnium, umbra, nihil, si cum Æterno & Æternitate comparentur. Sicut Solem istum assidue vel nubes aliqua subducit, vel nox denique condit: talis omnis hic splendor & felicitas, rapitur aut euanescit. Hæc & similis cogita-

5 gitatio SER^{ME} PRINCEPS, iamdiu me impulit Imperiorum magna & ADMIRANDA colligere: atq. vt decuit, orsum à ROMANO. Nam fallor, aut non alia maiorum magisq. fundata, addo & laudata MAGNITUDO; quam quattuor his libellis in parte expressi, & ad SER^{TEM} TVAM multis de caussis misi. Omitto beneficia in patriam publica, in me priuata: ipse titulus & argumentum palam ad te ducebant. ROMANI imperij descriptio cui potius aut iustius debebatur, quam Principi è tot ROMANIS Imperatoribus nato? Res certa & inter ADMIRANDAS est, ex vnâ AVSTRIA, verè aureâ, stirpe vestrâ, decem Imperatores, intra hos trecentos circiter annos, orbi Christiano affulsiſſe: atque id sanguinis & natallium serie, sine vlo fulcro adoptionis. Quid in omni retrò Principum classe simile? duo, tres, in vnâ domo, & vix fuerunt: in primâ ipsâ Iulij, nec vltra sextum etiā adoptio prorogauit. Iterum dico, mirabile. & quid nisi à Deo tacita vox & testimonium, datam hanc familiam & demissam è cælo in terras esse, ad imperia terrarum? Iam & ADMIRANDORVM ille titulus, annon ad te traheret in variâ virtute sic ADMIRANDVM? Priuatam tuam vitam si video: Pietas & Religio occurrit, quæ vel sacerdotem deceat; Castitas, quæ Vestalem; probitas, & vitæ totius Ordo ac compo-

A 3 sitio,



⁶
sitio, quæ ipsum cælum . Nec enim sidera illa profectò magis ordinato & certo cursu incedunt, quàm tuæ actiones . Quid prudentia in ciuili aut militari administratio-ne? quid altitudo consiliorum incredibilis? quid tranquillitas animi & vultus (proprium bonum Austriacę gentis) in omni euentu aut fortunā? ADMIRANDA sunt. & quæ Regi nostro, sapientissimo rerum hominumque arbitro, caussam dederūt tui inter alios eligen-di, quem ad maxima imperia & Præfecturas admoueret. Ecce Lusitania adiecta Hispaniæ suæ fuit, & multa in concusso eo corpore ad-huc ægra: te elegit qui lapsa erigeres, dilapsa colligeres, exanimata recreares. Et sanè ita fecisti, & præfueristi, vt pænè optandum fuerit illi regno tam validè concuti, vt te pacatorem fundatoremque eterni deinceps otij haberet. Quis in discessu tuo non ingemuit? nobilitas patronum, plebs parentem, leges custodem, pietas vindicem visa est sibi amisisse. At no-ster Rex recepisse: & expertus quàm bene humeris tuis imperium federet, porrò te misit in Belgicam nostram, id est in ipsum mare & Oceanum (ignosce patria sic loquenti) dis-sensionum & turbarum. Heu qui hīc fluctus? adeò vt alibi ciuilia atque externa bella fuisse & transisse dixerim, hīc sedisse & habita-sc. Opportunitas scilicet locorum fecit, & simul

⁷
simul conspiratio eorum qui magnitudini Regiæ sunt infensi, vt consilia & arma verte-rentur in has partes; & in nostrâ istâ patriâ certamen certaretur, pænè dicam, de Europâ. Ergo missus es & venisti in medium discri-men: quid autem fecisti? quod nec hostes su-spicari, nec nos sperare, imò vix nunc credere possumus cùm est factum. Aggressus es vr-bem naturā, opere, milite munitam, & op-portunitate inter Galliæ primas. Vrbem di-co, quam * Eduardus ille felix & animosus ^{* Anno 1347.} Anglorum Rex, vndeclim mēsium spatio vix expugnauit; quam * Philippus bonus tuus ^{* Anno 1436.} proauus, cum quadraginta millium exercitu, nec expugnauit: tu, inquam, aggressus cum modicis copiis, in paucis diebus claudis, op-pugnas, capis. Quæ hæc vis animi, vel beni-gnitas fortunæ? vtraque enim adfuit: & illa vt auderes dedit, hæc vt posses. Scipio Afri-canus olim (nec aliud iustius tecum confe-ram) cùm in Hispaniam missus esset, vel fero-ciâ Pœnorum ereptam, vel infortunio Ro-manorum alienatam, vidit rem longi & in-finiti operis, bellum circumferre per singulas & minutas partes. Quid facit diuinus iuue-nis? Carthaginem Nouam, vbi, arma, cōmeatus, opes hostiles erant, situ & mœnibus (ita putabatur) inexpugnabilem, subitò & igna-ris omnibus exercitum rapit. Venit, aggredi-



8
tur, ingreditur: & in vnâ vrbe captâ, animos
suis sociisque reddidit, hostibus ademit. O fa-
ctum Scipione dignum! & quid nisi prolu-
dium frangendæ magnè illius Carthaginis, &
stabiendi mox imperij pariter ac pacis? A te
similia exspectamus, ô noster Princeps: & ab
hoc initio vince aut paca hostes, iunge diuul-
sos aut rebelles. Hos ipsos quām terres statim
facto nouo pariter, & inopinato? Abducis ab
iis locis copias, & alia agens ac præferens,
Hulstum adducis. Quod istud Hulstum? non
opidum, sed insulam; nec insulam modò, sed
propugnaculis variis magnisque, id est verâ
æstimatione, totidem opidis in sessam. Quid
facis ô consideratissime Princeps? quis ardor
te abducit? non Mars solùm ea loca, sed Ne-
ptunus tuctur & vindicat: & magnus ille
Oceanus, ruptis aggerum claustris immissus,
vnâ cum suis filiis latè dominatur & regnat.
Vbi naues, quibus peruadas? vbi alæ quibus
transfuoles? desunt: at non tentandi tibi ani-
mus, & patrandi item fortuna. O quām nunc
denique didici, angustè vires vestras expen-
di, si quis ea tantùm quæ fieri possunt à vobis
exspectat! Audetis non audenda, facitis non
facienda, humano quidem iudicio: sed Deum
adhibetis in consilio, & vos magni cum ma-
gno illo Numine participantes, legitis (si fas
dicere) in tabulis Fatorum. Itaque inuitis aut
dif-

9
dissuadentibus omnibus, inuadis, per uadis,
vincis. Hæc tua sunt sub initium opera, cùm
alij vix operum solent ponere fundamenta.
Et quæ non maiora magisque AD MIRANDA
à te, vel in te, exspectemus? Memini legere
ALBERTVM II. inter maiores tuos Austrios,
vno tempore atque adeò vno anno, factum
Regem Bohemiæ, & Hungariæ, & ROMA-
NORVM. O quæ ista felicitas! sed quām bre-
uis felicitas! biennio enim non toto impera-
uit, & optimum Principem Deus cælo inue-
xit, quia terra virtutum illarum parum capax
erat aut digna. Tibi pariter ALBERTO omi-
namur & vouemus similia, sed firmiora: & an
non iamnunc clara signa Deus & Rex dede-
runt? sed parco dicere, etsi non optare. O dies
ille exorere, nō latus solùm sed salutaris Bel-
gis; nec Belgis tantùm, sed vicinis; nec vicinis,
sed dissitis, & quicunq; sunt in religione aut
orbe Christiano. Plura vellem: sed vt ij qui
apud Deum verba faciunt, corpore, gestu, ser-
mone modici sunt ac reuerentes: sic nos de-
cet apud vos Principes, & colere atque AD-
MIRARI magis, quām laudare. Facio in ani-
mo, & illo dico atque impleo, siquid ore aut
stile omisi. Louanij, Kal. Martii. 10. XCVIII.

B

AD



AD LECTOREM.

D MIRANDA in Imperiis, Lector,
qua olim colligere coepimus, nunc dis-
ponere, ut vides, & vulgare. Orsi-
sumus à ROMANO, quod quat-
tuor his libellis damus: an totum? ne-
gabit aliquis, & scio esse qua possint
addi. Sed an debeant, nescio: non certè pro meā mente,
cui propositum fuit eminentia tantum & verè MAGNA
colligere, atq[ue] ea ipsa dum taxat ostendere in primo vul-
tu, & designare. Omnia si penetrassim, aut delineassim,
præsertim qua ad Opera, quis finis fuisset? Sed archite-
tonica etiam hac cura sit, non nostra; nec libuit supra
plantam, quod dicitur, euagari.

* nec fuit
vñquam
Omni bus
in rebus
gnarū vñ
est atque
cientem.

* — δόξα πως οὐ

Ει πάντεος ἐργοι δάκυον φέται θέσται.
Et verè fateor, nimia iam etiam cura an curiositate
peccari à plerisque nostrūm, qui omnia hac antiqua au-
descutamur, & in maris illo fundo pene dicam arenas.
Ah, quis fructus est? vita & mores præcent, tum pru-
dentia, sed & elegantia quadam accedit: tamen ulti-
ma haec cum modo. Peccauimus & nos fortasse olim: sed
nunc cum aliis annis mens est alia, & clamo liberè,
Quædam esse quæ malo ignorare, quam di-
scere. Timonis illud sapè mihi in mente:

* πελυμαδημοσύνης ως & κονεώτερη γνῶμο.
Sed siquid tamen scitu dignum omisi, alius explebit me
volente & addet, ut fiat illud Homericum

* πλεόνων δέ τις ἐργον αὔμενον.

Etsi

Etsi quadam tamen seposta mihi, non omissa, & in al-
terā ADMIRAND ORVM parte opportuni redden-
da. Atqui & alia mihi culpa, aut certe nota, deprecan-
da est, in attollendo nimium fortasse alibi fuisse. Si ita est,
excusetur: & quis nescit, ubi animus & stilus incaluit,
trahere hoc secum has* πανηγύεις? Et tamen non ar-
cem è cloacâ feci, ut ait ille, nec lapidem è
sepulchro veneratus sum pro Deo; sed res lau-
datissimas laudavi & extuli: si nimis, tu moderare
& deprime, quisquis frigore & sedatiore affectu hac le-
gis. Denique in clausulâ, magnum etiam imperium mi-
ratus sum, & approbavi: cur contra hodiernum mo-
rem (dicet aliquis) fortasse & vix? Nam divisiones
ista facta iam dudum, & inuenterauerunt, & moueri sine
motu Christiani orbis vix possunt. Non temere igitur
suadeo; nec sane innono: si tamen Fatis & Deo vixum,
hodiernam aliquam & nouam MAGNITUDINEM
dare, cur culpa sit laudare & approbare? Multiplex
ratio eam commendet: & firmissime ista. quod etiam
nunc, quidquid tranquilli & pacati est in re Christianâ,
id manat ab unico illo capite, quod auctoritate sacrâ
nobis præst. Romanus ille Dictator, ut sic appelle, &
Pontifex, fulcrum aut vinculum est, quod sustinet, quod
ligat, labentes aut dissidentes in male compacto hc
adificio partes. Abite non impij solum, sed imperiti, qui
aliter. nobis constat hanc ipsam Romanam, & sacrum in
eâ imperium, fuisse & esse velut anchoram flu-
tuantidiu Europæ. Mira Dei benignitas in hanc
urbem! cum legionum vim eripuit, legum attribuit;

B a cùm

<sup>* laudan-
ces.</sup>

* Multisci-
tiâ, ut haud
quidquam
vel vanius
erat!

* melius
multorum
opus,



12
cūm armis imperare noluit, sacris indulxit: & sic quo-
que fecit eam decus, tutelam, columen rerum. Atqui Se-
natus ille vetus non est, inquit. Non ille, sed alius: &
vide mihi in istā purpurā ex omni nostro orbe selectos
proceres, moribus, prudentiā, annis spectandos. Si vetus
ille Cyneas redeat, & hunc concessum videat, nihil am-
bigat vel cum Regibus iterum, vel cum Heroibus
comparare. Quid tributa? non tam multa, sed magis
innoxia & ultronea sunt. Quid Legationes gentium?
nec ea desunt, & ex noto ignotōque orbe (tanta diffusio
maiestatis huius est) concurritur, & iura ac leges sacro-
rum hinc petunt. Ipsi Reges & Principes adeunt &
inclinantur, & obnoxia capita tūni huic capiti submit-
tunt. Quid Principes aut homines loquor? ipsi aerei,
terreni, inferi spiritus sine Genij verentur ac trepidant,
& caelestem illam in terris potestatem vel inuiti ac relu-
ctantes agnoscunt. Gaude igitur non maior, sed melior
iam R O M A; non cultior, sed sanctior; & diu sedes
& habitaculum sacri huius imperij (ex animo conve-
nitus) esto.

I V S T I

13
I. LIPSI
ADMIRANDA,
sive,
DE MAGNITUDINE
ROMANA
LIBER I.

C A P . I.

Occasio & ingressio sermonis.



I E S æstuosus erat, & quales Julio mense
per Caniculam solent. Venit ad me AV-
DITOR, & Numquid turbo? inquit, non
opinor. Otiari te cūm tempus, tūm & mos
iubet, qui publicas Ferias nunc indixit.
LIPS. Otiatur. non ob causas à te dictas
solum, sed ob quam minimè vellem. Ea
valetudo est, semper molesta, nunc magis
in isto æstu. O si Spada me habeat! quam me recreem & refri-
gerem ambulando, bibendo! AVD. Omitte Spadam, illam
cursus tui palestram. Satis nobis, semel sic pro te timuisse. Nam
quid propriū factum, quam vt nobis eripereris, ad alias trans-
latus? LIPS. Factum. nec unquam ego propior periculo fui,
nec manifestiore Dei manu ereptus. Ille me tuitus est, & reddi-
dit vobis. Vtinam & eos redderet iungeretque per bonam pa-
cem, qui sic abiuneti! O quam suavis vita sit! quam iuuet
communione illā terrarum hominumque frui! AVD. Ne
despera.

* Οὐ πω μῆνας ἀγριῶν ἔχει τὸ γένος, οὐδὲ ἐμπλέκεται.
Dies, inquam, ista componet & dabit; aut denique Deus. LIPS.
Certè Dei hoc opus: quem toto pectore inuoco venerisque,
vti velit, Respiciat afflictam Belgicam tot iam lustris, & satis
sit accisam eam, non excisam. Sed quid tu volebas? AVD. Fabu-
lari.

Nondum
aether mea-
ses, nec vol-
ueret desic-
annos.
Theocr.

lari. LIPS. Publica habes? AVD. Curiosè ea non curo: sed tamen & publica tangit, quod volebam. LIPS. Dic autem. AVD. Sponde autem. LIPS. Quid istud est? captas me? AVD. Non nego. vtinam ceperim! Iam diu est quod DE MAGNITUDINE ROMANA polliceris aliquid dicere, siue scribere. Si hoc nondum potes, illud fac quod potes. LIPS. Hoccine agebas, & eò ibas? & hoc illud otium, quod suadebas? AVD. Agebam, ibam, suadebam. Et quid tibi hîc magni negotij? scio iamdiu talia & obseruata tibi, & prompta. LIPS. Profsus. ecce, os aperiam? sponte se effundent. O te bellum! scilicet memoriâ, dispositione, ad eas res non opus, etiam quas notas iam habeas & paratas. AVD. Non nego. sed priorem Deus tibi dedit, alteram iudicio semper assumpsti. In scriptis tuis hoc me delectat, ordinem & seriem rerum videre: interdum earum, quarum nec ordo videbatur. LIPS. Malus es. AVD. Quid ita? LIPS. Quia verè captato-rem agis, & blandiris, sed ut in retia tua compellas. — *γέοντας & αλόπηξ* (ait verbum) *εχαλίσσεται*. AVD. Imo patiare te capi vel meâ hac cupidine, quam amare & laudare in adolescentiâ nostrâ soles. LIPS. Non nego, adamo: sed & argumentum inuitet, quod valdè item amo. Quomodo non veterem illam Romam? tot ingeniorum, artium, virtutum, vel matrem vel sedem? Nam Potentia quidem & Militia A M I R A N D A sunt, & magni illius imperij Opes: Virtutes amandæ. AVD. Neque aliud à te volo, quâm in vmbra quasi & imagine repræsentari Formam faciemque illam veterem: & qualis, & quanta Roma fuit. LIPS. Ego verò sic subitò nec vmbram tibi ausim polliceri: fortasse vmbellam, & imaginem aliquam imaginis, vt sic loquar. AVD. Quidlibet, iuuabit & docebit. LIPS. Sic volendo, volentem & me facis. Sub hac trichilâ vmbrosâ igitur sedeamus, & ducamus MAGNITUDINIS ROMANAE vmbras.

C A P V T X I .

Communiter Roma & eius Potentia laudata, per elogia paucâ veterum.

E Go inter Imperia & MAGNITUDINES, quas Deus à condito orbe esse voluit, eminere censeo & primas ferre hanc

ROMA.

ROMANAM. Hoc è Finibus, Copiis, Opibus, Operibus, denique Viris & Virtutibus, liquere posse arbitror: quibus rebus singularis, aut & iunctis quibusdam, alie fortasse gentes se ostenderunt, nulla sic omnibus, vt nunc ostendam. Tu Deus lux temporum, rerum, hominum, scintillam aliquam tui, si non radium, in mentem hanc immittit: vt eâ videre, adire, sed & reserare possim, thesauros Antiquitatis & Memoriae; quos in Ævi diffuso implexoque sinu, reponis & seruas. Priusquam igitur distinctè de quinque illis Magnitudinis partibus dicam, lubet vniuersè aliquid de totâ eâ prefari, & quam istam, ynâ mecum, illustres magnique omnes viri admirati sint. Atque illâ vulgata omitto, Romanos rerum dominos: Romam mundi caput: Mundum miraculum: Mundi compendium: Arcem nationum ac regum, lumen gentium: magna sunt, & à magnis: sed compendio laudabile cam magnificè Martialis videtur,

Terrarum Dea Gentiumque Roma,

C VI PAR est nihil, & nihil SECUNDVM.

Subtiliter nec falsò vult, nihil accedere ad eam, nihil vel sequi. Quod an ab illo mutuatus Frontinus est? in cuius libro de Aqueductibus legimus: *Regina & domina orbis, que terrarum dea gentiumque consistit, cui par nihil, & nihil secundum.* Sed vereor ut allitum adscriptumve alienâ manu sit, & grauis atque eruditus reliquus Frontini stilus non probat aut amat lasciuiam poëtarum. Compendio igitur Martialis: sed pulchre item & vberitatem Claudianus.

*Quâ nihil in terris complectitur ALTIUS aether,
Cuius nec SPATIVM visus, nec corda DECOREM,
Nec LAVDEM vox villa capit, que luce metalli
Æmula vicinis fastigia conserit astris.*

*ARMORVM LEGVMQUE PARENTS, que fundit in omnes
Imperium, primique dedit cunabula iuris.
Hec est exiguis que finibus orta, tetendit*

*In GEMINOS AXES, paruaq; à sede proiecta
Dispersit CVM SOLE manus. hec obvia fatis,
Innumeras vno gereret cum tempore pugnas,
Et Gallum terris prosterneret, & quore Pœnum,
Numquam SVCCVBIT DAMNIS, & territa nullo*

Vulnere

Vulnere, post Cannas MAIOR Trebiamq; fremebat.

Habes pleraque versibus iis ab alto & animoso poëtâ (talis fuit) inserta, quæ ordine meo imus laudatû. Sed Erinna etiam poëtria audienda est: quam vixisse oportuit, ut hoc carmen est, sub Pompeij, aut circiter, æuum. Nam alioqui plures eo nomine fuisse, non debes nescire. Ea igitur, ad ipsam Romam:

Χαῖρε μοι Ρῶμα θυγατήρ ἄριστε,

Χρυσέρμιχα, διάφερον ἀναστα,

Σεμνὸν ἀναιεις, ὅπῃ γάδε, ὀλυμπον

Aἰὲν ἀθεαστον.

Σοὶ μόνᾳ πρίστισα δέσμουν ποιεῖ

Κῦδις ἀρρήντε βασιλίουν ἀρχᾶς,

Οὐρανούν ἔχοισι κάρτες

Αγαμίσθης.

Σὰ δ' ὑπὸ ζεύγλᾳ πρατερῶν λεπτάδνων

Στέρνα γάιας παὶ πολιάς θαλάσσας

Σφῆγεται. σὺ δ' ἀσφαλέως κυβερνᾷς

Αἴσας λαῶν.

Πάντα δὲ οφεῖλαι οὐ μέγις ἀιδή,

Καὶ μεταπλάσων βίον ἀλλοτ' ἀλλως,

Σοὶ μόνᾳ πλησίσαι τὸν αρχᾶς

Οὐ μεταβάλλει.

Ηὐδὲ εἰ παίστων σὺ μόνα πρατίσους

Ἄνθρας αἰχματάς μεγάλως λοχάδεις,

Εὔσαχος δάμαζες ὅπος αἰσιος

Καρπὸν ἀστοντον.

Filia ὁ Μαρτίς, μίβι Roma salue,

Aureo Regina decora cultu,

Quæ vel in terra stabiles Olympi

Incolis arcet.

Nam dedit solitibi cana Parca

Regium sceptrum, minimè atterendum,

Vt potens rerum domineris vna,

Imperitesque.

Ad tuum currum, retinente frano,

Colla telluris tumidiique ponit;

Illigas, & tu populos gubernas

Firma per æcum.

Ipsa, quæ gaudet variare cuncta,

Resque transformans hominum Vetus,

Spirat hæc vni tibi semper auram à

Puppe secundam.

Denique, in cunctis populis valentem

Procreas bellis sobolem. utque lata

Surgit è terra seges, ipsa abundas

Fruge virorum.

Atque heus tu, virile & plenum spiritus muliebre hoc carmen est; & cur talia tam multa perierunt? Sed Poëtarum hæc laudatio est: audi Historicum. Nulla unquam Respublica nec MAIOR nec SANCTIOR, nec bonis exemplis ditior fuit. Laudat à duplice illo capite quod nos attigimus, & in sermone persequemur, Potentiae

& Virtutis. Quod ipsum virtutumque Ammianus: cùm Romam IMPERII VIRTUTVMQUE omnium Larem appellat. Et plura se offerunt, quæ differo, in suis locis opportuniùs reddenda. Hieronymi elogia audiamus, æuo iam inclinante: Urbs POTENS, vrbs Domina, vrbs Apostoli voce laudata, interpretare vocabulum tuum.

Roma aut FORTITUDINIS nomen apud Græcos est, aut SVBLIMITATIS apud Hebreos. Duplicem interpretationem nominis rei aptam reddit: ego & tertiam, quam dederit lingua nostra: quia *Roma, Gloria & famæ nomen est Germanis. Quid, quòd apud Orientales Indos Rumes appellantur (Osorio ita traditum) milites boni & fortis: an quasi Romani, & admiratio vetus apud eos mansit: an vox indigena id quoque notat? Sed ad rem partesque nostras eamus, aliquid tamen à te præstipulati. A V D.

Quid illud est? Lips. Assensum & fidem. AvD. Tibi non dem, aut habeam? vel nutu me ducas, quòd velis. L I P S. Memento, nam erunt quædam inopinata, & verè A D M I R A N D A. Poëta iure cecinit:

Omnia Romana cedant MIRACULA terra,
Propria
Natura hic posuit, quidquid VBIQVE fuit.

C CAP.



Fines imperij Romani; quando maximi; & Prouinciae breuiter adnumeratae.

IN ITIA nos tenent: nec temerè iam olim dictum, Portam Itineris longissimum esse. At seriò viam ingredior, & quidem per eos limites siue terminos, quos antè obiter posui, Potentiae ac Virtutis. In potentia considero, Fines, Copias, Opes, Opera: & in hanc quadrigam, nisi fallor, subiungam & veham, quidquid ea secum trahit. Ergo de Finibus primò. iij verò quam amplissimi fuerunt, & spatia terrarum ac maris, uno velut sinu & iunctim inclusa, quanta in vlo priorum aut posteriorum imperiorum nego fuisse. Itaque attollunt haud vanè hæc veteres, & magnifice loquuntur, vt Cicero: Nulla gens est, que non aut ita subacta sit, ut vix exstet; aut ita domita, ut quiescat; aut ita pacata, ut victoria nostra imperioque letetur. Et passim illi sermones, Romanos orbis dominos: Solem utrumque in eorum imperio currere: & talia, animo- sè magis, quam superbè dicta. Petronius:

Orbem iam totum victor Romanus habebat,

Quà mare, quà terræ, quà sidus currit utrumque.

Dionysius Halicarnassæus planè cum ipso, et si ante ipsum: n̄ dñe p̄muāw̄ ἀόλις απέδων̄ μὲν ἀρχεῖ γῆς, δὸν μὴ αἰγαλέος ὅστε, ἀλλ' ὑπὸ αὐτοῦ πέποικεται. τὸ δὲ κατεῖθαι τὸ μόνον τῆς ἀντὸς ἐργαλείων σηλῶν, αλλὰ καὶ τῆς ὁμοίωτος, δὸν πλεῖσται μὴ αἰγαλέος ὅστε, πρώτη καὶ μόνη τῆς εἰποτες αἰγαλέων, αἰγαλάς καὶ δύστεις δρυς πομοτεύειν τῆς δυναστείας: Romana urbs imperat toti terra, quà quidem inaccessa non sit, habitaturque ab hominibus; sed & toti mari imperat, non solum huic intra columnas Herculeas, sed ipsi Oceano, quacumque est nauigabilis; PRIMA QVE ET SOLA ab omni memoria terminos sibi potentiae fecit, Orientem & Occasum. Vbi terras omnes & maria trahuit, sed vt decuit historicum bonæ fidei, cum aliquâ restriktione aut exceptione: sciungitque inaccessa aut inhabitata loca, itemque maria ignota. Enimvero, si proprius inspicias, nec habitata quidem omnia loca sub imperio habuit: non hercules: & multa sub Parthorum iure ad Orientem fuere; multa libera, aut sub regibus, ad Septentrionem ac Meridiem: sed vt ego quoque pro vero magis coercam, quidquid opportunum

aut

aut dignum vinci videbatur, vicit. Cetera non tam non potuit, quām contempsit, & iudicio reliquit. Sed illud nemo negaverit, florem Asiarum, Africæ, Europæ in hoc imperio fuisse: ipsa gentium robora, ingenia, opes. Quod vt clarius tibi liqueat, in tripli hac mundi plaga quid habuerint, strictim & per indicem dicam: atque id, cùm imperium maximum & in culmine suo fuit, vt ab Augusto ad Traianum. Termini igitur finesque imperij sub Augusto erant, ab Oriente Euphrates, à Meridie Nilus catarractæ, & Deserta Africæ, & mons Atlas, ab Occidente, Oceanus; à Septentrione, Danubius & Rhenus. Ita enim ipse, bono consilio, instituit, claudere imperium naturæ aliquibus limitibus, & custodes ac milites ad eos habere. Hoc Tacitus in eo ^{1. Ann.} laudat: Clasum mari, aut annibus longinquis imperium. Atque idem scribit, Augustum libello, quo Rationes imperij conscriperat, consilium addidisse, coercendi intra terminos imperij, incertum metu, an per inuidiam. Nolebat, inquam, posteros Augustus proferre terminos: siue quia satis iam partum videbatur, & metuendę bellorum ac fortunę vices, siue per inuidiam, & ne gloriam suam vincerent, vt Tacitus suspicatur. Sanè posteri cōsilium hoc neglexerunt, nec solum regna aliquot, defunctis aut euersis sociis Regibus, imperio adiecerunt; sed etiam, ultra terminos, noua quæsuerunt. vt Claudius, qui Britannias in ipso Oceano deuicit; vt Traianus maximè, qui ab Oriente, Arabiam, Armeniam, Mesopotamiam, à Septentrione, Daciam subegit. Ita moti prolati que tunc termini trans Euphratem, ad Tigrim: iterumque parte aliâ, ad Mare rubrum; & trans Danubium ipsum, tota Dacia addita fuit. Hoc est, quod Tacitus noster in suo illo Principe laudat: Ventum inde Elephantinen ac Sienen, claustra OLYM Romani imperij, ^{11. Ann.} quod NVNC Rubrum ad mare patescit. Sed, inquires, quæ hæc dictio est, quasi pro magno ad mare Rubrum ventum nunc esse: nonne & anteā fuit? Ipsa illa Siene & Elephantine ad Nilicataractas, ostendunt quidquid Aegypti interiacet Nilum & Si- num Arabicum, iam olim Romanorum fuisse. Atqui Sinus ille, Rubrum mare. Respondeo, latius olim Rubrum mare patuisse, & paullo aliter, quam vt vulgo hodie, appellatum. Nam in Taciti, & aliorum veterum verbis, in hoc nomen venit mare Indicum, vastum illud & magnum, quod ab extremo Sinu Ara-

C 2

bico,



DE MAGNITUD. ROMANA

bico, siue ab Africâ eâ, in Auream Ptolomæi Chersonesum se protrahit. Itaque Pomponius Mela, duos Sinus in mari Rubro agnoscit, *Arabicum & Persicum*. Et Seneca Tragicus, *Tigrim in mare Rubrum* exonerat atque immittit: *Curtius Indum & Gangem;* quos certum est in magnum illud mare, longè à Sinu Arabico, euolui. Hæc vera & clara sunt: promoti igitur termini ad mare Rubrum siue *Indicum*, per Arabas adiectos. Eadem mens Græci scriptoris in Suidâ: qui terminos imperij ad Orientem facit *Indos & mare Rubrum*; & *Nili Catarractas, & lacum Maeotin*. Sicut & Appianus ita capiendus, cùm in Præfatione operis sui, distinet Romanum imperium limitat: Tendit, inquit, ab Occasu & illo Oceano occiduo, ad Caucasum montem, & flumen Euphratem, & ad Æthiopas superiores, per Ægyptios & Arabas, ad Orientalem Oceanum. Hic Oceanus Orientalis, non aliud quam *Mare Indicum siue Rubrum*, iam dictum. Sed obiicies, Si ista de Traiani terminis Appianus; quid ita *Euphratem* ponit, *Tigrim* omittit? Hoc ideo, quia Hadrianus Imp. (sub eo Appianus scripsit) statim à morte Traiani, hoc mutauerat. de quo Festus Rufus: *Inuidens*, inquit, *Traiani glorie, sponte Armeniam, ac Mesopotamiam, & Assyriam reddidit, ac medium inter Persas & Romanos Euphratem esse voluit.* AVD. Sed & alia dubitatiuncula, de Mesopotamia, quam tu & Rufus ab Traiano adiectam imperio significatis, at Aurelius Victor iamdiu à Claudio. Lips. A Claudio? nemo hoc dixit, nec potest. AVD. Imò verba Victoris sunt: *Retenti fines, seu dati, imperio Romano, per Orientem Mesopotamia, Rhenus Danubiusque ad Septentrionem, & à meridie Mauri accessere prouincias.* Lips. Hoceo sensu, vt ipsa Mesopotamia finis esset, non vt in finibus contineretur. Eousque, inquam, productum imperium, non & vtrà ipsam. Ea mens Victoris; aut si alia, est error. Et habes ecce in istis finibus, quid? per Indicem, si placet, videamus, & per singulas orbis partes.

IN ASIA:

| | |
|-------------------|--------------------|
| <i>Colchidem,</i> | <i>Armeniam,</i> |
| <i>Iberiam,</i> | <i>Syriam,</i> |
| <i>Albaniam,</i> | <i>Arabiam,</i> |
| <i>Pontum,</i> | <i>Palestinam,</i> |

IN AFRICA:

| |
|--------------------|
| <i>Ægyptum,</i> |
| <i>Cyrenaicam,</i> |
| <i>Marmaricam,</i> |
| <i>Gætuliam,</i> |
| <i>Bospho-</i> |

| | | |
|---------------------|--------------------|--------------------------|
| <i>Bosphorum,</i> | <i>Ciliciam,</i> | <i>Africam propriam,</i> |
| <i>Cappadociam,</i> | <i>Pamphiliam,</i> | <i>Numidiam,</i> |
| <i>Galatiam,</i> | <i>Lydiam,</i> | <i>Mauretaniam,</i> |
| <i>Bithyniam,</i> | <i>Asiam totam</i> | <i>Aliasque minores</i> |
| | | <i>aut ignotores.</i> |

IN EVROPA.

| | |
|-------------------|--------------------|
| <i>Italiam,</i> | <i>Macedoniam,</i> |
| <i>Hispanias,</i> | <i>Epirum,</i> |
| <i>Gallias,</i> | <i>Græciam,</i> |
| <i>Inalpinos,</i> | <i>Thraciam,</i> |
| <i>Rhætiam,</i> | <i>Mæsiam,</i> |
| <i>Noricum,</i> | <i>Daciam,</i> |
| <i>Illyricum,</i> | <i>Pannoniam.</i> |

Habes h̄ic, dico, optima terrarum, latissima terrarum: & magnam tamen partem consultò omisi, quidquid *Insularum* mari ambitur. Ex quam multæ, & magnæ quædam, in toto illo mari mediterraneo fuerunt, à Columnis Herculis, ad Pontum usque profecto, quæ vel decimam partem pñè prouinciarum terrestrium æquent, si *Britannias* in exteriore mari (vt debes) adiungas. Pulchra autem ista facies, & non nisi à Prouidentiâ sic ordinata & ornata: quam mecum vide. Vtrimeque ad hoc mare mediterraneum prouincie se porrigunt & extendunt: ipsum in medio, tot partibus & insulis distinctum, quasi via & limes est, per quem commerciis iungantur. Nec aliud mihi pulchrius commodiusque videtur in hoc imperio, quam iste velut in medio corpore baltheus, bullis insularum interstinctus: qui & dividit simul, & constringit. Dabis mihi aliud tale, & tantum? non dabis. AVD. Imò Lipsi, *Turicum*, & Regis quoque nostri *Hispanicum* imperium, haud longè absunt. Lips. De Turcico, tandem est, in Asiatâ & Africâ latè se extendisse: sed in validissimâ Europâ nostrâ quid habet, aut non habet? Certè vel sola Italia, Hispania, Gallia iunctæ, opibus viribusque pares sint, aut superent illum hostem. O si Deus daret! adeò nec prouinciae illæ Orientales, pro opibus & frequentiâ priscâ, sunt, & nostræ istæ, florem nunc habent & vigorem. Quid de Germanâ dicam? illa olim horrida & rerum inops, quam artibus, opidis,



copiis que exulta est, & abundat? AVD. Mirificè. & hæc tamen Imperio tuo etiam deest. LIPS. Non sic, vt opinare. Nam si terminos meos cogitas, videbis ad Danubium usque, Rætias, Noricum, Carnos, Pannones inclusos: & parte alterâ ad Rhenum, Helvetios, Rauracos, Argentoratenses, Nemetes, Vangionas, Treuiros, Ubios, Menapios, Batauos, ad Oceanum ipsum. Quæ pleraque omnia Germaniæ hodiernæ nomen, & linguam, & leges etiam, habent: at detracta, vides quâm eam arctent, & pulcherrimis membris spoliatam relinquunt. Certum autem, hæc postrema omnia, cis Rhenum, Galliæ fuisse olim accensa. Sed de Hispanico imperio quod aiebas, id sanè, spatia terrarum si consideras, præfertum in Nouo illo orbe & insulis, Romanum longè vel superat: sed iunctio & deuinctio prouinciarum, viri & copiæ, quâm deficiunt & delinquent? Nunc quidem, nam postea quid futurum sit, nescio: florebunt, crescent fortasse, & sensum meum tibi dicam? Nescio quo Prudentiæ decreto, res & vigor ab Oriente (considera, si voles) in Occasum eunt.

C A P. I I I I .

De copiis & præsidis sparsim circa limites, itemque in ipsâ vrbe.

STI Fines igitur Romani & quidem mari, amnibus, montibus clausi ac muniti, sed Milite & Copiis multo magis. Nam Romanus mos & institutio, duplii viâ prouincias munire, Copiis & Colonis: de quibus utrisque breuiter dicendum. Copias intelligo, perpetuum militem, qui ad tutelam imperij, ex instituto Augusti, fuit. Triplices eas reperio, Provinciales, Urbanas, Clas- sicas: illas maximas, alteras satis validas, & tertias utiles atque opportunas. Omnia hæc ab Augusto; qui sapienter pleraque in nouo imperio aut instituit, aut restituit, vt res visæ postulare. Hoc autem inter noua: & in laudibus Augusti iam mortui Tacitus ponit, Legiones, prouincias, classes, cunctæ inter se connexa. Narrat & Suetonius: Ex militaribus copiis, legiones & auxilia prouinciatim distributa. Sed bene Tacitus, cunctæ connexa: nam ita ordo & dispositio fuit, vt limitanea loca militem haberent, interiora vix haberent: & essent, vt in magnâ vrbe, circa moenia dispositi & vallum. Cohærebant autem prouincias, ideoque & legiones, per cohortes suas & alas sparsæ, &

inter

inter se vicinæ. AVD. Sed non igitur Arces in locis interioribus saltem erant, si non legiones? LIPS. Apage à Romano hoc more. nusquam in iis præsidium aut spes posita Martiali huic populo, sed in milite tantum & armis. Et sanè de Arcibus variè disputari potest: sed non tempestiuè in hoc loco. pergamus. Miles igitur ad Limites, vbi minimo oneri subditis, maximo usq; in hostes esset. Quantus? sub Augusto & Tiberio vigintiquinque legiones fuerunt, ex Dione & Tacito: quin postea tamen auxerint, vix dubito, & sub Traiano atque Hadriano certum fuisse triginta, aut & suprà. Columella, in quâ legionum nomina, tum & alia quædam hoc euincunt: diximusque aliquid in *Analecis Militiæ Romane*, illuc, si lubet, videndum. Hæ legiones, Augusti & Tiberij æuo, sic dispositæ:

In Hispaniâ legiones III.

In Galliâ ad Rhenum, VIII.

In Africâ, II.

In Ægypto, II.

In Syriâ ad Euphratem, IIII.

In Mæsiâ ad Danubium, II.

In Pannoniâ ad Danubium, II.

In Dalmatiâ, II.

Sed mutabant interdum, quod Tacitus in IIII. Annalium notat, & ob causas huc atque illuc ibant, aut sedebant. Quædam autem legiones & in opidis erant, etsi pleræque in castris: sed in opidis dico, quæ valida aut magna, & ideo motui aut rebellioni opportuna. Talis Alexandria in Ægypto: de quâ Strabo. Sunt tres in Ægypto legiones. quarum una in vrbe collocata est, aliae per regionem. Præter has, sunt & nouem cohortes Romanorum, tres in vrbe item, tres in Æthiopie finibus ad Syenen, præsidium locis; tres in aliis partibus. Sunt & aliae equitum tres. Simile de Beryto Syriæ, idem Strabo: Hæc euersa fuit à Tryphone, instaurata & suscitata à Romanis, duas legiones suscipiens, quas Agrippa ibi collocavit. Causa fuit, sedes item vrbis ad ipsum mare, & locorum cohortum claustrum. Ita à tergo alias legiones Syriam defendebant aut premebant, hæc sita in fronte. In Hispaniâ, vt idem Strabo, Bætica quæ populi erat, milite vacabat: reliqua Hispania habebat. Similia adnotare plura possim, & causas dare aut tangere: sed diffusione nō gaudeo, vbi res non poscit. Hoc magis è primis illis Strabonis obseruo, socias etiam cohortes aliasque fuisse, præter ipsas Legiones: & vt illuc vides, numero satis gradi. Enim uero nouæ illæ cohortes (sociales fuisse dico, etsi ipse Romanas appell-



appellat: sed hoc ideo, quia militabant sub Romanis signis) pñne legiones tres æquarunt, nec minores eas millenariis fuisse opinamur. Tacitus id quoque dixit: *apud idonea prouinciarum, socias tritemes, & alas, auxiliaque cohortum, nec multo secus in iis virium fuisse: sed persequi, inquit, incertum fuit, cum ex vsu temporis, buc illuc mearent, gliscerent numero, & aliquando minuerentur.* Ecce disertim, *haud secus, id est, non minus in iis virium fuisse, quam in legionibus ipsis: imò plus interdum, idem ostendit.* vbi legionis *Decima & quartæ auxilia, octo cohortes Batauorum facit.* Atque alibi, in minoribus prouinciis, solæ cohortes aut alæ fuerunt, vt in Rætiâ, Iudæâ, talibus, & quæ Procuratoribus regebantur. Interdum & in opidis interioribus, ad coërcendum: vt Lügduni in Galliâ, Tacitus cohortem XVIII^{am} locat, idem Foroij Ligurum cohortem, *vetus loci auxilium.* Et tale alibi. Huc equidem Iosephi verba referam, alioqui paraloga, non solum paradoxa: apud quem Agrippa ad Iudeos loquens adserit, Galliam illam tam validam, tam latam, *mille ducentis militibus in officio contineri.* Profectò octo legiones totæ fuerunt, sed quia istæ in extremâ Galliâ, ipse copias modò numerat, quæ introrsus in eâ essent. Hæc ita sub Augusto: vt tamen tetigi, creuerunt. & primùm Claudius Imp. Britanniâ domitâ, legiones in eâ *tres* locauit, manseruntque. Tum Vespasianus duas etiam in Cappadociâ: & Traianus deinde in Daciâ duas. Istæ Prouinciales copiæ: *Vrbanae* fuerunt, quæ sedem Romæ & in ipsâ dominâ vrbe habuerunt. Quo sine dupli, vt Principem in eâ tuerentur, & vt ipsam vrbem. Principis custodiæ triplex miles fuit, *Prætoriani, Euocati, Bataui.* Primi in nouem cohortes diuisi ab Augusto, flos militum, fide, robore, & gente. Exemplum instituti huius fuit, à Prætoriis cohortibus in exercitu, quæ circa ipsum Imperatorem, & ad eius tutelam erant. Augustus in bellis ciuibus plures habuit, & viator quoque retinuit in pace, contra motus subitos, & ad plebem Romamque coërcendam. Nam fuere nouem millia militum, non robore solum, vt dixi, sed stirpe & domo eximis: nec capti nisi ex Etruriâ, Umbriâ, Latio, & Colonis antiquis, quod Tacitus ita etiam notauit. Gloriantur igitur hoc sanguine: & ideo Otho iis blandiens, & in concione alloquens, *Italiæ, inquit, alumni, & Romana. vere inuentus.* Nam

Lib. 111.
Annal.

Tac. 1. His.

legionibus aliis, exteri iam & ciuitate donati, crebri miscebantur. *Nouem* dixi fuisse: idque aperte Tacitus: *at Dio decem scribit.* Nam ita in rebus Augusti: *οι σωματοφύλακες μύετο ὄντες, καὶ δεκάχι τετραγένεοι: Custodes corporis Augusti (Prætoriani) decem mille erant, atque ij in decem partes, siue cohortes diuisi.* Hæc dissonant: & fallitur Dio? an pro suo æuo dicit? Illud potest, hoc vix potest: quia eius æuo (vixit, sub Alexandro Seuero, & prioribus) iam plures denis illis erant. Exemplum à Vitellio, qui primus, opinor, auxit. Tacitus de eo, Romam ingresso: *Confusus prauitate, vel ambitu, ordo militiæ. Sedecim Prætoriæ, quattuor Urbane cohortes scribebantur, quis SINGULA MILLIA inessent.* Sed an ille tamen primus? an non Claudius Imp. ante fecerat? Lapis vetus (quid contra eum dixerim?) affirmat: *C. GAVIO. L. F. STEL. SILVANO TRIB. COH. II. VIGILVM. TRIB. COH. XIII. VRB. TRIB. COH. XII. PRAEFOR. DONIS. DONATO. A. DIVO. CLAUDIO. BELLO. BRITANNICO.* En, ille verò sub Claudio vixit, & donis ab eo donatus in Britanniâ: & tamen *Tribunus* scribitur *Duodecimæ Prætoriæ cohortis.* Sculptor errat? sed idem est in *Urbanis*, vbi *Decimatertia* nominatur. Quid? an hic Gaius potius, iuuenis Britannico bello interfuit, & tum senior sub Vitellio militauit? Omnino dixerim: nec tempora refragantur, potuitque vel sub illo, aut statim ab illo, Tribunatus hos gessisse. Nam eam auctionem dixerit aliquis mansisse: argumento eorumdem lapidum, in quibus crebro, grandiore numero, sic legas. Istis *Castra Prætoria* fuere, ad Portam Viminalem: vt arctius, & in disciplinâ haberentur, secreti à ciubus & vrbe. Sed *Euocatos* iam addo: de quibus Tacitus, atque alij, silent (quod equidem obseruauerim) at non Dio Cassius, qui adiungit aperte. *Euocatis, inquit, Augustus uti iam cœperat in Antonium olim, eosque & postea seruauit.* Sunt autem hodieque propria quædam & separata manus, & vites ferunt, instar *Centurionum.* Hoc ille, vbi ex professo de custodiâ Principis scribit. Facere huc videtur, quod Suetonius in Galbâ notat, *dilegisse cum equestris ordinis iuuenes, qui manente aureorum anulorum vsu, EVOCATI appellarentur, excubiasque circa cubiculum suum, vice militum, agerent.* Instituisse hoc eum planè dixeris, exemplo custodiæ Principalis, quem Principem scilicet nunc agebat: etsi non veteranos quo-

D.

Lib. 111.

Lib. LV.

11. His.

Lib. LV.

dam.



dam milites, sed Equites ipse elegit. An non ibidem & munus
istorum Euocatorum expressum? nempe ut circa cubiculum Prin-
cipis excubias agerent: ego omnino opinor: et si valde miror, nus-
quam (nec occasio defuit in urbanis illis motibus, aut Princi-
pum cædibus) nusquam, inquam, à Tacito vel Suetonio, vel
ipso Dione alibi, nominatos. Tamen quod in lapidibus crebro
legitur, EVOKATVS AVGUSTI, me iudice haud aliò est referen-
dum. Tertij sunt Bataui, equites peditesque. Dio Cassius: *Sunt
& exteri Equites selecti, quibus Batauorum nomen est, iisque equitandi
peritisimi.* A v d. Da veniam, interpollo te: Bataui equites
hoc est simile, ac si dicam Venetos equites esse. Et Bataui sanè
nostrí, aliis illis equis veliuolis & ligneis, per Neptuni æquor
optimè discurrunt: hos terrestres, parcè aut parum dextrè tra-
ctant. L I P S. Vetera loquimur: gens ea tunc Martem potius,
quam Mercurium colebat. Et quæ gloria * vicinis illorum in
equite nostrâ etiam memoriâ fuit: ea ipsis olim. Credo autem
intellegi tunc quoque superiores illos Batauos maximè, qui
Geldriæ nunc accensentur: nam inferi & ad mare, nec ipsi, nec
regio eorum equis satis facti, aut apti. Sed Bataui igitur boni
Equites: fuere & Pedites, et si Dio silet. Tacitus alijque dicent,
qui tamen hos modò Batauos, modò Germanos appellant: sed
dixeris Dionis æuo Pedites non fuisse. Caussa, quia Galba Ger-
manorum cohortem, institutam iam olim à Cæsaribus, ad custodiā corporis, &
multis experimentis fidissimam dissoluit, ac sine ullis commo-
dis remisit in patriam: quod Suetonius in eo scribit. Dicit Cohor-
tem: ergo pedites fuere: & addit ab ipso solutam militiâ ac di-
missam, nec postea fortasse restitutam. Non reperio quidem vl-
trâ nominari: & in Notitiâ imperij, dumtaxat Bataui equites, Se-
niiores Iunioresque. Vtraque autem hæc manus quanta fuerit, &
Dio ignorare se fatetur: Batauorum, inquit, numerum, sicut nec
Euocatorum, satis certò possim dicere: quid ergonos conemur? Pu-
to tamen Batauos haud minùs duabus alis plenioribus fuisse,
& vt minimum mille Equites: Pedites etiam olim ad mille. Euo-
cati autem, ij quoque cohors vna millenaria sunt. Alter nunc
miles in vrbe, & pro vrbe, duplex est: *Vrbanae, & Vigilum cohore*
tes. De prioribus Tacitus: *Quamquam insideret urbem proprius mi-*
les, tres urbanae cohortes: & mox ostendit eam quoque lectam,
& non

& non nisi Italiam manum fuisse. Sed tres ipse dicit, Dio in Au-
gusti dispositione, quattuor. οι της πόλεως φρουροί, inquit, ἔξαρχοι,
καὶ τετράρχοι νομάρχοι: *Vrbis custodes sex millia, & in quattuor partes di-
uisi.* Miror & hīc dissensum, nec concilio. Si tamen numerus
tantus, vides grandes istas Cohortes fuisse, atque etiam supra
Prætorianas. In Taciti antè verbis, de Vitellio, notare potuisti,
ab eo denique factas quattuor urbanas cohortes, sed quæ non nisi
singula millia haberent: vnde igitur tantas sub Augusto? Intrica-
ta hæc fateri oportet, & mihi pænè libido in Tacito ibi legendi,
quattuor decim urbanæ cohortes. Cùm enim tam largiter Prætorij
militem auxerit, cur non pariter & Vrbis? Vnica ista cohors ad-
iecta, in paruo sit: & facit validè, quod lapides ab illo æuo, gran-
diorem hunc numerum suadent. In illo superiùs recitato erat,
TRIB. COH. XIII. VRB. & in alio sub Antonino Imp: C. CESTIO.
C. F. STEL. SABINO. TRIB. COH. XIII. VRB. DONAT. AB.
IMP. ANTONINO. AVG. HASTA. PVRA. Pluribus etiam la-
pidibus hi tales numeri in vtrisque cohortibus, sed nomina
Imperatorum aut æui certa indicia, nō semper adiecta. Hic ipse
Antoninus quis fuit? fortasse Caracalla Seueri filius: atque ita mi-
nùs miror, quoniam in Herodiano Seuerus gloriatur & lo-
quitur, vbi filios ad concordiam hortatur: *Possit eos securè agere,* Lib. 111.
*si velint, pecunia multà à se parata, της τε ἐπέμβασιν διωάγεως, αὐτῆς τε εργα-
πτικοτείσις, καὶ σεριωτέου Γούρου ωραίης πόλεως ιδευθήτω, οἵς μηδε-
μίαν ἔχει διωάγειν ἔχει γυναικῶν μηδὲ αὐτίπαλον, πάντες σεριώτου, μήτε μεγά-
θει σωματίου, μήτε γεννατέων σεριώτια: & copiis iis quæ Romæ sunt IN
QVADRUPLEM auctis, tantoque exercitu ad Vrbem sedente, ut nulla
externa vis par esse ei posbit, siue MVLTITUDINEM spectes, siue corpo-
rum magnitudinem, siue cultum & abundantiam. Hanc mutatio-
nem & augmentum facta à Seuero, cùm Juliani Prætorianos
circumuénit, & armis exuit, probabile est, & in eorum locum
Illyricanos grandi numero factos. Verba quidein Herodiañi
clara sunt, & sic mansisse ad Constantinum videntur: qui fa-
uentes Maxentio sustulit, nec alios ordinavit. A v d. At
enim si in quadruplum ita auxit Seuerus, & Vitellius iam tot
Cohortes fecerat: quid dicemus? oportuit vel suprà LX. co-
hortes fuisse. L I P S. Benè oppugnas: & iam de Vitellij dubitare
incipio, an dicam mansisse. Illud teneamus tamen, haud dubiè
auxisse*



auxisse valde Seuerum, cum Herodianus disertè scribat, cui-
cumque vi externas parem aut superiorem hanc internam & urbanam
fuisse. Sed redeo ad Urbanas meas cohortes: quarum officium
principium, tueri urbem. id est, motus aut turbas plebis coér-
cere, noctu circum tempa, fora, basilicas excubare, stationes
agere contra grassatores aut sicarios; itemque Præfecto urbis
(qui caput iis erat) apparere. Itaque & extra urbem interdum
puto dispositos, cum eius Iurisdictio ad centesimum lapidem
porrigeretur. Quod autem Præfectus caput, in Tacito clarè
scriptum, de Flauio Sabino, qui tunc in eō munere: *Esse illi PRO-*
PRIVM militem cohortium urbanarum: nec defuturas Vigilum cohorts. Quas nunc adiungo (*Vigilum dico:*) & moneo eas quoque
ab Augusto esse. Nam is cum crebra incendia in magnâ illâ &
frequenti vībe videret, remedium quæsuit firmum & perpe-
tuum, militemque ex libertinis collegit, & in septem cohortes
digessit. Id factum anno urbis DCCLIX. Et quanquam præci-
pius hic finis & instituendi caussa fuit, tamen seruisse etiam
tutelæ urbis, & contra nocturnos fures aut grassatores, non est
ambigendum. Minus lecta hæc manus fuit, & ministerio po-
tiùs quam militiæ facta: tamen ut regi melius iuberiq; possent,
digesti in Cohortes, & Centuriones Tribunosq; suos accepere.

C A P V T V.

De copiis in mari, aut fluminibus; de Classibus variis, earumque sedibus.

TERRESTRÌ milite satis limites, & vitalia imperij, id est
Romam ipsam, muniuimus: nunc & maritimo, siue flu-
uiatili etiam, muniamus. Nam cum mare medium per totum
illud imperium iret, ut diximus; cum etiam flumina magna
clauderent vel ambirent, utile censuerunt, *Classes* perpetuas in
vtruis parte esse, quæ & piratas cohiberent, & hostes exclude-
rent, & suis etiam transitum aut transvectionem, cum opus es-
set, statim darent. Prudens & pulchra inuentio: fueruntque
Classes in ipso mari quatuor, in Fluminibus tres, nisi fallor. Vide-
bimus ordine, & quod occurret, dicemus. Primæ duæ maiores
se offerunt, & *Prætoriæ* dictæ, *Misenensis* & *Rauennas*. Quare
Præto-

Prætoriæ? (sæpe enim ita in lapidibus:) opinor dignitatis caus-
sâ, & quia inter minores alias, ut Prætoria aliqua nauis, emine-
rent. Nam Præfectus sanè earum non fuit Prætor. Hoc quoque
ab Augusto institutum, norante Suetonio: *Classem Miseni,* (t)
alteram Rauennæ, ad tutelam superi & inferi mariis collocauit. Et Ta-
citus de iisdem: *Italiam utroque mari duæ classes, Misenum apud (t)*
Rauennam, præsidebant, Sed distinctissimè Vegetius, qui nume-
rum & plura aperit, his verbis: *Apud Misenum & Rauennam, SIN-* Lib. 111.
GVLAE LEGIONES cum classibus stabant, ne longius à tutelâ urbis
abscederent, (t) cum ratio postulasset, sine morâ, sine circuitu, ad omnes
mundi partes peruenirent. Nam Misenatum classis, Galliam, Hispanias,
Mauretaniam, Africam, Ægyptum, Sardiniam, atque Siciliam, ha-
bebat in proximo: classis autem Rauennatum, Epiron, Macedoniam,
Achiam, Propontidem, Pontum, Orientem, Cretam, Cyprum, petere di-
rectâ navigatione consueverat. Ait singulas legiones in singulis fuis-
se: pro more sui ævi, aut parùm conspecte, locutus. Non enim
Legiones propriè erant, sed dumtaxat Cohortes, eæque decem, &
Tribunos suos siue *Chiliarchos* (à numero cui præerant) habe-
bant, itemque Centuriones. Enimvero Tacitus non semel
ostendit, Classiarios militiam legionariam, ut honestiorem pe-
tijisse: & aliquando impetrasse: non ergo habebant. Quomodo
autem? exteri plerique, & nec ciues erant. Tacitus de classe Ra-
uennate: *Ambiguos militum animos, quod magna pars Dalmatae*
Pannoniique erant. Et in Tabulâ, quæ Venetiis adseruatur: HA-
DRIANVS. IMP. IIS. QVI. MILITAVERANT. IN. CLASSE.
PRÆTORIA. MISENENSI. SEX. ET. VIGINTI. STIPENDIIS.
EMERITIS. DIMISSIS. HONESTA. MISSIONE. IPSIS. LIBE-
RIS. POSTERISQUE. EORVM. CIVITATEM. DEDIT. Si de-
dit, non antè habebant. Clara & vera hæc sunt, ac naualis mili-
tia, vilis semper & vilium, apud Romanos. De Miseni igitur
classe, liquet apud Misenum, pulcherrimo sinu, eam stetisse.
Virgilius doctè indicauit, cum Misenum illâ sepelit Æneas,

Imponit suaque arma viro, remumque tubamque.

Nam & Remum & Tubam dat, præsignificans locum hunc futu-
rum vbi & Remiges & Milites in classe essent: Milites, quos
Tuba notat. Etsi autem naues ibi & classis, tamen Castra etiam
in terrâ & ad portum ipsum fuisse, commoditas eorum exigit,



30

DE MAGNITUD. ROMANA

& lapides qui saepe effodiuntur, dicunt. Inter eos isti:

D. M.

D. M.

C. IVLIO. QVARTO

TI. PETRONI. CELERIS

VET. EX. PR. N. GALLO.

NAT. ALEX. EX. III. ISIDE

D. M.

C. SENIO. SEVERO. MANIPLARIO

EX. III. FIDE. NATIONE. BESSVS.

Notę breuiores in iis, hoc volunt: Veterano ex Praetoriā naue Gallo. item: Natione Alexandrino, ex tertia Iside. iterumque: Ex tertia Fide. Gallus autem, Isis, Fides, nomina nauium sunt, ab imagine aut tutelā. In his item portibus, præter Castra, Pharos siue Turres quasdam ad prælucendum noctu fuisse, Plinius mihi suggerit: ille Plinius, qui ipse fuit classis Misénatium Præfectus.

Lib. xxxvi.
cap. xii.

Vsus Phari, nocturno nauium cursu ignes ostendere, ad prænuncianda vada, portus ve introitum: sicuti compluribus iam locis flagrant, ut Puteolis, & Rauennæ. Pharos Puteolana, ad hanc Milenensem fuit. At verò altera, sicut & ipsa Classis, Rauennæ. Notum & nobile etiam opidum, ob sedem ibi postea regni Gothorum. Et ipsam, & Classem autem, Iornandes optimè notificat, ex Dione: Ameridie, inquit, Padus, qui & Eridanus, ab Augusto Imp. altissimā fossā demissus: qui septimā sui aluei parte medianam influit ciuitatem: ad ostia sua amoenissimum PORTVM habens, qui CLASSE ducentarum quinquaginta nauium, Dione referente, tutissimā dudum credebatur recipere statione. Qui nunc, vt Fabius ait, quod aliquando portus fuerat, fatisissimos hortos ostendit, arboribus plenos, verū de quibus pendeant non vela, sed poma. In fronte verborum vides, Augustum aptasse locum & portum, fossā percussā: in medio, Dionem auctorem, de nauibus CCL. quae illīc caperent. Sed vbi hoc Dionusquam in libris qui nunc sunt, sed dixit (opinor) in Vitellij rebus, vbi multa mentio classis Rauennatis, ob transfigum eius & turbas, quas & in Tacito habes. In ultimo ostendit, esse desisse & portum & classem. Atque hæ duæ sunt Maiores illæ classes maritimæ; sequuntur duæ Minores, prior in Galliâ, coloniâ & portu Foroiuliensi: tum ad ipsam Galliam, tum ad Hispanię illam oram tuendam. Tacitus de eâ, eiusque auctore: Gallia proximum Litus ROSTRATAE naues prædebat, quas Atticicâ victoriâ captas Augustus in opidum FOROIV-

LIENSE

LIBER PRIMVS.

31

LIENSE miserat, VALIDO cum remige. Habes Augustum auctorem, habes Rostratas & bellicas, itemque Validum remigium. Satis ergo & grandis, & instruta ea classis: cuius idem Tacitus in rebus belloque Othonis cum Vitellio meminit. Est autem hoc Forum Iulij in Galliâ Narbonensi, loco quem Strabo designat: Nauale, inquit, Cæsaris Augusti, quod Forum Iulum vocant. Situm est inter Olbiā & Antipolim, abestque Massiliâ stadiis circiter sexcentis. Notat nauale siue receptaculum classis esse: ideoque & à Plinio ipsa vrbs Classica dicta, itemque Colonia Octauanorum, quod octaua legio cō deducta. Altera minor in ipso Ponto: id est, in capite & fonte mediterrei matis. De eâ Tacitus capiendus: Mucianus classem è Ponto Byzantium adigi iussit. Ergo statio ei suprà Byzantium fuit: sed vbi, ignoro. Numerum eius è Iosepho possum dare: Pontice, inquit, omnes gentes tribus milibus militum subduntur, & QUADRAGINTA naues longæ (rostræ) illud asperum & innavigabile pelagus tutum pacatumque præstant. An non & tertia etiam Ostia? Suetonius suggerere videatur in Vespasiano: Classiarios qui ab Ostia & Puteolis Romanam per vices pedibus commeant. Nam Classiarios Ostia ponit: & fortasse Claudio instituit, portu eo instructo. Sed certum non habeo: & potuit esse ibi pars è classe Misénensi. Potest & sensus esse, vt Puteolis Ostiam nauibus venerint, inde pedibus Romanam ad res celeriter nunciandas. Transeo ad Classem fluminum: & prima est in Rheno. de quâ Panegyricus: Cū totus ARMATIS NAVIBVS Rhenus instrutus fit. Ait totum Rhenum: ergo diuisam per partes censeo, vt & militem ipsum terrestrem. Florus ostendit, Bonnæ & Geldubæ (si proba modò lectio) fuisse, ex instituto Drusi: Bonnam & Geldubam pontibus iunxit, CLASSIBVS QVE FIRMAVIT. Ergo ibi pars, pars & certò ad exitum fluuij, vbi Pharus olim, quam nunc Arcem Britannicam vocant. Hanc opinor esse, quam Classem Britannicam Tacitus in bello cum Ciuiili appellat: quia & in Britanniam ea commeabat. Sed tota classis communiter Germanica dicta: & sic in eodem Tacito leges, Iulum Burdonem, Germanicae classis Praefectum. Hæc partitio classium Taciti loca apriret, aut conciliabit, quæ pugnaturite inter se videntur. vt cùm scripsit, Vniuersam quatuor & viginti nauium classem transfigisse v. Hir. (ad Ciuilem) aut captam esse. An igitur vniuersa ea, non nisi tot nauium?



nauium? Imò postea iterum facit Ceriale nauibus pugnasse, et si numero imparem, sed magnitudine earum potiorem. At qui struere tam citò non potuit: sed nempe ex alia parte, atque adeò grandiores tritemium, quæ ad Oceanum & Pharum, sumpsit. De his nauibus Hegesippus ex Iosepho ita scribit: *Rhenus itaque iam non Germanorum copiis repletur, sed Romanorum liburnis, quæ pererrantes TOT VSQVE AD MARE bicornis amnis fluenta, quoniam liberas gentes seruitio premunt.* Legendum autem illuc, *Copulis Germanorum:* estque nauium minorum genus, quod ipsi Germani sic à vinciendo & ligando dicebant. Dicit earum loco *Liburnas* iam rostratae que Romanorum esse: credo, biremes. quas & pererrasse totum amnem identidem scribit: & an ideo *Lusorias* dictas? Vox crebra in Ammiano, Vegetio, aliisque. Al-

xii. Annal. *Kopta-
len.

ter classis Fluuiatilis, in Danubio, de quâ Tacitus: *Vannius funditur prælio, & ad classem in Danubio operientem perfugit.* Nominantur & Vegetio *Lusoriae*, quæ in Danubio COTTIDIANIS vtuntur EXCVBIIS. In Codice Theodosiano titulus, *De Lusoriis Danubij.* In Nouellâ quadam: *Castrorum quinetiam ipsis, luxuriamque curam mandamus: legendum, Lusoriarumque.* Credo & tertiam fluuiatilem in Euphrate fuisse: quidni in magno flumine, & contra Parthos? Ammiani aliquot loca suadent, et si non cogunt: nec alibi certò legi. Habet totam munitionem imperij, terrâ marique: an non validam, utilem, opportunam? sed & adspicere aut cogitatu pulchram, cum imaginem proponis (Aristide delineante) magnæ urbis, cuius fossæ, flumina essent; turres & propugnacula, militaria in finibus castra aut castella, ipsa mœnia, non è latere vlo aut lapide, sed ære ac ferro tot prætentendum legi- num. Avd. Mehercules delector, & cogitatione peragro ac iungo, quæ locis situque diuisa. Sed ipsam summam totius præsidij cur non expressisti? Lips. Facile est, & per te possis: quantum quidem certus partium dictarum est numerus. Vbi non, diuinctur. Aio igitur in prouinciis copias non minus fuisse, Legionum, Cohortium, Alarum, ducentis quinquaginta millibus, aut circa: & sic, ut legiones nec plenissimas, sed IIII. millium accipiamus. In Urbe, ponere liceat in vniuersum ad XXVI. millia militum: & post Seuerum, vel ad sexagenam. In classibus omnibus, haud minus centum millibus militum remigumque. Ita

fiant

fiant in vniuersum, supra quadringenta millia ordinariorum: et si Agathias Historicus plures etiam, & largiter, fuisse asseueret. Nam de Iustiniani æuo loquens, negat copias Romanorum tantas, quantas OLIM esse: nec iam sufficere tutele imperij, contra hostes. Cum enim, inquit, ad SEXCENTA QUADRAGINTAQVINQUE MILLIA militum vniuersas eas colligere oporteret, vix tunc in centum quinquaginta millibus consistebant. Hæc ille scriptor, & credo vera atque explorata (cum tam curiosè numeret) attulisse. Oportuit igitur Auxiliares copias grandes fuisse. Avd. Imò an non legiones fortasse plures facienda sunt, & vel ad XLIII. ordinariæ sub Augusto ac deinceps locandæ? Hoc enim & Orosius & Appianus dicere videntur: & vir doctissimus ita affirmat. Lips. Errat ille vir doctissimus: nec aliter sub Augusto fuit, ac dixi. De Orosio & Appiano, hoc saltem dicunt, Sexto Pompeio in Siciliâ victo XLIII. legiones, iunctis omnibus copiis (& Lepidi nempe, & Sexti, & ipsius) in vniuersum, Augustum habuisse: sed hoc non addunt, & seruasse. Ille verò non seruavit, sed sparsit, & in Colonias misit, de quibus ordo & hæc admonitio suadent iam dici.

C A P V T VI.

De Colonis, & modus fructusque deducendi.

PRAEMISI verò, Præsidia militum in longinquis limitatisque locis fuisse, pauca aut nulla in prouinciis mediis: imò plerique earum sine milite aut armis ullis. Quid ergo tuebatur interiora, & quieta præstabat? Coloniarum deductio, optimo & sapientissimo Romuli inuento. Nam ad illum consensu referunt, qui vietiis finitimis opidis aut gentibus, partem earum solitus in urbem & ad se traducere; partem illuc relinquere, sed sic ut Romanos suos misceret, custodiam & regimen, ne quid mouerent. Eos ita missos, Colonos appellauerunt, & ab agrorum nouæ dedicatione culturæ (ait Hyginus) ipsas Colonias appellauerunt. Ratio & modus erat, ut agri diuiderentur viritim: idque à Triumviris, quos graues & prudentes viros huic rei legere solebant: qui & sedes, agrosque, & ipsum opidum (si condendum esset) disponebant, & iura ac formam nouæ quasi reip. dabant. Sic tamen, ut omnia Romam & urbem matrem referrent. ipsis quoque

E



quoque locis, Fora, Capitolia, Templæ pro illâ imagine essent; & in gubernatione, *Duumiri* plerisque coloniis, quasi duo Consules, *Ædiles* item, & *Decuriones* pro Senatu. Varia in hoc instituto vtilitas, quam licet percurramus. Prima, quod al- leuabatur vrbs ipsa princeps, & superfluam nimiamque multi- tudinem, vt sanguinem emittebat. Ita victus facilior, ita turba minor, & turbæ quoque, faciles oriri inter tam confertos. Sed & soboli magis vacabant libentiusq; sic vacui: non aliter quam arbores aut plantaria magis se diffundunt & propagant, vbi in arcto non stipantur. Altera vtilitas, ipsos hostes aut subditos tangit. Vbi enim Coloniae sic collocatæ, loca frequentabantur, colebantur, poliebantur etiam, nouorum hospitum aduentu, & artium inuestu. Diuina Providentia hoc fine Græcos olim in Asiam, Europam hanc nostram, vsque in Hispaniam, per ma- ritima loca misit & disposuit: vt rudes feroceſq; humanitate & elegantiâ percolerent, atque ad mitiora studia & mores trans- ferrent. Quod idem Romani mox fecere: & iis cultū hunc om- nem debet pulcherrimus Europæ tractus. Tertia vtilitas, quæ præcipue in oculis Romulo & Romanis, Presidiū in subiectos. Sparsa hæc tot opida, locis opportunis, & in iis Romanus san- guis: quid nisi tot arces & propugnacula erat imperij Romani? Dicamus quidlibet: nihil tam validum, quam talis aliqua de- ductio: & vbi ij qui agros in alieno accepere, semper obligâtur aut tueri iura imperiumque donantium, aut pelli, si & ij pellan- tur. Atque hic primus, vt dixi, præcipuusque aspectus: accessuere mox, valde auctâ re Romanâ, duo alteri. Prior, vt plebem ino- pem & grauem sic exaurirent: alter, vt militibus emeritis præ- mia largirentur. Nam ecce in tantâ yrbe, & crescente ciuium tenuioru numero, per tot manumissiones: que ratio alendi aut subsistendi fuit, nisi vt emitterent non aliter, quam vbi algea- ria plena, noua examina in alia & noua transfunduntur. Sic &, occulto Politico consilio, sentina & sex vrbis educebatur: pu- riormeliorque pars asseruabatur. Iam verò in militibus pul- chrum. & quis non libens in eam Militiam se impenderet, vbi & post eam tam magna & certa præmia essent? Agri & sedes da- bantur, regimen illuc & honores, pecunia etiam (nam sic Augu- gustus instituit) ad instrumenta, iumenta, & siquid opus, coe- mendum.

mendum. Ego verò dixerim, nec isto æuo Militiam satis bo- nam, fidam, facilemque futuram, nisi tali præmiorum ratione: nec difficile, cum magno bono publico, excogitare. Ista igitur deductio Coloniarum, & cauſæ: in quibus tamen tyranni aut violenti aliquot ciues fraudē & iniuriam miscuerunt. vt Corn. Sulla, qui non, vt olim, agros ex hoste captos distribuit, sed in ipsâ Italâ, quod sciebat milites appetere, sedes iis dedit. Quod fieri non potuit, nisi pacatis fidisq; populis, per summam iniu- riā & scelus, expulsis. Appianus auctor est *vigintires* legiones ab eo sic deductas, quæ facerent (si probè commemini) *centum viginti millia*, cum iis qui adiuncti. Simile & Cesar Iulius, in pace & Consulatu fecit, qui agrum Campanum & Stellatæ *viginti millibus* ciuium, coloniâ Capuam deductâ, diuisit. Idem iam Di- cator, in transmarinas colonias *octoginta millia ciuium* distribuit, Sue- tonio auctore: id est, in Carthaginem maximè & Corinthum. Quod noto, vt numerus videatur deductorum: qui sanè gran- dis fuit, siue è ciuibus togatis, siue è militibus veteranis. Augu- stum *centum viginti millia* deduxisse sub *quintum Cōsulatum* suum (bellis Ciuilibus iam finitis) lapis Ancyranus ostēdit: & poste à multa millia adiunxit. In solâ Italâ *duodecimtanta colonias* collo- casse, Suetonius notauit. Itaque huius Principis plurimæ, & in toto orbe terrarum fuerunt: quod ipsa agnomina earum ostendunt. Denique paullatim tanta frequentia, vt ne gem regionem, imò vix regiunculâ fuisse, in quâ Coloniae aut Colonia non es- set. Tot illis vinclis miramur orbem cōpeditum & adstrictum, in Romanâ ditione & imperio mansisse? Non ego: sed nec Vel- leij iudicium valdè probo, *inter perniciöissima Gracchi habentis*, quod extra Italianam colonias posuerit. Evidem planissimè contrâ sentio: & ad hunc coercendi finem, aliter oportuit; aut nec im- perium extra Italianam proferre. Timorem quē timet, nequa Co- lonia potentior matre suâ fiat, sic longinqua: nullus est, & certè locum in Romano aliquo imperio nō habet. Sed nec Hispano: & prudentissimè eos censeo Nouum orbem coloniis implesse. Quarum alia atque alia genera tamen erant, & quædam Roma- ni, aliae Latini, quædam & Italici iuris. Reperio & Patritias, & Equeſtres agnominatas, haud dubiè, in quam digniores ciuium militumve deducti. A v d. Sed de numero igitur, nihil certi



aut definiti habes? Lips. In Italâ solâ centum quinquaginta fuisse reperio; in Africâ, circiter sexaginta, in Hispaniis, ad triginta; paullo minus in Galliis: & idem iudica de reliquo orbe. Difficile enim hæc adnumerare firmiter: cùm & aliqua legentem fallant, & non omnia hodie in libris legenda. Hoc Senecæ tibi suffecerit: *Populus Romanus quot Colonias in OMNES prouincias misit? V B I C V M Q V E V I C I T Romanus, HABITAT. A V D.* Quæro etiam, ecquid serio probes hoc ius siue morem colonicum? Lips. Dixi, & probo: atque adeò magnis Regibus adsuadeam imitari. A V D. Tûne: in tam apertâ iniuriâ? nam certè aliena eripiebant, possidebant, posteris tradebant, Lips. Quid tum? utilitas publica magna, ut in aliis, exiguum hoc iniquum diluit, vel absorbet. Etsi cur iniquum? qui iniuriam intulit, iustè malum & pœnam habet. Coercendi hoc modo sunt, & ne in posterum noxam nocant, refrænandi.

C A P V T VII.

Multitudo Romanorum, & ratio adscendi gentes, aut transferendi.

A V D. Sed mihi hîc admiratio & quæstio, Vnde Romanis ea copia, & sic assidua, vel Militû vel Colonorum? Nam cùm intueror & examino, examina habuisse hominum debuerunt, quæ vel conscriberent, aut transferrent. Lips. Haud de nihilo petis, & satisfaciam: scito. Romanos primùm pauculos fuisse, & cùm Romulus militiam & remp. ordinavit, vix ad *milia terna* peditum (alij *bina milia* volunt) censa, & equitum *trecentos*. At idem ille, cùm è viuis abiit, peditum reliquit *XLVI milia*, & equitum *mille*. Tantum viri opesque creuerant in annis circiter, quibus Romulus regnauit, *trigint a septem*. Res mira est. & quibus artibus aut industriâ ille hoc assecutus? Apertione asyli, quæ haud dubiè aliquid adiuuit, & è vicinis, etsi non optimos, elicuit. Lege de liberis latâ, quâ iussit quidquid natum esset tolli, modò ne miliuin aut monstrosum. Receptione incitatem, quam non exteris solùm confluentibus, sed victis & hostibus dedit. Laudant cùm alij hoc institutum eius, tum Claudio Imp. apud Tacitum: *Quid aliud exitio Lacedæmoniis & Athenien-*

xi. Annal.

Atheniensibus fuit, quamquam armis pollerent, nisi quod victos pro alienigenis arcebant? At conditor noster Romulus tantum sapientia valuit, vt plerosque populos eodem die hostes, dein ciues haberet. Atque id sanè diu retentum Romæ, vt è provincialibus honestissimos, hoc beneficio ciuitatis obligarent, & simul se augerent, simul discrimen, & tacitum pœnè* dissidium, inter illos conciliarent.

Claudianus in Romæ laudibus:

Hæc est, in gremium victos quæ sola recepit,
Humanumque genus communi nomine fuit,
Matri, non domina, ritu: ciuesque vocavit
Quos domuit, nexuque pio longinqua reuinxit.

Ita quod ex illo apparet, diffusum latè aut vndique iam hoc beneficium: & ciues Romani facti, quicumque in orbe Romano essent, ex constitutione Imp. Antonini. Excluduntur ergo soli serui & barbari. quo sensu Sidonius scripsit, & appellauit Romam verticem mundi, patriam libertatis, in quâ unicâ totius mundi ciuitates soli BARBARI & SERVI peregrinantur. Itemque passim alij Communem patriam: & ad eam his versibus Rutilius:

Fecisti patriam diuersis Gentibus unam,
Profuit iniustis te dominante capi.
Dumque offers vietiis proprij consortia iuris,
VRBEM fecisti, quod prius ORBIS erat.

Hæc ita posteriori æuo, nec optimo scilicet, nec optimè: præstabat electio illa & secretio, ob varias caussas. Sed tertia etiam ratio augendi ciues, ex instituto non quidem Romuli, sed Seruij Tullij. Ille cùm videret plerosque tunc seruorum, aut bello captos, aut è prædâ emptos esse, atque eos ferè liberis, & ingenuis, & antè etiam liberos: humanum bonumque putauit in ciuitatem recipere, siqui à dominis manumissi essent. Nam & Romanis moribus ingeniosque assuefacti iam erant; & sic fore prouidebat, vt semper, tanquam ex fonte domestico, proles scaturiret ad bellum aliosque usus. Difficile id persuasum primò ciuibus, & inquinari eo consortio videbantur: sed nempe ostendit, & origine bonos eos esse, & iamdiu ipsos etiam hostes in hoc ius admissos: ita cur non idem domesticis & fidis seruis indulgerent, causam nullam esse. Maximè, cùm in eorum manu totum hoc beneficium, & videre posse, vt nec temerè manu-

*Ob emul-
lationē in-
terrecep-
torū,
& non re-
cep-
torū.



mittendo darent; & illos adnisiuros, vt omni sedulitate ac fide emerentur. Amplius, futuros eos nihilominus velut in curâ & clientelâ Patronorum; & sic nobiliores ciues, in comitiis aut suffragiis, semper manum aliquam fauentem & obnoxiam habituros. Ita illis persuasum. sed Regi in oculis præcipue, frequentia & multitudo ciuium, fundamentum omnis potentiaz & diuturni status. Nec tamen ij æquiparati statim dignioribus, & veteribus ciuibus: reiecti in quatuor vrbanas tribus fuere, & inuenta ratio, vt minimum in suffragiis, aut aliâ publicâ re, pollerent. Quin & à militiâ legionaria & honestiore exclusi sunt; donec paullatim nepotes ac pronepotes eorum, verè iam Romanus sanguis, peruenirent. Liberti ipsi & Libertini (veteri quidem republicâ) arcebantur. Hoc institutum, incredibile est, quantum ciuitatem auxerit: in quâ aliquot seruorum millia pauculis annis manumissa. Neque negandum est, utile initio & præclarum fuisse: sed lapsu temporis, vt sit in humanis rebus, h̄c quoque lapsus: cùm iam Syri, Cappadoces, Asiatici, Græci, Barbari in seruos recepti; & multi ex iis facinorosi & perdit, qui pretio, blanditiis, aut & fœdis obsequiis libertatem meriti, quam colluuiem in ciuitatem non inuixerunt? Imò per eos effectum, vt egregia illa animi ac morum, Romana olim plebs, vilissima facta hominum sit, & uno verbo, cloaca ac sentina viatorum. Sed ista sæculis aliquot post Tullium, interea profuit largiter institutum, & effecit, vt cùm primo censi ac lustro Ser. Tullij, LXXXII. cens̄a essent, illo qui sub primis Consulibus fuit (nam Tarquinius Superbus intermisserat) CXXX. cens̄entur: idque eorum qui puberes, & in virili togâ essent. Largus tibi hic numerus videtur: nihil est, cùm post aliquot ætates, id est, anno vrbis CCCXIII. cens̄a sint ciuium CCLX. & paulo ante bellum Marsicum, anno Vrbis DCXXXIX. circiter quadrageinta millia, paulo minùs. At post id bellum, sociis iam in ciuitatem paullatim receptis, creuit valde numerus, & ad non-genta millia cens̄a * alibi nobis doctū. Cui ipsi numero firmando, velim addi hæc Phlegontis in Chronicis, qui notat Olympiade, quâ Lucullus Amisum cepit, & Mithridatem ad Caberia viceit (id fuit circa annum vrbis DCLXXXII.) censitas Romæ nonaginta myriadas ciuium, & vnam, id est, nongenta & decem millia.

Quid

In 1. Eleg.
Cap. XXVII.

Quid iam sub Augusto? ipse de se in lapide Ancyrano clare hoc dicit, IN. CONSVLATV. SVO. SEXTO *Lustrum condidisse, QVO. LVSTRO. CENSITA. SVNT. CIVIVM. ROMANORVM. CAPITA. QVADRAGIENS. CENTVM. MILLIA ET. SEXAGINTA. TRIA. Immanis herclè numerus: & quis iam de copiis miretur coloniisque? At etiam crevit assidue, & sub Claudio Imperatore, Tacitus ac fidi auctores accensent, *sexages nouies centena sexaginta quattuor millia.* Ultrà querere, superuacuum sit, cùm iam passim in ciuitate totæ vrbes regionesq;, vt dixi, receptæ. AVD. Neque hercules quæro, affatim habeo quod mirer. Sed illud lubet scire, an ex solis igitur illis ciuibus copiæ scriptæ? LIPS. Non è solis. olim & è Latino nomine, vt scis: ac postquam ij ciuitate donati, Principum téporibus maximè, cœperunt & è prouinciis auxilia scribi. Augusti id inuentum: & caussam occultam etiam habuit, subditos sic exarmandi, & quasi obsidibus traditis in fide continendi. Nam quotannis dilectus istos habebant, & optimum ac robustissimū quemque abducebant. Ita encrues prouinciae, & illi qui dilecti, in longinquas & dissitas oras consultò trahebantur. Non enim facile res nouas audere aut mouere, inter ignotos & alienos. Civilis, qui Batauos ad rebellionem traxit, hoc quoque telo eos incitat: *Inflare dilectum (verba Taciti)* ^{1111. hist.} quò liberi à parentibus, fratres à fratribus, velut SUPREMVM diuidantur. Idem Galgacus, dux Britannorum, in codem Tacito: *Liberos suos cuique ac propinquos natura carissimos esse voluit: hi per dilectus ALIBI seruituti, auferuntur.* Atque eiusmodi auxiliorum, è variis gentibus, magna copia. quod & *Notitia Imperij* indicat, & Taciti hęc verba: *Nil validum in exercitibus, nisi quod externum.* Iterum que: *Prouinciarum sanguine prouincias vincī.* AVD. Artem video, & simul auxilia bello scripta, simul materiē subductam rebellandi. Sed ista profectò translatio dura: & quo exemplo? LIPS. Haud facile dixerim: nisi quod similia iam olim noto. Romulus ipse populos vicinos in urbem suam transtulit, Tullius Hostilius Albanos. Sed hęc leuia, & alio quodam fine. quid si totas gentes translatas doceam, cādem illā non rebellandi, aut coercendi, caussā? Fecit Augustus in Sugambris & Suevis, quorum *quadrageinta millia* (hoc verius censeo ex Eutropio, quām quod in vulgatis Suetonij libris *quadraginta* editur) tot*



tot inquam illa millia traeceit in Galliam, iuxtaque ripam Rheni, sedibus ad signatis, collocavit. Ita & Galliam impleuit, & ex hoste socium auxiliare inque fecit. Sed iudicio & consilio in hac re opus, ne plures suscipiantur aut traducantur, quam coercere possis: peccatumque à securis Imperatoribus (maxime post Constantium) qui Barbaris receptis, imperium & urbem prodiderunt. Alioqui multum commodi aut tutelæ translatio hæc habere possit. quā Philippum Macedonem (callidum illum regnandi) usum Iustinus prodidit: scribitque eum, ut pecora pastores, nunc in hibernos, nunc in aestiuos saltus trahiunt; ita populos & urbes, ut illi vel replenda vel derelinqua quæque loca videbantur, ad libidinem suam transstulisse. Parabat & Alexander simile, firmando imperio, nisi mors interuenisset. Nam in Commentariis eius inuentum Diodorus tradit, ut ciuitatum aliarum in alias migrationes fierent, itemque hominum traectiones ex Asia in Europam, ex hac in illam: & caussam addit, ut gentes connubis, commerciis, & amicitia inter se iungeret: quæ ipsa haud vana planè est, aliam tamen & intimam non expressit. Antipater, qui in partem potentiae successit, in idem hoc consilium: & Atheniensium urbis potens, ipsam eiusque regimen ditionibus honestioribusque concessit, tenues, & quidquid inopia turbidum, eduxit, & ad xx. eo. eorum in Thraciâ, agris datis, collocavit. Leggo & Tigranem regem, cui bellum Pompeius fecit, trecenta millia è Ciliciâ & Cappadociâ in Armeniam & Mesopotamiam traduxisse, ad ea loca frequentanda & meliori genere implenda. Et ut vicina magis temporibus locisque tangam, Carolum Magnum satis scitum est, Saxones saepe rebelles translatione domuisse, & in Belgicæ nostræ oris posuisse. Ludouicus etiam xi. Galliæ rex, Atrebatum fidei infensus, & quia à vitâ diuelli quam à Burgundiaco imperio malebant, sparsit eos per Galliæ urbes aliquot, & suos in locum introduxit. Quid in novo illo orbe etiam video? Reges Perian tractus, quos Ingas ipsi appellant, pro firmamento status habebant, populos viatos statim, cum totâ sobole, transferre ad interiora loca, & in illa limitanea alios suos fidosque supponere. Hoc genus Mitimæs patriâ linguâ vocabant. Habes de multitudine, & eius caussis. Ac quædam his inesse magnis Regibus imitanda ego scio: qui si exha-

exhauriunt semper (ut fit in militibus aut colonis emittendis) nec addunt: quid nisi fontem ipsum exhaustent & siccabunt? Seriò, seriò prouidendum est. Tu ab in nunc, & cetera cras, si Deus volet, dabo. Avd. Haud libens, sed tamen pareo, & valitudinituæ tenui parco. Vale, & firmare.

I. L I P S I DE MAGNITUDINE ROMANA LIBER II.

C A P V T . I.

De Priscis populi Romani vectigalibus, Decumis, Quintis,
Scripturâ, Portoriis.

IPS. Maturè sanè ades. AVD. Si pro meo voto, maturius, & vel conuiua in prandio tibi fuisset. LIPS. Licuit. & delectarer sanè vel assiduo hoc sodalitio, si Romanæ aliquæ mihi OPES. Ad quas sermo nos nunc duxit, & de iis videamus. Eas Publicas & Priuatas considerabo: & in Publicis, Vectigalia siue Tributa, tum & Triumphales manubias, denique Liberalitates aut Erogationes. Insistamus ordine, & primùm in Vectigalibus: quæ olim triplicia ferè, è Decumis, è Passione, è Portoriis. Quod ad priores duas, ita de iis & origine earum Appianus: Romani nunc hos, nunc illos Italia populos superando ac subiçiendo, partem agri iis auferebant, atque opida & colonos condebant; aut si opida opportunè iam condita, hos inducebant. Agri igitur quod cultum erat, colonis ferè ad signabant; quod incultum (ut multa per bellum) id aliis cupientibus elocabant, PARTE DECIMA fructuum sibi retentâ in agris satius, in plantariis aut arboribus, QUINTA in passionibus autem, certum pretium definiebant in capita minoris pecoris maiorisque. Pulcher & distinetus in eam rem locus: & quanquam de Italâ dicit, tamen & producere ad provincias licet, quas multas ita habitas, ex aliis scriptorum locis liquet.



42

DE MAGNITUD. ROMANA

liquet. Etsi quædam arctius pressiusque habitæ, & præter hæc, Tributa etiam sua capitibus pendebant. Sed quod ad hæc tria, etiam in Asia ea sic & in Siciliâ fuisse, Cicero alibi ostendit, & in his vectigalium summam ponit. Notabiliter in laudatione Pompeij: *Publicani familias maximas, quas in Salinis habent, quas in Agris, quas in Portibus.* Nam quod ad *Salinas*, viri docti iam diu emendarunt *Siluis*, ut ad *Pastiones* referatur: etsi *Saltibus* ego mallem, viciniore litterarum lapsu. In eâdem oratione enim aliquoties hæc tria repetit, & iungit: etsi vectigal è *Salinis* quoque fuisse, sed non inter prima & magna, scimus. Et quod ad frumenti omnis *Decumas*, idem Cicero in *Verrinis* satis dixerit, quid in eâ refuerit: nec obscurum est vel ex moribus hodiernis. De fructuum *Quintâ* in Appiano, id obscurius, imò incertius: quoniam idem Cicero in *Verrem* diserte nominat, *Vini & Olei decumas*, ostenditq; Siculos ita dedisse. Quomodo igitur *Quintas*? nam ego ex vite, oleâ, ficu, pomo, nuce, intellegi & redigi Appiani vectigal velim; nec aliunde video posse. Nisi tamen de siluâ cæduâ intellegit: quod in medio relinquo. Sed in priore sententiâ si perseverare lubet, dicendum est, initius leniusq; habitos Siculos, & peculiare id ibi fuisse. E *Pastionibus* genus alterum est, quod propriè & vulgo *Scripturam* appellabant. Exempla obvia, & iam aliis notata: causam vocis Festus explicat: *Scripturarius ager, inquit, publicus appellatur, in quo ut pecora passantur, certum æs est. quia publicanus SCRIBENDO conficit rationem cum pastore.* Cicero igitur de hoc vectigali capiendus: *Ita neque ex Portu, neque ex Decumis, neque ex Scripturâ vectigal conseruari potest.* Tertium est *Portorium*: quod scilicet in euehendo aut in uehendo (ἀξεργασίαν καὶ εισεργασίαν) pendebant. Res nota est: an & illa, quod *Portarium* etiam fuerit antiquis? In Glossis lego, cum discrimine: *Portorium, τέλος εἰ λύμα, id est, VECTIGAL IN PORTA.* Et verò hoc quoque fuisse videtur, æuo præsertim inferiore, & sub Principatu: ut & in pontibus, & in viis, & portis adeò opidorum dederint, pro transgressu aut ingressu. Italia hodie, sed & Belgica, hæc non ignorat: & apud Senecam lego: *Nec indignabitur sapiens aliquid impendere, ut limen transeat, cogitans & in pontibus quibusdam pro transitu dari.* Herodianus quoque ostendit exactio-

LIBER SECUNDVS.

43

exactiones fuisse, δηνή ὁ χθως πόλεμων, καὶ λύτει τόλεαν, εὐ νόδων προπλάγας: in ripis fluminum, portibus opidorum, & viarum transgressibus: sed inter tyrannica haber, quia noua aut grandia, opinor, & à Pertinace salubriter sublata.

C A P. I I.

De Tributis & Capitatione. tum inquisitum in Modum vectigalium, & quid videantur reddidisse.

HÆC illa vetera sunt, & Vectigalia propriè dicta: quibus dies, & sagacitas, addo & necessitas, aliquid semper addiderunt. AVD. Hæcne propriè Vectigalia? atqui plura in id non men video includi. LIPS. Plura, sed hæc primo: aut ne mentiar, solum ipsum *Portorium* primo, quia id scilicet è vecturâ: vnde Vectigal. Gracis etiam hîc discrimen aliquod, quibus Vectigal propriè est τέλος, *Tributum φόρος*. Sed & in re ipsâ differunt, quod illud res & fundos magis spectat & ligat, hoc capita ac mobiles opes. Sed quorsum ego ista? semel & seriò tibi dico, verba nunc non lustro, nec obsita aut tricosa antiquitatum quæro, satis, in luce aliquâ tibi ponere Romanam œconomiam, circa publicas has exactiones. Ergo Tributa, ut dixi, caput ferè tangebant: atque ita pessima conditio eorum, qui *Stipendiarij, ipsi atque agri*, ut Cicero alibi loquitur, essent. Tales Pœni, Hispani, & plures, qui per viam ultimam & bello pertinace victi essent. Appianus hoc ita expressit, vbi Scipio cū decem Legatis leges dant Carthagini victis: *Hos, inquit, præmiis afficiunt, In Lybici socios népe populos aut reges, τοῖς δὲ ἀλλοις φόρον ἀποτελεῖ τὴν γῆν καὶ τὸν σώματον: aliis (hostibus scilicet) tributum definierunt in agros, & in corpora eorum.* Duo manifestò dicit, & Corpora siue Capita (ut Latini magis loquuntur) onusta, & terram ipsam. Tertullianus quoque ea iungit: *Agri tributo onusti, viliores, & hominum capita stipendio censa, ignobiliora.* nam hæ sunt NOTAE CAPTIVITATIS. Adiungit eruditissimus scriptor, hoc non nisi in verè victos, & vi subditos, usurpatum: olim quidem, sed Imperatores, & ipse Augustus produxerunt, & valde hæc Tributa dilatarunt. Ac *Capitum vel Capitacionis* satis frequens mentio in posteriorum scriptorum, sed & Iuris libris: vbi non *Hominum solùm capita,*

F 2

exactio-



capita, sed & Animalium leges: & quædam, quæ fateor in subnubilo mihi esse. Attu vniuersè hæc nunc noueris: videamus, quod nos quærimus, ecquid Opes ex his annuas liceat vestigiis odorari. Quæ vestigia tenuiter impressa fateor, tamen persequar & indagabo. Ac primùm de antiquis, & liberæ recip. opibus, locum esse volunt in Plutarcho istum. De Pompeij triumpho è Syriâ & Asiatâ agit: dicitque, *Prelatum titulum, qui litteris indicaret antea quidem Vectigalia reddidisse ad bis millies Hs. ex iis autem que ipse acquisisset, redire ad ter millies quadringenties.* Prior summa, nobis efficiat quinque milliones (iuuat his compendiis, vulgariter magis quam eleganter ut altera, octo milliones cum semisse. Viri docti iam, & inter hos verè primus Budæus, existimant scripto hoc indicasse Pompeium: quod ante id tempus, vniuersi reditus è vectigalibus non pluris essent, ab ipso autem iidem aucti plus triente, & facti ut in extremo scriptum. Enim uero libido, an ratio, mihi est dissentendi? sed dissentio, & nego Plutarchum vel Pompeium de vniuersis sensisse. Nullum tale in Græco Plutarcho verbum est: quod moneo, ne temere interpretibus, qui addunt, hoc accredas. Quæ ergo nostrâ mente scripti illius mens? nempe pro re subiectâ, & cùm de transmarinis illis triumpharet Pompeius, nec nisi ibi tunc res gessisset; verba eodem referenda, & de Asiatâ saltem finitimisque capienda. Quomodo aliter etiam, quam viri docti, in clausula. Duo enim dicit, & Asiam illam minorem, quæ sola ibi ante Pompeium prouincia, aut præcipua, illam, inquam, è vectigalibus bis millies dedisse: at verò eas prouincias, quas ipse super eam quæsisset, solas reddere ter millies & quadringenties. Puto me rem tangere, si quis iudicio inspicit: & do rationes. Primò, credetne quisquam è tot, tamque ditibus populi Romani tunc prouinciis, non plus quinque millionibus redisse? Quod vna Hispania hodie, vna Gallia, vel duplum donet. Amplius, Decumas vnius Siciliæ Cicero, atque eas tenuiter estimatas, fuisse dicit nonages Hs: quod nobis est, CCXXV. millium Philippicûm. Decumas dico frumenti: & hordei non computat, & leguminum: quid iam Vini, Olei? quid Portoria, & Pastiones? Valdè tenui ore atque animo est, qui non ausit concipere hæc vniuersa ex proportione, suprà quadringenties, siue vnum millionem. Atqui Sicilia, quanta pars

ta pars fuit Romani illius orbis? profectò nec centesima quidem fuit: & valdè hoc valet ad ingentes illas Romanas opes. Amplius de ipsâ Asiatâ nostrâ, Appianus scribit, Corn. Sullam, per bella Mithridatica, imperasse illi quinque annorum vectigalia, sed statim danda. Quantum igitur imperauit? ecce in Plutarcho hoc expressum, *viginti millia talentum: iij sunt duodecim milliones nostri.* Age iam, diuide in quinque partes, nonne paullo minus *millies Hs.* anno habemus? Atqui duplum oportuit, inquires. Ita, pro me & Plutarcho: sed hoc ipso tamen firmiter illos refuto, qui ex toto orbe *bis millies* colligunt, cùm ego dimidium ex Asiatâ iam solâ. Res clara est. Sed quomodo igitur plus Pompeij æuo? nec id difficile dictu: siue quia ratio colligendi iam melior firmiorque facta. Produc hæc talia semper solere, præfertim in pace, nec hodie est nouum. Docebo hoc clarius ex ipso iterum Appiano. apud quem M. Antonius triumuit, post pugnam Philippensem, in Asiam missus ad pecunias colligendas, in concione sic eos affatur: *Ne vrbibus agrisque pellamini, pecunia v. Civil. danda est in usum militum: nec eam maxima, sed quâ auditâ libenter acquiescat. Deditis hostibus nostris, Cassio & Bruto, in duobus annis tributa decem annorum: ea sufficerint & nobis, nisi quod danda sunt in uno anno.* Quid hinc efficimus? necimus iterum Plutarchi verba, qui *ducenta millia talentum* ab Asiatâ tunc data scripsit. Atqui diuide in decem annos: quid trepidas? *Viginti millia annua* surgunt, id est *duodecim milliones*. Et profectò, noli ambigere, præpotens & diuina illa Asia dedit. In quâ tamen obiter moneo, res sæpe mutatas: & primò, cum testamento Attali Romanis relicta esset, Vectigalia imposita, id est *Decumas, Portoria, Scripturam*, solenni more. Sed cùm publicani iniurij, pro more suo essent, & sine publico bono, sibi attenerent ac tondérerent, C. Iulius Caesar, & iniurias, & iniurios ipsos sustulit, ac permisit ipsis frumentis colligere ab agricolis, ac Tributa induxit. Hæc ita ferè (etsi ipsa verba, quia pluscula, omisi) in eadem oratione Antonius apud Appianum dixit. Quando autem à Julio id factum, & de re ipsâ, apertiùs sic Dio Cassius: *A vieto Pompeio, cùm Asiam obiter lustraret, τὸς τελῶνας πλεύστηρα σφίσι χωρίους ἀπαλλάξας, εἰς φόρου ουτέλεια τὸ συμβαινοῦ ἐπὶ τῶν τελῶν κατεσκοτοῦ: Publicanos, qui acerbissimi in* Lib. XLIII.



46
1. Annal.

DE MAGNITUD. ROMANA

Asiaticos fuerant, remouit, & in Tributi collationem, id quod ex Vestigalibus redibat, mutauit. Pulchra nota: & re ipsâ quidem melius leuiusque erat Decumas & talia dare: quare? quia pro anni prouentibus dabant, plus aut minus, vt ipsi accepissent, nec vltra grauabantur: at eò tamen rem redegerat Publicanorum iniquitas (quos nulli Praefides aut leges satis domabant) vt omnes præoptarent magnum & certum aliquid dare in Tributo. Similis mens, vt addam, in Taciti loco: Achaiam ac Macedoniam onera deprecantes, leuari Proconsulari imperio, tradique Cæsari placuit. Videntur enim Publicani tunc, pro veteri more, in populi prouinciis fuisse, & cum iis rapinæ, in Cæsaris non fuisse. Et iam in Plutarchi loco satis tibi factum, aut dictum? A v d. In priore membro satis, in altero quid adfers? Firmamentum ab ipso Pompeio, qui eodem illo tempore in Senatu gloriatus, Asiam se, quam ultimam Prouinciarum accepisset, medium reddidisse. Ergo plurimum adiecit: & nominatim Syriam totam, illam diuitem, item Phœnicen, Palæstinam, Iudeam, Ciliciam, Pamphyliam, Phrygiæ partem, Bithyniam, Pontum, Propontidem. Hæc tanta, mirabimur tanto plus quam Asiam dedisse? Hæc de Plutarchi loco, sed ex Portoriis etiam liquere in parte potest magnitudo istorum Vestigium. Cicero in Verrem scribit, Socios (id est Publicanos) ex Verris exportationibus perdidisse sexaginta HS. idque ex Vicesimâ portus tantum Syracusani, & in pauculis mensibus. Sunt valde notanda. Si vnuus ille portus, si in uno homine, & in solâ evectione, & in paucis mensibus, tantum adferre potuit: quid reliqui portus, in omni evectione, inuectione, & in totum annum? Sunt autem illa sexaginta, in ore nostro, circiter mille quingenti Philippæ. Et Cicero quidem non nisi Vicesimam disertè ibi in Portorio agnoscit: tamen Octauia, & qui eam accipiunt Octauarij, in Codice Iustinianæo memorantur. At in Quinctiliano & Symmacho, Quadragesima. Sed opinandum est, pro locis, aut mercibus, sed & temporibus variasse: maximè tamen pro mercibus, & vt grauius vestigal peregrinæ soluerent, ad delicias magis aut pompas, quam usum inuectæ. C. Cæsar eius rei auctor, ex Suetonio: Portoria peregrinarum mercium instituit. Quæ haud dubiè ipsa Italia etiam pependit; et si reliqua portoria, lege Metelli, in eâ sublata essent: quod Cicero malo publico

LIBER SECUNDVS.

47

publico factum notat, & recitat item Dio. Hæc sanè magna fuisse, quis potest ambigere, ex pretio & copiâ rerum? Nam gemmæ, lapides, vestes, ebur, mancipia, aromata, vnguenta, & plura eiusmodi exotica inferebantur: quibus si Octauam imponis, quanti ea sint? Argumento aliquo è Plinij hisce verbis: Arabia felicis mare est margaritas enim mittit: MINIMA- Lib. xi.
QVE COMPUTATIONE millies HS. annis omnibus India, & Seres,
Peninsulaque illa, imperio nostro admunt. Si * millies HS. emptæ * Duo mil-
liones, &
eæ merces, pluris mox æstimatæ & venditæ, ergo & Porto-
rium ex iis grande. AVD. Sed commemini alterius Pliniani lo-
ci, qui minuit, & à summâ illâ abit. Nam ubi de Indiâ sermo,
Indignares, nullo anno imperiis nostris minus quingenties HS. exbau- Lib. vi.
riente Indiâ & merces remittente, que CENTUPPLICATO vñant. cap. xxii.
Ecce hîc Quingenties modò, id est dimidium habes. LIPS. Sed
nempe ex Indiâ solâ: at alter ille locus Arabiam & Seres item
iungit, & ex iis quidni alterum dimidium? Sed nota inibi
quod ait, centuplicato vñisse: quod rei nostræ facit. Cur enim
tanti? cur mercatorum tam improbum lucrum esset? non fuit:
sed duo sunt, quæ Pretium sic accenderunt, Itinerum difficul-
tas, & Portoria. Quod ad illa, Plinius eodem illo loco descri-
bit, & addit quotannis nauigari, sagittariorum cohortibus impositis.
Ea res & tutela, mercatoribus ad impendia accedebat. Iam
Portoria iis grandia. quod Strabo impressè notat in rebus Ae-
gypti: scribitque, olim quidem pauculas naues ausas extra Sinum Lib. xviii.
Arabicum ire, at nunc maximas classes nauigare in ipsam usque In-
diā, & ad ultima Æthiopiac: unde pretij maximi merces aduehant,
& rursus alio exportent. Ita fieri, ut DUPLEX PORTORIVM pen-
dant, Inuectionis & Evectionis: atque ipsum portorium æstima-
rum istarum mercium grande item esse. Hæc ita Strabo. & mi-
rum igitur non sit, à dupli illo aspectu, Itineris & Portorij,
pretia sic creuisse: maximè cum & in Italiam aut aliò inuehen-
da, credam iterum soluisse.

CAP.



Inquisitum item in Capitationis modum, & pensum universorum Tributorum.

teca

DE Vectigalibus priscis hoc nunc satis : ad Tributa venio, si qua ea possim extricare. Metuo, & hæreo statim in eo *Capitationis*, quod vel maximum certissimumque fuisse arbitror: sed in modo, tenebras & nubes suas habet, nunc à me non pellendas. Fuitne indiscretum vniiforme in omnia capita? an potius ex censu? Nam si illud, iniustitia manifesta adhæret. vt si quis pauper, liberos & familiam multam habeat; contrà diues, & cælebs sit & orbus. In Appiano strictura aliqua lucis affligerem videbatur, sed fortasse fallax. nam ait, *Iudeos* sèpius rebellasse, eoque tributum *capitis granius iis impositum*, quam reliquarum facultatum. *Esse autem et Syris et Cilicibus annuam Centesimam*, pro modo *census unicuique*. Verba Græca sunt, si forte examinare tecum velis: *Kai διὰ ταῦτα εἰς Ιudeοις διατάσσεται φόρον της σωμάτων βαρύτερον τῆς ἀλλογένων πεντασίας: εἴτε καὶ σύροις καὶ κιλικίην, ἐπίσης της εικαστοσήν τῆς τιμήντας εἰδίσω*. Ego ad verbum tibi pænè reddidi: & efficiatur ex sermonis nexu, *Iudeos Centesimam dare*, sicut & *Syros ac Cilices*, pro *Capitis tributo*. Quo sensu? inquires. vt magis capias: soluere quidein illos & pro *Agris*, & pro *Opibus*; sed æstimatione omnium factâ, etiam *Centesimam* pro ipso capite dare. Hoc tale est. vt, si decem millia aureorum in censu habeam, soluam ex iis annua centena. Hoc placeat ob æqualitatem, & quia pauperes aut tenues sic non pressi: sed alia sunt quæ refellunt, aut certè morantur. Quid enim tum seruis fieri? quid filii & familias grandioribus? Dico grandioribus. nam vt & hoc addam, *Vlpianus notauit, In Syriis à Quatuordecim annis masculos, à Duodecim feminas, usque ad Sexagesimumquintum tributo Capitis obligari*. Atqui Serui & Filij tales, peculium suum nullum habent. Sed de seruis responderi potest, Dominum dependisse in suo capite, dum eorum æstimatio Censibus eius accedit. Et serui alioqui in iure, *caput non habere*, scribuntur. Quod ad filios, certum est parentes pro iis exsoluisse: sed quâ taxatione, an non & eâ aliquâ pro parentum censu, hoc ignoro. Vellem, & res facta esset. Sed soluisse, in Panegyrico ita scribitur: *Tunc certè pa-*

Ad Con-

rentes ADVLTORVM non pœnitet filiorum, quorum onera remissa sibi latantur. Vides filios parentes suos onerare, sed *adultos* iam & grandiores, ex Vlpiano suprà. Imò alibi, non ante *Vigesimum* annum capite obligatos, lego. Caussam autem opinor huius remissionis in ætate vel Puerili vel Senili: quòd etiam Romani olim Impuberes non censebant, & immunes à Tributo habebant. Addi potest, quòd hæc Capitatio, non aliud quām quasi redemptio munerum & operarum seruillum fuit, quas populi scilicet victi, & serui facti, Romanis iam debebant. At pueri ad eas operas, aut senes, non idonei: ergo nec pro iis soluant. Hæc sunt, si pro Censu Tibutū hoc datum. Sed aliquis mallet, vniiforme aliquid, & in omnia capita æquale. Nam sic Iudei leguntur *Didrachmum* pependisse: & Christus ipse in Euangelio soluit. Quod Hieronymus quidem & Beda istuc retulisse videntur: ^{Matth. cap. xxi.}
sed alij tamen verius (inter hos Hilarius) ad Tributum, quod templo Iudei debebant, in eo modo à lege diuinâ definitum. Exodus vide. Et Iosephus sanè ac Zonaras, sed & Xiphilinus, ^{Cap. xxx.} disertè scribunt *Vespasianum* demum hoc instiuisse, ut omnes vbiique Iudei duas drachmas Ioui Capitolino Romæ penderent, quas antea TEMPLO Hierosolymitano solebant. Nihil clarius: & Christi ipsa responsio (siquis examinat) à Tributo Cæsariano nos abducit. Sed aliquis etiam opponat Lampridij hæc in Alexandro: *Vestigalia publica ita contraxit, ut qui decem aureos sub Heliogabalo præfliterant, tertiam partem aurei præstarent.* tuncque primum Semisses aureorum formati sunt, & Tremisses. dicente Alexandro, etiam Quartarios futuros, quòd minus non posset. quos etiam formatos in monetâ detinuit, exspectans, ut si vestigia contrahere potuisset, eos ederet. Hæc euincere videntur, certum genus nummi cusum ad Tributa: & nisi fallor, Capitis, quæ sola certitudinem & unitatem poterant habere. Nam in agris, animalibus, autopibus, id planè variabat. Faciat aliquid Hesychius, qui scribit: Κέρος δέ, εἴδος νομίσματος, ὅπερα διάλογος: *Census, genus numismatis, capitatio.* Sed & in Sacris legitur, *Numisma census.* Tamen ob multa hærebo, nec temerè in hanc partem eo. Quid? decem igitur aurei in Lampridio, Capitatio fuisset? & posteà Triens? In ipso Euangelio, vbi *numisma census* queritur: mox subiicitur, *Denarium obtulisse.* An ergo ille tantum æqualiter in capita ridiculum, nisi si Denarius aureus fuit.

G. fuit.



fuit. Quid firmiter definiam nescio, res tenebras, ut dixi, habet, nec nostrâ nunc curâ illustrandas. Pluscula cogitauit aut collegi, fateor: sed intricatis, aut merè litterariis, non nunc locus. Di-
co igitur breuiter, Lampridij locum hoc tantum efficere, *Con-tracta omnia vestigalia: adeò ut qui (pro exemplo) decem anteā da-ret, nunc Semissēm aut Tremissēm: & quia imminuta illatio erat, in eius rei memoriam voluisse & nummos minores Alexandrum cudi.* Sententia autem tota & vera, *contraxisse eum Tributa pleraque ad Trian̄tem, conatum & ad Quadrantē: nec infra potuisse.* Quod si quis pertendit, numimos pro modo Tributi ita cūsos: vbi igitur illi sunt? cur prægrandes aliqui non exstant? Denique statim infinitos cūsos oportuit, ad pensiones totius orbis. Nihil est: & Hesychij aut Christi verba hoc modō volunt, ipsum illud quod ex censu in Tributum darent, *Censum appellatum, atque adeò pecuniam, siue grandis ea siue pauca esset.* Quin hoc totum pro priore sententiâ magis sit, quod Capitatio fuerit ex censu. Cur enim *Numisma census dicatur, si ipsius census nulla habita ratio?* Plura sunt: sed differo, & nūc inquirō, quod cœperam, in Capitationis fructum. Multum rediisse ex eâ, multitudo capitum dicet, quæ in Romano orbe. Iosephus de solâ Ægypto scripsit, *habere eam septingentas & quinquaginta myriadas homi-nūm: idque liquere ex tributo quod in capita singuli pendunt.* Postrema hæc ita palam Græcè habent: et si interpres leuiter aliò deflexit. Sed argumentatur & colligit de Capitum numero, ex ipsâ Capitatione, & tabulis scilicet Censualibus, quas inspexit; aut ab iis qui inspexere, hausit. Nam et si non Pueri aut Senes conferrent, vt prædixi: tamen & eorum nomina scripta probabile est, contrâ fraudes, & pro ceterâ diligentia aut curiositate Romanorum. Si igitur talis ille Ægyptiorum numerus (& *Alexandriae incolas etiam excipit, qui ipsi ad centena aliquot millia:*) facile intellectu est, in quantum creuerit capitarium hoc vestigal. Adeo enim alias prouincias in partem: quarum omnium in popu-lis numerum sub Augusto voluit Suidas exprimere, atque uti-nam is locus rectè haberet! *Augustus, inquit, omnes subditos viri-tim adnumerare voluit, ut sciret quanta multitudo esset.* Kai & eionovraoi τὸν πολιτῶν οἰκουμῆνας, ut μετάσεις Χίλιοι Ι. av. spes: & reperti sunt Ro-manam ditionem incolentes quadringenta & decem myriades, mille & se-

* Septem mil-liones cum dimidio.

In verbo Au-gusti.

& septemdecim viri. Falsi planè numeri, & per exigui: cùm sola Ægyptus ultrâ donet. * Emendare tamen, non nisi eius est, qui diuinandi artem certò tenet. Ut Capitationem igitur omittam, de vniuersis Tributis aliquid, dum siluas & lustra excutio, vi-deor indagasse: & ponam. Velleius, vbi de auctis finibus impe-rij, & prouinciis adiectis, ita ait: *Diuus Augustus, præter Hispanias aliasque gentes: quarum titulis Forum eius prænitet, PAENE IDEM, factâ Ægypto stipendiariâ, quod pater eius Galliâ, in ærarium redditus contulit.* Verba ea tollo & appendo, pænè idem soluisse Ægyptum, quod Galliam: ergo ista plus etiam dedit. Quid si inueniam Tributi igitur Ægyptiaci modum? propemodum in Strabone, qui sic tradit: *Ciceronem in oratione quapiam scri-putum reliquisse, tributa ex Aegypto redisse Ptolomæo illi qui Cleopatrae pater fuit, talenta annua duodecim millia & quingenta.* Vbi hoc Ci-cero, nescio: hodie non exstat, & puto tamen fuisse in eâ pro Rabirio Postumo, quia argumentum eius tale aliquid vel admittit, vel petit. Sed parum hoc ad rem: illud maximè, quod Strabo adnectit, his verbis: *Si igitur ille rex neglegenter & ignavè imperans, tantum redegit: quid NVNC censendum est, cùm omnia tantâ diligentia & ordine administrantur, itemque Troglodyticâ & Indicâ negotiatione sic auctâ?* Satis præit nobis & adserit, multo plus in Tributis Ægypti suo, id est Augusti vel Tiberii, æuo fuisse: quâm olim sub Ptolomæis. Atqui si tunc tot illa dicta talenta (ea faciunt septem milliones & semissēm:) quidni ad decem aut duo-cim milliones producamus in sequenti æuo? nec nimium censeo me dixisse. AVD. Censeo te dixisse Lipsi, censeo. Nam prium Strabonis illud Diodorus refellit, qui lustrasse sub id tempus Ægyptum scribit, & accepisse ab iis qui res rationesque Regias tra-
Et abant, illum accipere supra sex millia talentum annua. Iam de Galliâ etiam habeo quod dicam: sed tu de isto priùs. Lips. Semper mihi res cum Diodoris? amo scilicet hoc nomen, ob vnum illum virum. Sed tu scito breuiter, Diodorum si ab Ægyptiis hoc accepit, Ægyptiaca igitur talenta etiam intellectu, quæ maiora Atticis, & habent minas siue libras octoginta: quod Plinius ex Varrone scripsit. Ita igitur si consideras, haud nimis ea sex mil-lium summa à Duodecim abit, et si tamē abit. Sed addit Diodorus, plus etiâ accepisse: quod ipsum nos iuuet: & deniq; Ciceroni ac-

G 2 Straboni



Straboni lubet meritò, præ Diodoro, credere atque adhærere. Enim uero opes Ægypti magnæ, redditusque: & Iosephi verba tu hæc audi. Tributorum, inquit, multo amplius Romanis per singulos menses pendit, quam vos, o Iudei, toto anno: & prater pecuniam, annonam frumentumque quatuor mensum urbi Romæ. Ita Agrippa rex in concione Iudeos alloquitur: & duo ex iis discas, grande aliquod Ægyptios intulisse, & Iudeos vix duodecimam eorum partem. Sed ut cœperam dicere, si tantum istud Ægyptus: quid iam Gallia, quæ plus, ex Velleio, & ratione (nam multo grandior laxiorque est) plus, inquam, longè dedit? An minus igitur, quam xv. aut xx. millions? Avd. Et hîc erat Lipsi, in quo volebam te non reprehensum fortasse, sed repressum. Quid clamas de Galliâ? os tibi claudit Suetonius, vel te restituente: C. Cæsar Galliæ CCC^{es}. Hs. in annos singulos, Tributi nomine, imposuit. Hoctu ita ex libris veteribus: hoc & Eutropius idem dicit. Atqui quadragesimæ illud, quid nisi unus millio est? vt videoas corrueire tot illos à te superstructos. Lips. Ego tamen firmiter satis struxi: nec machina hæc tua deiicit, aut quatit. Nam restitui ita, fator, libros secutus: sed quid si in numeris aberrantes? non insolens est: & hîc, cum inquiero & penetro, planè est factum. Dic sodes tu aut alias, illa ampla, illa diues Gallia (sic enim semper habita & laudata) non nisi millionem annum in tributo derit? O clementiam imperij Romani! o illos benè meritos de urbe, quam ceperant; de populo, quem ad extremum armis prouocarant! Non sunt ista profecto: & audeo adfirmare Suetonium atque Eutropium scripsisse ~~∞ ∞ ∞ ∞~~. id est, quater millies. Ea summa decem millions reddit: minus inquires, quam Ægyptus: ita est, sed addo, & ratio comprobatur, aucta hæc Tributa largiter, & vel in duplum, ab Augusto esse. Nam ille censem per Gallias instituit, opus nouum & inad suetum Gallis (vt Claudio in Oratione apud Senatum loquitur) & cā ratione immensum auxit. Quod fecit idem in aliis prouinciis, & in Syriâ etiam, vt ex Euangelistâ notum: itemque in Hispaniâ, sed temporibus diuersis. At iam, mi Auditor, si sola Ægyptus & Gallia ad xxx. aut circiter millions pependerunt: quid totus orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? & multa

multa omitto: & concipere summas vereor, sed supra * cen- * Vide Ne-
tum quinquaginta milliones fuisse, animo hoc sentio, & ore etiam ^{ta.} tam
promo.

C A P. I I I.

De Ærario militari, & Vigesimâ, Vigesimaquintâ, Centesimâ ad idexplendum.

O IGI TVR opes immensas cum considero! & maximè in diligentia cā quam Strabo commemorat, cuius exemplum etiam iocosum, lubet dare. Scribit idem alibi, Gyarum se rvenisse (non insulam, sed scopulum) à pauculis pescatoribus habitatam, atque eos ipso illo tempore quo adfuit, Legatum ad Cæsarem mississe, deprecatum gravitatem tributi. Nam impositos sibi centum quinquaginta denarios, cūm agrè centum possent pendere. Tu rides? licet: sed vides quam nihil eos fugerit, & saxa & rupes etiam habuerint sub tributo. Nec de magnis sanè prouinciis hoc Senecæ acceperim: Cainum Caligulam centies Hs. absumpisse, vt prouinciarum tributum una cena fieret. Mediocrum dico aut tenuum prouinciatum: nam ampliores, quanto amplius? Et finem ego hîc putabam: sed tamen alia etiam se obiiciunt & occurunt, sine fraude magnâ Ærarij non omittenda. Nam Augustus ille, qui valde rem Romanam auxit, etiam onera, & hîc quoque pro nomine suo fuit. Nam is Ærarium militare seorsim instituit, & ad id explendum reditus nouos & certos. Suetonius ita: *Quidquid Cap. xcii* ubique militum esset, ad certam STIPENDIORVM PRAEMIORVM- QVÆ formulam adstrinxit: definitis, pro gradu cuiusque, & temporibus militie, & commodis missionum; ne aut atate, aut in opere, solicitari adres nouas possent. Vitæque perpetuæ, ac sine difficultate, sumptus ad TENDOS eos PROSECVENDOSQVE suppeteret, Ærarium militare cum VECTIGALIBVS NOVIS instituit. Notandum est, duplii pecuniâ opus fuisse, ad Stipendia & ad Præmia: quod seorsim Suetonius dixit, addiditq; ad Tendos, in militiâ scilicet, & ad Prosequendos, nempe post militiam, & à missione. Quid autem inquires, an tot igitur illa tributa non sufficiebant alendo & ornando militi? Sufficerent omnino, nisi & alia publica onera, eaque immensa fuissent, in populo pascendo, in ludis dandis, in operibus, in magistratibus & officiis: & quæ distinctè aut ac-



curatè dicere, non sit huius loci. Utinam Appiani liber exstaret, qui hæc omnia fuit complexus! Ita enim ipse, initio operis, ubi id diuidit & disponit: *Ultimus liber, inquit, habebit COPIAM MILITAREM, quam & quantam Romani habeant, tum & PROVENTVS PECVNIA SVRA, quas per singulas gentes capiunt; item quid in CLASSES impendant, & si quid erit huiusmodi.* O pulchrum, o desiderabilem illum librum! sed periit: scire tamen Appianus illa potuit, tum quia & ipse in Republicâ fuit, tum quia moris rationes illas imperij in publico edi. Suetonius de Caligulâ: *Rationes imperij ab Augusto proponi solitas, sed à Tiberio intermissas, PUBLICAVIT.* Rationarium, siue & Breuiarium i imperij, hoc idem Suetonius alibi appellat: & Tacitus explicat describitque, cùm prolatum à Tiberio libellum scribit, quo OPES PVBLCIAE continebantur. quantum ciuium sociorumque in armis, quot classes, regna, provinciae, tributa aut vectigalia, & largitiones ac necessitates. O hunc quoque laudabilem morem! cùm Princeps rationes quasi cum Republicâ ponit, & ostendit nihil sibi quæri propriè, aut insumi. Sed abeo à meâ re, admiratione talium: & semel dicenda fuerunt. Nos igitur iterū suspenso gradu quæramus quæ perierunt, aut in obliuionis aquis latent. Dixi Ærarium militare institutum nouiter ab Augusto, & ad id implendū quæsitos fontes. Tres repperit, Vicesimam, Vicefimamquintam, Centesimam. Vicesima fuit hereditatum: de quâ in hunc finem institutâ apertè ita Dio, in actis anni DCCLIX. Postquam multæ pecuniariae rationes propositæ, & spretæ fuissent, ad Ærarium militare: placuit tandem seditque, ut Vicesima esset hereditatum & legatorum, quæ cuique obueniissent testamento: exceptis tamen aut sanguine & valde iunctis, aut admodum pauperibus, quos hoc onere liberarunt. Duo venisse in hanc vicefimam vides, Hereditates & Legata: Deus bone, quanta & quām crebra ea, vel in Româ tantum? Quot illîc diuiciæ, & quoties, per capturas & aucupia, ad exteros translatæ? Soluebat igitur sæpe Vicesimam: & nemo ambigat fuisse incredibile Ve-ctigal. Excipiuntur tamen hîc Proximi, vel Pauperes: & Nerua ac Traianus etiam, posteà mitigarunt, quod in Plinijs Panegyrico diffusè est videre. Atque vt vnum fatear, hoc Tributi genus imitabile videatur, nec graue etiam pendentibus: cùm latitia magni & inopinati sæpe prouentus obruat vel minuat sensum

Lib. xv.

sensum inferendi. Sed fons alter, *Vicesima quinta mancipiorum.* de quâ Tacitus: *Vecligal Quintæ & vicefime venalium mancipiorum* Lib. xiii. (à Nerone) remissum: specie magis, quam vi, quia cùm venditor pén-derere cogeretur, in pretium emptoribus accrescebat. Id autem Aerario militari accessisse, Dio item scribit, anno post Vicesimam institutam. Cùm etiam pecuniâ, inquit, opus esset, & maximè ad Vigilum cohortes iam institutas, Augustus vecligal Quinquagesimæ, in venditio-ne mancipiorum, induxit. Dico Quinquagesimæ: & sic in Græco est, τὸ τέλος πεντηκόντης: an non tamen πεντηκόντης rescribendum, leui mutatione, id est Vigesimæquintæ, pro verbis claris Taciti, sit considerandum. Magis est, ut putem sic fuisse, & Romano scriptori accredam. Quanti hoc vecligal fuerit, is agnosceret, qui crebra mancipia in Romano orbe, crebram mutationem, & maxima deinde eorum pretia cogitabit. De crebritate, alibi dicemus: de pretiis, quis nescit Daphnidē vénisse (in Plinio) tre-
centis millibus & septingentis festertijs? id est, septem millibus quin-
gentis septendecim Philippæis cum dimidio: grande pretium in
vno fluxo & mortali homine, & quem solus Grammatici titu-
lus commendabat. Ab eâdem classe & arte Lælius Præconinus
(in Suetonio) emptus ducentis millibus nummum: quæ sunt quin-
que Philippæorum millia. Iam Caluisius ille Sabinus (in Seneca)
plures anagnostas habuit, & singulos centum millibus empos. Quot
aurei igitur prodeunt è talibus singulis? quot ex millenis ali-
quot, qui, cotidie dixerim, véniebant? Et Iurisconsulti qui-
dem pretia seruorum definiunt: in communi aliquo viginti aureos;
in artifice, medico, notario, eunucio, triginta, quinquaginta, sexaginta:
& quanquam Romani aurei sunt (id est duplices nostri) tamen
modica illa æstimatio, nec in venditione locum habet, quæ ni-
mis sæpe excessit. Alio fine à Iurisconsultis ea sunt scripta: &
fortasse ad Portoria aliquis etiam trahet. Sed tertius fons, Cente-
simam, quæ rerum venalium fuit: de quâ Tacitus, in Tiberij rebus.
Centesimam rerum venalium deprecante populo, edixit Ærarium mili-
tare eo subsidio niti. Si omnium autem venalium, quæ & quām
infinita summa fuit? Si in auctione tantum, minor, sed & sic
grandis. Suetonius quidem sic restringere videtur, qui in Cali-
gulâ Centesimam auctionum appellat, & remissam Italæ ab eo Prin-
cipe notat. Finiui de Aerario militari: quod propriè quidem ad
ipsum



56

DE MAGNITUD. ROMANA

ipsum facit. Aliás non nescio, & pœnas siue mulctas legum, item damnatorum confiscationes sæpe in hoc ærarium relatas. de quibus Plinius in Panegyrico: *Locupletabant & fiscum & ærarium, non tam Vœconia & Iulie leges* (Papias intellegit, de mari-tando) quam *Maiestatis, singulare & vnicum crimen eorum, qui criminis vacarent.* Et magna quidem hæc ratio fuit: sed illa Maiestatis raro, nisi à deterioribus, usurpata. Tetigisse hæc satis sit: nos nunc ad alia imus.

C A P V T V.

De Metallis, & argenti, auri, aliarumque rerum fodinis.

AV D. An & aliud igitur restat? LIPS. Aliud, aliaque potius, vt dixi. AV D. Hem, quo usque accumulabimus? & vide ne patientiam omnem illis excutias tot onera ferendi: imò & mihi pœnè fidem. LIPS. Confide, benè & firmiter imponam, & testimoniorum suis vinculis ligabo. In istâ re pecuniariâ, an ipsam eius materiem, id est *Metalla* omittam? nefas. magni ex iis redditus, & in variis locis: & redditus quidem innoxij, iusti, & sine onere subditorum. Terra, benigna illa mater, hæc quoque nobis donat. Cassiodorus pulchritè: *Metallarij sine furto diuitias rapiunt, optatis thesauris sine inuidia perfruuntur, & soli sunt hominum, qui absque vllâ nundinatione, pretia videantur acquirere.* Iterumque mox addit: *Aurum per bella querere, nefas est; per maria, periculum; per falsitates, opprobrium; in suâ verò naturâ, iustitia.* Nescio tamen, ô bone Cassiodore, nescio de *Instituâ:* & an non Sæuitia aliqua admixta? certè, vt illi tunc quærebant. Nam multa millia hominum huc adigebant, quosdam mercede conditos, plerosque damnatos ad metalla: quos in subterraneo illo carcere, fames, labor, vapor, & ruina sæpe etiam necabat. Ipse Cassiodorus non dissimulat: *Intrant homines caligines profundas, viuunt sine superis, exsulant à sole: & dum sub terris compendia querunt, nonnumquam lucis gaudia derelinquunt.* Ægyptiorum hoc inventum fuit. quorum reges (ait Diodorus) omnes criminis damnatos, item ex hostibus captos, siue quis regem offendisset, ipsum & totam cognationem interdum, auro effodiendo deputabant: simul & facinorum pœnam sumentes, simul & quæstum vberem ex eorum labore capientes.

Lib. 1.

LIBER SECUNDVS.

57

pientes. Atque hi tali interdum numero, vt Polybius ad Carthaginem Nouam, fodinis in Hispaniâ, non minus XL millia hominum scribat assidue in opere versari. Plinius etiam notat, *Censu-riam legem fuisse Iætimulorum aurifodinæ in agro Vercellenſi, quâ caue- Lib. xxxiii. cap. 1111.* batur, ne plus quinque millia hominum in opere Publicani haberent. Nec id credito miseratione aut cuiâ pereuntium factum: sed cautione, & dispensatione operis, vt ne in vnâ conductione Publicani totum aurum exhaustirent. Itaque lex in elocatione dicta fuit, de numero operarum. Strabonis locus est, qui abdicare à Rep. aut Principe Argenti omnes fodinas videtur, relinquere tantum Auri. Verba: *Esi δὲ καὶ νῦν τὰ αργυρεῖα, δὲ μέροις οὐδέποτε, οὐτε τὸ τοῦ διάλογος τόποις, δὲν εἰς ιωτημάς περισσοτέρων εἰσίσθειν. τὰ δὲ χρυσεῖα οὐδεὶς θεάτραι τὰ πλείω: Sunt autem & nunc Argentariae in Hi- spaniis, non tamen publicæ, neque ILLIC neque in ALIIS LOCIS, sed ad priuatas redempturas sunt redactæ. Aurariae autem pleræque publicè exercentur.* Ambigua mihi hîc sententia est, velitne venditas Argentarias priuatis, certâ pensione aut illatione, an dumtaxat elocatas, vt olim solet. At in Aurariis aliter, quas ob lucri magnitudinem ipsi Principes exercent. Ex hac quoque metallariâ parte igitur, magnum vberemque factum quæstum, & nostra ætas doceat: maximè cum pulcherrimas fœcundissimasq; Fodinas varie haberent, vt in Hispaniis, Galliis, Norico, Salassis, Illyrico, Pannonia, Thracia, Macedonia, Proconneso: quarum singulatim testimonia dare possim, sed fidei meæ nunc hoc credes. Habuit & Italia, putatque Plinius *aliam nullam fœcundiores metallorum quoque tellurem esse:* sed interdicto Patrum cautum, vt ei, velut parenti, parceretur. Præter hæc, fuerunt & Cretariae, & Picariae, & Salinariae, Ærariae, Ferrarie: & nullum genus quæstus è terrâ omissum.

C A P V T VI.

De Vrinario vectigali & Chrysargyro, item de Meretricio.

IAM & alia video. AV D. Bonâ veniâ Lipsi, etsi audiè audio, tamen tædere incipit tot illationum. Quid faciemus his opibus, & quin potius erogamus? LIPS. Alia, alia: & ab Augusto & priscis ad nouiores, atque adeò audiores, veniamus. Exordium à Vespasiano (nam Caligulam consultò omitto, qui multa &

H infana



58

DE MAGNITUD. ROMANA

insana instituit, sed mortua cum ipso) à Vespasiano, dico: qui, ut communiter de illo Suetonius, *Auxit tributa prouincis, non nullis & duplicitate.* In paucis verbis quanta accessio rerum, attritio subditorum? Et quidni ille solita augeret, vel duplicaret, qui instituit & excogitauit etiam pudenda? Nam *Vrme vestigal commentus* est, quod idem scriptor tradidit: & notus, cùm filio pecuniam ad nares admouisset, in eâ re eius iocus. Origo huic *Vestigali & cauissa*, quod in publico amphoræ aut dolia stabant ad Vrinam reddendam: quam Fullones, opinor, verte- bant deinde in suum usum. Tûne rides? AVD. Largiter. & vah Vespasiane, non alia tua sagacitas in excogitando? LIPS. Sed Principes etiam secuti tenuerunt, siue auxerunt: & videtur hoc fuisse triste illud *Chrysargyrum*, historiis decantatum. Georgius Cedrenus quidein eò trahit aperte. *Chrysargyri pensio* fuit, inquit, talis, ut quisque mendicus aut pauper, meretrix siue iam emerita, omnis seruus itemque libertus, inferrent in ærarium pro VRINA & STERCORE, iumentorum etiam & canum: siue in agris, siue in opidis habitarent. Et homines quidem viri sui sexus, Nomisma argenteum; equus, mulus, bos tantumdem; asinus & canis, folles sex. Cum Cedreno Constantinus Manasses facit: *Chrysargyrum sustulit Anastasius Imperator.* quod erat, ut omnes viri, feminæ, pueri, serui, liberi, nummum argenteum, nomine STERCORIS ET VRINAE fisco darent. Idem multi, equi, boves. Proh sancta fides! quanta hæc pecunia fuisse debuit, ex omnigenere pænè viuentium? & quæ unquam Capitatio accessit? Miror, & simul indignor, hæc tam fœda & tristia à Constantino nostro Magno instituta: si tamen ille. Nam Zosimus afferit, & eum culpat: * Euagrius ex professo negat, & hunc ut hostem optimi Principis inuidit. Sanè videtur à Vespasiano exemplum, quicumque auxit & produxit. AVD. Phui, phui hæc talia! & odor mihi nares spurcat. LIPS. Quid tu auertisti? viri proceres & reip. primi hoc munus colligendi ambibant, non aliter (Euagrij verba) quam militarem aliquam Praefecturam, aut Ciudem magistratum. O indignitas! sed Princeps dignitatem addebat, qui & in Sacrum ærarium hanc pecuniam recipiebat. Idem ille Euagrius notat: nec miremur Iuuenalem iam olim scripsisse, de iis quos fortuna amaret:

Conducunt foricas. & cur non omnia? cùm sint

* Vide lib.
111. Ecd.
Hist. cap.
xix.

Quales ex humili magna ad fastigia rerum

Extollit, quoties voluit Fortuna iocari.

Atque isti pudendarum sordium lucisque exercitores aut conductores sunt, quos *Foricarios Iurisconsulti* appellant. AVD. Mihi ridere hîc lubet res humanas. LIPS. Quid ita? AVD. Nam qui pulchriores ludi sunt, quam vel institui tributum in hæc talia: vel collectores eis honestissimos admouere? An istud non est illudere & insultare, non dicam dignitati, sed libertati? LIPS. Tibi sic videtur, & nobis hodie: & tamen, ut nunc quoque mores aut cupidines, aliquis seueriorum fortasse fuisset inter illos *Foricæ candidatos*. Sed aliquid occurrit. quid? turpe & pudendum item, & dignum suo auctore. *Caligula ex capturis Prostitutarum vestigal instituit, quantum queque uno concubitu mereret.* Ita Suetonius: sed quod credo cum illo periisse: et si postea quoque sub Heliogabalo *Lenonum vestigal, & meretricum, & exoletorum* fuit. Ista fœda, & Romano nomine indigna: nec sustulit tamen optimus Imp. Alexander Seuerus, sed dumtaxat in *Sacrum ærarium vetuit inferri, & ad instaurationem Theatri, Amphitheatri, Circi deputari.* Ex quo verè dixeris, magnum & hoc *Vestigal* fuisse, cùm ad tantorum operum restitucionem conferret. Sed mittamus, & finiamus. Nam ad posteros Imperatores & Græcanicos, non lubet ire: et si multa & iij inuenerunt aut collegunt, & quidam eorum diuicias mirandas.

C A P. VI.

De opibus Byzantini imperij: & clausula ac finis Tributorum.

AVD. Etiámne Græcanici? quî vero id potest, imperio iam tenui, diuiso, & sic minuto? LIPS. Potest: nec in rationes aut vias omnes pecuniæ lubet inquirere, ipsam tibi dabo. Basilius Imp. (vixit sub annum Christianum octingentesimum) à Zonarâ scribitur, implesse totum Aerarium, & ipsos aditus viasque, pecuniis consertim stipatis. Habuit, inquit, in thesauris DVCENTA MILLIA talentum auri. Nam alterius pecunie NEC NVMERVS iniri poterat, adeò ut terræ eam infoderet, ærarius aut repositoris ubique repletis. Quin & ARCVLA habuit lapillis gemmisque pretiosis plenas, cùm aliis, tum illis quæ cudent,

H 2 & quas.



& quas Margareta propriè appellamus. In quibus verbis ducenta illa millia talentum auri, quid reddunt? ipsos mille & ducentos miliones. Vbi nunc argentum illud infinitum & innumerum? ego non arbitror infra, imò supra, aurum fuisse. Vbi gemmæ & lapilli in arculis? itidem & quasle. O mira, ô reiicienda, nisi è dictis & dicendis fidem caperent, & mutuo sibi attestarentur! Enim uero hoc grande in Græcanicis, Iudæus etiam scriptor longè post, affirmat: cuius *Itinerarium*, Beniamini nomine, Arias Montanus edidit, vir plurifariam doctus, & nobis peramicus. Is ante annos circiter CCCC Europam, atque alia, peragrauit, & scribit se Constantinopolim quoque venisse. In eâ vrbe, inquit, vidi res atque OPES INENARRABILES. Deferuntur enim in Principiis palatium quotannis Tributa, quibus TVRRES implentur coccineâ purpureaque veste, & auro: ita ut NULLVBI TERRARVM par congesæ pecunie exemplum reperiri possit. Affirmatur etiam ipsius SOLIS VRBIS vectigal, ex Foris vñalium, & Portu ac mercatorum pensionibus collectum, ad VIGINTI MILLIA AVREORVM IN SINGULOS DIES accedere. Quid tu facis? quò abis? AvD. Fugio. Lips. Sanè bellus comisqué es: postquam benè te sermone saturau & excepti, abis, nec vel salutas. AvD. Salus te amet Lipsi, sed magis Veritas. Ego vt hæc tam vana, tam monstrosa, stans patiensque audiam? Fugio. nam in os tibi resistere aut refelle re, pudor me arcit. Lips. Exsoluo te hoc vinculo, fac si potes. AvD. Nam satis attendisti Lipsi (vt *Turres auri*, & *Gemmarum arcuas* omittam:) vnam vrbem, in vnumquemque diem, dare vicena millia? Lips. Attendi. AvD. *Aureorum* etiam? Lips. *Aureorum*, & fortasse veterum, qui duplices fuere ad hos nostros. AvD. Proh Deus, vbi terrarum sum? & tu etiam auges? Lips. Es hic in meo solo. Sed age, gratiam augmenti fecero: sint menstrua sexcenta millia aureorum nostrorum, sint anni septem miliones, & pñne quadrans. Quid hoc te percutit? maiora diximus. AvD. Sed non in vna vrbe. Prouinciarum, & quidem grandium, hoc tributum sit: atque hodie, regnorum. Lips. Non abnuo, sed nempe Byzantium, id est *Nova Roma* hoc dedit: & tunc quidem in suo flore, quid autem censes (vt obiter addam) illam veterem olim dedisse? Sed ego sanè hoc non nimis miror: illud magis, quæ opes esse potuerint, in tam exiguis tunc finibus, ad pompam

pompam & apparatum illum Principalem. Lege Curopalatem, si vis, *De officiis aulae Constantinopolitanae*, & adiunge Græcos alios: videbis Persas, & Medos omnes, vinci ab his Byzantinis. At ego tamen assensum tibi non impero: auctores meos deditu aut alius, huic aut aliò ite. AvD. Sed vnum etiam, Lipsi, quærere liceat. Cum sic vrges tanta eos olim dedisse: quì potuerunt miseri, & fuerunt oneri ferundo? Nam nos sanè hodie non possimus. Lips. Non possimus? dico ego nos facere. AvD. Nugaris, vt liberè loquar. nam vbi hodie Principum etiam magnorum iste opes, aut ætarij vbertas? Lips. Non est, fateor: & causæ aliae etiam sunt, sed & illa quam, pro mea nunc mente, dicam. Non vni Regi aut Principi, quisque in suâ prouincia, damus, vt olim: sed variè magis & diuisim, ita vt summa magna ad vnum non redeat, magna tamen contribuantur. Quomodo? in exemplo nostro vide. Conferimus hodie Principi quædam, post eum, Ordinibus, post hos, Magistratibus opidianis, post istos, Toparchis municipiorum aut pagorum. Denique Ecclesiæ etiam & Ecclesiastici, quām multa à nobis habent? & iustissimè quidem, atque ex lege diuinâ, sed tamen habent. Hæc igitur omnia si conferas, & in aceruum iungas: affirmo tibi nos paria, aut plura dare. Quid, quòd concussions & raptus militares omitto? quæ maxima ratio est, & misera nostra Belgica satis sentit. Negabis in vnam cænam militarem, rusticum aliquem plus imputasse, quām in annum tributum? Atque hæc non semel eueniunt, ô quando tollenda? quando securitas & pax erit, aut saltem disciplina militibus? quando œconomia & ordo in acceptis expensisque? Ista sint; fortiter & audacter dicam. tondeant accidente nostri Principes, renascemur

C A P. VII.

Pecunia è Triumphis, & aliquot eorum inspecti, estimatiq[ue].

AT satis in totâ re Tributaria iam dixi: alia via se ostendit & aperit (quoniam de militibus tetigi) *Militaris*. Quæ ea est? lata, trita, & per quam cumuli atque acerui pecuniarum inuesti. Pecuniarum imò vasorum, coronarum, vestium, gem-

H 3 marum,

marum, & quidquid dici appetendum, aut aestimandum possit. Ne teneam te, intellego Opes quæ è Prædâ & manubiis, per Triumphos inferebantur. Quot autem isti fuerunt? quam multi, supra modum & fidem, vberes diuitiesque? Liuus distinctè prolesque eorum recenset, & describit: mihi quid opus est? satis sit, opinor, tangere, & specimen eorum aliquod, peractates, dare. Fuere igitur Triumphi à Romulo, usque ad extrema Augusti, circiter trecenti duodecim: & ex his primi non nimis vberes, tamen modici, & magis magisque creuerunt. Ut ecce sub Regibus L. Tarquinij Superbi triumphū reperio, qui victâ Suebâ Pometiâ & captiâ tantum prædâ rettulit, (notante Dionysio) ut sacrata diuīs decimæ explerent quid ringentorum talentorum numerum. Ergo fuit in cumulo, quater mille talentum: id est, vices quater cetera millia Philipporum. Magnè sanè ab uno bello & victoriâ, si consideras, opes. Post eius deinde Reges, insignis L. Papirij Cursoris, de Samnitibus, habetur ab ipso Liuio: qui sic describit. *Triumphauit in magistratu, IN SIGNI, ut ILLORVM TEMPORVM habitus erat, triumpho.* Nobiles aliquot captiui, clari suis patrumque factis ducti. Aëris grauis magna vis transuercta, vices centum millia, & quingenta triginta tria millia. Id est redactum ex CAPTIVIS dicebatur. Argenti quod captum ex VRBIBVS erat, pondo mille trecenta triginta. Omne as argentumque in ærarium reconditum, militibus nihil datum ex prædâ est. Verba pluscula dedi, ut videoas unde etiam ea præda manubiæque parati solent: & ferè è Captiuis, quos ingenti numero sub coronâ venumdabant, aut è Spoliis opidorum publicis priuatisque. Summa autem illa Aëris efficit, vigintiquinque millia trecentos triginta Philippaos: Argenti, tredecim mille trecentos. Actales ferè, aut minores, omnes illi usque ad Tarentinum, triumphi: qui incidit in annum Vrbis CCCCLXXIX. De quo ita Florus: *Nec enim VLLVS PVLCHRIOR aut speciosior in urbem triumphus intravit. cum ANTE HVNC DIEM nil nisi pecora Volscorum, greges Sabinorum, carpenta Gallorum, fracta Samnitium arma vidisset. Tum, si pompas afficeres, aurum, purpura, signa, tabulae, Tarentinaeque deliciae.* Et valde ipse quidem aut nimis (ut est ille scriptor affectuum aut excessuum) nimis, inquam, veteres illos abiicunt: & hunc tamen non immerito attollit. In eâ urbe & parte Italæ, gustauit Romanus Græcanicas delicias & diuitias,

LIB. X.

LIB. I. CAP.
XVII.

diuitias, quas assatim poste à hausit. Sed nota in iisdem Flori, purpurâ, signa, tabulas illata: quod verum fuit, & deinceps etiam sollenne. Atque adeò (digna obseruatu res) quidquid notabile aut optabile orbis, aut in eo vrbis aliqua haberet, per hanc viam portamque Triumphalem id Romam ferè inuectum: et si quædam etiam extra bellum, vi aut persuasione magistratuim. Iam verò, postquam copiæ & arma extra Italiam missa, in grandes illas, & priscis opibus, aut victoriis quoque, inclytas regiones: quid auri, argenti, spoliorum non relatum? P. Scipio ecce ex Hispaniâ (in Liuio) argenti præ se in ærarium tulit LIB. XXVIII. XIII. millia pondo, trecenta, quadraginta duo: & signati argenti magnum numerum. Ea pondo faciunt, centum quadraginta tria millia, quadringtonos, viginti Philippaos. Etsi ille tamen Triumphus non fuit (nam sine magistratu eas res gesserat Scipio) sed pecunia dumtaxat Triumphalis. Idem iterum, victâ Carthagine (patiter in Liuio) intulit in ærarium argenti pondo centum millia triginta tria. Si LIB. XXX. ita accipis, ut sint triginta tria millia etiâ, voce Δπο νως repetitâ (ut equidem opinor) tum erunt nobis ter decies centena triginta millia Philippum. At alter Scipio, victâ & dirutâ eadem Carthagine, rettulit (ut Plinius adnotauit) quater millies CCCC. LXX. M. LIB. XXXII. CAP. XI. pondo. & addit: *Hoc argenti tota Carthago habuit, illa terrarum imperij emula, quod NVNC IN MENSARVM est apparatu.* Qui numeri tamen parum fortasse probi sunt: & si tot illa millia legas, quî potest verum esse, mensæ alicuius priuatæ ministerium tanti fuisse? Quin exigua opes Plinius indicare voluit, scripsitque meâ sententiâ: *quattuor millia, quadringenta, septuaginta pondo.* Ea efficiunt quadraginta quattuor millia Philippum, & septingentos. Neque miremur minus quam ante relatum, quia pleraque vrbis, dum capit, incensa & diruta fuit. Ita opes perditæ, aut ruinis oppressæ. Quod autem inibi etiam sequitur, in pari mendâ videtur: *Postea victâ Numantiâ, idem Africanus in triumpho militibus XVII. millia pondo dedit.* O viros illo Imperatore dignos, quibus hoc satis fuit! Nam quomodo laudet vel parcimoniam Scipionis, vel modestiam militum, si maior summa diuisa, quam tota Carthago habuit? Et escent ea pondo, centum septuaginta millia Philipporum: quæ redderent in viginti millia militum (ut ponamus tot fuisse) circiter octo Philippicos cum dimidio



64

DE MAGNITUD. ROMANA

dimidio viritum. Nimis magna hæc largitio in illo æuo restricto sit: nec sanè pro Plinij mente. Sint septem millia pondo: & plus sat is erit. Sed quid facio? per Triumphos omnes ibo? finis non sit: & Liuius distinctè ac descriptè in plerisque temporum horum fecit. Lustra si voles: iuuabit videre, & magis, si quis in summam & aceruum colligat triumphales omnes opes. Fac vel in Asiam solâ, vel magis Hispaniâ: nō admiratio solùm in animo tuo gignetur, sed stupor. Fortasse ego * alibi: nunc, vt institui, per ætates aut secula quosdam tangam. Vt hunc L. Æmilius de Macedonibus: qui (vt Velleij verba dem) tantum PRIORES EXCESSIT, vel magnitudine regis Persei, vel specie simulacrorum, vel modo pecunia, vt bis millies Hs. ærario contulerit, & OMNIVM ANTEACTORVM comparationem amplitudine vicerit. Simulacra ibi fuisse super ceteros vult: & quid mirum? cùm prisci illi Macedones, quidquid hoc elegantiarum esset, ex Graciâ totâ & Asiam iamdiu collegissent? Pecuniae etiam modum producit ad bis millies: id est, quinquagies centena millia Philippum. AvD. Magna summa est, & ex uno triumpho: sed quod fugere te non puto Lipsi (si fugit, suggero) Liuius eam atterit, & ad millies reducit.

Lib. xlii.

Lib. xxxiiij.
cap. iii.

Ita enim legitur: Summam omnem captiui auri argenteique translati, Hs. millies ducenties fuisse Valerius Antias tradit. Magis etiam Plinio minuitur, in quo ista: Intulit & Æmilius Paullus, Perseo rege deuicto, prædam pondo trium millium, à quo tempore populus Romanus tributum pendere desit. Lips. Hæc reiicimus, & Critico naso damnamus. Meritissimò tu putas Valerium illum Antiatem, qui omnia augere solet, & supra verum sæpe euehere (in Liuio non semel notatur) hîc ita parcum & oris modicum fuisse? Non arbitror, & minimum bis millies ducenties scripsisse: et si ipse Liuius addat, maiorem etiam summam, ex numero plaustrorum, ponderibusque auri & argenti generatim ab ipso scriptis, effici. Quod ad Plinium: is verò numerus rideri magis, quam carpi mereatur. Et itâne tria millia pondo auri (vt ponamus vel id solùm fuisse) nec amplius, Macedonia dederit? Hoc erat, cur populus Romanus Tributo liberaretur? cur iste, super omnes priores triumphos, censeretur? At qui tria millia pondo auri, faciunt trecenta milia sola aurorum. Quin tu, me arbitrio, cum libris quibusdam priscis lege, è Macedonicâ prædâ festertium ter millies. Est veritas.

nec

LIBER SECUNDVS.

65

nec mouet, quod minus in Velleio sit: fortasse & ille augendus: in Suidâ quidem lego, reperta in thesauris Regis Persei, in auro argentoque, sex millia talentum: id est, triciessexies centena millia Philippum. Quod si in solis thesauris & ærario peculiari Regis, quid in reliquâ prædâ publicâ opidorum, aut priuatâ hominum fuit? At verò Cornelius Sulla, et si splendido triumpho, minus intulit: scriptumque in Plinio, *translatisse auri pondo** XV. Lib. xxxiiij. *1500000. aureor. millia, argenti pondo * centum quindecim millia: si tamen & hîc numeri incorrupti. Excessit omnes deinde Cn. Pompeius, in illo *1150000 Phil. quem de rege Mithridate & Oriente duxit. Velleius de eodem: *Magnificentissimum de tot regibus, per biduum, egit triumphum: longeque MAIOREM OMNI ante se illatâ pecuniâ, præterquam à Paullo, ex manubiosis intulit.* Quid tamen istud, vicisse omnes, præter Paullum, in modo pecuniae? Ille verò & Paullum vicit: si verè Plutarchus, *viginti millia talentum in ærarium intulisse.* Nam ea sint, ^{In Pom.} centies vices centena millia Philippum. Et verè Plutarchus: & in ^{Pom.} Velleio emendandum, præterquam *Capitolio:* vt mox dicam. Vicit ergo Paullum: non tamen iterum sine nodo, quem ipse Plutarchus ligat & nobis iniicit, dum in Catone minore scribit: *Gloriatum eum, quod tantum argenti ex Cypro, cùm nec unum militem haberet, reip. contulisset, quantum nec Pompeius è tot bellis, & concusso orbe terrarum, rettulisset.* At enim Cato rettulit, non nisi septem talentorum millia, in eodem Plutarcho: quid ergo dicemus? Illud in Catonis illatione, minutum & corruptum esse, ad vigintiseptem millia aut circiter reformatum. Enim uero de prædicata illæ Cypriæ gazæ haud maxime sint, nec sic per inuidiam quærendæ, si non ultra septem talentorum millia productæ. Sed de Pompeij quidem grandibus manubiosis quis dubitet, cùm & in solos milites largitum, donatiui triumphalis nomine, * XVI. *960000. Phil. millia talentum Appianus scribat? Magna hæc omnia sunt, & verè illo Magno digna: sed hunc hîc quoque C. Cæsar, vt acie, vicit & superauit. Appianus ait *quater eum triumphasse* (nam quintum differt:) & *intulisse sexagintaquinque millia talentorum.* Scis tu quid hoc efficiat? *trigintanouem nobis milliones: plus triplo eius, quod Pompeius intulisset.* Tu me respicis, & vultu arguis: quid est? AvD. Ex fide Latinis scriptoris, hæc non sic esse: tu Græco magis accedis? Nam Velleius de omnibus Cæsaris

I

trium-



triumphis, id est quinto illo Hispanensi etiam addito: Pecuniam ex manubij latam, paullo amplius sexies millies hs. disertè scribit: qui sunt dumtaxat millions quindecim. Et sanè, meo animo sufficiunt. LIPS. Credo equidem tuo animo, & arcæ etiam tuæ, si quis inferat: sed non sufficiunt, pro magnitudine tunc vel Romanâ, vel Julianâ. Imò tu rescribe meo animo, deciessexies millies: conuenientissimè ad Appianum. Nam ista sint quadraginta milliones: atque aliquid scilicet accesserit ex prædâ Hispanensi. Ex paucis his vides, immensas opes in Ærario cumulatas è Triumphis: quos non omnes, imò nec decimam partem dedi. Ergóne Plinij libris fides aut puritas sit, dum scribitur C. Cæsar iste, initio ciuilis belli, Ærarium compilasse, & protulisse ex eo laterum aureorum XVI. millia, & in numerato pondo trecenta? Profectò non sit: & perexigua ista, & quasi furtures aut folia, pro totâ illâ massâ, & tam vetustâ, auri argenteique. In veteribus legitur: Laterum aureorum XV. argenteorum XXXV. millia, & in numerato HS. quadringtonties. Sed nec ea summa protot triumphis: etiam si in laterculo quoque decem pondo imputes, quod Budæus fecit. Sed diuinare tamen omitto, cùm fulcrum non est cui innitar. Lucanum, si vis, lege furtum hoc Julianum valde exaggerantem.

C A P V T I X.

De Auro Coronario, & Coronis dictum.

TRIVMPHALIA habes: mentior. largiter etiam restat. Quid illud? Aurum Coronarium, quod specie triumphorum vel oblatum fuit, vel exactum. Origo eius, ut socij & amici, victori Imperatori Coronas aureas offerrent, quasi gratulantes, & meritum ei caput cingentes. Itaque primò quidem Coronæ ipsæ datae, aut missæ: posteà inualuit, ut pro iis Pecunia offerretur. Hæc accepta à Sociis, aut Subditis: & sicut manubias ab hostibus legebant, sic spolia ista occulta ab amicis. Mos planè vetus, & à Græcis, nisi erro, ad Romanos imitatione translatus. Apud Athenæum quidem Chares, in rebus Alexandri magni, ait, post viustum Darium, missas CORONAS partim à Legatis gentium, aliisque, estimatas decem millibus ac quingentis talentis. Atque alibi talia

Lib. xi.

talia legas. Iam apud Romanos, crebrum. vt in Liuio, cùm Cn. Manlius Gallograecos vicisset, eoque terrore Asiam liberasset; Lib. xxxvij missæ vndique legationes non gratulatum modò venerunt, sed CORONAS etiam AVREAS, pro suis queque facultatibus, attulerunt. Itaque idem Manlius in triumpho tulit (apud eumdem Liuium) coronas aureas ducentas duodecim, pondo: id est, vt singulæ fuerint librales. In triumpho, inquam: & ita obtinuerat, vt eæ coronæ ante ipsum victorem latæ, populo ostenderentur. De eo Festus: Triumphales coronæ sunt, quæ Imperatori victori aureæ PRAEFERVNTVR, quæ antiquis temporibus propter paupertatem laureæ fuerunt. Iamantè etiam in Quinti Flaminini triumpho Liuius: Coronæ aureæ, DONA ciuitatum, translatæ centum quattuordecim. Itemque in Scipionis Asiatici, numerat aureas coronas ducentas trigaquatuor. At verò Appianus in Cæsar, bis mille octingentas vingtidas, easque pondo viginti millium quadringtonitorum quattuordecim: ita ut decem pondo, aut circiter, plerasque necessum sit fuisse. Neque equidem pro magno aut vero habeo, quod Plinius quasi inter raræ magnificentiae exempla scripsit: Claudius cùm de Britannia triumpharet, inter Coronas aureas, vnam VII. Lib. xxxij. cap. 111. pondo habuit, quam contulisset Hispania citerior, alteram IX. quam Gallia comata, sicut titulus indicauit. Minuta, minuta hæc sunt, nec vel Claudio, vel tam ditibus prouinciis, ad ostendandum, digna. Ut minimum, fuit DCC. pondo, iterumque DCCCC. vel potius ∞. Etsi non ad usum tales, sed pompam modò fuisse sciamus. Ideoque & de his Tertullianus capiendus, libello de Coronâ: Sunt & prouinciales aureæ, imaginum iam, non virorum, capita MAIORA querentes. Benè Prouinciales, quia ab iis datae. Nec coronæ solùm ipsæ, sed aurum ac pecunia ad coronas: atque id propriè Aurum coronarium, de quo & titulus est in Codice Iustinianæ. Seruius ad hoc Virgilij: Dona recognoscit populorum, notat: Aurum coronarium dicit, quod ho die à victis gentibus datur. Imponebant autem hoc Imperatores propter concessam vitam. Non rectè omnino, nec ab ipsis iam vietiis ob vitam datum, sed à sociis amicisque, ut dixi, datum tamen in pecuniâ, titulo coronario. Ut apud Polybium (in Fragmentis) οἱ γεροὶ ἐσφαιωσαν τὸν ἀριόχον τὸν βασιλέα πεντακοσίους ἀργυρίου τελάτοις: Gerai coronarunt Antiochum regem quingentis argenti talentis. Ut apud Liuium populus

I 2

quidam



quidam Asis, Manlio ingredienti fines ut cohiberet à populatione mi-
litem, in coronam auream xv. talenta offerunt. Et hoc prætextu ra-
pinas extorsionesque usurpatas, quis non colliget? Cicero Piso-
ni obiicit: *Mitto aurum coronarium, quod lex & decerni & accipi-
vetat, nisi Imperatoribus ex prouinciâ decedentibus, ad decorandum
triumphum. Sed istas leges spernebant. & Dio Cassius quosdam
notat, cùm res leuiculas gessissent, triumphum sibi, vel à Cæsare vel ab
Lib. XLIX. Antonio, impetrasse: οὐδὲ τῇ φροντίᾳ ταύτη, inquit, χρυσόν πολὺ ἀδείγμα
τῇ διάνυσσε τοὺς σεφάνους ἐστερεώττο: & isto hoc prætextu, multum auri
à populis, quasi ad coronas, colligebant. Imò verò & ab ipsis Italis,
Lib. LIII. qui tamen immunes talium videbantur esse. Cæsar quidem ita
fecit. de quo idem Dio, cùm ex Asiam, victo Pharnace, rediisset: *Ibi quoque (Romæ) magna pecunia coacta, quam partim titulo DONI,
ut erant CORONAE, statua, & talia, collegit; partim mutui nomine ac-
cepit. Decretis enim coronis statuisque, pecuniam ipsam dari si-
bi curabant. Ideò miretur fortasse aliquis, ipsum illum Græ-*
Lib. XXVII. cum postea scribere, de L. Antonio M. fratre: quod is, cùm trium-
phasset Kalendis Ianuariis, in quibusdam Mario se comparabat, aut &
præponebat in eo maximè, quod is Marius aut nullam, aut unicam om-
nino coronam accepisset; sibi verò cùm alijs, tum populus tributum (quod
ante ipsum nemini) coronas dedissent. Ait nemini id contigisse: at-
qui, nonne ipso narrante, iamante Cæsari? Sed obseruetur, tri-
butum: in eo nouitas, & est hoc quod Cicero irridet, *Patronum
quinque & triginta tribuum fuisse.* Ideò igitur & tributum dede-
runt, nouo more. Sanè Italos dedisse, vel ex eo liqueat, quod
Augustus de se in lapide Ancyranico dicit: *MUNICIPIIS. ET. CO-
LONIIS. ITALIAE. CONFERENTIBVS. AD. TRIVMPHOS. MEOS.
QVINTVM. CONSVL. REMISI. ET. POSTEA. QVOTIESCVM-
QVE. IMPERATOR sum appellatus, AVRI. CORONARIVM. NON.
ACCEPL. Gloriatur verè. & consonat in illo ipso quinto consu-
latu Dio Cassius, qui notat, eum tunc benè audisse vulgo, ὃν τὸν τοῦ
πόλεων, τὸν δὲ τὴν ἵππαν, τὸν χρυσόν τὸ τέλος, σεφάνους φροντίαν, εἰς ἀδείγματα: quod ab
opidis Italiae, aurum, ad coronas conferri solitu, non accepisset. Cuius ex-
emplo Hadrianus (in Spartiano) aurum coronarium Italiae remisit,
in prouinciis minuit. Sed & Ammianus, inter testimonia liberali-
tatis Iuliani ponit, tributorū indicta admodum levia, & corona-
rium remissum. Eò enim paullatim iam ventum erat, ut hoc Corona-**

rum

rium non minus tributis ferè attereret, nec in triumphis modò,
sed in lætitia quacumque, & primordiis imperij, daretur. In
Ammiano scriptum, *Triopolitanos misisse legatos, Victoriarum aurea
simulacra Valentianoo, ob imperij primitias, oblaturos. De ipsis coro-
nis Synesius, qui se quoque Legatum à Cyrenensibus ad Arca-
dium missum ait, σεφανόσοντα χρυσῷ μὲν τῷ τελῷ κεφαλή, φιλοσοφίᾳ δὲ τῷ τελῷ
ψυχῆς: coronaturum auro quidem caput Imperatoris, philosophiā vero
eius mentem.* Apertissime item Capitolinus in Antonino Pio:
*Aurum coronarium, quod adoptionis sua causa oblatum fuerat, Italicis
totum, medium prouincialibus reddidit. Atque ex hoc licet intelli-
gere, quæ sit & quanti Oblatio: cùm inter Tributi genera recen-
sent, Canonem, Oblationem, Indictionem: et si, alio quoque titulo &
specie, Oblationes. Sed de hoc nostro, Suidas: σεφανίδη τέλεομα.
τὸν τοῦ διδόνος οὐ τῶς ἀπαλέστο. ἐπειδὴ ἀντόνομοι ἡταν οἱ δόδοι, βεργάριον τὸ μέ-
ρος ἁρματίοις ὅπλα τηλῆ πέμποντες ἐτίσιον, οὓς οὐ φέρεν ἡγεμόνις μᾶλλον, η σεφα-
νον φίλοις διδόντες: Coronarium vecligal apud Rhodios ita dicitur, quo-
niam liberi sunt Rhodij, exiguum autem aliquid Romam quotannis mit-
tunt, non ut tributum dominis, sed quasi coronam amicis dantes. No-
tetur illud quotannis: nam & hoc ita factum, ac velut honora-
rium tributi genus exactum. Procopius de Theodato notat, re-
ge Gothorum: *pactum eum cum Petro, Iustiniani Imperatoris Duce,
decedere Siciliâ totâ, & quotannis coronam auream mittere Iustiniano
trecentarum librarum. Quid, quod lego ciuitates in aliâ occasio-
ne, atque etiam tristi, coronas has misisse?* Appianus in Sulla
funere *suprà bis mille coronas aureas, magna celeritate confectas,
prælatas scribit, atque addit expressè, donaciuitatum, aut legionum
quibus præfuerat. Habes & intellegis, opinor, de Coronis & Co-
ronario. Avd. Satis. sed quid iis post prælationem factum, aueo
equidem scire. Lips. In templis, & Capitolio maximè, viden-
tur dicatae. Plinium eò traxerim, de Coronis: *In denatum, ut
etiam triumphaturis conferrentur, in templis dicande. Nam et si de
aliis ibi coronis, tamen in occasione tangit hunc morem. Li-
uius, de legatis Saguntinorum: Non grates tantum agere iussi su-
mus, sed donum hoc etiam, si vos permitteretis, coronam auream, in
Capitolium, victorie igitur ferre. Quod itaque suprà, in Velleio
erat: Præterquam Capitolio intulit: huc referri potest, ut non ve-
nerint in rationes illas Coronæ, & alia dona siue aurum, que loui***

Lib. I. de
Goth.

Lib. XXVII.



Capitolino Pompeius intulit aut dedit. Mos enim ita fuisse videtur: vel ex Suetonij de Augusto notâ. quem ait sedecim *millia pondo auri, vna donatione, in cellam Iouis Capitolini contulisse*: quod fecit statim ab Ægyptiaco triumpho. Imò & Triumphale ipsum aurum interdum, aut parseius, ibi condita. ex Plinio, qui *duo millia pondo auri perisse, Pompeij tertio Consulatu, è Capitolini Iouis solio, à Camillo ibi condita*, scribit: fortasse ut religio magis seruaret. Atque ad hoc etiam tale aurum referendum videatur, quod Suetonius in Cæsare notat: *Eum primo consulatu tria millia pondo aurifratum è CAPITOLIO, & tantundem inaurati æris reposuisse*. Planè hoc est. nam de Ærario compilato, ad alterum Consulatum facit, nec id quoque in Capitolio. Solent tamen & alia templa Auro coronario exornare. vt Augustus de se, in lapide Ancyrano: *In Capitolio, & in æde Diui Iulij, & in æde Apollinis, & in æde Vesta, & in templo Martis Ultoris consecraui, quæ mihi constitierunt circiter millenis AVRI CORONARI pondo, trigintaquaque millibus*. At prior Cæsar, Coronas suas in triumpho ductas vendidit, & ex earum pretio militibus promissa persoluit, quod ita Appianus.

C A P. X.

Impensa publicæ in Militem, Magistratus, Populum: & de Frumentatione.

PERAGRATI & emensus sum *Triumphalem* viam: tempus desinere, nec addere vltra, sed erogare. Nónne videtur Auditor? A V.D. Certè videtur. nam ego censeo, nisi expendimus largiter, omnem Romanam iam illationibus tot auri non sufficiam. LIPS. Ego verò exhauiam, & expendam non loculis, sed totis fassis: vt ipsum iterum miraturus sis, vnde ad tot Expendas vllæ Opes. Oceanus si Ærarium fuisset, dixisses desicandum. Impendia igitur sub Principibus (vleriora omittam) Duplicita fuere, *Necessaria, & Arbitraria*: ex quibus sanè colligas immensas & verè ADMIRANDAS quasdam opes. Nam Necessaria illa impendia, ferè trium generum: in *Militem, in Magistratus, in Populum*. De militibus res clara est; Stipendiis alendos, Emeritis prosequendos: & id perpetuò, in legionibus & præsi-

diis

diis perpetuis iam factis. Hæc * partitè non exsequor, satis à me in *Romanâ Militiâ, & alibi*, factum. De Magistratibus, intellego duplices fuisse, in quos largiter & statim expendendum: *Vrbanos & Prouinciales*. Vrbanis quidem Augustus instituit, ad onera subleuanda, ad ludos præbendos, & talia, aliquid dare: præsertim Prætoribus, quasi ex lege. *Prouinciales* autem, vel plurimum auferabant, vt ipsi plures, & per prouincias dispersi. Nam ita Suetonius: *Auctor & aliarum rerum Senatu fuit, in quis, vt PROCONSULIBVS ad mulos & tabernacula, quæ publicè locari solebant, CERTA PECVNIA constituueretur*. Et quanquam Proconsules modò nominat, tamen longius spectauit, & *Præsidibus* communiter, aut & *Procuratoribus*, aliisque *Officiis* datum. Quanta ea expensio fuit? immensa, vel hoc argumento: quod Cicero L. Pisoni obiicit, eunti in Macedoniam, vt Proconsuli, *sestertium centies octogies*, quasi *Vasarj* nomine, datum. Ad sola Vasa, inquam, id est ornatum & instructum, tot illa sestertia data scribit; & obiicit, non quia contra morem fuerit, sed quia supra modum. Nimium ad significat, collusione quadam, ad tributum. Quid igitur esto vel *Centies* tantum summa ordinaria: esto vel *Quinquagies*: in tot illis talibus, nónne immensum accrescit? Et plura accedunt huic generi, vt *Curatores* variorum munerum alendi, vel ornandi; vt *Legati* exterarum gentium admittendi, & munerandi: & quæ scimus in omni Republicâ esse. Iam de *Populo*, perpetui etiam & certi in eum sumptus: & præsertim ad *Alimenta*. Nam iamantè institutū, Principes tenuerunt, vt plebeim egenam aut tenuem perpetuâ frumentatione pascerent; atque eâ magno labore & sumptu parandâ, aduehendâ, & tum gratis distribuendâ. Mira hæc res sit, si quis consideret: & planè inter omnis æui, omniumque gentium, ADMIRANDA. Sed tractavi olim in *Electis*, quid nunc retrahem? A V.D. Imò obsecro Lipsi, hîc ei suis locus est: & quid si aliquid firmius aut plenius tibi obseruatū? LIPS. Obseruatum, non nego: vt in talibus dies diei est doctor. Breuiter dicam, quæ pro nostro arguento. Frumentatio igitur vetus Romæ, & ab ipso etiam Senatu. Ille in rebus & annonâ arctâ, quasi benignus pater, miseritus plebis, frumentum aliquando diuisit, non tam nullo, sed modico ære. Accessere Tribuni statim, & hoc

tam

* Vide Notas.
* Com. t.
ad Ann. Vac.

Cap. xxxvi

* Et sicut
Suetonius
largiter ex
voce usi.

* 25000.
21000.
Phil.



DE MAGNITUD. ROMANA

tam populare sibi vindicarunt, variis Frumentariis legibus lati. Ultimus in hac re Clodius, Annonariam legem tulit, ut frumentum, quod ante à populo semisse erat ac tridentibus in singulos modios dabatur, GRATIS daretur. Ita Asconius: atque hæc origo deinde & continuatio gratuiti frumenti fuit. Senatus quidem, statim à coniuratione Catilinæ, largitione hac talibus erat, auctore ipso Catone: sed nescio, an sine ullo pretio. In Plutarcho hoc sic narratum, sed verbis quæ pensitanda sunt. Ait, C. Cæsarem in Præturâ res nouas tentasse, populo suspenso & mobili, ob Catilinarias illas turbas. Cato igitur, ut præueniret, ἐπεισ τῷ βελτίῳ αἰαλοῦ τὸν ἄπορον καὶ ἀργυρού ὁλὸν εἰς τὸ στηρέστιον. ἀναλόματος μὲν ὅντος ἐνιαυτοῦ χιλίων καὶ διηκοσίων καὶ τετράκοντα ταλάρων: suavit Senatui assumere egenum & infinitum populum ad frumentationem, et si sumptus esset mille ducentorum quinquaginta talentorum. Id sit trecenties HS. more Romano, nostro, septingenta quinquaginta millia Philipporum. Vides igitur impendium in hanc rem, quod illo æuo fuit: etsi alter Plutarchi locus (in Cæsare) minuit non nihil, & ubi de hac ipsâ re agit, numerat sumptus non nisi septingentas quinquaginta myriadas drachmarum: quod sit Latinis, ducenties vices HS: nobis, quingenta quinquaginta millia Philipporum. Sed verius est, hunc locum rescribendum, augendumque ad illum priorem. Opinor autem & creuisse postea impendium, latâ lege Clodij, quæ totum frumentum gratificaretur, de quâ dixi. Quin & sub Impp. largiter creuisse, cùm plures adscripti, & classes etiam instituae (haud dubiè magno impendio) ad transuehendum. Quis tamen numerus accipientium fuit? reperio aliquando ad trecenta viginti millia cepisse: sed Iulius Cæsar minuit. de quo ita Suetonius: Ex viginti trecentis que millibus accipientium frumentum è publico, ad centum quinquaginta retraxit: aut si Dionem audiis, ad centum sexaginta: quia dicit ad medianam partem redactos. Paruum discriminem: sed Augustus deinde auxit, & ducenta millia fecit. an & Tiberius? etsi ille minimè popularis: tamen recentet in Senatu (apud Tacitum) quibus è prouinciis, & quanto MAIOREM quam Augustus, rei frumentariae copiam aduectaret. Ergo & in plures, nisi fallor, distribuendam. AvD. Mehercules Lipsi, grandis hic numerus: & tot illi Romæ pauperes? Lips. Pauperes, aut saltem qui subleuari gauderent: inter quos liberti, & id genus,

genus, maximè fuere. Dionysij locus notabilis, admonentis multos ideo manumitti, καὶ ἔμπορος διδόμενον στόλον λαμβάνοντες κατὰ Lib. LXXXI. μηδὲ, καὶ εἴπει ἀλλι τοῦτον ἡγουμένων γένοιτο τοῦς θαύματας τοῖς φελλαῖς Σερραῖς, φέροντος διδάκτορας τοὺς θαύματας: ut frumentum, quod publicè datur, accipiētes in menses singulos, & si qua alia liberalitas Principium in pauperes fiat, id totum Dominis ferant à quibus facti sunt liberi. Vides fraudes, quæ etiam factæ: aut saltem, quomodo, quos pudēret ipsos è publico pasci, id fecerint succidancæ libertorum personā. AvD. Aliquoties iam audio de mensu frumento: ergo ea distributio? Lips. Illa ipsa, & in cuiusque mensis initio (sive Nonis, ut Suidæ visum, unde & Annonas ridiculè deriuat) accipiebant. Quomodo? per Tesseras: quique eas habebat, ad Curatores frumenti diuidendi bar, munus institutum ab Augusto. Quatuor viri enim erant, iisque ex honestioribus, & qui ante quinquennium Præturâ functi essent: quod Dionotauit. Etsi Praefectus etiam annona proprius, illustri honore: sed Lib. LXXXII. qui de aduehendo & adseruando in horreis saragaret, non proprie de diuidendo. Multa circa hanc rem: sed minuta quid opus exsequi? de numero iterum aliquid videamus: in quem videtur Seneca tenuiores omnes ciues inclusisse. Frumentum, inquit, publicum tam fur, quam periurus, & adulter accipiunt, & si ne discrimine morum quisquis civis est. Sed ita tamen accipio, ut admitti debuerint & inscribi: neque id factum nisi certo numero, & alijs deinde assidue in demortuorum locum allecti. De quo numero iterum sub Principibus fluctuo. Dixi de Augusti ducentis millibus: sed P. Victor istamen, quem Schottus noster vulgauit, scriptio videatur augere. Nam ait disertè: Huius (Augusti) tempore, ex Ægypto vrbi annua ducenties centena millia frumenti inferebantur. Modios sanè intellegit: sed quanta ea summa sit ex solâ Ægypto? Atqui Africa iam addenda est, quæ duplum ad Ægyptum dedit. Hoc enim ita palam & adfirmatè Iosephus scripsit, in oratione Agrippæ regis ad Iudeos: Africam octo mensibus populum Romanum pascere, Ægyptum autem quaternis. Valde notabilis locus: & idem est in Hegesippo, qui transscripsit. Ex hac igitur ratiocinatione, frumentum vrbi illatum annum fuerit sexcenties centena millia modiorum. Sint in dies circiter, centum sexagintaquattuor millia octoginta tria. Heu, ingentem K. copiam!



copiam? & quæ sufficiat, si inspicis, vel vicies centenis hominum
millibus alendis. Nam Modius paullo plus minùs ve Romanis
pendit **xxvi.** libras: sed Romanas tamen libras, id est duode-
cim unciarum. Avd. Hem Lipsi, & tu credis hæc vera esse? qui
postulunt? nam antè dumtaxat de *ducentis millibus*, aut largissime,
trecentis viginti frumentantium est dictum. Lips. Dictum. sed
nempe et si non plures caperent, plures tamen fruebantur &
alebantur. Nam censendum est, plerosque istorum qui cape-
rent, Patresfamilias fuisse, vxorem, liberos, seruulos habuisse.
Itaque largius valde quam in unum caput capiebant: & vide-
tur tessera siue donatio ordinaria fuisse in singulos, *decem modio-*
rum, quod in Electis notaui. Iam & hoc cogitandum, plures
etiam in consortium huius frumenti venisse. An non proba-
biliter Vrbanos illos omnes milites? sanè in Herodiano lego,
Seuerum, præter alia quæ indulxit, *militibus etiam rō oīnpātōv siue fru-*
menti modum auxisse. Quid ipsam deinde Aulam & Palatinos?
nonne item probabile annonas suas hinc accepisse? An non &
Classiarios ipsos in Italiâ milites? Hæc considerari & colligi
pro Victoris scriptione possunt: quæ mihi tamen, ut rem dicam,
parum est certa. Ingens frumenti copia sit, & ex duabus pro-
vinciis tantum. An igitur placeat in eo corrigi, *ad centies centena*
millia? Ita vniuersa illatio fuerit, cum illo Africano, *trecēties cen-*
tēna millia: larga profectò satis & laxa, cum hæc in diem toleret
ad *millia hominum circiter septingenta*. Facit pro emendatione,
quod Spartianus de Seuero scribit: curiosè prospexit se rei fru-
mentariæ, & cum moreretur reliquæ *septem annorum Canonem*, ita
ut COTTIDIANA LXXV. *millia modiorum expendi possent*. Magna
prudentia eius Principis, solliciti in septem annos: sed & Ca-
non ille diurnus opportune expressus, qui proximè ad nostra
trecēties centena millia (tecum computa, si voles) proximè, in-
quam, accedit. Minuisse tamen paullatim hic Canon videtur:
sive quia Principes in alia distribuerent; an & quia minus,
principiis iam effætis, inferretur? Sanè Constantinus egregie
minuit, qui sedem & affectum suum Byzantium transferens, ut
in aliis Nouam hanc Romanum cum illâ Veteri, sic & Frumenta-
tione voluit in parte æquare. Nam classem Aegyptiacam By-
zantio destinauit, relictâ Romæ dumtaxat illâ Africânâ. Hæc
diuissio

diuisio deinceps mansit: nisi quod Byzantini frumenti modum tamen minuit filius eius Constantius, offensus plebi ob seditionem temerè & asperè motam. De cā te Ecclesiastici nostri scriptores: qui & numerum exprimunt frumenti. In Nicephori Callisto est: *Oc̄to myriadas medimnorum frumenti quotannis à Constantino datae plebis fuerant, cuius dimidiam partem Constantius diminuit.* Atque iste totum Frumenti modum annum facit, non nisi *ōctoginta millium medimnorum*: quæ sunt Romanis circiter *quadringenta octoginta modiorum*. Haud magna, nec pro prisca opibus largitio: quam tamen & Socrates ita firmat. Εἰρήνης δὲ τοιούτην ἀπελαύνει στρατεία, τὸ θάρακόν τοιούτοις τοῖς παῖδες αὐτοῦ ἡμεροσίᾳ, ὑπὲρ τεσσαρας μεριδας. ὅπερα γέγονε μεριδας ἔχοντες τούτους, εἰ τοῖς ἀλεξανδρίαν κομιζόμενοι τούτους: *Mulctauit urbem, auferens frumenti quod pater eius in dies adsignauerat, super quattuor myriadas.* Oc̄to enim myriades circiter anteā dabantur, inuehebanturque ex urbe Alexandria. Dicit quidem ille στρατείαν ἡμέραν, diurnum frumentum: sed exuberat ille modus in dies singulos, nec aliter sentit quām de diuisione dumtaxat diurnā. At annua ipsa illatio, tanta: id est, *mille trecenti in diem circiter modij, vix quattuordecim aut quindecim millibus hominum pascendis.* Heu, quomodo minuimus? atque idem in ipsā Romā veteri factum, Olympiodori locus (apud Photium, in Bibliothecā) attendentī ostendit. Excerptum ibi legitur: Οὐ μετὰ των οὐδενὸν τοῖς πρώμην, Αλβίνος δὲ τοῖς ἁδυνούσι τοιούτοις, ἵδη τεττάς τούτων θοκαθισαμένος, ἔχετε, μὴ ἐξαρκεῖν τὸ χορηγεῖλον μέντοι τῷ δῆμῳ, εἰς πᾶντα δὲ τοῖς τούτοις τούτοις τοιούτοις. ἔχετε δὲ καὶ τοιαῦτα ἡμέρα τετράχαιρα αριθμὸν χιλιάδων δεκατριάδες: Post Gothorum inuasionem τῇ direptionem Romanam, Albinus Praefectus urbis, iterū nunc eā instauratā, scripsit, Non sufficere populo modum qui inferretur, cum urbs iam in multitudinem largiter excreuerisset. Scripsit autem, τῇ in unam diem statutum numerum quattuordecim millium. Verba, quæ expressim de Frumento non habent; sed eō referenda esse, mecum censebit, qui examinabit. Ergo diurnus tunc modus (sub Honorio) quattuordecim mille modij: qui & ipse minuit aut periit cum imperio ipso Romano. Theodoricus tamen rex Gothorum (sanè, ut in illā gente laudandus) specimen aliquod veteris moris restituit: & in Ricobaldo quodam scriptum: *A Romanis cum gaudio suscep̄tus est,* Modiorū opinor.

K 3

guibes.



DE MAGNITUD. ROMANA

quibus ille ad subSIDium, tritici singulis annis CXX. millia modiorum concessit. Sed quid ad ista eo? A M I R A N D A mea non horum temporum; quin priorum etiam Principum æuo(circa Flauiorum imperium) panis distribui, non ipsum frumentum, cœpit: credo, quia lucrum aliquod ex eo fiscus captaret; & quo minore modo in plures largitio spargeretur. Is Panis gradilis dictus, quia in gradibus diuidetur, idem Fiscalis, quia è publico & fisco. Commentarius Persij vetus, ad illud — populi cribro decussa farina. Panem non delitosius cribro discussum, sed plebeium depopuli annonâ, id est, Fiscalem dicit. Eos panes bilibres fuisse, ex Vopisci Aureliano dicam. Nam Aurelianus, inquit, eo tempore quo proficiebatur ad Orientem, bilibres coronas populo promisit, si victor rediret. Et cum aureas populus speraret, neque Aurelianus aut posset, aut vellit, coronas eum secisse de Panibus, qui NUNC Siliginei appellantur, & singulis quibusque donasse. ita ut Siligineum suum COTTIDIE toto æuo suo unusquisque reciperet, & POSTERIS SVIS dimitteret. E quibus inspectis planè affirmaueris, Bilibres, & in Capita sic datos fuisse. AVD. Quomodo cuique Lipsi, tamen magna illa, & in magno modo (Seueri canon dicit) largitio, & mihi semper stupenda. LIPS. Quid si accumules, & obsonium etiam addo? Nam idem Aurelianus (Vopisci item verba) & porcinam carnem populo Romano distribuit, que HODIEQUE diuiditur. Quando hodieque ad tempora usque Constantini. Simile in Oleo fuit, quod perpetuum populo dedit & instituit Imp. Seuerus. Vinum etiam, ut nequid decesset, Aurelianus statuerat, sed morte præceptus non fecit. Satis hæc mi Auditor, cetera in Elementis meis vide.

CAPUT XI.

Impensæ in Ludos carptim ostensæ.

T RANSIMVS ad Arbitraria impendia: quæ trium item generum maximè fuerunt. In Ludos, Opera, Dona. In Ludos singulatim si persequar, aut exempla accumulem; seorsim Theatrum mihi struendum sit, & noui aliquot sermones. Capita impendiorum dicam. de quibus vniuersè sic Lactantius: Quid dicendum est de iis, qui populari lenitate ducti, vel MAGNIS VR-

Lib. vi.
Instit.

BIBVS

LIBER SECUNDVS.

BIBVS suffecturas opes, exhibendis MVNERIBVS impendunt: Item Ambrosius: Magistratus in theatris, mimis, & athletis, gladiatori- bus, aliisque huiusmodi generibus hominum TOTVM PATRIMONIVM suum largitur & prodigit, vt vnius horæ fauorem vulgi acquirat. Merito daimuant Patres damnosam hanc insaniam, & quæ priuatos homines bonis per ludum exuit; Principes ipsos attenuat & delibat. Atque id discere cùm ex frequentiâ eorum potes, tum ex apparatu. Vnus Augustus fecisse ludos se dicit, suo nomine quater & vicies, pro aliis magistratibus, qui aut abessent, aut non sufficerent, ter & vicies. Ego vix arbitror, ullos ex istis Principalibus ludis minoris quingenties, aut & millies festertio stetisse: quod Apparatus & Pompa facile persuadebunt. Nam ecce in ipso Theatre, Amphitheatre, aut Circo adornando qui saepe sumptus? cùm semper gratia aliqua & illicium nouitatis in ipsâ formâ quæreretur: & Nero (pro exemplo) Theatrum totum, non Scenam eius tantum, auro illeuit & obtexit. Sed & quid quid illatum fuit, & omne instrumentum ac choragium, aureum: item quæ vela quæ supernè cōtra solem obumbrabant, purpurea tota, & aureis stellis interstincta. Ex quo & dies ille Aureus appellatus. Dio Cäsarius hoc in Nerone. & Plinius idipsum ad significavit: Nero Pompejum theatrum operuit auro, in vnum diem, quò Teridati regi Armeniae ostenderet. Quid Iulius Cæsar, ante Neronem, & nondum Princeps? Is primus in Æditilate, munere patris funebri, OMNI APPARATV arenæ ARGENTEO vñsus est: ferasque argenteis hastis la- cessere, tum primum vñsum. Mox, quod etiam in MUNICIPIIS emulantur, C. Antonius ludos scenâ argenteâ fecit. Cæsar igitur hoc primus: sed non ultimus. & quod Plinius addidit, passim & in Coloniis ac Municipiis Argenteam scenæ. Ideò non possum, vt rarioris opera aut magnificientiæ admirari, quod Plinius, vt tale, scripsit eodem isto loco: Item L. Murena, & C. Princeps, in Circo pegma duxit, in quo suere argenti pondo CXXIIII. Tu hoc Plini notabile duxisti? centum vigintiquattuor pondo argenti, quis ex equite, & pñne dixerim plebe, tunc non insumperit? Lege *CXXIII: id est, centum vigintiquattuor milia: nec id pro Caio aliquo sit magnum, immo nec pro priuato ni- mium, quia argenteum recipiebant, nec totum peribat: si tamen vellent. Plura eiusmodi ornamenta aut instructus erant, &

* Faciente
124000. phil.



quædam in libello nostro Amphitheatrali diximus: & vis nunc vnum & extremum furorem: Heliogabalus Imp. (ait Lampridius) fertur in Euripis vino plenis nauales Circenses exhibuisse. Tu cogita quantum vini profusum, fossis illis & Euripis in Circo ita eo plenis, vt naues inter se concurrere, ac certare de velocitate possent. Quid iam dicam tot Gladiatorum millia, tot Ferarum ex toto orbe quæsitarum: tot equorum nobilium in vitâ actisque Principum assidua hæc legis. Addo huc Missilia & Sparshones in populum, id est Tessaras ligneas cum notis rerum, aut interdum res ipsas, magno certamine diripiendas. Quæ item velut legitima iam erant in omnibus ludis, ad populum illiciendum. Horum pretia & sumptus, ex Neronianis istis colligantur, apud Suetonium: Sparsa & populo missilia omnium rerum per OMNES DIES, singula cotidie millia auium, cuiusque generis multiplex penus, tesserae frumentariae, vestis, aurum, argentum, gemmæ, margaretæ, tabulae pictæ, mancipia, iumenta, atque etiam mansuetæ feræ: nouissimè, NAVES, INSVLAE, AGRI. Notetur hæc iactatio, quanti ea, & quantatum rerum: Præter aurum, gemmas, margaretas, Insulas & totos Agros dedit: Insulas nempe urbanas, & habitabiles domos. O res vix Suetonio fidissimo testi credendas! Sed accedit & Dio similia asserere: Omnia, inquit, delicatissima quæ homines comedunt (ad Penum Suetonij pertinet:) omnia pretiosissima, equos, mancipia, eseda, aurum, argentum, variam vestem, hæc dabat per symbola quædam & tesseras. Globulos enim paruos inscriptos, ut quæque eorum erant, hoc iaciebat in populum, & reipsa mox dabatur, quod quisque eorum in tessera haberet. Neque Nero hæc solus: de more fiebat, etsi aliis largius parcusque præberet. Titus sanè Vespasianus filius, item profusissimè, in ludis quos per centum dies, dedicatione Amphitheatrisui, fecit. Dio Cassius de eo: παρέχει δέ των καὶ ἐσθίειν στέφανα ἀντοῖς. σφαρία δὲ ξύλινα μηδὲ αὐτὸν εἰς τὸ θέατρον ἐρρίπτει σύμβολον ἔχοντα, τὸ μὲν ἐσθετίου πόνος, τὸ δὲ ἐδῆντος, τὸ δὲ αργυρεῦ σκεύους, ἄλλο χειροῦ, ἵππον, ὑποζυγίων βοοπρόδοτον, ἀρδαρπόδοτον, ἀποτάσσαντας ἐδει τῷρος τοὺς δορυφόρους αὐτῶν ἀπενεγκέν, καὶ λαβεῖν τὸ έπιτριχαμένον: Dedit & quadam, utilitatem, non solum voluptatem, spectantibus præbentia. Nam globulos ligneos quosdam de loco superiore in theatrum iaciebat, qui symbolum haberent, hic alicuius esculenti, ille vestis, alius argentei vasi, alius aurei, equorum,

equorum, iumentorum, mancipiorum, que oportebat eos, qui rapuissent, ferre ad Curatores ludorum, & ab iis accipere quamq; rem inscriptam. Credis tu hæc per tot illos centenos dies fieri potuisse, sine impensâ bis terque millies HS.? ego non opinor. & ubi sumptus ludorum reliqui? Neque miror iam profecto Hadrianum, cùm in adoptione Ceionij Commodi multa in populum profudisset per similes ludos, & in militem: atque is Ceionius ægro corpore, vitalis non videretur: saepè dixisse, Perdidimus quater millies HS. quod populo & militibus dedimus. Qui sunt ipsi nostri decene milliones. Sed dices, Principum virorum modò hæc fuisse. Eritas de Milone, hoc iam olim Cicero, tria patrimonia in has res effudisse: de Messallâ quodam Vopiscus, cum stomacho ista narrat: Legat hunc locum Iunius Messalla, quem ego liberè culpare audeo. In Cariag. Ille enim patrimonium suum scænicis dedit, heredibus abnegavit. matris tunicam dedit mimo, lacernam patris mimo: & rectè, si auie pallio aurato atque purpurato, pro syrmate tragædus uteretur. Iam quid Linæas petitas Ægypto loquar? quid Tyro & Sidone tenuitate perlucidas, micantes purpurâ, plumandi difficultate pernobiles? Donati sunt ab Atrebaticis birri petiti, donati birri Canusini, Africane opes, in scæna non prius usæ. Et hec quidem iccirco ego in litteras misi, ut futuros editores pudor tangeret, ne PATRIMONIA SVA, proscriptis legitimis heredibus, mimis & balatronibus deputarent. Sed distinctissimè verò, & expressis summis, aliquid Olympiodorus: Οὐ πρός τοις Αλυσίαις, τελέσας τὴν οἰνίαν φρυγίαν, διάδειν παντελεῖα χειροῦ ἀγάλωσε. Σύμμαχος δὲ οὐ λογογέρας, συγκληπόδει τῆς μερίαν, τὰ ταυτίδεις Συμμάχου τὴν φρυγίαν τελοῦστος, εἴκοσι κατηγορεῖσα εἰδαπτώντος. Μάζημος δὲ, εἰς τὴν Διάσηψην, εἰς τὴν τέττανην φρυγίαν, τοιχαράκοντα κατεβαλετονευτοδεῖα. ἕπειτα δὲ ἡμέρας οἱ φρυγανεῖς τὰς ταυτηγύρεις ἐτέλουσ: Quod Probus, filius Alypij, cùm ipse Præturam gereret, *duodecim centena pondo auri absumpsit. Symmachus verò, ille orator (est noster, qui in parte existit) Senator VNVS E MEDIOCIBVS, in filij Symmachi Præturam *vixit. Viginti centen viro effudit. At Maximus, scilicet è diuitiis, item in filij Præturam, *quadraginta. Edebant autem ludos Prætores, non nisi SEPTEM DIEBVS. Vide dies, vide sumptus: quanto immater plus olim alii? Sed & ipsi Consules, opinor, largius. de quibus in Codice Iustinianæ lex est, quæ spargendi vilitate (ita loquitur) sublatâ, eius loco ad reparationem Aqueductum, centena *Lib. xii. Tit. De O. sulibus. pondo



pondi auri præstari per singulos consulatus decernit. Atque id in imminutionem, & pro beneficio si igitur sola Sparsio (id est, miseria in populum) tanti; quid reliqui omnes ludi, & eorum apparatus? Et de Ludis hæc quoque sufficient in specimen: de Operibus, in proximum sermonem differo & protollo.

C A P . X I I .

Dona Principum effusa, & primò Iulij Cæsaris.

DONA sequuntur, magnitudine suâ & frequentiâ non iam inter ADMIRANDA, sed STUPENDA. Si quis Midas fuisse fingatur, qui omnia tactu faciat aurea; defecerit inaurare, quantum isti sunt largiti. Per Principes aliquot lubet ire, & hoc ostenderet: ordinarq; à capite ipso CAESARE IULIO. De illo vniuersè ita Suetonius: Nullum LARGITIONIS aut officiorum genus in QVEMQVAM, PVBLICE PRIVATIM QVE omisit. Vis magis partitè? Idem scriptor: Militibus singula interdum MANCIPIA vel PRAEDIA viritim dedit. Ecce. vbi vos Curij aut Fabricij, qui ipsi Imperatores vix septena iugera habebatis? nunc miles aliquis capie ab isto donatore PRAEDIA tota. Hec & plura (mox dicenda) in militem: quid in Senatum & digniores? Idem iterum Suetonius: Partem magnâ Senatus gratuito, aut leui fœnore, obstrictis, ex RELIQVO quoque ordinum genere vel invitatos, vel sponte ad se commenates, VBERRIMO CONCIARIO prosequebatur. Nec hic finis: extra urbem quoque & Italiam ea largitas se diffudit. & non minore studio (idem Suetonius) Reges atque Prouincias per ORBEM TERRARVM illiciebat: alius captiuorum MILLIA dono offerens; alius quò vellent, & quoties vellent, Auxilia submittens. superque Italæ, Galliarumque & Hispanie, Asie quoque & Gracie potentissimas (sive placet, potissimas) urbes præcipuis OPERIBVS exornans. Quid tibi iste vir videtur? in hihi, nil nisi nouus quidam Triptolemus, qui sublimi vectus curru, semina non frugum, sed liberalitatis suæ, per terrarum orbem spargit. Atque hæc, quò magis mirere, priuatus Cæsar fecit, & ille paullo ante ære alieno oppressus. AVD. Affatim miror: & vnde Cæsari, nondum Cæsari, opum ista vis? Lips. Magis mireris, si accogites, iam ab adolescentiâ profusum hunc fuisse, & grandi alieno ære oppressum. Plutar-

chus

chus aperte; debuisse eum, PRIVSVAM VLLVM MAGISTRATVM CAPERET, (nota de valde igitur iuuene) mille trecenta talenta. Ea sunt nobis septingenta octoginta millia Philippum. Quid verò iam in ipsis magistratibus? matieres & caussa amplior largendi. Itaque Appianus scribit, cunctem ex Praeturâ in Hispaniam, creditoribus retinentibus, dixisse ioco: Millies septertio sibi opus esse, ut NIHIL HABERET. id est, ut solùm æs alienum solueret, in suo nihil haberet. Eare reddunt vicesquinquies centena millia: nec ambige, nec Budæum audi (nescio quâ causa) minuentem. Græca palam sic volunt: tria ducito signaciones, et rancoribus numerando: & Drachmæ intellegendæ, ex Græcorum more. Ego verò amplius credo, auxisse etiam in Consulatu, & deinceps ad Præpatum; ut hominis huius ingenium erat, tantum ut daret querentis. Sed unde, aiebas, habuit & reposuit? Non longè te duixerò. Gallias nostras vide: iste fons, è quo hausit. Diuites tunc hercule Prouincias, sed quas fulmen istud afflavit & ambussit. Nam quomodo se in his gesserit, breuiter Suetonius: In Gallia, fana templaque Deum, donis reseru, expilauit, urbes diripuit, sapius ob prædam quam ob delictum. Denique è tot præliis, accessit ingens captiuorum multitudo, è quâ diuinitatè pecuniam rededit. Iam postea in bello & victoriâ, ah, quanta prædarum seges? omitto, tu cogita. Sed lubetne singulatum inspicere viri dona? Ecce, instanti ciuili motu, in Gallia cùm esset, L. Paullum Consulē designatum, mille quingentis talentis flexit, ne cōtra se staret: Curionem, qui ære alieno obrutus, maiore etiam summâ, ut pro se staret. Illa tot talenta reddunt, nonq; centena millia Philippicūm: id est pènè millionem, in virum vñū. Quid iam in Curionem? amplius longè dedit, ut Appianus dixit (nam eius ea verba scito:) & nisi fallor, ipsum æs alienum eius totum exsoluit. Nec fallor, & Dionem clare hoc ita memini scripsi. At qui æs illud fuit sexcenties Hs. quod Valerius Maximus prodidit: quâ minus ergo dedit? Itaque Velleio numerale mendum inhaesit, cùm de istâ re, Curionem centies Hs. scribit accepisse. Ille verò sexcenties: & ita hic rescribe. Ea faciunt quindecies centena millia Philippicūm, quid nisi plurium Senatorum census? Nec largitiones eius aliae in prium ordinem scriptæ extant: et si fuerunt, quod in Suetonio audisti: & in magnos illos semper magnæ. Sequuntur Milites,

L

quibus



quibus vnicè se dedit: atque id ipsum priuatus. Certè adhuc in Galliā, cùm Pompeius duas legiones, colore belli Parthici reuocaret; ipse vt animos sibi pigneraret, singulis abeuntibus ducentas quinquaginta drachmas diuisit, quod Plutarchus, aliiq. prodiderunt: id est, vigintiquinque Philippicos nostros. Cogita iam duplum in Centuriones, triplum quadruplumq; in Præfectos, & Tribunos: valdè ea largitio crescit. Sed quid in ipso iam bello ciuilis priuatim haud dubiè multa, communiter hæc largitio fuit, Suetonio expressa. Veteranis legionibus, præde nomine, in pedites singulos super bina sestertia, que initio ciuilis tumultus numeraverat, vicena millia nummum dedit. Rectè ita locus habet, & in optimis libris: quid opus argutari, aut interpolare? Examinemus. Veteranis legionibus, inquit: non enim nouellis aliis: et si & hæc, credo, aliquid habuerunt. Veteranæ autem illæ decem. In pedites singulos, inquit: cur igitur equites omittit? quia non opus: sicut nec Centuriones adiecit, quos notum scilicet erat duplum accepisse, de more. Etsi de equitibus hoc æuo, dubito: & olim quidem triplum etiam soliti accipere: sed post Socios ciuitate donatos, palam video nec honorem nec præmia tanta equitibus fuisse, qui plerique iam è Latinis. Pergit, Super bina sestertia. Ea sunt, de quibus Hirtius: Militibus singulis duenos sestertos, Centurionibus duo millia nummum, præde nomine, condonanda pollicetur. Nam bina HS. idem quod ducenti HS: siue Philippici quinque: at duo millia nummum (Suetonio omissa) quinquaginta istos reddunt. Super hæc igitur, dedit, inquit, vicena millia nummum. Ea sunt, ipsi Philippici quingenti: atque iij viritim, & in gregarios milites diuisi, cùm duplum Centurionibus esset, Tribunis Præfectisque alarum quadruplum. Proh fidem! (nam sæpe exclamo, & cogor) quæ hæc, præter stipendia, & alia lucella aut raptus, largitio est? quanta in tam multos? Ne milites nostri audite, & exempla hæc aut cupite aut sperate. Vnde enim Iulius, vnde Romanæ opes? AvD. Vnde & tibi animus sic ista credendi, & affirmandi? Nam alij viri docti trepidant, & in lectione comitant. Lips. Nihil est. incogitantia hoc facit (imperitiam nolo dicere) veterum & largitionum, & diuinarum: quibus alia exempla mox attestabuntur. Etsi in hac re satis Græci scriptores, qui cum Tranquillo planissimè in summâ cōcordant. Nam

Dio

Dio breuiter, sed clare, militibus quinque millenias solidas Drachmas das scribit, Appianus fusius & distinctissime: Militibus à triumpho, superans etiam ea que promiserat, legionariis drachmas Atticas quinque mille, Ordinum ductoribus duplum, Tribunis (¶) Alarum præfectis iterum duplū dedit. Vnde aliquid apertius? & cur huic confessui repugnemus? Nota autem nec Appianum aliquid seorsum de Equitibus, vt nec Tranquillum, dixisse. Sed quæ hæc Promissa sunt, quæ Appianus signanter scribit eum superasse? Optinor esse, quod in pugnâ ad Pharsalum, singulis millenias Drachmas promiserat: iterumque, vt volentes in Africam sequentur, alteras millenas, quod vtrumque in Appiano leges. Largiter igitur excessit, nisi quid in ipsâ Africâ aut alibi etiam promisit. AvD. Audesne in fasce dare has summas omnes, vt magis attendam? Lips. Licet. Fuerunt legiones deceim, sed veteranæ, & ideo parum plenæ. Sunt igitur triginta millia militum: & singulis quingenti Philippici: faciunt, quindecim nostros milliones. Vbi nunc Centuriones, Tribuni, Præfecti, atque ipsi Equites? Regū opes expensas dices in donatione hac vnâ. Atqui an finis est? imò sub ipsum idem tempus, largitionem ad Populum extendit. & vt Suetonij verbis hoc quoque dicam, Populo, præter frumenti denos modios, ac totidem olei libras, trecentos quoque nummos, quos pollitus olim erat, viritim diuisit, ac centenos pro morâ. AvD. Hic mihi vocem opus tollere, nec comprimo. Viritim toti populo tatum frumenti, olei, pecuniæ? Lips. Moderator, ne clama: toti populo frumentanti, nec ultra. Dio Cassius ita restrinxit: τῷ ὀχλῷ τῷ στρατεύμῳ: id est, Populo, qui frumentum acciperet. Ergo tenuiorēm populum intellegit: & semel nota, Suetonium hīc atque aliās populi voce (præter morem antiquum) plebeculam istam ieiunam, & hirudinem ærarij designare. Qui tamen ipse numerus grandis, & sub hoc tempus trecenta viginti millia erant, qui è publico pascerentur: quod antè dixi. Totus ergo ille populus accepit quadringentos nummos viritim: id est, Minam, vt Appianus expressit. Sunt Philippici decem: ergo in summam, tres milliones ducentamillia. Vbi olei deinde modus, vbi frumenti? Mi Auditor, ad Ouidium eundum nobis est vt transformemur, & animos veteres, pro veteri æuo, capiamus. Nostrī homulli hodie, dicant mera mendacia me flare,



SE D vnū etiam Iulium vidimus, quid tot Cæsares qui se scuti? & vt aliis minimè, tamen in liberalitate consecuti, aut prægressi. AVD. Difficile creditu est. nam hic homo mihi videatur de se, quod olim Liuius Drusus posse dicere: *Nihil se cuiquam ad largiendum, preter calum & cœnum, reliquise.* LIPS. Non ita est: opes istæ Vectigalium, & quas diximus, inexhaustæ erant, & vt perennes quidam fontes fluebant. Itaque ad AVGSTVM veniamus, qui non diuturnitate solùm imperij, sed vereor ut liberalitate patrem superarit. Dona eius quædam ante imperium, alia in ipso sunt: & illa magis miranda. Primum militibus & Euocatis, quos contraxit metu Antonij, aditâ hereditate Julianâ, dedit singulis quingenas Drachmas. Ita ipse Appianus: interpres eius parum prouidè se fæstios vertit. Is numerus Euocatorum, ad dena millia fuit: ergo quingenta hîc Philippæorum millia. Amplius. eodem pænè tempore, cùm legiones Quarta & Martia ad se transissent ab Antonio, dedit singulis totidem illas Drachmas: iterumque cùm in armis decurrissent, & speciem prælii peritè assimilassent, alteras totidem: quæ certè fuerunt ad dictam facile summam; & longè suprà, si Equites & Centuriones (quod nec antè feci) suo more computentur. Iam verò in ipso primo Consulatu, cum signis à Mutinâ motis urbem intravit, dedit qui se deduxerant, singulis bis mille quingenas drachmas, siue ducentos quinquaginta Philippæos: atque ex oœlo legiones fuerunt. Minimâ legionum frequentiâ, surgent sex milliones, & Equites ac Duætors omittentur. Vbi autem prædæ quas egit, aut spolia quæ cepit? adhuc nulla. Quò magis in ADMIRANDIS hæ donationes tres, à priuato Octauiano, & solâ spe futuræ magnitudinis, suscepæ & perfectæ. Atque hîc notandum in vltimâ, transisse eam velut in legem; & solenne donatiuum hoc habitum, quoties legiones postea Principem in urbem deduxissent. Certè Spartanus in Seuero tradit, *Milites per seditionem dena millia poposcisse à Senatu, exemplo eorum, qui Augustum Octauianum Romanum deduxerant, tantumque acceperant.* Operitos historicos vel antiquarios, & in rem suam lecta aptantes! Sed

quarta etiam donatio à priuato, in quâ lingua mihi hæret. AVD. Quiâne obſcœna aut turpis? LIPS. Non, sed quia immensa, aut certè immodica, & vereor refragatorem. AVD. Non me. vt ij qui de cælo tacti sunt, silent & ſtupent: ſic iam pænè ego, perge. LIPS. In Philippensi igitur prælio, vbi de Principatu actum vel Libertate, hic ipfe Octauianus cum Antonio promiserunt viritim quinque mille Drachmas. AVD. Hoc illud erat? at Cæſar iamantè totidem, & docuisti. LIPS. Sed Cæſar decem legionibus tantum: iſti nouendecim, quæ in pugnâ erant, & aliis quadraginta, quæ in præſidiis aut Italiâ ſparsæ. Appianus quidem ita narrat, vel apud eum Antonius (oratione ad Asiaticos) ſed addit: *attritas eas iam & minutæ ad xxviii. rediſſe, quæ (inquit) cum suis additamentis efficiunt virorum ſupra centum ſequaginta millia: præter EQVITES, & item ALIVM militem.* Quis iſte aliis miles? opinor Auxilia, quæ haud longè infra legiones. Itaque qualis & quanta hæc ſumma conficiatur, ingenuè fatcor, vix ego auſsim promere: & ſcito eſſe ſupra centum quinquaginta milliones. Vbi eſtis qui Nouum orbem, & nouas in eo diuitias repperiſtis? Huc ite, oſtendent & effundenteas Duumiri iſti vnicā largitione. Atque hæc ille fecit ante Principatum: in ipſo tenuit & cucurrite eumdem liberalitatis curſum. AVD. At hîc mihi vobum & cogitatio. LIPS. Prome. AVD. Si eo ſæclo ego viuam, quid niſi miles ſim? ita omnes ad eos opes adfluunt & concurruunt. LIPS. Vera narras. & ſcito ab hoc militum tunc ſeminariorum, Senatoriorum & diuites plerasque familias ortas. Hæc præmia in ciuili bello iis ſunt: cùm homines vt ad imperium veniant, imperium pænè ipsum donant. Quid donant? perdunt certè: & quomodo tot iſti pecuniarum cumuli, ſine apertâ pernicie provincialium ciuiumque, colligi potuere? Sanè id factum eſt: ſed Pax poſtea, cum copiæ ſuo cornu, reposuit omnia & reparauit. Enim uero Augustus, vt cooperam dicere, in Principatu quoque perliberalis. Lapidem Ancyranum lubet proponere, in quo aliquot donationes eius ordine exſculptæ.

LIBRI. ROMANI. VIRITIM. CENOS. NUMERAVI. I.
EX. TESTAMENTO. PATRIS. MEI.

ET. NOMINE. MEO DRINGENOS. EX. BELLO. II.



86

DE MAGNITUD. ROMANA

- RVM. MANVBIIS. CONSVL. QVINTVM. DEDI.
ITERVM. AVTEM. IN. CONSVLATV. DECIMO. EX.
PATRIMONIO. MEO. BIS. QVADRINGENOS. CON-
GIARI. VIRITIM.
- ITERVM. ÆRE. MERVI. ET. CONSVL. VNDECIMVM.
DVODECIM. FRVMENTATIONES. FRVMENTO. PRIVA-
TIM. COLVMEIO. EMENSVS. SVM.
- ET. TRIBVNITIA. POTESTATE. DVODECIMVM. QVA-
DRINGENOS. NVMMOS. TERTIVM. VIRITIM. DEDI.
QVALI. MEA. CONGIARIA. FRVMENTI ... NVM. NV-
QM. MINVS. QVINQVAGINTA. ET DVCENTA SIA.
- DVODEVIGINTESIMVM. CONSVL. TRECENTIS. ET.
VIGINTI. MILLIBVS. PLEBIS. VRBANÆ. SEXAGENOS.
DENARIOS. VIRITIM. DEDI.
- ET. QVINIS. MILITVM. MEORVM. CONSVL. QVIN-
TVM. EX. MANVBIIS. VIRITIM. MILLIA. NVMMVM.
SINGVLA. DEDI. ACCEPERVNT. ID. TRIVMPHALE.
CONGIARIVM IN. COLONIAS. HOMINVM. CIRCITER.
CENTVM. ET. VIGINTI. MILLIA.
- CONSVL. TERTIVM DECIMVM. SEXAGENOS. DENA-
RIOS. PLEBI. QVÆ. TVM. FRVMENTVM. PVBLICVM.
ACCE DEDI. EA. MILLIA. HOMINVM. PAVLLO.
PLVRA. QVAM. DVCENTA. FVERVNT.

Vides , siue audis lapidem, vtinam peritè satis aut fideliter de-
scriptum ! Insigne monumentum antiquitatis est, & hitoriae
Augustæ quasi summarium. Sed multa in eo corrupta, &
quædam lacera: percurram lucis, & alibi medicinæ, caussâ.

In primâ donatione est: LIBRI ROMANI. An id fuit, TRIB.
P. ROMANI? id est, *Tribubus populi*. Res quidem eas tangit, & le-
gauit Cesar testamento viritim Romano populo, *trecenos sesterti-
os*, vt Suetonius scripsit, vt autem Dio, *centenos vicenos*, & ad-
ducit ipsum Augustum eius rei testem. Et scriperat hoc Augu-
stus fortasse in Commentariis rerum suarum : sed & hîc ita in
Breuiario isto fuit. Explendum igitur, CENTENOS. VICENOS. Ij
sunt,

LIBER SECUNDVS.

87

sunt, tres Philippici in singulos: si in totum populum, immen-
sum est, si in frumentantes, magnum.

In II. *Quadrigeni nummi* viritim dati, item in populum: qui
sunt Philippici decem. Id factum in quinto Consulatu eius, vt hîc
scribitur: id est, statim post Actiacam & Alexandrinam victo-
riam, sub triumphum. Dio Cassius ipsum notat in hoc anno, &
in summâ consentit: sed auget acceptores, & non viros puberesq;
rantum, sed etiam pueros, in gratiam Marcelli, sororis filij, scribit adie-
ctos. Hoc si fuit, vt fuit, quis non videt supra duplum ferè dona-
tionem crescere, & vt minimum fuisse ad sexcenta millia capien-
tium? Fiunt in pecunia impensâ sex milliones.

In III. Consulatu decimo, scribit se item populo deditse,
congiarium bis quadringenos. An simul, vt oīingenos dederit?
an magis significat, bis se deditse? sicut & paullo pôst, tertium
quadringenos. Quæ iterationes valde sunt liberalitati augendæ:
& tu attendes.

In IV. Quid sit illud AERE MERVI. quæro. Vnum hocasse-
quor, in Vndecimo consulatu datas duodecim Frumentationes:
quas ita appellat, quæ singulis mensibus dari solebant. In cari-
tate igitur annonæ, has extra ordinem, & de suo, vt scribit, ad-
didit. Nam legendum inibi PRIVATIM. COEMPTO. vt dudum
monui, cùm Lapidem hunc vulgauit.

In V. Tribunicia potestas duodecima, incidit in annum vr-
bis DCCXLII. cùm peregrè & è Gallia rediit. Tunc igitur plebi
refouendæ & conciliandæ, distribuit ter vno anno quadringenos:
id est, Philippicos ter denos, siue in vniuersum triginta. Verba
aliquot in vitio, an sic emendanda? QVALI. MEO. CONGIARIO.
FRVMENTI. MODIVM. NVMQVAM. MINVS. QVINQVAGINTA.
ET. DVCENTA. MILLIA. vt adsignificet, tantum frumenti se
quoque deditse. An verius, FRVMENTANTIVM. NV.
NV MQVAM. MINVS. QVINQVAGINTA. ET. DVCENTA.
MILLIA? vt dicat numerum (id valet NV.) qui frumentum ac-
eiperent, & ex consequenti congiarium, tantum tunc fuisse.
Sed postea alias numerus, dices: haud moucor, quia saepe id per
recensum mutauit. Cogitetur tamen. Vir doctissimus & acu-
tissimus legebat, QVINQVAGINTA. ET. DVCENTA. SESTER-
TIA. & referebat ad Suetonij hæc verba: Congiaria populo frequen-
ter



ter dedit, sed diuersè ferè summe: modo quadringenos, modo trecenos, nonnumquam ducentos quinquagenosque nummos. Sed refellit hoc ipse lapis statim, qui dicit bis datos sexagenos denarios: quos non nisi in ducentos quadragenos nummos resolvas. Quomodo ergo numquam minus dederit, ut hīc sculptum? Sed & Dio in anno DCCXLVII. adnotat datos Denarios sexaginta.

In vi. sunt sexageni denarij in trecenta viginti millia capita: quæ ad duos milliones, * paulo minus, se attollit.

In vii. tenebræ. videtur militaris donatio esse, sed iis qui in colonias missi, aut mittendi.

In viii. notetur numerus frumentantium, qui tunc fuit. Ista de Augusto sufficient: et si liberalitates eius plures ex facili dedim, ut ipse dare facilis, etiam per ludum & iocum. Cuiusmodi ista in Macrobio: *Omnibus qui secum pilâ lusissent, se fteria centena dari Cæsar Augustus iussérat, soli Cælio quinquagena.* Hic ille, *Quid ergo? inquit, ego vna manu ludo?* locus lepidus: sed donatio magna in ludiciâ istâ causâ, singulis bis mille quingenti Philippici. Iterum totidem Græculo cuidam, pro carmine, & audaculo dictorio, factoque: sed tu factum ipsum nosce, aut potius recognosce. Græculus fuit, qui Cæsari carmen obtulerat, atque ille acceperat, & nihil ultra. Græculo iterum paranti dare, præuenit, & carmen à se dedit, ut ostenderet talia & domi sibi nasci. Hic Græculus legere, mirari, & tandem manu in pauperem bulgam demissâ nummos, an denarios aliquot, Augusto offerre, cum dicto: *Si plus haberem Cæsar, plus darem.* Exemplo ostendit & commonefecit, quid ille deberet: nec frustra. Nam statim Augustus delectatus libero & acuto facto, se fteriacentena dari ei iussit.

C A P . X I I I .

Aliorum Principum dona.

NON sit modus, si omnia Augusti tollam: omitto, & aliorum carptim aut saltuatum quædam tango. In TIBERIO pauca sunt, parcâ ille manu & restrictâ fuit: atque ita mortagines sex milliones, & ritus in thesauris reliquit, * vices septies millies HS: quod Caligula quinquaginta, non toto vertente anno absumpit. Ita enim hoc Suetonius: sed in

Dione

Dione paullo aliter: & ait, quosdam dicere ter & vicies millies relatum; alios autem * ter & tricies. Sanè pro meo sensu, posteriori ^{* Sunt octo decies centena M.} parti accedam, qui satis iam imbibit Romanas opes. Nec in tempore absumptæ à Caligulâ pecuniae Dio dissentit à Suetonio, si sic legas: *videlicet rō retrō t̄rou s̄ep̄o āt̄o ār̄p̄ t̄ridēt̄o c̄: nec vel in tertiam anni partem quidquam Caligula ex his seruavit.* Quod sanè cum Tranquillo & veritate conuenientius, quam ut sit, *eīc rō retrō t̄r̄o, in tertium annum.* Ille verò statim exhaustus & egens, atque ad rapinas se vertit. In CLAVDIO, notatur prima liberalitas in auspiciis imperij, cum militibus quinadena HS. promisit. Ea sunt trecenti septuaginta quinque Philippæi: si tamen Suetoniana illa scriptio (ex eo sumptu) est certa. Nam Iosephus adauget, & vicina promissa ait, siue ut ipse numerat, quinamillia drachmarum: qui sunt quingenti Philippæi: & addit, omnibus vbi que militibus idem promissum. Quomodo hæc quidem donatio, superet omnes iam dictas, & fortasse dicendas. **N E R O** sequitur: quid de eo dicam? qui, ut Suetonius ait, diuitiarum & pecuniae non alium fructum putabat, quam profusionem. Itaque nepotinos eius sumptus frustra colligam: In Suetonio atque aliis, patent: quædam addam quæ magni & laudabilis animi sunt visa. Militi Prætoriano (in Dionis compendio) ob caussam aliquam iussitat centies HS. numerari: id est, ducentia quinquaginta millia Philippicū. Et cum Agrippina mater, mirata imprudentiam fortasse liberalitatem, iussisset totam eam pecuniam, ipso coram, in mensa exponi & expandi, ut sic vel asperitu pœnitentiam eliceret: ille magno animo, iussit alterum tantum addi, & Nesciebam, inquit, tam exiguum me dedisse. Egregia vox: quam cur tu rides? Avd. Non ipsam, sed meam cupidinem: & ô si quis hoc exiguum mihi? Lips. Auidus ô homo es, nec accipies: hodie liberalitatis eius nec umbra manet. Hoc Nero in militem: sed quid in regij sanguinis Teridatem? quod vix ipsi Suetonio credibile videatur, octingenta nummorum millia diurna in eum erogauit, abeuntique super HS. millies contulit. Vt hoc & capias, & ponderes, scito Teridatam per nouem menses continuos Romæ, aut in finibus Romanis, fuisse: & toto eo tempore immunem habitum ab omni sumptu. Decreta igitur ei in diem octingenta millia: quæ sunt viginti millia Philiporum. Numerata in mensem: quid ea nisi sexcenta millia? In

M

nouem



nouem menses: *quinque milliones quadringenta millia.* Iam abeunti
datum, *millies HS.* quasi in viaticum: quod iterum efficit *duos*
milliones & dimidium. An potius in Suetonio, *bis millies* scriben-
dum? augeatur altero tanto, & palam Dionis compendium
(numeris autem in Græcis magis veri) hoc suadet. Atque ista
conspicua & signata liberalitas Neronis est: quid minores aliae
& sparsæ, sed coalescentes in grande summam? De quibus Ta-
citus: *Bis & vices milliones HS.* donationibus Nero effuderat: & addit,
Patres censuisse, ut repeteretur ab iis qui cepissent. Ea sunt *qui-*
quaginta quinque milliones, nisi calculus mefallit: quod & alibi ve-
reor, & ignoscendū est in sermonis hoc cursu & calore. Adiun-
go NYMPHIDII, post Neronē, promissum: non Principis, sed pro
Principe tamen factum. Ipse vt *Urbanum omnem militem & Præ-*
torianum Galba adiungeret, promisit iis septem mille & quingentas
drachmas viritum; reliquis extra urbē, mille ducentas quinquaginta.
In Plutarcho hoc ita leges, ingentem donationem, & qualis an-
teā in hoc genere nec fuit. Nam priores illæ *Drachmæ* in *Urba-*
nos, faciunt nobis *septingentos quinquaginta Philippicos*: alte-
ræ in Legionarios, *centum vigintiquinque*. Quòd hoc ascendat
in plura quā *vigintiquinque millia Urbanorum*: in amplius *du-*
centena Exterorum? vt Classes, & talia, omittam. Iure igitur
Plutarchus exclamat & queritur, *plusquam Neronem hunc rena-*
tum, nec potuisse eam pecunia molem exstrui, nisi vt omne Romanum
imperium attereretur aut euerteretur: præsertim post tot & tam
recentes à Nerone iectus. Infinitæ deinde sunt largitiones in
militem, vel in populum: sed, nisi memoria imponit, infra iam
dictas. Ideò nec pono, vnam Seueri Imp. tantum libo. Dionis
compendium: *Celebrauit Decennalia imperij sui, & dedit popu-*
lo qui frumentum solet accipere (nota semper ferè de Populo fru-
mentario) itemque *Prætorianis decem aureos.* Quā in re se iacta-
bat. reueraenī *N E M O* vñquam anteā tantum *S I M V L* dederat,
**Quinque effusumque hac donatione bis milliones HS.* Decem istos Aureos,
scito Romanos fuisse: id est nostros viginti, aut paullo amplius. Ita magna vis assurgit, & expressa est à Dione summa:
sed hæco an satis ex vero additum, *numquam anteā tantum da-*
tum. Nam & Commodi Imperatoris superfluens donatio fuit,
in Lampridio notata: *Congiarium dedit populo, singulis Denariis*
septin-

* Latinè
esset, Tri-
ginta se-
stertia.

* Latinè,
Quinqua-
sestertia.

* Quinque
milliones.

septingentos vicenos quinos. Qui sunt Romani aurei *vigintino-*
uem: pñne triplum eius, quod Seuerus postea dedit. Nam
quod vir doctus quidam hñc rescrit *septuagenos quinos*, valde
est præter rem & Lampridij mentem. Sed scilicet Dionem
scribere, *Simul nunquam tantum datum:* id est, & Populo &
Militibus. Alioqui & superiores aliquot donationes militares
valde excedunt. De Donis peregi, & simul de *Opibus publicis*.

C A P. X V.

De priuatorum aliquot opibus, & materiæ huius finis.

TRANSEO ad Priuatas opes, quæ & ipsæ magnæ fuerunt,
& per multos sparsæ. Quis nescit Senatores aut Senato-
rios plurimos fuisse, & plutes longè Equites Romanos? Atqui
primis illis, census sub Augusto fuit *Decies HS*: siue *vigintiquin-*
que millia Philippæorum. Istis, id est Equitibus, census *Quadrin-*
gentorum, quæ faciunt *decem millia Philippæorum.* Hic census,
quem necessariò haberent: quā multos, & plerosque om-
nes, putas excessisse? Ac lubet paulisper recensere hos diui-
tes: inter quos quem prius, quā Crassum illum cognomen-
to *Divitem?* Cicero aliisque de eo, atque etiam in eum Cicero
ista: *Multi audierunt ex te, cum dices, Neminem divitem esse,* In Para-
nisi qui exercitum suis F R V C T I B V S alere posset. Ergo hoc pro-
posito, numquam eris diues, antequā tibi ex tuis P O S S E S S I O-
N I B V S tantum reficiatur, vt ex eo tueri sex legiones, & magna
equitum ac peditum auxilia possis. Hæc vox Crassi fuit, opinor, ne-
gantis se *Divitem*, et si vulgo ita audiret: quia nemo sic dicen-
dus, nisi cui tales opes. In Plinio hoc paullo contractius:
M. Crassus negabat locupletem esse, nisi qui R E D I T V annuo tueri L E - Lib. xxxij.
GIONEM posset. In agris suis *bis millies* posse dedit, *Quiritum post*
Sullam ditissimus. Qui locus inspectione, fortasse & correctione
eget. Primùm de Legione vñā ait: quod Cicero palam de pluri-
bus(imò & sex nominat)&item Græcide exercitu tradūt. Itaque
in Plinio quoque verius censem, *Legiones.* Iam quod addit, *bis*
millies in agris possedisse: quid ergo in aliis? in seruis, in pecuniâ, in
vasis ac supellectile, denique in domibus, quantum habuit? Sa-
nè alterum tantum dixerit aliquis, ex communitate.



& proportione opum. Plutarchus scribit, solos architectos & fabrosum in seruis habuisse, ad quingentos, quorum operam elocabat in vrbe ruinis vel incendiis obnoxia: quid deinde seruorum ad reliquos vsus, domi vel in agris? Hæc eò deduco, vt sollicitem & quatiam lectionem Plinij receptam: & quia non arbitror in solis agris sic habuisse. Argumento ex Plutarcho, quòd totus census eius, post Decumas Herculi das, & epulum frumentumque plebi, non fuerit nisi septem millium & centum talentorum. Atqui longè hoc ab illo bis millies abest in solis agris. Facit & ipse Plinius, qui paullo pòst subiicit, Multos postea se cognouisse, seruitute liberatos, opulentiores. Libertos autem intellegit, qui ad ter millies, aut circa, peruererunt. Non insisto: dico, legendum mihi vide ri in Plinio, nisi qui legiones tueri posset ex agris suis. Sestertiū bis millies possedit. Vt vniuersæ opes eius fuerint bis millies, siue quinque millionum. Senecæ locus huc addatur: M. Cato possidebat ipse quadragies HS. minus sine dubio quam Crassus, plus quam Censorius Cato. Maiore spatio, si comparetur, pro auctum vicerat, quam à Crasso vinceretur. Moneo primò legendum, quadragesimæ HS. quod certum est: deinde addo, ex hac comparatione clucere, quòd haud multo vltra bis millies Crassus potuerit habere. Alioqui nimium interuallum sit inter Catonem Vtieensem & ipsum: quod Seneca negat. AVD. At enim Lipsi, vis tu igitur Crassum ad redditum ex agris tantum respexisse? LIPS. Videtur, nam & Cicero scripsit, nisi tibi ex possessionibus tuis tantum reficiatur: & antè, nisi qui exercitum FRVCTIBVS suis alere posset. Ea verò ad agros spectant: & ipsa Plinij vox, Neminem LOCVPLETEM esse. Et si haud nego, multos Romanorū magna latifundia habuisse: sed summa hæc exorbitet. Alioqui L. Domitius ille, successor in Galliam Cæsari destinatus, agris sanè abundare debuit, qui (in ipso Cæsare) Corsinij obcessus, ad animandos milites, in concione agros ex SVIS POSSESSIONIBVS pollicetur, quaterna in singulos ingera, & pro rata Centurionibus Euocatisque. Atenim triginta cohortes ibi militum, id est duodecim circiter millia. Ea sint igitur quadraginta octo millia iugera: quid iam in Centurionibus & Lib. xviii. Euocatis, quibus duplum debebatur? Lego & in Plinio: Sex dominos semissim Africæ possedisse sub Nerone, quos ille interficerit. De Tranq. cap. xi. Quid Seneca, de Pompeio (an Poppæo) quodam, sub Caligulâ? nam

nam qui Ptolomeum restituunt, ab ipso mox refelluntur. Quid igitur de eo? Panem & aquam defuisse, cùm TOT FLVMINA possideret, in suo orientia, in suo cadentia. Si hæc vera, oportuit totas regiones possedisse. vti C. Antonius ille, collega Ciceronis in Consulatu, totam Cephaloniā insulam, velut proprium patrimonium habuit, atque ibi opidum etiam nouum struxit: quod traditum ita Straboni. Hi verè locupletes: & quorum fundos nec milii oberrauerint, vt ait poëta. Sed redeo ad vniuersè Diuites, inter quos L. Cornelius Balbus meritò locandus. qui (vt Dio scripsit) homines sua atatis Diuitiis & Magnitudine animi supergressus est, adeò vt moriens populo Romano viritim legauerit denarios viginti-quinque, siue Aureum Romanum unum. Quid putemus nunc heredes, & legatarios habuisse? Seneca etiam noster, ille doctrinæ & sapientiæ, id est interiorum bonorum, ita diues, quam rara forte, & externorum fuit? Eum ter millies HS. possedisse, amicus illi Tacitus scripsit, & inimicicū mulhā inuidiā obiecerūt. AVD. Quidni Lipsi? & ille vir maximus, hoc uno titulo apud me minuit, quòd sic in opibus abundet. Philosophum hoc decuit? & quidem Romanum, qui facta sibi vindicant, magis quam verba? Lips. Miserum Senecam, vt video. quare? quòd non Virtus solum ei, sed Fortuna fauerit: & in alio tamen aliquo hoc laudemus. Sed quia rara hæc coniunctio, præsertim in modesto & sapiente, & bone mentis, vt ille inquit, soror est paupertas: homines indignantur, liuent, Senecam equis & quadrigis incurunt. At meo iudicio, ô virum hoc ipso magnum, quòd capere potuerit, quòd vti, quòd habere (vt uno verbo dicam) & non haberi! Quid, quod nec eas suspexerit? inter media censuit, inter fluxa, & quæ si abirent, nihil auferrent, nisi se metipsas. Audi illum, ô Liuor, & sile. Pone me, inquit, in opulentissimā domo, ubi aurum argentumque in promiscuo usu sit. Non suspiciam me ob ista, quæ etiamsi apud me, tamen extra me sunt. In Sublicum rursus pontem me transfer, & inter egentes abige: non ideo tamen me despiciam, quòd in illorum numero consideram, qui manum ad stipem porrigunt. Quid ergo est? domum illam splendidam malo, quam pontem. Hæc vera philosophia est: posse habere, posse carete, non cupere absentes, capere & praesentes: iisdem vti bene, & bonis subleuādis. Sed quid euagor? diues Seneca, & nostro more septuagiesquinques centena millia posse



possedit: plus meruit (audi & hoc Liuor:) & multi nequaquam eius artibus pares plus habuerunt, ut Nero ad eum dixit. Ecce Cn. Lentulus Augur (ait ipse Seneca) diuitiarum MAXIMUM EXEMPLUM, ante quā illum liberti pauperem facerent, quater millies HS. suum vidit. Propriè dixi (inquit) nihil enim amplius, quam vidit. Hic stupor igitur possedit ipsos decem milliones, Regum aut certè Regulorum opes. Sed indicat Seneca, libertos & plus habuisse. Ac sanè de Pallante Tacitus scribit, se stetij ter millies possessorem fuisse: quod quater millies, me volente, Dionis Breuiarium in Neronem expressit. Et hoc ipsum de colliberto eius Ælio Narciso, idem Dio in Claudio narravit. Sed aula hos beauit, inquires. Vis igitur & homines, non è Senatu vel aulâ? ecce è mediâ plebe vnum, è Plinio: C. Asinio Gallo, C. Mario Censorino Cos. (id fuit sub Augusto) C. Cæcilius Cladius Isidorus testamento suo edixit, Quamvis multa ciuili bello perdidisset, tamen relinquere seruorum quot tuor millia centum sedecim, iuga boum tria millia sexcenta, reliqui pecoris ducenta quinquaginta millia, in numerato HS. * sexcenties. Funerari se iussit HS. undecim millibus. Vide tu tot seruos, boues, pecudes, tantum numeratae pecuniae: & miror agros non expressos, quos tamen suspicor habuisse, itemque villas, & ædes. Sed vt sit, familiam illam solam seruorum vide: quis Principum habet? AVD Valdè quidem isti copiosi in seruis, quod & in Crafso notaui, LIPS. Valdè. & Petronius ex more, si non ex vero, de Eumolpo suo facetissimâ narratiunculâ scripsit: Familiam quidem tam magnam per agros Numidie sparsam habere, ut vel Carthaginem posset capere. Certe aliquot millia esse debuerunt eorum, qui armis apti: sicut & historicâ fide Vopiscus de Proculo tradit, eo tempore quo sumpsit imperium, duo millia seruorum suorum armasse. Quid Belisarius ille sub Iustiniano magnus? duodecim millia puerorum (ita loquuntur) habuisse propria, Aimoinus, Regino, aliique testantur. Nam illud quod in Athenæo adfirmatè scribitur, quale est? Quosdam Romanorum ad DECEM aut VIGINTI millia seruorum habuisse, nec ut QVAESTVM ex iis facerent, sed ut affectas aut subsequas eos modo haberent. Hoc de seruis, mihi ipsi timide tardeque credendum, & tamen credendum. De aliis armentis, simile aliquid (etsi minus est) in Vopisco item lego, de villâ Valeriani priuatâ, in quâ quingentis serui, duo millia vacca-

xii. Ann.

Lib. xxxiii.

cap. x.

* Decies
quinquies
centena mil
lia Philip.

L. vi.

vaccarum, equæ mille, ovium decem millia, caprarum quindecim millia fuere. Quæ mea mens, cùm ista cogito? vbi nostræ paupertinæ villæ, nec millesimis horum instructæ? Et quām pauca tamen talia aut scripta sunt, aut si scripta, ad nos peruenierunt? Casu factum est, quod Cæsar prodiderit (& mihi casu incidit) T. Labienum Legatum suum in Galliis, opidum Cingulum constituisse in Piceno, & suâ pecunia exædificasse. Vide in homine priuato opes & animum Principis, qui eas in tota opida struenda conuertit: quod & medici quidam apud Plinium fecere. Quid autem, quod etiam inferiore æuo, rebus & imperio labentibus, magne istæ opes? Olympiodori hæc excerpta audi: Οτι πολλοὶ οῖνοι ἀρωματῶν προσόδους καὶ τὸν εὐεργέτην εὐεργέτην αὐτῷ, αὐτὸν τοσαντοὺς τρεῖς εἰπεῖν, τὸν εὐεργέτην αὐτῷ, αὐτὸν τοσαντοὺς εἰπεῖν. ἀ εἰς τὴν σωτήραν, εἰ τηνάρατον, τὸν εἰσφερούντον τρεῖς. * Verti Trientem: an aliquis Triplum auctor?

τῶν δὲ μετὰ τοὺς πρώτους τῶν διατέρητον οἴκων τῆς πόλεως, ταπεινάδεκα, καὶ δέκα κεντητικῶν πρόσοδον. ^{l. w:} Multæ Romanorum domus (id est, earum domini) in anno redditu accipiebant è possessionibus suis, ad * quadragesinta centenarios auri: idque absque frumento, vino, & aliis speciebus, que si venderentur, facile trientem equarent illati auri. Secundarie autem domus, quindecim centenarios aut decem recipiebant. Hæc ille, sub Honorij & Arcadij æuum: quām defectâ iam Româ, & per illam Nouam imminutâ? Atqui tot illi Centenarij (centum libræ auri in singulis) reddunt quadringenta nobis aureorum millia: & vbi frumentum, & reliqua? Atque etiam redditus tantum computat, non seruos & alia multa, quæ sine fructu. Addam distinctè & vnum exemplum, in quo desino. Capitolinus de Gordiano, adhuc priuato: Ditisimus ac potentissimus, in prouinciis tantum terrarum habens, quantum nemo priuatus. Quæsturam magnificentissimè gessit. Ædilitatis sue tempore, duodecim populo Romano munera, id est per singulos menses singula DE SVO exhibuit. ita ut gladiatorum nonnumquam quingena paria exhiberet, numquam minus centenis quinquagenis. Feras Lybicas vna die centum exhibuit, vrsos vna die mille: & plura deinde animalium nominatim: quæ omnia POPVLO RAPIENDA concessit. Amplius de eo, auctore Cordo: In OMNIBVS ciuitatibus Campanie, Etruria, Umbria, Flaminie, Piceni, DE PROPRIO illum per QVATRIDVVM ludos scenicos & Iuuenalia edidisse.

Qui



26

DE MAGNITUD. ROMANA

Qui benè hæc tollit singula & pensitat, quiq[ue] scit quid sit ludos olim edere: nescio quam trutinam reperiet ad tot illa ponderanda aut æstimanda. Diducere mihi non placet, placet ab iungere: & Opes Romanas publicè priuatimque satis video ostendisse. Tu abi, cæna, dormi.

I. L I P S I DE MAGNITUDINE ROMANA LIBER III.

C A P V T . I.

Ad Opera Romana transitum, & primò de ligneis aut temporariis dictum.

AV D. Malè mihi hac nocte fuit. LIPS. Quid ita? AVD. Quia herè nimium benè. Suaues illi sermones animo inhæserunt, & per cerebri huius spatum inerrantes, verè dico, ademerunt mihi somnum. LIPS. Aliter ego dixeram: & meministin, vltimi mei, Dormi? Atqui cautio erit ne sic in posterum: mittemus potius, aut suspendemus, hos sermones. AVD. Quin tu verbum hoc suspende: nam meruit. Itanc sermons hos tollas, in quibus vnica mihi spes solatij? nam ne nescias, vt ij qui à scorpis sunt iicti, ab iisdem remedium habent: sic ego nunc affectus. Ad te propto, qui pupugisti. LIPS. Ad me: non ego Scorpius, sed Aspis: aurem claudio ad has cantilenas. AVD. Benè est, pungat me & hæc aspis, vt dormiam: & suavi veneno infundat somnum. LIPS. Age, age, medebor: sed non, vt censes, suauiter mi homo: ego vero vt fastidientes quosdam ægros medici, ad exercitia & OPERA te ducam. Ecce enim ea ordine sequuntur. Duplicia autem Romana istæc Opera, Temporaria & Diurna. Illa, quæ subito & in breue tempus aliquid excitabantur, è terrâ aut ligno plerumque ista, quæ in longum, & mansura, è latere, lapide, & materie

LIBER TERTIUS.

97

terie firmiore. Temporaria, duplicita iterum video, In Militia, & Extra eam: atque utraque mereri iustam admirationem. Nam siue militiam video, quis Fossas, Vallos, Aggeres, & talia terrea, iterumque materialia, Turres, Testudines, Musculos, Vineas, legit, tam multa, tam crebra, & aut industria, aut vires hæc patrantium, non æstimat & admiratur? Siue extra eam quædam, in volupratem aut splendore in structa; quomodo idem affectus non insinuet animo velirruptat? Et Militaria quidem mitto, * aliás mihi explicata: pauca ex ciuilibus tangam. Quo in genere ludicra præcipue fuere: vt Theatra, Amphitheatra, Circi, & magnæ eiusmodi moles, structæ saepe in paucos dies, & pænè ut deicerentur. Duo exempla in Plinio, etiam cum eius, qui tam multa ADMIRANDA viderat aut legerat, nimirū admiratione. M. Scaurus, inquit, fecit in Ædilitate suæ opus omnium MAXIMVM, QVAE VMQVAM FVERE HVMANA MANV FACTA, non temporariâ morâ, verum etiam æternitatis destinatione. Theatrum hoc fuit. Scena ei triplex, in altitudinem CCCLX. columnarum. Imæ pars scenæ è marmore fuit, media è vitro, inaudito etiam postea genere luxuriae. Summa tabulis inauratis columnæ, vt diximus, imæ duodecagramnum pedum. Signa ærea inter columnas, vt indicauimus, fuerunt tria millia numero. Cœnea ipsa cepit hominum LXXX. millia, cùm Pompeiani theatri, toties multiplicata urbe, tantoque maiore populo, sufficiat largè XL. millibus. Sed & reliquæ apparatus tantus, Attalicâ veste, tabulis pictis, ceteroque choragio fuit, vt in Tusculanam villam reportatis quæ superfuerant cottidiani vñs deliciis, incensâ villâ ab iratis seruis, concremaretur ad hs. millies. Quid est? friges, nec excitaris? AVD. Nihil. ipse Plinius me tepefecit, cùm scripsit, non temporariâ morâ, sed æternitatis destinatione factum. Me tepefecit, te refellit, qui inter Temporaria hoc refers. LIPS. Téne tam lœvè Plinium capere? præuidebam, & metuebam. Sed hoc ille dictum voluit, istud Temporarium eminuisse etiam inter firma illa, & quæ æternitatis spe facta. Non aliud sanè dixit: & ecce alibi eius verba. In Lib. xxxiiij. M. Scauri ædilitate, tria millia signorum in scenâ tantum fuere, temporario theatro. Audin, temporario? Iterumque alibi: Trecentas sexaginta columnas M. Scauri ædilitate ad scenam theatri temporarij & vix uno mense futuri in vñs, viderunt portari silētio legum. Quos locos libentiū adfero, quia Plinius eosdem adspergit, cùm hīc

N scripsit:

Lib. xxxiiij.
cap. vii.Lib. xxxv.
cap. ii.



scripsit: ut diximus: & ut indicauimus: nempe hisip̄sis locis. Sedquod h̄ic etiam est: In pars sc̄enae ē marmore.) explicat idem suprā, in cap. vi. Marmoreos parietes habuit sc̄ena M. Scauri, non facile dixerim sectos, an solidis glebis politos, sicuti est hodie Iouis Tonantis aedes in Capitolio. nondum enim secti marmoris vestigium erat in Italiam. Ultimis item verbis, concremaretur ad HS. millies:) ē manuscriptis aliquis mallet, ad bis millies: nec nimium sit pro reliquo luxu. Alias operis partes tu per te, & otiosè, si voles, inspice & adstupescē: ego alterum exemplum, ex eodem Plinio, qui dictis iam subnequit. Aufert animum, & à destinato itinere digredi cogit contemplatio tam prodigamentis, aliamque connecti insaniam ē ligno. C. Curio, qui bello ciuili in Cæsariensis partibus obiit, funebri patris munere, cùm opibus apparatuque non posset superare Scaurum (vnde enim illi vitricus Sulla, & Metella mater, proscriptionum sectrix?) cùm iam ne ipse quidem Scaurus sibi comparari posset, quando hoc certè incendij illius prēmium habuit, coniectis ex orbe terrarum rebus, vt nemo postea par effet insanie illi. Ingenio ergo vtendum fuit: opera pretium est scire quid inuenierit, & gaudere moribus nostris, ac nostro modo nos vocare maiores. Theatra duo iuxta fecit amplissima ē ligno, cardinum singulorum versatili suspensa libramento: in quibus vtrisque antemeridiano ludorum spectaculo edito, inter se se auersis, ne inuicem obstreperent sc̄enae; & repente circumactis, vt contrā starent, postremo iam die, discedentibus tabulis, & cornibus inter se coēuntibus, faciebat Amphitheatum, & gladiatorum spectacula edebat, ipsum magis auctoratum populum Romanum circumferens. Quid enim miretur quisque in hoc primū? inuentorem, an inuentum? artificem, an auctorem? ausum aliquem hoc excogitare, an suscipere? parere, an iubere? Super omnia erit populi furor, sedere ausi tam in fidā stabiliq̄e sede. Quæ vilitas animarum ista? aut quæ querela de Cannis? quantum malū potuit accidere? Ecce populus Romanus vniuersus, velut duobus nauigiis impositus, binis cardinibus sustinetur, & seipsum depugnantem spectat, peritus momento aliquo, luxatis machinis. Disertè ista Plinius, & culpans simul claudans. Quid autem nos? Legimus, intelligimus, vix credimus (de meo sensu h̄ic fateor:) & qui quantique illi cardines singuli, qui tota theatra sustincent, verterent, iungerent, disiungerentque? De me, pa-

rum est: sed coēant ipsi artifices nostri & architectones, laborabunt in re non dicam conficiendā, sed exputandā. Plura huius generis passim: sed in circunfusā rerum copiā, excerptimus pauca & eligimus, cum iudicio, vt possim. AVD. H̄ic nō adhibes, quod cum pace tuā dicam. LIPS. Quid iam? AVD. Nam ars & ordo ita præcipit, in dicendo narrandoque ascendere, &, vt ille ait, ex fumo flammam, non ex flammā dare fumum. Attulculmina operum dixisti, & minora haud dubiè dabis. LIPS. Minora? aliter dices, cùm illa Perpetua & firma audies: quid si & nunc aliter in his Temporariis? Caij Caligula pons nescio an ingenio, mole certè & magnitudine vincit, sed & insanā illā ambitione siue periculi, siue nouitatis. Struxit eum in ipso mari, nauibus impositum, magnitudine trium milliarium & quadrantis: id est, toro illo spatio, quantum est à Puteolis ad Baulos. Per hunc, triumphantis ritu, cum Senatu militibusque incessit, spectante toto populo: in eodem epulatus, noctem etiam perugilem egit, inter lasciuias & ludos. Addo autem in paucis diebus (nam & sic narrant) pontem hunc totum structum: vnde tam subito nauibus, armamentis, trabibus, omni aliā materiā coniectā? Immensum opus perpendenti, sed cui laudem vanitas detrahit. nam quo fine structum, nisi vt destrueretur? Simile in Caracallā, quem alterum Caligulam licet dicere. Is autem non suis solū, sed alienis opibus protulerū abusus. cùm, vt Dio scribit, adigeret homines Senatorij ordinis, QVOTIES Romā egredieretur, DOMOS & FRAETORIA varia struere, item DIVERSORIA splendida: et si in plerisque non solū non acturus hæsurūs ve erat, sed nec ea visurus. Amplius, ubicumque hiematurus erat, aut etiam putabatur hiematurus, cogebantur AMPHITHEATRA & CIRCOS struere, nec in sumtum quicquam ab eo capientes: & ea ipsa mox deruenda. Quis cùm h̄ec legit, siue audit, non admiratur opes & splendorem Senatorum, qui patrare h̄ec poterant & non item detestatur illius insaniam, qui iubebat? Olim in populi totius voluptates, Theatra & Circi structi: nunc in vnius imaginarium ysum. Nam nec vidit h̄ec omnia s̄æpe, vt Dio dixit.



Diurna opera, & caput omnium Roma. De situ eius, & in primis de magnitudine indagatum.

SED à damnosis istis & Temporariis ad stabilia & utilia veniamus, & quæ Perpetua dixi. In hoc genere multa sunt Romanæ magnificentiae, nec in urbe solum aut ipsâ Italâ, sed per terrarum orbem sparsa. Licet dicere diuino munere Romanos datos, ad quidquid rude, expoliendum, ad quidquid infectum, faciendum; & loca hominesque, elegantia aut artibus, passim exornandos. Quot Opida noua structa? vetera ampliata, aut reparata? in iis Templa, Basilice, Fora, Porticus, Aqueductus, Vie, Theatra, Circi: & plura, quæ aut usum haberent, aut amoenitatem. Quid iam Privatæ structuræ, ut Domus aut Villæ? omnia splendida, ab ingenio simul & pretio commendanda. Atque ego hîchæro. Avd. Quid tibi est? Lips. Sine. Avd. Non pergis! Lips. Mane inquam. Avd. In capite viæ sistimus? Lips. In capite. immensa & vaga se aperit, nec satis scio quâ limite in eam aut stringam. Poëtae animi caussâ solent dicere,

Unde tamen cœpti iam surgat carminis ordo? ego ex vero: & incertus animiferor, ubi ordinar desinamque. Nam si vel singularia tantum ostendenda sunt, per omnes prouincias, urbes, agros euadum est: ubique enim tale fuit. Infinita, inquam, ista sunt, & cum poëta principe,

— οὐα τε φύλλα νὴν αὐθεα γῆγειαι ὄρη,
Hύγεια μηδενὶ αὐτοῖσιν ἔθεται πολλὰ.

"quot fo-
lia aut flo-
res in vere
virescunt,
Aut quo-
tuscarum
densarum
examina
bombarunt.

Sed cogitanti hoc sedet, solam Romanam tibi ostendere, omnium operum opus, ut sic appelle: & in quâ solâ fuit, quidquid ubi que fuit. Ipsam si in parte nosti totam ne speres:) etiam illa prouincialia noueris, quæ pleraque facta ad hoc exemplar. Nam & coloniae Capitolia sua, Fora, Basilicas, Theatra, & talia, habebant ad urbis dominæ & parentis suæ ritum. Roma igitur faue, & te ostende: & paulisper è ruinis tuis, si fas est, veterem vulnus attolle. Situm tuum primum video, & laudo: aut potius pro me Camillus ille apud Liuium, qui te bis condidit, & dum Gallis eripuit, & dum tibi ciues retinuit & firmauit. Nam absque eo abibant, & veij iam Roma erant. Ille igitur: Non sine

sine cauſâ Dij hominesque hunc Vrbi condendæ locum elegerunt. saluberrimos colles, flumen opportunum, quo ex mediterraneis locis fruges deuehantur, quo maritimi conuentus accipiuntur; mare vicinum ad commoditates, nec expositum nimia propinquitate ad pericula classium externarum, regionum Italæ medium. Videamus, Auditor, paulisper horum singula: & iuuabit me recitatio, & quasi in Româ iterum sistet. Avd. Bonâ veniâ, quot iam anni ex quo lustrasti? Lips. Ipsi vigintiseptem, cum discessi: sed animum non auelli, & antiquitas amabilis, sed & religio venerabilis sæpe eò vocant. Quod ergo dicebam, Camilli ruminemur. Saluberrimos colles. (Hodie vix ita sunt: sed cauſa, solitudo & desertio, tum & auræ è vicinis paludibus vel æstuariis, & quas alij indagetur. Flumen opportunum.) Tiberis ille pater, qui urbe secatur: latus circa eam, ut Dionysius monuit, quatuor iugera, (sive pedes CCC:) profundus sic, ut maxima naves suscipiat, & portet. Addit & Mare vicinum.) nam distat XVI. millibus passuum, ut Plinius & Antoninus metiuntur, sive, quod idem est, centum viginti stadiis, ut Dionysius. Non ergo Strabonem audies, qui centum nonaginta ea computat: sed numerotum & librarij sui errore. In Appiano an error talis, qui non nisi centum stadia computat? Nam verba Censorini Consulis sunt, suadentis sive iubentis Carthaginenses, dirutâ urbe suâ, à mari abire: A mari iubemus non nisi LXXX. stadia vos recedere, cum nos ipsi ab eo distemus stadiis centum. Ego tamen hoc non mutem, & verè dictum censem: sed aspergulatæ & magnæ illius Romæ, quæ extra prima mœnia (mox dicam) in orbem se diffundebat. Ab eâ ille computat: et si fortasse parùm adhuc verè aut decorè in Censorini personâ. Sed ænum suum, ut sit, aspexit. Claudit Camillus, Italæ medium esse.) Ita, in longitudine. nam latitudinem si spectas, finem tenet. Hoc verius, quam quod Vitruvius etiam mundi medium Lib. vi.
cap. 1. Romam fecit: nec hoc nobis persuadebit, nisi sui fortasse & Romani mundi. Hec Camillus: sed Rutilius Gallicanus, cuius Itinerarium exstat, ab infimo ævo non infimi carminis, hoc quoque in eâ miratur, quod munitissimo loco sita, nec Alpibus solum ab omni vi subitâ, sed Apennino defensa.

*Sifactum certâ mundum ratione fatemur,
Consiliumque Dei machina tantafuit;*



102

DE MAGNITUD. ROMANA

Excubiis Latis prætexuit Apenninum,
Claustraque montanis vix adeunda viis.
Inuidiam timuit Natura, parumque putauit
Arctoës Alpes opposuisse minis.
Sicut vallauit multis vitalia membra,
Nec semel inclusit quæ pretiosa tulit:
Iam tum multiplici meruit munimine cingi,
Sollicitosque habuit Roma futura Deos.

Ista Rutilius pulchre: sed nos à Situ Formam videamus. Nec veterem illam reuoco, *Quadratam*, & qualis sub Romulo fuit: perfectam & plenam considerasse sit satis. quæ rotunda propemodum fuit (et si haud iuste tamen) & septem suos colles amplexa, grandem ambitum fecit. Quem utinam firmiter metiri tibi possim! ah, ah. AvD. Quid suspiras? etiam iterum? Lips. Iterumque, & ab imo pectore. Ah, cur non Romæ nunc paucos dies sum? cur non obambulo, video, metior? cur non cum viris doctis inibi confero? firmius fortasse certiusque definirem. Sed vel sic conabor. A v D. Ego in suspirio tuo rideo. Nam cur youes, quod potes, imò quo impelleris, aut in uitatis? nonne Itali, & ipsa Roma, hoc faciunt? Lips. Faciunt, & gratiam pro iudicio vel affectu debo: sed quid dicam? Fatum meum primò metenuit: mox & Rex: illud occulto decreto, hic apertâ benignitate. Ad summā, video Belgæ mihi in Belgis moriendum: et si de reuisendâ eâ obiter non despero. Sed de nostro ambitu. scribunt veteres, Seruium Tullium regem, ad quinque colles iam inclusos vrbi, duos addidisse *Viminalem* & *Esquilinum*, & talem tantamque deinceps fuisse Romam. Dio-

Lib. IIII. nysius in eâ re aperte: Ulterius verò NEQVE NVNC processit urbis ambitus, fato aut numine, vt aiunt, non permittente. Neque nunc, inquit: quando? Augusti æuo, quo ipse scripsit. Sed ille ipse ambitus igitur quantus? idem ita docere voluit, dum subiicit: Quod si quis metiri ambitum eius voluerit, conferat cum Athenarum vrbe, nec multo maior apparebit. Quod idem & alibi iteravit. Voluit, inquam, docere: vix nos docuit, sed suos sanè Græcos, qui Athenas norant. Nos quid? & de huius ambitu quæramus. Legi quidem in Dione Chrysostomo, Circuitum Athenarum, cum Pyraeo & Longis muris, fuisse ducereturum circiter stadiorum:

Orat. de
tyrannide.

quæ

LIBER TERTIVS.

103

quæ nobis sint vigintiquinque milliaria. Sed an Roma igitur tanta? non opinor, nec ausim dicere: & caussa est, quod Dionysius disertè Athenarū astu siue urbem dixit, nec Pyraeum, opinor, aut Longos muros inclusit. Itaque iterum hæremus. AvD. Vis ego te transferam? Lips. Gratia erit. AvD. Nam hodie ipsa res docet, & muri illi antiqui ambitum habent XIIIII. aut XV. milliarium, vt notant. Quid ergo ambigis? Lips. Hos istos, veteres non fuisse. Multa sunt, quæ arguunt: sed ipsa maximè forma sic enormis, & alibi sinuans intorsus, alibi procurrens extorsus: prorsus, vt non à priscâ illâ accuratione & elegantiâ, sed à nouitiâ aliquâ necessitate impolitum & subitum opus videatur. Neque ambigendum est, vt mox dicam. Sed de veteri igitur ambitu, videamus ecquid Plinius iuuabit, qui ex professo describit: MOENIA eius collegere AMBITV, Imperatoribus Censoribusque Vespasianus, passuum XIII. millia ducenta. Complexa mōtes septem, ipsa diuiditur in Regiones XIII, compita earum CCLXV. Eiusdem spacijs mensurâ currente à Milliario, in capite fori Romani statuto, ad singulas portas, efficit passuum per directum XXX. millia, DCC. LXV. Ad extrema verò tectorum cum castris Praetoriis, ab eodem Milliario, per vicos omnium viarum, mensura colligit paullo amplius LXX. millia passuum. Rem totam hīc habeas, si verba hæc aut tenebras suas, aut & vitia, non habent. Inspiciamus. Mœnia ambitu colligere facit passuum XIII. millia. Sanè hoc sit pro hodiernæ Romæ modo, si modò lectio firma: quam & prisci libri sollicitant, XXX. millia scribentes; & Leander, atque alij superioris ætatis, qui XX. millia legerunt, & defendebant. Pergit, Eiusdem spacijs mensurâ currente à Milliario.) Intellego idem spatium, totum illum ambitum, & eo inclusum. Hoc, inquit, spatium si metiris: vnde à Milliario: & intellegit * Columnam * De qua Dio, Tacit. illam Auream in foro Romano statutam, in quam Italæ omnes viae, & loca finiunt, vt ait Plutarchus. Augusti hoc institutum fuit, qui & posuit Columnam, & ab eâ voluit currere mensuras. Pro hoc igitur more Plinius metitur, non à portâ ad portam (vt video quosdam suspicari) sed palam à Miliario, quod quasi in vrbe mediâ, ad singulas portas. Sed numerieius manifestò falsi sunt. Si XXX. millia ad quācumque portâ: ergo in totâ diametro LX. sunt: ergo in ambitu, CXX. quo quid absurdius? Et simile erit, et si minus, si à portâ ad portâ XXX. sint, vt i volunt, nam tūc certè triplicatâ dia-

metro



metro, ut solet, exsurgent milliaria in ambitu nonaginta: an ipsis fatendum, aut nobis credendum? Iam in vltimâ mensione, ad extrema tectorum, inquit, ab eodem Millario, LXX. millia passuum. Id quoque quî potest? crescent supra modum hæc in ambitu, nec video excusanda. Ut mihi nunc videtur (meliora auidè semper audiam, capiam, vel potius arripiam:) sed ut mihi nunc, Plinij numeri isti corrupti sunt, & sic reformandi. Mænia collegeré ambitu passuum XXIII. millia. Hoc primum pono, tantam fuisse Romam: aut si placet, XXII. parum in uno altero que milliari est. Vnde doceo? ex Olympiodori quibusdam Excerptis Græcis: in quibus ad verbum est, *Romanæ urbis murus mensuratus ab Ammone geometrâ, quo tempore Goti primam invasionem feceré, habebat spatium unius & viginti milliarum.* Iste uno milliario minus, quod aliud addit: & Martinus Polonus, qui Chronicon scripsit: *In circuitu, inquit, Roma sunt millaria vigintiduo, præter Transiberim & Leoninam ciuitatem, cum quibus dicitur habere quadraginta duo millaria.* Vnde hæc habes Martine? ex aliquo veterum: nam pro tuo æuo, utrumque hoc planè est falsum. At pro veterum, & verbis Plinij, planissimè verum. Pro verbis, dico, Plinij corrigendis, & porro videamus. Nam altera mensura erat, à Millario ad portas XXX. millia. Ego dico scribenda ∞ ∞ ∞: id est, tria millia. Et quis nescit ex ignorantia harum notarum saepe, cùm in Plinio, tum Liuio, & alibi, peccatum? Nam putabant Denarias notas esse: & inde nata illa millia XXX. Atqui alter est, & sic si emendas, quanta proportio & consensus? Roma habet in ambitu XXIII. milliaria: à milliario ad portam, tria millaria & passus septingentos sexaginta quinque: ergo in plenâ dimetro, septem millia quingentos triginta: hanc triplica, nonne XXII. & semis in ambitu redduntur? At Plinius neglexit aut insuper habuit de dimidio, & rotundè XXII. aut XXIII. dixit. Simile in mensurâ vltimâ, quæ ad extrema tectorum colligit LXX. millia. Tu vero fac septem millia: & rem factam habes. Dupliciter enim metitur. à milliario primùm ad ipsos muros portasque: deinde ab eodem, ad extrema tecta. Quare hoc? liquet enim Romanam quasi duplēcē fuisse: & clausam muris; & alteram non clausam, quæ tamen in orbe circumiecta esset, & continentibus ædificiis instructa. Vtramque igitur dimensus, dicit hanc vlti-

vltimam in semidiometro septem millaria habere: duplica, sunt quattuordecim: triplica, erit ambitus iustissimè, quadraginta duorum. Et nonne hoc ipsum est igitur, quod Martinus dicebat? Addo probationem huic numero alteram, ex Vopisco. Is de Aureliano Principe: *Muros urbis Romæ sic ampliavit, ut quinquaginta PROPE millia murorum eius ambitus teneant.* Quod tamen Zosimus Probo Imperatori perfectum opus adscribit. Si igitur tunc quinquaginta propemodum (nam id notat:) ergo iamantè facilè ambitus ille ædium extremarum, quadraginta duorum: quia muri noui longius etiam paullò ab ædibus remoti. Ego in hac re nihil incerti vel infirmi video, nisi quod libido quibusdam est dissentendi. Sed ô boni, an adeò tale nihil alibi? Ecce urbs Locrorum (nec ea inter has maximas) duodecim millia in ambitu habuit, quod Liuius scripsit. Capuam superasse, non mihi videtur ambigendum. Quid Carthaginem illam, Romæ æmulam? XXII. millia passuum circumdedit, ut manuscripti Orosiani codices præferunt, siue XXIIII. ut Epitoma Liuiana. Ipsa Constantinopolis olim XXII. ut hac quoque parte compar matris suæ esset. Denique ad Tataros & Sinenses si abeunt, hodie reperient exempla. Desino, & satis firmasse videor: nisi quod opponi nobis possunt (nihil enim dissimulabo, & ipse subiciam) duo. Prius, quod Millarium non videtur iuste fuisse in urbe mediâ, atque ita mensuratio fallet. Nam fuit in capite, ut Plinius ait, fori Romani: atqui ab eo ad Tiberim, non par reliquæ urbi spatium videtur, & maximè quod ibi *Campus Martius*, omnium consensu, extra urbem. Respondeo. ut nunc quidem Roma est, non planè medium illuc esse fortasse (metiar, si illuc sim: nunc tabulis credo:) sed olim videtur fuisse. Sanè Victor, & Notitia Imperij, in foro ipso Romano, nec longè à Millario, Umbilicum urbis ponunt. Sed esto tamen non exactè in medio: quid refert? non sic *metietur omnia*, & ad lineam regulamque veteres metiuntur. Non mouet me de *Campo Martio*, quem fateor extra pomœrium habitum, & intra mœnia tamen fuisse. Nonne idem in Auentino? qui usque ad Claudijs tempora, in pomœrio habitus non fuit, & tamen à Regum tempore urbi inclusus. Et campus quidem Martius etsi olim non erat, tamen Julius Cæsar (quod Cicero ad Atticum scribit) destinabat



bat eum includere: quî scio an non Augustus fecerit? nam & is pomœrium protulit: an denique non Nero? quem ego præcipue puto in totâ Româ mutasse & innouasse. Et ab eo sanè facies & forma est, quam Plinius descripsit. Alterum, quod obici potest. Olympiodorum non nisi *viginti & unum* millaria attribuere sub Honorio, cùm Roma capta fuit: vbi ergo illa *quadraginta* duona nostra, vel Aurelianî *quinquaginta?* Respondeo, fuisse, & desisse. Nam ecce cùm Constantinus sedem imperij transtulit, & vnâ secum tot nobiles familias abduxit, frumenti etiam trienté abstraxit, denique seipsum & Aulam: nónne probabile est, Romam iterum valdè minuisse? idque in extremis & longinquis maximè, vt solet: atque ita redditū, collapsis aut disiectis Aurelianî muris, ad veterem ambitum & modum. Alioqui & alterum mihi argumentum non inualidum pro tanto ambitu est, ex ipso Victore & Rufo, qui *Regiones vrbis* singillatim dimetiuntur. Sunt igitur quædam, vt illa Auentini, quæ *habent in ambitu xxxiiii. millia. cccc. lxxxviii. pedes*: nónne ea redidūt *sex millaria amplius & semissim?* Quid in reliquis illis *xiiii?* in quibus vna item aliqua *xxx. millia pedum* habet, aliæ ferè *xvi. xv. xii.*: & minima omnium *xii.* Profectò ex his iunctis ingens ambitus exsurgit, & (compara si lubet) propemodum ille noster. Sed tertio aliquis dixerit, quod tu anteā muros hodier nos contra nos esse. Sunto. tu veteres eos potes credere? & ita nescis toties dirutam, incensam, vastatam: iterumque instauratam & refectionam esse? Noli arbitrari quòd in iisdem vestigiis. nam quâ spe eiusdem frequentiæ, aut felicitatis? Imò Honorius contraxit, pòst Belisarius, Narses, denique & Pontifices Romani. è quibus *Hadrianus primus* (vt Blondus tradit) muros eos, qui nunc exstant, centenis aureorum millibus è *Thuscia* contractis, exstruxit. Sed hæc apud alios leges: ego sententiam meam sine fuso liberè, & item sine pertinaciâ (quod profiteor) dixi. Hic autem fistit me & percutit miserans quædam cogitatio. Ego te Roma illa vetus, & speciosa super omnes usquam aut unquam vrbes, non solum non video, sed etiam quæ fueris, quæro? Quæ fueris? imò & vbi fueris: & quî scio, an non & aliquando, vitrum fueris queretur? Non magis hoc mirum, si saecla plura current, quâm nunc de Thebis Ægyptiis aut Troiâ dubitari. Nam ha-

bet

bet hoc ætas, vt formam primò tollat, tum rem, tum famam & nomen. O spes & res humanæ, quid estis? quòd itis? huc fleatite. En potens & superba illa Roma, quæ VRBS AETERNA audiebat, quæ VICTVRA CVM SAECVLIS, quæ DEORVM OPVS ET CVRA, tota periit, condita in ruinis suis iacet, & laboramus crux, & adstruere magnitudini eius fidem.

CAPUT III.

Magnitudo Suburbiorum Romæ, & hominum in totâ Româ multitudo.

ED philosophandi alibi sit locus: curramus nunc institutum cursum. Romam igitur duplēcē habemus, veteri ambitu, & nouo: est & tertia quædam sine ambitu, & quæ in suburbis procurrat. Ea quoque ingēs, & Plinij imagine ostendenda: qui ait, *ex patiantia teatam multis addidisse vrbes*. Plures, inquam, sunt vrbes, & tot quot suburbia ipsa. Quæ Tybur, Ocriculum, Ariciam, atque aliò excurrebant, sed maximè Ostiam & mare versus. Illuc vel ad *xv.* aut circiter millaria procedebant: & fidem huic assertioni Neronis consilium ac destinatio faciat. cui ab hac causa tamen *Ostiam tenus* (ait Suetonius) mœnia promovere, atque inde fossâ mare veteri vrbis inducere: et si non effecit. De hac magnitudine iam suo æuo Dionysius: *Omnia loca circa urbem habitata, sine mœnibus esse*. in quæ si quis intuens MAGNITUDINEM ROMÆ exquirere velit, frustrâ eum fore, & hæsurum vbi definat vrbis, vbi incipiat. Adeò suburbana, inquit, ipsi vrbis adharent & innixa sunt, & speciem IMMENSEM LONGITUDINIS exhibent spectanti. At maior etiam maiorque post illum. & Aristides Rhetor (sub Hadriano vixit, cùm vrbis in summo flore) comparat eam non ineptè cum Homericâ niue: que excelsorum montium iuga operit, & agros item ac pinguis virorum culta. & addit: *Descendit etiam ad porrigitur ad mare ipsum*, vbi commune est emporium, & omnium è terrâ gignentium distributio. Atque idem haud vanâ *μετανοει*: Tantam Romam esse, vt in quacumque parte quis constiterit, nihil impediat & in mediâ eum esse. Quem locum hæc talia habent, nisi in magnitudine istâ adstructâ? At tu vultu renides, & fortasse animo dissentis.

O 2

AVD.



AVD. Etiam verbis, si licet. LIPS. Licet verò, atque adeò inuitò.
AVD. Nam quę tu sic extollis & producis, Ostiam, Tybur, aliò;
hæc omnia ego atque alius dixerit, non habitata ædificia, aut
vrbis partes, sed Villas, Prætoria, & voluptarias eiusmodi do-
mos fuisse. LIPS. Sanè alius hoc iam dixit: memini: sed quem
relicet, præter dicta, multitudo infinita hominum, quæ in vrbe
hac totâ fuit. Opportunè enim & hoc argumentum addam
pro magnâ meâ Româ. Possumusne igitur satis certò eam mul-
titudinem colligere & adfirmare? possumus è vestigiis scripto-
rum, quæ sagaciter ibo indagatum. Ex lapide Augusti, saepe iam
nominato, itemque è Suetonio constat, *trecenta viginti millia*
aliquando fuisse plebis urbanæ: plebis dico tenuioris, & quæ è¹
publico visitaret: imò suprà. Considera, & institue ratioci-
nem: si tanta multitudo in opum istorum, quanta iam etiam
diuitum? Quot illi Senatores aut Senatorij, quot equites, & ex
ipsâ plebe honesti? Vísne illos quoque *trecenta millia* fuisse? age,
sunt vel *ducenta tantum*: quid conficitur? pueros feminasque
addendas: & quo numero? profectò duplo triploque (si non vi-
trà) superarūt: & ita ubique gentium aut *urbium* obseruamus.
Si placet igitur, consumma: habemus iam nunc in nostrâ Ro-
mâ (vix audeo dicere) *duos hominum milliones*. Quid tamen trepi-
do? verum fortiter dicendum est, & plura etiam addenda. AVD.
Plura? at vereor ne iam nunc extra veri metas iueris, certè opi-
nionis. LIPS. Plura inquam, & vide. Nónne probabile est toti-
dem seruos Romæ, quot liberos fuisse? AVD. Socratis instituto
me cum agis, & interrogando inducis. Sed ego circumueniri
metuo, tu tibi responde. LIPS. Fiat. dico totidem, dico plures.
Nam tenuium quotus quisque fuit (vt tunc mores) cui nō vñus
altérve seruulus? At diuites illi agmina eorum, * *agmina* dico (&
sic Ammianus loquitur) post se trahabant. Vñus Pedanius Co-
sta in Tacito, *quadringentos* seruos sub tecto suo & domi ha-
buit, cùm ab vno eorum est imperfectus. Et crede mihi nemo
diuitum istorum aut laitorum fuit, cui minus centenis aut
ducenis: qui in varia sua officia aut munia diuisi. Sed quid am-
bio, aut argumenta colligo? cape certum & fidei notum te-
stem, Senecam. Is de suo ævo: *Dicta est aliquando sententia in Se-*
* Vide sa-
prà lib. 11.
cap. xv.
natu, vt seruos à liberis cultus distingueret. Deinde apparuit, quantum
pericu-

periculum immineret, si serui nostri numerare nos cœpissent. Quid cla-
rius dici potest, seruos plures liberis fuisse? Nec sic tamen om-
nes habemus: adde. AVD. Abeo. LIPS. Quid tibi est? AVD. Nam
tres aut quattuor milliones mihi iam struis, quantum nec in
prouinciis quibusdam aut regnis. Quis hæc ferat? LIPS. Si ferre
non vis, deiice: per me licet. Tamen rem tuam iam sum dictu-
rus. AVD. Rem meam? LIPS. Tuam. peregrinos traduco Ro-
man. AVD. Hem, hem maneo. ô siste me illâc. LIPS. Ecce. dico
Peregrinos ex toto orbe Romanum olim venisse, alios negotij sui
caussâ, alios publici, multos & mansionis. Ita semper ea vrbs
referta iis, cùm hi inirent, alij exirent: atque ipsa, vt mare, ad-
mitteret, emitteret, nec cresceret minueret. Itaque Aristides
Roman dicit esse, *velut COMMUNE TOTIVS TERRAE OPIDVM*.
Item, omnes gentes, quasi vicatim diuinas, ad hanc suam arcem conue-
nire: quæ numquam vlli se negat, sed vt terræ solum fert omnes, sic hæc
OMNES HOMINES capit. Athenæus quoque cum eo: apud quem
ORBIS POPVLVS Romani dicuntur ab hac caussâ: ipsa vrbs,
ORBIS COMPENDIVM ET EPITOME: quæ Polemonis Sophistæ,
apud Galenum, vox & elogium fuit. Eadem vrbs *urbium*: quia
videre in eâ est omnes vrbes collocatas. deinde addit: *Deficiat non*
vñus dies, sed quotquot habet annus, si quis adnumerare conetur OM-
NES VRBES IN CAELESTI istâ vrbe positas: idque ob nimiam co-
Lib. 11.
piam. Nam & TOTAE NATIONES illâc simul & confertim habi-
tant: vt Cappadocum, Scytharum, Ponticorum, & altiarum complures.
At tu iterum tenides. AVD. Et renitor quoque. an Græcis his
credam, & sic oratorièloquentibus? *Dies deficiat & annus nu-*
merantem: item, Totæ nationes habitant: & ista, quæ tu scis dici in
speciem, in re non esse. LIPS. In re non esse? audi, audi: quoniam
Græcis parum apud te est fidei (etsi in hac re Romanâ & exteâ
debebat) audi, inquam, Romanum igitur testem, & eum Ro-
manâ fide ac candore. Is est Seneca noster. qui sic ad Heluiam
*matrem: *Affice hanc frequentiam, cui vix vrbis IMMENSA TECTA*
sufficiunt: MAXIMA PARS illius turbæ patriâ caret, ex municipiis,
ex coloniis suis, ex TOTO denique ORBE TERRARVM confluxerunt.
Quid ea verba tibi videntur? vrbis immensa tecta vix capere in-
colas: item, maximam illorum partem, exteros esse: denique ex to-
to orbe cō concurri. Et ista mox iterat: ac postquam cauſas re-
O 3
censuit*



censuit passim veniendi varias (lege; & iucunda sunt:) addit:
NVLLVM non HOMINVM genus concurrit in Vrbem, & virtutibus
& vitiis magna præmia ponentem. Iube hos omnes ad nomen citari, &
Vnde domo quisque sit, quere: videbis MAIOREM PARTEM esse, quæ
relictis sedibus suis venerit in MAXIMAM quidem ac PVLCHERRI-
MAM Vrbem, non tamen suam. Quid Lucanus? nōnne Ro-
mam afferit,

— populis, vietiisque frequentem
Gentibus, & GENERIS, coëat si turba, CAPACEM
HUMANI.

Totum orbem h̄ic includi potuisse ait: & quid potest clarius
pro multitudine, siue & magnitudine nostrā dici? Idem poëta
— mundi facere repletam Romanam scribit: ad tot scilicet illas natio-
nes aspiciens (ex Athenæo audisti) quæ incolebant: totæ in cer-
tis partibus aut regionibus etiā collocatae. Ita Iudæi trans Tibe-
rim, alij alibi: atque etiam cœtus & concilia sua habuerūt. Sue-
tonius indicat in Iulij funere: In summo publico luctu, exterarū gen-
tium multitudo, suo quæque more, lamentata est. Ut iam igitur hoc
claudam & definiam, putatis & Seruos & Peregrinos minus
duobus millionibus fecisse? Ita in vniuersum sint quattuor Romæ,
& circa eam: nec mitius aut contractius, vt scripta veterum
sunt, ego possum. Suspensus te animi video: & ego ipse pñè
fluctuo: sed validi illi venti Auctoritatum nauim nostram huc
impellunt, fistamus & in anchoris firmemus. AVD. Non sanè
id potest. nondum in tráquillo es, ne puta. Mihi quoque adspira-
rant venti, & ecce ab Oriente. Alexárdia illa sic celebris, sic ma-
xima, sic omnium confessione post Romanam secunda, non ni-
si trecenta millia habuit liberorum capitum: quod Diodorus ta-
men quasi pro re magnâ posuit, & adfirmavit. Atquin ea nec
multo Româ ipsâ minor. LIPS. Respondeo, Alexandriam lon-
gè Româ illâ triplici dictâ minorem esse: & cuius ambitus ex
Plinij dimensione, non nisi quindecim milliarum esset. Nostra
igitur maior: & ipsum hoc de Alexandriâ, contra vulgatam
opinionem valeat, de Româ sic paruâ. At verò de incolis, quòd
paucos eos facere Diodorus videtur: videsis, & inquire. De li-
beris capitibus dum taxat definit: vbi serui igitur? vbi etiam ex-
teri & aduentores, qui in tali negotiosâ vrbe sanè multi? Hæc
atten-

attendenda sunt, sed istud maximè, quod Diodorus de suo quo
scripsit, id est Ptolomæi penultimi, & Romanæ adhuc liberta-
tis. Atqui tunc Alexandria nondum in flore illo & culmine, ad
quod sub Principibus demum peruenit. Quid autem de tre-
centis millibus magnissimum sit, cùm Cæsarea Cappadociae (nec ea
inter vrbes principes) quadringenta millia incolarum habue-
rit? Zonaræ hoc ita proditum, vt testem etiam aduocem: &
hunc ipsum numerum, aut circa, Parisiorum nostra Lutetia
in césu deferebat, ante vltimas istas turbas. Quid, quod Pro-
copius adnotauit, à Gothis, cùm Mediolanum cepissent, trecenta vi-
rorum millia occisa? Nec omnes sanè occisos crediderim; & fæmi-
narum puerorumque quām magna etiam copia fuit? Plura
eiusmodi exempla sunt: & hodie nōnne Quinzai illud famo-
sum sedecies centena millia familiarum traditur continere? Præ quo
nostra illa frequens Roma decrescat; & dum fidei adstruo, per-
dam admirationem. AVD. Non apud me, stupeo. & ecce ho-
dierna Roma, quām relinquitur & abest? LIPS. Nulla compa-
ratio: si frons est, omittit. Paullus Iouius pro magno scripsit,
Leonis Decimi temporibus, cùm omnia infelici vbertate & pace, censa
Roma octoginta quinque millia ciuium & inquilinorum: at verò, post
cladem sub Clemente Septimo acceptam, iterum censu inito, vix ad tri-
gintaduo millia peruentum. Quid verbis h̄ic opus est? vnuis pñè
veteris Romæ vicus sit tam frequens. Nec mirum est, nam ista
hodierna, præcipuos illos colles & valles etiam, vacua habet &
deserta. AVD. Optimè. is sponte, quòd ducebam. Nam nōnne &
tua vetus compluria habet illa vacua? Vbique obuia templa, por-
ticus, basilicæ, theatra, circi, foræ, balneæ, thermæ, cetera publi-
ca: quæ vel magnam partem, si non maximam, vrbis occupa-
runt. Deflecte aut resiste, si potes, huic etiam vento. LIPS. Resi-
sto, plenis velis, prorâ obuersâ. Nam ista quæ tu vacua perpe-
ram putas, ego aio plenissima fuisse. Balneas & Thermas nomi-
nasti: quid? an non in iis multitudo ministrantium, ad obseruan-
dum, purgandum, aquam aggerendâ, lauandum etiam, frican-
dum, vngendum, si quis seruum non habuisset? Tempa autem,
Basilicæ, Fora, suos custodes & ædificios habebat, satis grandi sa-
nè numero, ob sacrificia, ob ornatum, & tutelâ. Sed duo etiam
ego omisi, valdè ad frequentiam vrbis, Milites, & Palatinos.

Milites



Milites tot illi, in præsidio Principis aut urbis erant: iis sui calones, & honestioribus serui plures: scito certò vel ad centena milia excreuisse. At Palatinos dico, totam Principis aulam: in quā quot officia aut ministeria fuisse dicemus? Lapidés antiquos inspice: dicent in parte, & suggesterent materiem tibi cogitandi. Est & tertium, sed verecundè vix dico. Meretrices & scorta utriusque sexus (proh pudor! sed res ita fuit) ingentem numerum reddiderunt, vt in urbe quam multi cælibes, multi exteri sine uxoribus, inhabitarent aut frequentarent. Ad summam, mi Auditor, desine reflare amplius & opponere, aut, vides, longius longiusque res hæc ibit. Avd. Quiesco tuâ causâ, & credo (vt sic dicam) nec credes. Tamen unum etiam quæsierim: si tot illic millena millia, vnde iis cibus? Lips. Hoc meritò & quæris, & ego decídā, sed paucis Senecę verbis. Cogitate, inquit, hanc ciuitatem, in quā turba per latissima itinera, sine intermissione defluens, eliditur, in quā consumitur, QVID QVID TERRIS OMNIBVS aratur. Orbis, inquam, pænè totus hanc suam metropolim adibat, & alebat: quid ambigis alimenta suffecisse? Imò repete quæ supra dixi, de Frumentatione: & nunc Aristidis hæc audi. Mare per medium vestrum imperiū porrigitur, cui vndique ample regiones adiacent, necessaria pleraque vobis subministrates. Nam ex OMNI TERRA MARIQUE, quidquid vel anni tempora gignunt, vel regiones singulae, fluij, lacus; artesque item & ingenia tum Græcorum tum Barbarorum proferunt, ID OMNE ad vos defertur. Itaque si quis talia omnia videre desiderat, is vel per totum orbem peregrinetur necesse est, vel in verstrâ istâ urbe versetur. Quidquid enim apud alias vel crescit, vel conficitur, hic affluit & abundat. Tot autem & tantæ onerarie naues singulis anni temporibus appelluntur, vt urbs COMMUNIS QVAEDAM ORBIS OFFICINA videatur. Ecce, merces vndique habes, copias vndique, frumenta, fructus. Nec plura opus de alimento: addámne duo argumenta etiam multitudinis, atque unum ex iis iocosum? Lampridius scribit, Heliogabalum seruis impasse ut omnes araneas colligerent in urbe: atque eos collegisse ad decem millia pondo, additque Heliogabalum subiecisse, Vel hinc intelligendum QVAM MAGNA ROMA esset. Verum est: & quot domorum angulos excuti oportuit, ad hoc pondus? & domorum per omnes angulos ferè habitatarum? Alterum argumentum triste,

* xxiij. 7.
vñs ip-
sas q̄s.

triste, & à peste. In Eusebij Chronico traditur, Ingentem Romæ luem factam, ita vt PER MVLTOIS DIES in ephemeredem decem milia mortuorum referrentur. Exhausta fuisse in diebus aliquot Roma, si non Alexandriam, & quidquid dici potest, longè superasset. Concludo, & moneo, per hanc frequentiam Romæ factum, vt paullatim Italia pænè deserta esset, cùm plerique eō confluenter, ob frumentationes, ludos, & alios usus aut voluptates. Varro iam suo æuo conqueritur, plerosque ex agris in urbem correpsisse, & maluisse manus in theatro mouere, quā in aratro. Quod maximè fuit, post Frumentationes sic largiter & firmiter institutas: et si Lucanus caussam in ciuale bellum coniicit: quasi ab eo stirps Italæ sic accisa. Sed de solitudine quidem eadem canit:

— videmus

Tot vacuas urbes generis quō turbare redacta est
Humani? toto populi qui nascimur orbe,
Nec muros implere viris, nec possumus agros:
VRBS nos VNA capit.

Quod postremum epiphonema sanè eximum, pro exiūtiā nostrâ Româ.

CAPUT IIII.

De ædificiis urbis Romæ communiter, & eorum altitudo.

ET Roma quidem tanta & tam frequens fuit: inimus nunc ipsam, & perambulamus, & lustramus? Avd. O si quis Deus olim hoc mihi dedisset! ô si quis nunc quoque vel per somnium in eâ sîstat! Lips. Ego is ero, confide. Somnia dicam, & umbras, præt ipsa res & pulchritudo fuit. Periti viri est, mihi crede, nondicam describere, sed capere & credere qualis & quanta ea Roma fuit. Conabor, & minutula dicam: & vel sic fidem fortasse non inueniam quid refert? aéri & herbis meis hęc sim locutus. Tria in urbe miranda canit Claudianus:

Quā nihil in terris complebitur ALTIUS aër,
Cuius nec SPATIVM visus, nec corda DECOREM,
Nec laudem vox ullacapit.

Altitudinem ecce laudat, Spatiū, & Decorem. De Spatio dictum,

P duo



duo alia exsequamur. Quæ est altitudo? siue in collibus ipsis ædificatio, pulchrâ specie, siue singillatim in operibus ipsis. Quod ad colles, quomodo non bellum, videre eos publicis priuatisq; ædibus infessos, gradatim declinantes, & velut superas quasdam vrbes, vrbi inferæ imminentes? Omnino fuit ea facies: & pulchrè expressit Aristides. Nec verò, inquit, superficiem solùm soli occupat, sed longè supra exemplum in aëra altissimè ascendit. Et sicut vir aliquis, qui robore & magnitudine excellit, alios quoque in se sublatos ferre gaudeat: ita & hæc non quiescit, nisi & alias æquales sibi superimpositas vrbes, alteram super alteram ferat: quod nominis eius fert ratio, totumque hoc quod hic videmus, robur & valentia est. Adeò ut si quis eam diligenter vellet euoluere & diducere, & quæ nunc in sublimi sunt vrbes, aliam iuxta aliam humi collocare, quidquid Italæ reliquum est, id impletum mihi iri videtur: imò futura vna aliqua vrbs ad Ionium usque sinum. Bellè & romtuose, non nego, attollit: sed hæc figuræ originem à re habent, nec quisquam putet elationes istas, nisi cù caussâ & basi esse. Itaque & Plinius, verus & seuerus talium, cùm de magnitudine dixisset: quò, inquit, si quis ALTITUDINEM tectorum addat, dignam profectò estimationem concipiat, fateaturque NILLIUS VRBIS MAGNITUDINEM IN TOTO ORBE potuisse ei comparari. Quæ altitudo tamen in templis, aut publicis, fateor, maximè: vt in Rutilio, ad Romam:

Exaudi genetrix hominum, genetrixque deorum,
Non procul à calo per tua tempora sumus.

Significat altissimè in aërem ea surrexisse: & quidni, cùm collibus etiam sàpe imposta? Ceteræ ædes, non communiter sic altæ, nec humiles tamen fuerunt. Nam Augustus Princeps, cùm ambitionem in ædificando videret atque altè attollendo, eamque cum discrimine & periculo ruinæ; siue etiam, quia aërem interciperent, & nimis in umbrarent: coercuit, vt in Strabone scriptum est, & septuaginta pedes desinuit in modo ædificiorum. Nero hoc ipsum postea secutus, cùm ab incendio Romanam instauraret, cohibus (vt Tacitus ait) altitudinem ædificiorum. Sed modum non expressit noster: fueritque velille Augusti, quem obliteratum, vt solet, iam reuocauit; siue is qui Traiano postea adscribitur à Victore, pedum sexaginta. Sed de priore ego malim. Dices. ergóne tam miranda hæc altitudo? & nónne hodie magis

gis educimus? Interdum, non nego: sed nec sic communiter: & hoc quoque cogita multas ædes, & imprimis omnes publicas, extra legem hanc fuisse. Quid si autem & diuites illi nobilesq; neglexerint? ego arbitror, siue gratiâ impetratâ, siue & cā neglectâ. Et titulus sanè fuit, quia lex in futuras nouas ædes cauebat, structas non diruebat, & fas easdem sic reparare. Quidquid tamen sit, si vulgo ædes omnes septuagenum pedum, satis conspicua ea altitudo: præsertim vbi tecta compluuiata, aut testudinata, quod sàpe. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illâ altitudine, quid minus quam quaterna auria quina cænacula? quorum frequentiæ studebant. Vitruvius: In cā autem maiestate vrbis, & ciuium INFINITA FREVENTIA, in Lib. 11. numerabiles habitationes opus fuit explicare. Ergo cùm recipere non posset area plana tantam multitudinem ad habitandum in vrbe, ad auxilium ALTITUDINIS ædificiorum res ipsa coegerit deuenire. Itaque pilis lapideis, structuris testaceis, parietibus cementiciis, altitudines exstructæ, contignationibus crebris coaxatae, & cænaculorum summas utilitates perficiunt, & despectationes. Sed hæc de ædificiis, nunc non exsequor: & satis de Altitudine libasse.

C A P. V.

Decor & ornatus ædificiorum. Excerpta quedam, & primò de templo Capitolino exactiū dictum.

AD Decorem transeo, qui varius, in mole, in materiâ, in artificio, in symmetriâ, & siquid aliud elegantia aut peritia amat. In hac quoque parte, quin v:bs omnes orbis vrbes superauerit, nemo dubitet: fidi auctores dicunt, & opes atque ambitio Romana facile persuadent. Quidquid artificum insigniorum Græcia aut Asia habuit, Romanum euocabantur, aut vltro veniebant. quippe hæc præmia: & quidam ex iis, quibus (vt Taciti verba usurpem) ingenium & audacia erat, etiam quæ natura degauisset, per artem tentare. Sed primus aut præcipuus Decorus huius auctor Augustus, qui vrbem, vt Suetonius ait, neque pro maiestate imperij ornatam, & inundationibus incendiisque obnoxiam, excoluit adeò, vt iure sit gloriatus, Marmoream se relinquere,



quam lateritiam accepisset. Alter ab eo, Nero Imperator, qui ambitione impulsus urbem incendit, ut nouam melioremque repararet. Videbatur enim, ait Tacitus, condenda urbis nouae, & cognomento suo appellandae, gloriam querere. Itaque eius iussu, urbis dominus, non ut post Gallica incendia, nullâ distinctione, nec passim erectae, sed DIMENSIS VICORVM ORDINIBVS ET LATIS VIARVM SPATIIS, cohabitâ edificiorum altitudine, ac patescatis areis, additisque PORTICIBVS que frontem insularum tegerent. Easque porticus Nero sua pecunia exstructurum pollicitus est. Vides ibi quædam præclara & optanda in urbe, Ordines vicorum, Latitudines viarum, Porticus protegentes. Ut non temerè idem Tacitus TANTAM resurgentis urbis PVLCHRITVDINEM miretur, & scripto consignet. Quod tunc quidem publicè, sed & priuatim in omni incendio factum Seneca adnotauit: *Timagenes, felicitati urbis inimicus aiebat, Rome sibi incendia ob hoc unum dolori esse, quod sciret meliora resurrectura quam arsissent.* Et sane ita fuit, præsertim ad Traianum usque, cum ab illo, & à Deo, culmen fuisse videtur pulchritudini urbanæ. AVD. Ain, tu, à Traiano? Constantino hanc laudem Nazarius tribuit, in Oratione ad ipsum: *Celebrima quæque urbis nouis operibus eniteſunt, nec obſoleta modò per vēſtatem rediuiuo cultu inſigniuntur, ſed illaipsa quæ ANTEHAC MAGNIFICENTISSIMA putabantur, NUNC AVRI LVCE fulgentia, INDECORAM MAIORVM PARCIMONIAM prodiderunt.* Vides quanto anteferat hæc noua, aut nouata, omnibus antiquis. LIPS. Ita, ſed nempe apud Constantinum. Fidem autem laudationibus istis qui fideliter conſtare putat, ignarus eſt oratori⁹ moris. Struxisse & instaurasse quædam illum Principem, lubens credo, ad veterem artem aut splendorem, da veniam, hodie non credam. Sed nos Decorem nostrum videamus, quem Plinius communiter ſic dilaudat: *Ad urbis noſtre miracula transſe reconuenit, & ſic quoque TERRARVM ORBEM VICTVM ostende re, quod accidiſſe toties pene, quot referentur miracula, apparebit. Univerſitate vero aceruata, & in quemdam unum cumulum collecta, non alia MAGNITUDO exſurget, quam si MUNDVS ALIVS QVIDAM in uno loco narretur.* Notentur ea & ad Decorem, & ad Magnitudinem male controuersam. Sed & Cassiodorus vero & magno ore, de istâ urbe: *Ferunt priſci ſaculi narratores, fabricarum*

septem tantum terris attributa miracula. Ephesi Diana templum, regis Mausoli pulcherrimum monumentum, Rhodi Solis æneum signum, quod Colossus vocatur; Iouis Olympici simulacrum, quod Phidias formauit; Cyri Medorum regis domum, quam Memnon fabricauit; Babylonicae muros, quos Semiramis construxit; Pyramides in Ægypto. Sed quis illa ulterius præcipua putabit, cum in una urbe tota stupenda confixerit? Habuerunt honores, quia præcesserunt tempore: & in rudi ſeculo quidquid emersisset nouum, per ora hominum iure referebatur eximium. Nunc autem potest eſſe veridicum, si UNIVERSA ROMA dicature eſſe MIRACULVM. Ecce consona vtriusque iudicia, ſed & voces: & Romam totam, ac per partes, Miraculum eſſe, & inter prima mundi ſpectacula, iure carent. Vis autem paullò diſtinctius membra pulcherrimi huius corporis videamus? AVD. Te hoc querere? non volo, ſed aueo, ſed ardeo, ut vero verbo dicam. LIPS. Atqui ne nimis ardeſce. nam ego non fulmine te perfundam, ſed leuiter aliquid aspergam è ſummis aquis. Tu te ingurgitabis, ſi voles, poſteā viam designabo & præibo. Ego autem? an ducem potius alium quæram ex ipsa antiquitate, qui oſtentat? Esto Ammianus, qui Constantij ingressum in urbem Romanam describens, ipsum intuentem & mirantem præcipua operum facit, atque ait: *Proinde Romam ingressus, imperij virtutumque omnium larem, cum veniſſet ad ROSTRA, perspectissimum priſca potentiæ FORVM obſtupuit: perque omne latus, quod ſe oculi contuliffent, MIRACULORVM DENSITATE præſtrictus, allocutus nobilitatem in CVRIA, populumque pro tribunali, in PALATIVM receptus fauore multiplici, latitiā fruebatur optatā.* Deinde intra septem montium culmina, per acclivitates planiciemque posita urbis membra colluſtrans, & ſuburbana; quidquid erat primum, id eminere inter alia cuncta ſperabat: IOVIS TARPEII delubra, quantum terrena diuinis præcellunt; LAVACRA in modum prouinciarum exſtructa; AMPHITHEATRI molem ſolidatam Lapidis Tyburni compage; PANTHEON velut regionem terrem ſpaciosā celſitudine fornicatam; elatosque vertice ſcansili SVGESTVS consulum, & priorum Principum imitamenta portantes, & URBIS templum, FORVMQVE PACIS; & POMPEII THEATRVM, & ODAEVM, & STADIUM, aliaque inter hæc DECORA urbis aeternæ. En habes, qui digitum intendat, & ducat: tu ſequere, & ardorem (ita loquebaris) reſtingue. AVD. Iam riſui & ioco me habes



habes palam. Lips. Egone? Avd. Tu, tu, & si noctua sim, saepius cantem. Nam nomenclatorem mihi das locorum, & paucorum quidem: ubi designator, enarrator, interpres? Lips. Adest: ego pro copia & scientia aliquid dicam, sed nec ordine quidem Ammiani. Nam et si praeципua ille tetigis, non placet tamen ordiri à Foro aut Rostri, sed potius à Templis. Diuina, à quibus rerum hominumque ortus, praeant, & totum hoc pulchritudinis agmen ipsa ducant. Nominat ille quatuor templo, Iouis Tarpeij, Pantheon, Vrbis, Pacis. Quim pauca è multis? nam primum hoc moneo, quadringenta vigintiquatuor templo Romæ fuisse, quod in Notitiâ imperij proditum leges. Noli ambigere, quin pleraque ex his magnifica, & aliter atque aliter structa, vel instructa: sed Ammianus satis habuit, dignitate vel opere primacorum dare. Itaque à Tarpeio exorsus est, siue Capitolino: non quia pulcherimum fortasse, sed quia priuatum, & Dei principis; itemque quia multa substructionum mole, & opibus aetate pleraque praebat. Alioqui Plinius, ubi magnifica operum recenset, hoc omittit: imò idem quasi irridet veteres, quod Lib. xxxvij. Aggeris vasum spatum, & Capitolij insanas substructiones mirabantur. Sed id non camente dictum, quâ videti possit, non, inquam, deminuit aut abiicit Capitolij ipsum opus, sed substructiones tangit, quas L. Tarquinius Priscus magnas, & insanas, ut ipse loquitur, circum collem fecit: dum prærupta eius adsequat, ab imo solo ingentibus lapidibus muro educto suffulcit, complanat denique in vertice, & fundamenta iacit. Hæc Plinius tangit, & Dionysius clare exsequitur: quem vide. Alioqui ipsum opus & ædificium non miratur mirabile visum: quid id possit? cum semper inter eximia fuerit, & vrbis prima. Præter Ammianum in verbis dictis, etiam Cassiodorus sic attollit: Capitolia celsa concendere, hoc est INGENIA HUMANA SUPERATA vidisse. Et res sanè dicit & facies, quam etsi tenuiter, lineis aliquot adumbrabo. Mons Saturnius primò dictus fuit, in quo hæc aedes, tum Tarpeius, & mox Capitolinus, à capite hominis (cui viuo Toli nomen fuisse Arnobius tradidit) inueto, dum fundamenta moluntur. Sed hæc nota, non vulgo nimis illud, duplex Capitolium fuisse, Vetus & Nouum. Illud in Regione sexta Circi Flaminij Victor & Notitia Imperij locant, istud in Regione octaua Fori

Romani

Romani. Valerius illud intellexit certò, cùm inter sacra et & vetustissima loca, adiurans nominat: Per Romuli casam, per que VETERIS Capitolij humilia testa, & aeternos Vestæ ignes. Ait Vetus, Lib. 1111. cap. 1111. ait humili testa: quod ultimum nullo modo in Nouum & sublimi illud conuenire potest. Puto & Martialem hæc distinguere, cùm in hominem ludit plurifariam habitantem:

Esquiliis domus est, domus est tibi colle Diana,

Et tua Patricius culmina vicus habet.

Hinc vidue Cybeles, illinc sacraria Vestæ,

Inde NOVVM, VETEREM prospicis inde Iouem.

Cerniab eo utrumque Capitolium vult: Vetus è colle Aventino siue Diana, Nouum ex Esquiliis & Vice patricio. Etsi fortasse Nouum Iouem Domitianum suum vocat, eiusque Palatium intellegit. Sed Varro de utroque apertiū: Capitolium Vetus, quod ibi Sacellum Iouis, Junonis, Minerue: & id antiquius, quam ædis que in Capitolio facta. Ecce, dicit illud Vetus, ævo prius esse quam hoc Nouum, & ostendit in alio item loco fuisse. Sed dices, si prius, si alibi: unde Capitolium? nam vox ea non conuenit, cùm nec mons tunc nomē istud habuerit, nec ipsum illud templum in monte. Respondeo, Varronem hoc occupasse & soluisse letori vigilanti. Nam ideo, inquit, Capitolium non auctor aut conditor, sed posteritas dixit; quia ut in nouo & nobili illo Capitolio, tres illi dij Praesides item colebantur. A similitudine igitur & hoc Capitolium est dictum, sed cum discrimine, Vetus. Queras amplius, quis autem condidit? & hoc dicam, suggestente Cassiodoro. Nam ille in Chronico, Numæ rebus: Capitolium quoque à fundamentis construxit. Ignaro lectori tenebræ sint, & falsi Cassiodorum arguat. quis enim unquam prodidit Numam auctorem Capitolij? Et sanè distinguere debebat, & addere, Vetus. Ita enim est: ille auctor illius, undeun de hoc hauserit Cassiodorus, sicut Noui, Tarquinius Priscus. Is complanato, ut dixi, monte, struere coepit, ex voto quod voverat bello Sabino: idq; opido Apollis capto, ut Plinius ex An- Lib. 1111. cap. v. tiate refert, è manubiis & prædâ. Sed fato preuentus, absoluendum nepoti L. Tarquinio Superbo reliquit, regum ultimo: etsi Seruum quoque Tullium aliquid addidisse, sociorum studio adiutum, Tacitus (sed solus, opinor) dixit. Præcipuus tamen au- tor



Etor operis Superbus. qui, vt Liuius inquit, Sueßà Pometia è Volscis captâ, diuendit à prædâ, cùm quadraginta talenta argenti aurique recipisset; concepit animo eam AMPLITUDINEM Iouis templi, quæ digna deum hominumque rege, quæ Romano imperio, quæ ipsius etiam loci maiestate esset. Scribit quadraginta talenta: quæ nobis XXIIII. milia Philipporum essent: sed an non quadringenta rescribendum, aliquis ex Dionysio iure controvèrtat. Nam ille, vt in re non dubiâ: tantum præde, inquit, repperit, vt quinque minæ argenti obuenerint singulis militibus, decimæ autem duis sacratae fuerint non minus* quadringenta talenta. Ea essent, ducenta quadraginta milia Philipporum: pecunia, haud nego, satis grandis, præsertim è solis decimis: sed res Italæ & Latij tunc vberes & florentes (quod & alibi videre est) hoc persuadent; tum & ipsum opus cā amplitudine institutum, quam Liuius deprædicat, & quam exiguâ summâ nemo fabricetur. Nec tamen vel Tarquinius supremam manum imposuit: & gloria operis (ait Tacitus) libertati reseruata. Pulsis regibus, Horatius Puluillus Consul dedicauit, eā MAGNIFICENTIA, quam immense postea populi Romani opes ornarent potius, quam augerent. Vides & à Tacito laudari, & consummatum hoc opus Puluillo adscribi. Quid igitur est, quod in Liuio, multis annis post lego, in Tribunorum militarium imperio? Eodem anno, ne priuatorum tantum operibus vrbis cresceret, Capitolium quoque saxo quadrato substructum est, opus VEL IN HAC MAGNIFICENTIA VRBIS CONSPICIENDVM. Hoc narrat, post Romam à Gallis captam, & cùm ea instaurata à ciuibus fuit. Ergo ne tunc denique Capitolium saxo quadrato structum? nego de ipso ædificio, fateor de monte. Itaque attende, substructum dicit, non exstructum. Est illud ipsum opus, de quo prædicti, L. Tarquinij: quod tamen rudi lapide factum, nunc mutarunt, & secto quadratoque splendidius confecerunt. Igitur Pliniana illa, de quibus item anteā, magis fuerit ad hoc posterius opus referri: & istæ sunt insana illæ substructiones, è quarum ruinis vastos lapides erutos patrum etiam ætas vidit. Sed ipsum Tarquinij Capitolium quale fuit? Describit his ferè verbis Dionysius: Situm est in alta crepidine, habetque in ambitu octo iugera: sic vt latera singula ducentorum ferè pedum sint, exiguâ latitudinis & longitudinis differentia, nisi quod ista illam vincit vix pedibus quindenis.

*In Pla-
zarchosū-
maeadem.

III. Hist.

Lib. vi.

Quâ

Quâ parte frons eius meridiem spectat, triplici columnarum ordine circumcincta, ab aliis lateribus, duplice. In ipso sunt tres cellæ, ex ordine, à lateribus communione parietum clausæ. Media est Iouis, utrimumque altera Iunonis, altera Minerue, sub eodem laqueari eodemq; tecto. Ita Dionysius: & verba, si placet, examinemus. Octo iugerum ambitu fuisse dicit: id est pedum octingentorū: sed sic vt quadratum esset, immo pænè quadratum, nisi quod longitudo quindecim pedibus superaret. Fuit egregia capacitas, si consideras, & aptâ proportione. Ait, frontem ad meridiem spectasse: id est, Forum Romanum & Palatum versus, frequentissimam vrbis partem. Ergo ab eâ quoque parte centum gradus, quibus (vt Tacitus, atque alij) superbè adibatur. Quos tamen continuos fuisse non arbitror, & retractiones suas habuisse, vt Vitruvius appellat: id est, areolas, vbi fessi pedem figerent, & respirarent. quas post singulos septem aut novem graduum ordines solere interponi, architecti notarunt. Gradus autem isti haud dubiè ad maiestatem: eoque & in aliis templis, et si pauciores, soliti usurpari. Sed ibi ratio, hinc necessitas & locus editior voluerunt. Addit columnarum triplicem ordinem: quas L. Sullam Athenis aduexisse, è templo Iouis Olympij, Plinius nos docet. Atque eas Dionysij tempore ipsas extitisse, facile arbitror: post incendium, à Vespasiano mutatas, verbum Plinij dat suspicari. Quam multæ eæ fuerint, haud dixerim: quia varia proportio in collocandis, de quâ Vitruvius videndus. An tamen eiusdem locus non huc facit? Lib. IIII. cap. IIII. Format Pyknostylos, Systylos, Diastylos, Aræostylos, Eustylos ædium species: iis enim Græcis vocibus vtuntur: & in Aræostylos, inquit, nec marmoreis nec lapideis epistyliis vti datur, sed impoñendæ sunt trabes de materiâ perpetuae: & ipsarum ædium species sunt barycæ, barycephale, humiles, latæ, ornantque signis fictilibus, aut æreis inauratis fastigia earum, Tuscanico more. vti est ad Circum maximum Cereris, & Herculis, Pompeiani item Capitolij. Sanè Pompeianum Capitolium nemo legit, opinor; nec ipse Pompeius manum admouit, aut potuit: nisi quis accipit de Capitolio, quod Pompeii fuerit Campaniæ opido. Nam & coloniæ, vti scimus, Capitolia sua habebant. Sed tamen, quia vtitur hinc Romanis exemplis (vide alia:) non displiceat distingui, Herculis Pompeiani, item Capitolij. Itaque Capitolium fuerit inter Aræostyla, id est raris colum-

Q

colum-

Lib. xxxv.
cap. vi.



columnis distincta. Pergit Dionysius, tres in ipso cellas esse, sive ut ipse appellat *omnēs*. Eares nota est, & versus Ausonij,
Trina in Tarpeio fulgent consortia templo.

Quod imitabantur item in coloniis: eoque Arnobius scripsit:
Nōnne vides in Capitolis omnibus virginales esse species Mineruum? duos alios deos ibi omittit. An autem non alij dij in Capitolio? non quidem in isto templo; excipio Iuuentutem, & Terminum: qui cedere scilicet noluerunt exaugurantibus. Itaque eorum ara (ait alibi Dionysius) continentur templi ambitu, atque una in vestibulo cellae Minerue est, altera in ipsa cella iuxta puluinar.

Lib. III. *De Spectac.* Quod igitur in Tertulliano legitur: *Capitolium omnium demonum templum est.* itemque in P. Victore: *Capitolium, ubi omnium Deorum simulacula celebrantur.* in Cicerone: *Deorum domicilium:* ea in qua omnia, de ipso monte capienda sunt, qui passim & pene totus deorum aris, statuis, templis in sessus: quod facile tibi inter legendum obseruitare. Sed dixerat etiam Dionysius, *cellas istas à lateribus communi pariete clausas.* Quid hoc est? ut nullum discriminem aut interpositio parietum fuerit? in modo opinor fuisse, aut certe columnarum, & facelli atque aediculae speciem singulas habuisse. Nam ita ipse Dionysius, *εγραψαν της αθλωσις* (in verbis, quæ iam verti) *vestibulum ædis Minerue,* & ut sic dicam *protemplum.* Ita & Liuuius: *Quadrige inaugurate posite in Capitolio, in cella Iouis, supra fastigium aediculae.* Plinius vero & Delubrum dicit: *Proserpinæ tabula fuit in Capitolio, in Minerue delubro, supra aediculam Iuuentutis.* Distinctio igitur: sed mens Dionysij, tres ipsas tamen cellas communi totius templi pariete clausas. Nisi quis etiam censet, *Aediculas* istas fuisse non nisi causa quedam in ipso pariete, ad statuas illocadas: quod in Panthéo videmus: quibus non accedam. Ista ex Dionysio: an & à me aliquid addo? faciam, si prius distinxero inter Capitolia, quæ quattuor in hoc ipso loco, ex ordine, fuere. Nam primum illud Tarquiniorum, bello ciuili Sullano, incendio periit, neglegentiā custodum. Alterum ipse Sulla instruxit. sed non dedicauit: *quod unum Felicitati sive defuisse, ipse apud Plinium fatetur, & Tacitus adnotauit.* *Lutatij Catuli nomen,* ait Tacitus, *inter tanta Cæsarum opera, usque ad Vitellium mansit.* Etsi Dio tamē scribit, Cæsari Iulio, inter alia honorum, decretum à Senatu: *ut nomen eius Capitolio inscriberetur,*

scriberetur, deleto Catuli: idque cum admisisse. Sed Taciti assertio firmior, mihi quidem, fideliorq; Tertium fuit à Vespasiano, nam illud Catuli arsit ciuili iterum bello Vitelliano: atque iste reparauit iisdem vestigiis, sed & dedicauit. Dedicauit inquam, & Plutarcho scribenti hoc accredo: magis quam Victori, qui Domitianus tribuit: *Multa, inquit, opera inchoata per patrem, vel fratris studio, atque in primis Capitolium, absoluit.* Non vinces hoc, ô Victor. Vespasianus absoluit, dedicauit: sed à morte eius, sub Tito, statim arsit (Suetonius, & Dio in Tito:) atque ita quartum Domitianus instaurauit. Habet igitur quaterna Capitelia, sed in eodem loco reposita semper, & innouata. Tacitus & Dionysius quoque id notarupt: sed verba illius: *Iisdem rursus vestigiis situm* *III. His est, postquam intercedo* *CCCCXXV. annorū spatio, L Scipione, C. Norbano Coß. flagrauerat.* Hoc de Sullano: de Vespasiani, idem: *Pafsim iniecta fundamentis argenti aurique stipes, & metallorum primitiæ nullis fornacibus vixæ.* *Praedixere haruspices, ne temeraretur opus sa- xo auróve in aliud destinato.* ALTITUDO ædibus adiecta. id SOLVM religio annuere, & prioris templi magnificentia defuisse creditum, quanto vis hominum retinenda erat. Noto obiter religionem Romanorum, qui liberaliter contulerunt ad opus faciendum, stipibus coniectis. Ille enim finis, sicut & in Cicerone scriptum de illo Sullano: *id Capitolium publicè coactis fabris, operisque imperatis, GRATIS exædificatum atque effectum esse, ita ut ex ærario nihil darent.* Quod equidem miror satis, sed quinto in Verrem ita scripsit. AVD. Religiosum sæculum, præ nostro. sed quæ aut quanta illa multitudo hominum est, quam Tacitus retineri vult? Lips. Haud difficilis collectu. Si enim latera pedum ducentorum, reddentur sicutque in area pedes quadraginta millia. Da singulis insistentibus pedes quaternos (sufficiunt, cum militi in acie locato & armato Polybius det non nisi senos) da inquam quaternos: nonne vides decē millia potuisse retineri? Sed tolle aliquid, si vis, in columnas & alium apparatu: largiter tamē supererit pro octo millibus. AVD. Hem! magna capacitas, & rara talia nostra templo. Lips. Semel omitte de nostris: vincimur, si comparatur. Et tamen de mole aut magnitudine, tale aliquid esse potest, aut & excedere: de arte, materie, ornatu quâ potest? Sed Tacitus Altitudinem adiectâ, super priorem, disertè scribit: quæ fuit?



124

DE MAGNITUD. ROMANA

fuit? haud diuino: pro symmetriâ latitudinis oportet ingen-
tem fuisse. Et Silius ita indicat, apud quem Iupiter prædictit de
illo Domitianis:

Aurea Tarpeia ponet Capitolia rupe,
Et iunget nostro templorum CULMINA CAELO.

In cælum educit: sicut & Tertullianus, Apologetico: Nam et si
à Numâ concepta religio est, nondum tamen aut simulacris aut templis
res diuina apud Romanos constabat: & nulla CAPITOLIA CAELO
CERTANTIA, sed temeraria de cespite altaria, & rasa adhuc Samia,
& Deus ipse nusquam. AVD. Et tu hæc recitas Lipsi? Lips. Quid
ni recitem? AVD. Et attendis? Lips. Quidni? AVD. Atqui euer-
tunt paulloantè à te dicta, de Capitolio Numæ. Nam quomo-
do illud sit, & cum tribus suis diis, si tunc nulla templa, si nullæ
statuæ? Lips. Benè obseruasti, & de industriâ plura illa verba
(vide quām fallere voluerim) adduxi. Adduxi, vt expedirem: &
ecce. Non negat vlla Capitolia fuisse, sed illa alta & cælo certan-
tia: nostra humilia cur destruat? Nam vt dem statuas non-
dum fuisse (quod alibi & Varro tradidit:) tamen de templis
idem dicere anceps sit, & Liuus, Dionysius, Plutarchus refel-
lant. qui disertè *Termino*, *Fidei*, *Vestæ* templa à Numâ posita ad-
firmant. Et verò si priuatæ domus, si curiæ publicæ, cur non &
ca diis esent? ratio videtur velle, præsertim apud homines cul-
tui decorum sic addictos. Sed de altitudine certiora non habeo;
quæ minima esse potuit, fuit pedum ducentorum: sicut in Pan-
théo Agrippæ, par item latitudo & altitudo. AVD. Heus tu, in
loco Taciti etiam me tenuit, quod ait altitudinem adiectam: & de-
buisse, quod tanta vis hominum retineretur. Quid ergo altitudo fa-
cit ad laxandum locum? non intellego, nisi si porticus aut in-
ædificationes superiores aliquæ, vt hodie in quibusdā templis.
Lips. Apage, nihil disiforme in uniformi isto opere: sed Taciti
mens, iuuisse & decuisse altitudinem ubi multitudo, vt aër la-
xior ac liberior, ad respirandum, ad refrigerandum. Alioqui,
ubi arctatio & compressio, scimus quām subito animo malè
fiat. Quod tamen ad Porticus, non in ipso templo, sed circâ
fuisse, pro communi structurâ, facile credam: & Tacitus indi-
cium facit. Sed ab ædificiis iam ad Ornatum pergo: qui tamen
variis in vario isto opere. Quis in Tarquinij? aliquid è Liuio
haurire

LIBER TERTIVS.

125

haurire est sparsum. vt libro x. Fœneratores aliquot mulctati, & ex
eo quod in publicum redactum est, ÆNEA in Capitolio LIMINA, &
trium MENSARVM ARGENTEAE VASA in cellâ Louis, Louemque in
CVLMINE cum QUADRIGIS Ædiles posuerunt. Iterum libro XXIX.
Quadrige AVRAE eo anno in Capitolio positæ ab Ædilibus. Et libro
XXXV. Ædiles multos pecuarios dammarunt. ex ea pecunia clypea inau-
rata in fastigio Louis ædis posuerunt. Denique libro XXXVIII. Seiu-
ges in Capitolio AVRATI ab Cn. Cornelio positi: Consulem dedisse, inscri-
ptum est. Et duodecim clypeæ ærata (lego aurata) ab Ædilibus sunt po-
sitæ ex pecunia quā frumentarios dammarunt ob annonam compressam.
& duo item signa aurata. Hæc ex Liuio: istud è Plinio, post Cartha-
ginem euersam, laquearia in Capitolio inaurata esse: id est, totum il-
lud internum cælum & camerationem. Nec plura, dici quidem
digna, notaui. Quid verò in Catuli? omnia haud dubiè, in istis
iam opibus, opulentiora: illud notabile reperio, quod sua ætas
(Plinius verba) varie de Catulo existimauerit, quod TEGVLAS Capito-
lij AEREAS IN AVRASSET primus. De quibus & in Senecâ patre:
Fastigiatis suprà tectis, auro puro fulgens, prælucet Capitolium. Sanè
hoc magnificum & verè splendidum fuit: & quis ille fulgor,
Sole iradiante? Fuit & ad firmitatem aptum æs, & contra eru-
ginem aut rubiginem inductum aurum. Cetera donorum &
ornamentorum varia, Coronæ aureæ, Victoriæ aureæ, Candelabra,
Vasa, & quæ tu tibi subiicias: sed quod ex Dione omnino ob-
seruandum, omnibus his detractis, ex Ægyptiacâ prædd alia victor
Augustus reposuit: detractis ex Sc. & vt tam multis his nouis &
melioribus locus fieret. Etsi quædam veterum retenta, non ambi-
go: sed ordine & iudicio Augusti disposita, vt apta & concors
tota facies esset. Id verò ipsum tempus fuit, quo vnâ donatione in
cellam Louis Capitolini contulit *xvi. millia pondo auri, & *quingen-
ties HS. in gemmis: quod in Suetonio leges. In cellam dico Louis,
quid censes in duas alias? nam & eas dona sua accepisse Dio di-
fertim dicit. Et vel ex eo disce opes & ornatū Capitolinum: qui
quām ingens & ADMIRANDVS fuit, si vnius modò Principis, &
vno tempore, tot dona? Pleraque tamen horum periæ incen-
diis, vt opinor: & videamus ultimum Domitianii. In eo colum-
nas Pentelicas fuisse, quæ Athenis adiectæ item essent (vt & illæ
Sullanæ) Plutarchus in Poplicolâ scribit: cum hoc iudicio, quod

*160000
Philip.
*125000
Phil.

Q 3

pulchrio-



pulchriores Athenis vise sibi essent, quoniam Romæ dum nimis secant & poliunt, nitorem addidissent, symmetriam detraxissent. Cetera que & quanta, ex eiusdem Plutarchi verbis suspicemur: qui ait in solam inaugurationem, priuatum omnem modum excedentes opes impensis, nempe supra duodecim millia talentorum. Ea sunt nobis septuages bis centena millia Philippæorum; siue septem milliones, & quod excedit. AVD. Hui! verberas me. LIPS. Semper tiro? mirum te viuere. AVD. Quid iam? LIPS. Nam assidue vulnera accipis, & oportebat iam confectum. AVD. Tua hasta Pelias est, & vulnerat & sanat: perge. LIPS. Tanti igitur inauguration: quæ fuit non in Lacunaribus solum, sed in Tegulis æreis, ut illo Catuli. de quibus Epigramma Græcum in Anthologiâ, ubi Æream domum in Palatio Byzantino laudat:

Εἴχον ἀπειρέγοις χάρις παντολίδι. Οὐ ωλης,
Εἰ ταχείων δεσφων ἀμαρτύματα πέμπεις:
Cede etiam melioribus ὁ Tarpeia rupes,
Etsi ex æratis iacis aurea fulmina tectis.

Et Procopius adnotauit, Gizerichum regem Vandolorum, cum alia decora Romana secum in Africam vexisse, tum & partem tegularum Iouis Capitolini inauguratarum dimidiam. Nec tecta modò inaugurata, sed ipsæ Fores auratae, & crassis laminis obductæ: quæ mansere ad Honorij Imp. ævum. Tunc in pecuniæ inopiam, Stilicho mandasse prohibetur (scribit Zosimus) ut foræ in Capitolo Romano, quæ auro MAGNI PONDERIS erant obductæ, laminis iis spoliarentur. Cum autem qui hoc facere iussi erant, id agerent; in parte forum scriptum reppererunt, INFELICI REGI SERVANTVR. Quod euentus docuit, nam Stilicho paullo post infeliciter perii. Ita Zosimus: nec velim nimis te, ut singularia, hæc mirari: puto in pluribus templis fuisse. Poëtae sanè aurea tempora non semel appellant: & auctor libelli De caussis corruptæ eloquentiae: Quid enim si infirmiora horum temporum tempora credas, quia non rudi camento, & informibus tegulis exstruuntur, sed marmorenitent, & auro radiantur? Marmore in parietibus, auro in tectis. Ideo Micantia Rutilianus dixit:

Confunduntque vagos delubra micantia visus,

Ipsos crediderim sic habitare deos.

Et de Templis in eâ laudatiunculâ concludam.

CAP.

Item de templo Panthei, Urbis, & Pacis.

AV D. Ego aperiām, & laxabo. Nam quid me tam fluxâ memoriam censes, ut oblitus sim Ammianum plura laudas? & nominatim Panthéon, Urbis, Pacis. Dic de singulis, nec excide tuâ lineâ, quam ipse duxisti. LIPS. Sed ex uno illo specimine, facile de aliis iudicare. Tamen fidei meæ caussâ, cape. Panthéon ab Agrippâ genero Augusti structum fuit, & opus notum est, hodieque (etsi ornamentis omnibus spoliatum) ipsum corpus exstat. Struxit in tertio Consulatu suo, quod inscriptio frontis indicat: sed perfecit biennio post & dedicauit, anno urbis DCCXXIX. ut est in Dione. Quæcaussa nominis, ipse Dio dubitat, & scribit: Panthéon sic fortasse dicitur, quia plures deorum imagines in simulacris Veneris & Martis complectentur; vel ut ego censeo, à formâ illâ deuex & rotunditatis, & quia cælum referret. Prior explicatio pluribus placita, etsi non ipli Dionis: & lego in Glossis illis priscis, πανθεον, omnium deorum. Sed & Athenis, atque alibi, παντοντας deos iecor fuisse, commune Deorum templum, ex Pausaniam disco. Cui & origo esse apud Romanos potuit, ex communideorum sacro: de quo Festus. Pandicularis, inquit, dies dicebatur, idem & Communicarius, in quo omnibus diis communiter sacrificabatur. Sed Dio tamen aliter: & mouit eum, credo, quod paucæ & certæ in eo statuæ essent, neque diis communiter posita. Fuit enim Martis, *Veneris, & Cæsaris Iulij: ipsius Augusti in vestibulo cum suâ posuit Agrippa. Ita Dio. quem miror Iouis omisisse: cum Plinius scribat, Panthéon Ioui Ultori ab Agrippâ factum. Itaque ille præcipuus, & præses ibi Deus, fuisse videtur: sed & plures alij, eoque nomine haud male Panthéon, etsi Dio à cæli formâ magis petit; quoniam id scilicet receptaculum & sedes Deorum. Lego autem & Pantheus & Panthea, pro ipsis Diis: sed aliâ significatione, itemq; scripturâ, nec aliud est, quam omnino Deus, aut Dea. Idem Dio scribit, sororé Caligulae Drusillam conservatam ab eo, & ab omnibus Pantheam dictam. In lapide item veteri exstat: DIVO. PANTHEO. EX*. v. Sed de nomine satis: in re ipsâ etiam quid me diffundâ? nisi si lingua potest in istis, quod non oculus: atque ecce Romæ exstat, & imagines circuferuntur.

AVD.



AVD. Ita est. sed de ornatu qui periiit, ecquid habes? LIPS. Pauca; sed tamen hoc inter pulcherrima operum Plinius recensuit: quid mirum vel ab ipso isto corpore, sic spoliato & nudo? Nam artificium & symmetria per omnes partes maximas, minimas, in eo mirabilis; decor, ordo, deuinatio singularis; vt Sebastianus Serlius, vir peritissimus talium, habendum censeat hoc velut vnicum exemplar consummatæ Architecturæ. Latitudo atque altitudo par est, pedum CXLIII. Amisit de specie, quod rudera locum sustulerunt, & gradibus in templum nunc descenditur; atqui anteā ascendebat. Tectum & ipsum æreis tegulis, quæ prægrandes aliquot in fornice repertæ: nec dubitandum & has auratas fuisse. Plura haud dixerim; & omnia membra eius descripsit & mensus est Serlius, quem fas videre. Admoneo exustum fuisse, magno illo incendio sub Tito, cum & Capitolium tertio arsit. Id ita in Dionis compendio scriptum: & refecit Domitianus. de quo Cassiodorus capiendus in Consulatu eius IX. Insignissima Romæ facta sunt, Forum Traiani, Therme Traiani, Meta sudans, & Panthéon. Sed nec diu post, Traiani anno XIIII. (quod in Eusebij Chronico est) fulmine iustum conflagravit: & ab Hadriano restitutum, Spartanus dixit in eius vitâ. Itaque non soli ij restituerunt, qui in fronte operis hodieque insculpti leguntur, L Septimius Seuerus, & M. Aurelius Antoninus: sed iam diti. Mutavit & transiit in melioris templi usum, & à Venere ad nostram Virginem, faciente Bonifacio quarto Pontifice, sub annum Christi DCVII. Is petuit Phocam, ait Regino, ut in veteri fano, quod Panthéon vocabatur, & à Domitiano fuerat exstructum, Ecclesiam sibi facere liceret, quod annuit Imperator. Ista de Romano Panthéo. sed reperio & in prouinciis alibi, ad hoc exemplum. Sozomenus certè in pago Bethelia (vnde ipse oriundus) ditionis Gazzensium, Panthéon fuisse ait, antiquum & apparatum templum, quod in cliuo manufacto, velut in arce situm, totum pagum despectabat: atque addit arbitrari se Syricâ voce Betheliam inde dictam, quod Græcè θεον sonat, siue θεων οικυθεων, deorum domicilium. Ita ille scriptor Eccles. Hist. lib. v. cap. XIIII. Sed transeo iam & lustro obiter templum VRBIS. Quod istud est: inquires. nempe Domina urbis, illius Aeterne, & Celestis. O insaniam! ædificiis & inanimato corpori non vitam solum attribuere, sed numen!

Atqui

Atqui fecerunt, & vrbs hæc, in quâ sedes tanti imperij, tanquam in eâ potentia & diuinitas, sic culta. Prudentius meritò irritet:

— colitur nam sanguine & ipsa

More Deæ, NOMENQUE loci, ceu NVMEN, adorant.

Inuentio & adulatio à Græcis Asiaticis est: apud quos Smyrnæi (quod ipsi gloriantur, & Romanis imputant, apud Tacitum) ^{III. HIST.}

* primi templum VRBIS ROMÆ statuerunt. Nec defuerunt alij ^{Circa an-}
^{num vrbis} sequi exemplum: statimque Alabandenses in suâ vrbe struxerunt. ^{DLVIII.}

Quo fine? ut propitiam sibi non Vrbem, sed Vrbis incolas & rectores haberent. Itaque nolunt eos hoc nescire, & in Liuio, apud Senatum Alabandenses templum ROMÆ se fecisse commemo-
rant, & ludos anniversarios instituisse ei Diuæ. Etiámne ludos? ita sanè, & isti sunt pulcherrimi, quos vel nunc in Senatu edunt.

Quàm credis risisse quosdam Patrum, in his ineptis & verè Græcanicis adulationibus? ego haud minùs censeo, quàm cùm Prusias rex ab illâ Asiâ, veniret ad curiam raso capite, & pilleatus, limen curiae oscularetur, adoraret Senatum, & Libertum se clamaret populi Romani. Ita igitur initium, sed in prouinciis. imò nec sub Principibus statim Romæ, in ipsâ Româ templum. Le-

go in Hadriani rebus: *Ædem Bonæ deæ translulit, & Colossum stan-tem atque suspensum, per Demetrianum architectum, de eo loco in quo NVNC templum VRBIS est, ingenti molimine, ita ut operi XXIIII. ele-phantes exhiberet.* Ait, Colossum stetisse in loco ubi nunc Vrbis

templum: non ergo tunc adhuc erat. Sed illeipse tamen Princeps fecit: imò hanc caussam arbitramur translati Colossi. In Dionis Compendio est: Hadrianum struxisse Veneris & Romæ templum, atque eius designationem & diagramma missum ab eo ad Apollodorum insignem architectum (cui tunc offensior erat) ut ostenderet & absque eo INSIGNE OPVS posse perfici. quæ finit que ecquid placeret structura? Ille verò liberè respondit, & de Templo, quod sublimius & magis cauum capaxque fieri debuisse: uti & in viam Sacram conspectius ex alto emineret, & in cauum Machinas acciperet, quæ in occulto ibi compactæ, subito & ex improviso in Theatrum induci possent. Hæc ita in Græco. nam interpres, quod mirere, solum Veneris templum posuit, Romæ omisit. Atqui iunctæ deæ fuere: & sic Notitia imperij, Templum Veneris & Romæ nominat. Prudentius:

R

Atque



130

DE MAGNITUD. ROMANA

Atque Vrbis Venerisque pari se culmine tollunt
Templa, simul geminis adolescentur thura deabus.
Nec inepte Venus iuncta, Aeneadum mater, cum suâ prole,
Vbi fuerit, ex Dione licet coniicere, qui Viae Sacræ adiungit: &
Notitia in Regione templi Pacis ponit. Claudianus in monte Palatino.
Nam de illo capiendum est, cum in laudibus Stiliconis facit Prouincias venisse, & adisse supplices ipsam Romanam:

Lib. 11.

Conueniunt ad teatrum Deæ, quæ candida lucent
Monte Palatino.

Credetem igitur ad radices montis fuisse, circâ aut in Comitio: & in diuisione tamen urbis accensitum Regioni Pacis. De Machinis autem, quod in Dione est, ad Pegmata pertinet: de quibus in Amphitheatro olim scripsimus: & videntur in templis opportunitis disposita, composita occultè (quò admirabiliora ex inopinato essent) & sub tempus educta. Sed sequitur nunc Templum ipsum PACIS. AVD. Paulisper mane. & nonne Genij publici templum etiam lego? Lips. Legis, sed distinctum ab isto urbis: & hoc verecundiùs paullò & minùs insolenter excogitatum. Nam Genium locis, regiis, ciuitatibus tribui, satis est frequens & notum. Itaque in Dione νεώς τε γείοντες διηγεῖται, templum Genij populi, aliquoties nominatur: sed diu antè Vribis, & quidem ab anno DCCXL. ante Principatum Augusti. Sed & Antiochiæ, Alexandriæ, atque alibi Templum Genij leges. AVD. Amplius etiam, ruminor Spartiani verba de Hadriano: qui Bonæ deæ ædem transtulit, & Colossum. Sed quæ ista ædis translatio? si communis, vt alibi dirutam poneret, quid miri aut narrâdi est? si quid ab arte aut nouum latet, me doce. Lips. Nescio. sed ædes totas transferri, mihi nouum non est, & in Batauis vidi factum. Quid, quod Tiberij æuo architectus fuit, qui maximam porticum iacentem & inclinatam, lanâ & centonibus circumdatam (credo, ne videri artificium posset) funibus & machinis, multorumque hominum manibus admotis, in pristinum restituit, firmam & rectam? Quod Tiberius aliquique nimis mirati sunt: et si ille inuidia motus, nec nomine quidem eius Actis inseri sit passus. Quod ad Colossum autem, nonne Roma nuper in Obeliscis simile videt? Sed hoc hic notabile, quod iste architectus, nec inclinavit cum quidem, sed stantem, vt ait, transtulit & suspensum. At tu extra

tra

LIBER TERTIVS.

131

tra oleas me ducis: Pacem autem ego iam afferebam, tu distulisti. AVD. Egóne illam? ô vbi es, non Dea quidem, sed sumnum à Deo bonum! Veni, veni, reuise miseros Belgas, tot iam lustra ciuilibus exterisque bellis iactatos. Lips. Iam venit, confide; sed Iuno aliqua eam dicit aut præxit. Hanc Vespasianus Romæ consecravit, magnâ spe & animo mansuram, post ciuilia tunc quoque bella. Id à Claudio incohatus aliqui tradunt: sed abnuit Suetonius, & Fecit NOVA opera Vespasianus, inquit, templum Pacis, foro proximum. Habes & locum: ac nunc vestigia exstant, & ex iis operis ipsius forma. Grande fuit, & longitudo trecentos pedes attigit, latitudo ducentos: igitur supra Capitolium ipsum. Hac cauſâ merito Herodianus id appellat μέγιστον καὶ υἱόλιστον οὐ τῷ πόλει ἔργῳ: MAXIMUM & pulcherrimum omnium in urbe operum. Additque: ditissimum item fuisse, ornamentis auri & argenti excultum. Fecisse id sub initia imperij, & post triumphum, ex Iosepho discas: cuius verba lubet dare, ad vniuersam eius notificationem. Libro VII. Excidij ait: Post triumphos, & firmam imperij constitutionem, statuit templum facere Paci: fecitque citè admodum, & pulchrius meliusque omni opinione perfecit. Magnis enim opibus in hanc rem vsus, & prisorum etiam præclara omnia adhibens, picturis & statuis pulcherrimis adornauit. OMNIA enim in hoc templum collata & disposita sunt, ob quæ homines, videndi cupiditate, anteā per TOTVM ORBEM vagabantur. Posuit & hic è Iudeorum templo vas aurea, in iis sibi placens: et si Legem ipsorum, & vela tabernaculi aurea, in Regia suâ posuerit, sibi custodienda. Hæc Iosephus; & Plinius consonat, qui passim pulcherrima aut rarissima operum adnotat fuisse in templo Pacis. Vno etiam loco scribit: Ex Lib. xxxvij cap. viiiij.

R 2

periit



periit & Bibliotheca quæ in ambitu eius templi erat: cuius in A. Gellio memoria exstat.

C A P V T VII.

Fora Romana descripta; & distinctè Romanum, Iulum, Augustum, Transitorium, Vlpium.

DE Templis peregrimus: ex eodem Ammiano *Fora* nunc excerpto. Quid opus est? inquires. aut quid magni operis in apertâ planicie? Hoc enim, pro nostris moribus hodie, tu aut alius dixerit: quia hæc Fora parum, aut nihil, ornati profectò habent. Areatantum est, & ædificia cingunt, alta, humilia, splendida, vilia; denique ut priuatorum solent. Quàm aliud in Romanis Foris, sed & Græcis? de quibus Vitruvium licet audi-
Lib. v. ca. 1. re: *Græci in quadrato AMPLISSIMIS & DVPLICIBVS PORTICL-
BVS fora constituunt, CREBRISQVE COLUMNIS, & lapideis aut
marmoreis epistylis adornant, & suprà AMBVULATIONES in con-
tignationibus faciunt.* Atque hæc ipsa, vt addit, Romani; nisi quod non quadrata equaliter, sed oblonga magis faciunt, nec nisi ter-
tiâ latitudinis parte. Sed nec columnas tam crebras interpo-
nunt: & (vt ego hoc addam) Romæ etiam magnis circumposi-
tis ædificiis, vt *Templis, Basilicis, Chalcidicis*, magis ornabant. Ut tamen formam aliquam capias, ambitus ipse Fori porticibus claudebatur, viis relictis & spatiis ad intrandum: exterius dein-
de, Templa, & quæ dixi circumponebantur, & latè super Por-
ticus illas eminebant. In paruo exemplo, nónne *Bursam*, vt vo-
cant, Antuerpiensium vidisti? fac maiorem, & oblongam esse:
habes (quod ad Porticus attinet) imaginem prisci alicuius Fo-
ri. Sed membra singula iam videamus. Ait Vitruvius, *duplices
Porticus fuisse: in altius udinem, aut latitudinem: vitrumque po-
tuit: sed credo magis in latitudinem fuisse, vt latius inambula-
retur.* Tamen nec de illâ nego, cùm satis clarè addat, & præci-
piat: vt superiores columnæ, quartâ parte minores, quàm inferiores con-
stituantur: propterea, quod oneri ferundo, quæ sunt inferiora, firmiora
debent esse, quàm superiora. Ergo & duplex columnatio in altum
solita usurpari: sed in latum sæpissimè, atque adeò triplex, qua-
druplex, quintuplexque: quàm pulchrâ tot columnarum serie,
& super-

& superbâ facie? Capitolinus in Galieno scribit: quod is Porti-
cum Flaminium, usque ad Pontem Mulvium parauerat ducere, vt te-
trastiche fieret, aut etiam pentastiche. Intellegit quaternos aut quinos
istos ordines: qui tamen rari haud dubiè erant. Iam super istas
Porticus, Ambulationes erant: quod ipsum in Antuerpiensi
Bursâ. At reliqua iam, quam imaginem hodiernam admittunt,
Basilicæ & Templa? nullam. *Quid statue,* & interior ille ornatus?
nullam. Talia igitur Fora, vt communiter hoc præmisserim: ve-
niamus ad ea magis singillatim. Fora duorum generum Ro-
mæ: & in vniuersum xvii. numerant descriptores Urbis. Erant
Civilia, erant *Vænaea*: illa, in quibus res & lites agebantur; hæc,
in quibus merces aut species certæ vñales. vt *Suarium Forum,*
Piscatorium, Pistorium, Boarium, Holitorium, & talia. In vtrisque &
cœtus, ac circuli, ac sermones hominum erant, vt soler in va-
cuis: sed magis in Ciuitibus illis. quæ scito olim fuisse tria, Ro-
manum, Iulum, Augustum. Seneca ad hunc numerum: *Initiationes, furtæ, fraudes, quibus trina non sufficiunt fora.* Martialis:
Atque erit in triplici par mihi nemo foro.

Etsi idem Martialis quartum etiam vidit. Nam Domitianus
Imp. incohauit Forum, quod *Transitorium* vocabant, & posteà
Nerua absoluuit, ab eo *Nerua* etiam dictum. Quintum denique
addidit *Traianus*, ab ipso sic appellatum. Lubet breuiter lustra-
re singula, & quædam in iis, leui oculorum iniectu, præcipua
obseruare. *ROMANVM* igitur est, quod *Vetus* appellant, ad-
spectu ad hæc posteriora; itemq; *Magnum*, quia, vt videtur,
spatio superauit. Id à Romulo institutum, inter Capitolinum
& Palatinum montes, ad huius finem: sic vt templo Capitoli-
na ei imminerent, Palati variae structuræ, & varia in ambitu
templa. Sed hæc posteà fuere: Romuli ævo, simplex planicies;
L. Tarquinius Priscus posteà exornauit, & *Tabernis ac Porticibus*
cinxit. Alij deinde tam multa & varia (quia quisque opus suum
in conspicuâ maximè & celebri parte exstare cupiebat) addide-
runt: vt multæ & curiosæ curæ sit singillatim recensere. & iam
Antiquarij nostri in parte maximâ fecerè. Strabonis hoc audi.
qui ubi *Campum Martium* valde laudasset, addidit, *Que omnia si-
quis viderit, dicat censeatque reliquam urbem, non nisi additamentum
campi huius esse.* At idem si in *FORVM VETVS* deinde progressus, alia alia
hærentia



herentia & consequentia videat, Basilicas, Porticus, Temples, tum Capitolum ipsum, & in eo templo, tum Palatum, & Luiæ Ambulacra: is facilè priorum obliuiscatur, & omnium quæ viderat extra urbem. Sed & Statius quedam recensuit, in Equo Domitiani. Ille enim ex ære colossæum illum, & se in secessorem constituit in hoc Foro, narratque & laudat poëta in primo suo carmine:

*Quæ super imposito moles gemmata colosso
Stat Latium complexa forum?*

Nam Latium Forum, hoc nostrum Romanum est: sed quæ moles gemmata? nam gemmas & lapides in ære isto fuisse, nugæ. An igitur, nitida & splendens? ut idem alibi, — nitidis gemmantia saxis Balnea: & alij, gemmantes alas pauonis. Etsi alia in his caussa & aspectus, & quod olim diuinaui, in libro scripto etiam reperti, geminata. Omnino geminata & duplex illa moles, ipsa crepidio siue basis altior, tum vir cum equo impositus super eam. Verba qui pensitatè examinat, assentietur. Sed reliqua etiam carmina poëtæ notanda antiquariis, ad sedem certam aliquot hinc ædificiorum. Nam ait:

*Par operi sedes, hinc obvia limina pandit,
Qui fessus bellis, assertæ munere prolixi,
Primus iter nostris ostendit in æthera Diuis.
At laterum passus, hinc Iuliæ templa tueruntur,
Illinc belligeri sublimis Regia Paulli,
Terga pater, blandoque videt Concordia vultu.*

A fronte facit fuisse Limina Iulia. nam de Iulio Cæsare hæc capienda quis ambiget, cum à prole adoptiuâ consecratum, primum Cæsarum, dicat? Et est ipsum templum Iulij, nisi fallor. A latere deinde Basilica Iulia, quam Festus ad Seruiliū lacum ponit. Nam quod vulgo legitur, & ego recitavi, Iulia templo in Statio: ex meo scripto codice, omnino verius, Iulia tecta. Enimvero hæc Ædes Iulij in medio circiter Foro fuit: quod etiam factum in aliis Foris, & ut medium aliquod templū decorè esset, mox disces. Adiungo IVLIVM FORVM, quod C. Cæsar, etiam priuatus, & Proconsul adhuc Galliae concepit, atque adeò cœpit. Nam locum & aream emit, ac purgauit. magno sanè, & Suetonius dignum notari putauit ipsum pretium: Forum, inquit, de manubius incohatum, cuius area super HS. millies constituit.

tisset. Ea summa est nobis (repeto, et si meminisse te æstimationes iam oportuit) vices quinques centenū millium. Tantumne in solam aream? inquires. Tantum nec mouet, quod viri docti, sed trepidi in talibus, diffidunt & mutare aut minuere vellent: fal-luntur. Quid? Plinio non erit etiam fides, in eadem re sic numeranti: Pyramides regum miramur opera, cùm solum tantum foro exstruēdo HS. millies Cæsar Dictator emerit. Nonne ipsâ narratione & comparatione ostēdit ingentem aliquam, nec in simili re tritam summam? ostendit. nec mirum, cùm ædes plures in urbe intimâ emerit, disiecerit, ad aream purgandam. Ne diffidamus igitur, sed fauemus magno huic Cæsari, qui & antequam tantus, concipit hæc magna. Imò verò Dictator tunc erat, dices: ergo iam Princeps. Nego fuisse. nec Plinius ea mens est, qui addidit quidem illū titulum, sed ut hominem designaret & discerneret, non ut temptationis tēpus. Credamus Suetonio, palam hoc inter Gallicanæ liberalitatis exempla referenti. Tunc igitur emit, sed bellis impeditus aut tardatus, non nisi post bellū Africum perfecit. Appianus: Cæsar, post triūbos, Veneri Genetrici templū struxit, 11. Civit. quod voverat in prælio Pharsalico: & aream circūm templum addidit, ibiq, voluit Romanis Forum esse. non id quidē rerum venalium, sed ad LITES aut negotia conuenientium, sicut & Persis forum erat quoddam vel iuris petendi dicendiq, causā, vel & discendi. Dio Cassius de eodem sub idem tempus narrat: Cæsar forum, quod ab ipso dictum est, Lib. XLIII. exstruxit. quod PVLCHRIUS ROMANO est, et si dignitas illius auxit ex isto, factumq, ut MAGNUM diceretur. Atque hoc Forum, vñā cum æde Veneris Genetricis, auctoris sui generis, dedicauit. Nota in eius verbis, pulchrius Romano fuisse: quod equidē credo, vel quia à Cæsare, vel quia posteriora opera prioribus ferè antecellunt. Quod tamen ex Ammiano vix dixeris: qui Iulium hoc silet, Romanū extollit: & prisæ potentie forū appellauit, & Constantijoculos in eo, miraculorum densitate, prestrictos. Fuit autē hoc Iulium haud longè nimirū Romano, post tēpla Pacis & Faustine. Transeo ad AVGUSTI FORVM: quod nominatim Plinius inter maxima operū collocauit. Profectò gradatim scadimus, & meliora ac maiora in his damus. De isto Suetonius: Forū cū æde Martis Vltoris struxit. Causa exstruēdi, hominū & iudiciorum multitudo, quæ videbatur, nō sufficiētibus duobus, etiam tertio indigere. Ergo Mars hīc vltor in medio,



vt antè *Iulus*, aut *Venus*. Ouidius *Bisultorem* cognominat: quia & ob vindicatam patris necem hoc cognomen Augustus imposuit, & ob Crassianam cladem, signis à Partho receptis. Porticus in eo, de more, ad latera: sed hoc in iis singulare, & ab Augusti inuenio. quod in alterā, ordine omnes Latini reges à capite & principe *Aeneā* essent; in alterā, Romani Reges, aut Duces clati, à Romulo ipso. Ouidius de Marte illo:

Hinc videt *Aeneā* oneratum pondere caro,
Et tot IVLAEAE nobilitatis auos.

Hinc videt ILIADEN, humero Ducis arma ferentem,
Claraque dispositis ACTA subesse viris.

* Tropae-
phorū spo-
liu Acre-
nus onustū. Ille ab utroque igitur latere hæc videbat: & de hac re Suetonius. Proximum à Diis immortalibus honorem memoriae Ducum præstít, qui imperium populi Romani ex minimo maximum reddidissent: & STATVAS OMNIVM, triumphali effigie, in VTRAQVE fori sui PORTICV dedicauit. Nam et si Romanos Duces modò nominat, sanè & illos intellegi Latinos par est, & poëta iubet: Inter eos & ipse Augustus locum habuit, atque eius Tituli & ACTA. Velleius: *Diuus Augustus, præter Hispanias aliasque gentes, quarum TITVLIS FORVM EIVS prænitet.* Ergo illuc sub quoque viro aut statuâ, suæ res gestæ breuiter & Index; quod ACTA poëta dixit. Atque istæ nouæ statuæ: quot deinde veteres, & priscæ raræque artis? Pausanias prodidit, *Mineruæ Aleæ signum, ex ebore totum, in aditus Fori Augusti* sletisse: additque in eâ occasione, & ipsum, & reliquos Principes, pleraque ornamentorum talium vndique auxisse, & ad opera sua ornanda traduxisse. Situm autem hoc forum, supra ipsum Romanum, ad latus Capitolij, post eadem hodie *Diuæ Martine*. Quartum iam est, *Neruæ*. quod Domitianus incohavit, iste perfecit & agnominavit. Suetonius in Domitiano: *No- uam ædem in Capitolio excitauit Ioui custodi;* & Forum, quod nunc *Neruæ* vocatur. Quomodo igitur tunc? Transitorium, ut opinor. Nam sic Lampridius, in Alexandro: Statuas colossas, vel pedestres nudas, vel equestris, *Diuis Imperatoribus in Foro Diui Neruæ*, quod TRANSITORIVM dicitur, locauit: omnibus cum Titulis & Columnis AEREIS, quæ gestorum ordinem continerent. exemplo Augusti, qui summorum virorum statuas, in foro suo, è MARMORE collocauit, additis GESTIS. Locus & ad ista, & priora, notabilis. videsque imitari Augu-

Aug. cap.
XXXI.

In Acad.

Augustum in ornando hoc Foro Alexandrum voluisse: quid imitari? vincere volui dicere. & cùm ille statuas non nisi è marmore fecisset, iste ex ære, cum titulis etiam & columnis. Quæ autem istæ columnæ? an quibus, loco basium, insisterent, & Acta inscripta essent? an & alias intellegit, quæ seorsum Porticus sustinerent? Non de nihilo ambigo, quoniam in Pausaniam lego, de quibusdam ædificiis ex ære solido, differente: lego, inquam, fuisse talia, vt Mineruæ templum Spartæ, quod Chalcidæcon ideo dicitur, atque item alibi. Sed tum addit in fidem, presentaneum & sui æui exemplum, nà p̄cipiat, inquit, ή ἀρχὴ μεγάλους ἔνεργα, καὶ Lib. x. οὐ γενθῆται τῆς ἀλλαγῆς, θαῦμα οὐσία, παρέχεται τὸ δέοφυ χαλκῆν: Romanis Forum, quod & magnitudine & alio apparatu omni instar miraculi est, exhibet tectum & camerationem æream. Quod istud Forum tecto æreo, vellem nominasset. nunc suspicari tamen fas est, de isto Neruæ capiendum: nisi de alio ædificio, quod Chalcidicum appellabant, quodq; Foris solet adiungi. Nam de tecto suspicari, æreis saltē tegulis, nihil est: nec hoc inter rata aut suspicienda. Istud porrò fuit situm, inter Capitolineum & Quirinalem colles: dictumque ideo Transitorium, quod per id in alia opportunè velut transitus esset. An & quia Iani in eo templum? quod quatuor portarum ibi fuisse Seruius tradidit: & Martialis libro x. de eo capiendus:

FERVIVS exiguo habitabas antè penates,
Plurima quā medium Romaterebat iter:
Nunc tua Cæsareis cinguntur limina donis,
Et fora tot numeras Iane quot ora geris.

Dicit in angusto olim, quadrifariam peruum, hūc Ianum fuisse, nunc in foro Neruæ, cingi porticibus, & quæ alia ipse struxit: sed & ab eo iter & adspectus ad alia fora esse. A v d. Vide Lipsi. non enim Iani in medio foro templum, sed Mineruæ fuit. Nam ita Victor clare: *Nerua imperio se abdicauit, dedicato prius Foro, quod appellatur Peruum: quo ædes Mineruæ eminentior consurgit,* & magnificentior. Lips. Sistis, & pænè retroāgis me profecto. An igitur ad latus alibi Iani illud templum? an hoc Mineruæ non in ipso medio? tale dicendum sit. sed pergamus ad Quintum Forum, VLPIVM siue Traiani. Quis fecit? ipse Traianus: nec dabo hoc Cassiodoro, Domitianum vel cœpisse. Nam is qui-

S dem



138

DE MAGNITUD. ROMANA

dem in Domitiani IX. consulatu, facit eum excitasse opera, Forum Traiani, & Thermae Traiani, voluit Nerua dicere: & iam à nobis demonstratum. Quale autem hoc fuit? Ammianus paucis verbis dixerit, clamitans SINGULAREM sub omni celo STRVCTVRAM. Quid amplius? etiam NVMINVM ASSENSIONE MIRABILEM. Deus bone! an & cælites terrestria hæc mirentur? etiam timent fortasse. nam addit, GYGANTAEOS contextus fuisse, nec relatus effabiles, nec rursus mortalibus appetendos. Satis ostendit vieta hoc opere, omnia illa quæ inuicta anteà habebamus. Quid autem Cassiodorus? consentit. & Traiani forum, inquit, vel svb ASSIDVITATE videre, miraculum est. Nihil potest efficacius dici aut concipi ad elegantiam, & raritatem: quæ rara scilicet & elegans esset, etiam in assiduo aspectu. Hæc communiter adferre possum: quid per partes? Apollodorum architectum fuisse, sumnum in arte virum, & quem Hadrianus posteà, liuore quodam ductus, occidit. Porticus & columnas fuisse, satis scitum est: & puto in altum plures. unde enim alioqui gyganteos contextus Ammianus diceret? Et sanè altitudo Columnæ, quæ in medio sita fuit, hodieque apparet, est pedum CXXVIII: cum inscriptione, TANTAE. ALTITUDINIS. MONTEM. ET. LOCVM. TANTIS. OPERIBVS. ESSE. EGESTVM. Credo aut tam altas igitur, aut non longè infrà, Porticus ipsas fuisse. In quarum fastigiis simulacra equorum, & signorum militarium de quibus Agellius: *In fastigiis fori Traiani SIMVLACRA sunt sita, CIRCVM VNDI QE, INAVRATA equorum, ac signorum militarium: subscriptumque est, Ex manubiosis.* Nota hæc omnia inaurata fuisse: & probabiliter etiam Statuas quæ subter Porticus collocatæ. Quas M. Antoninus numero auxit: qui nobilibus viris (in Capitoline) bello Germanico defunctis, statuas in Foro Vlpio collocauit. Ibidem & Templum, & Equum æneum fuisse, Victor ostendit, & circum Bibliothecam, aliij. Sed de Equo etiam Ammianus, cum scribit attonitum Constantium basisse, omni sive huiusmodi quidquam conandi depulsâ: Traiani tamen EQVM solum, in atrij medio locatum, qui ipsum Principem vehebat, imitari se velle dictabat. Cui propè astans regalis Hormisdas, respondit gestu gentili, ANTE, inquit, IMPERATOR STABVLVM TALE CONDI IVBETO, SI VALES. Liberè hoc Hormisdas, & verè, quid autem posteri manibus tale

* Id est,
imitando,
aut tentan-
do.

Lib. xiiii.
cap. xiii.

LIBER TERTIVS.

139

talē aliquid conderent? vereor ut nos, & nostri architecti, vix mente.

C A P. VIII.

De Balneis Thermisque, & breuiter de Rostris.

A VD. Profectò, Lipsi, oculos mihi aperis ad hæc suspicienda: quæ ego non in magno anteà habebam. Lips. Fortasse nec ea quæ de Lauacris, id est Balneis aut Thermis Ammianus adiunxit. AVD. Haud nego. magna fuisse, hoc ruinæ me docent, ornata valde aut magnifica, nōdum agnosco. Lips. Licet per me breuiter. Et de magnitudine quidem, nōnne ea ipsa miranda in tot partium ædificio & membrorum? Ammianus ad eam, puto, respicit, cùm scribit *Lauacra in modum prouinciarum exstructa: & quasi quæ, non vrbes, sed regiones totas æmularentur.* Satis audax elatumq; dictum, fateor: sed caussam habuit. & Cassiodorus item signatè laudat & suggerit MIRABILEM MAGNITUDINEM THERMARVM. Et vidisti illas parietinas hodie Antonini Thermae, aut magis Diocletiani? mira laxitas; & hæc Olympiodori dicent. Ήσαν δὲ, inquit, λεῖψα Δημόσια παραγένονται αἱ δὲ Αυτοκράτεροι ἐπονούμεναι, εἰς χρήσιαν τῷ λαῷ μέντοι καθέδρας εἶχον τοῦ δημοσίου χιλίας ἔκανοσιας, εἰς μαρμάρου κατεστρασμένας ξεστοις, αἱ δὲ Διοκλητικαὶ, ἐγγὺς δημόσιοις: Erant lauacra publica INGENTIA. sicut Antoniniana Therme dictæ, in usum lauantium SELLAS habebant mille sexcentas, è polito marmore factas. Diocletiani autem, circiter BIS TANTVM. Audin' tu? Diocletiani habuerint Sellas (aliij * Solia maluerunt reddere) ter mille ducentas: quid nisi igitur tot personæ inibí simul lauari potuere? Vbi iam reliquum Thermarum corpus? Cellæ, Solia, Piscinæ? Vbi capaces & longæ illæ Porticus, Xysti, Nemora, Sphaeristeria, & reliquæ partes? Certè Ammianum iam capio & admitto, in tot ædificiis & varietatibus, cum Provinciis comparantem. Ipsum etiam Flauium Blondum; qui fortiter asseruit, nec QUATTVOR MAXIMA ITALIAE PALATIA, simul iuncta, posse illas unas Diocletiani adæquare. Ecce igitur magnitudinem: & distinctè in partibus quedam, * Sidonij epistola tibi dicet (lege, si lubido est) & Hieronymi Mercurialis, eruditum amici nostri, scripta, Gymnastica artis. De splendore porrò

S. 2 & pa-

* Vide R. 100.

* Lib. xiiii.
ep. 11.



& paraturā earum, audi hæc Senecæ: Pauper sibi videtur ac folidus, nisi parietes magnis ac pretiosis ORBIBVS refulserint: nisi ALEXANDRINA marmora NVMIDICIS crustis distincta sint: nisi illis vndeque, & in PICTVRAE modum variata CIRCVM LITIO pretexatur: nisi VITRO condatur camera: nisi PARIUS & THASIVS lapis, quoniam rarum in aliquo templo spectaculum, Piscinas nostras circumdede-rit: nisi aquam ARGENTEA epitonia fuderint. Et adhuc plebeias fistulas loquor: quid cùm ad balnea libertinorum peruenero? quantum STAVARVM, quantum COLVMNARVM est, nihil sustinentum, sed in ornementum positarum, & impensa causa? quantum AQVARVM per gradus cum fragore labentium? Eò deliciarum venimus, ut nisi GEMMAS calcare nolimus. Ea verò Senecæ increpatio aut delineatio, quām clarè sub oculos dat & ponit, non Balneas aliquas, sed Principum dixeris Aulas? Et quædam existis Statius, in Balneo Etrusci:

*Nil ibi plebeium, nusquam Temesea notabis
Æra, sed ARGENTO felix propellitur vnda,
ARGENTOQ. cadit, Labrisque nitentibus instat
Delicias mirata suas.*

Significat fistulas & canales argenteos fuisse, ipsa etiam Labra.
Idem de Vitro:

*Effulgent camere, vario fastigia & vitro
In species animosque nitent.*

Lib. xxxij. cap. xi. * Fibulas intellegit. Quid autem Plinius? narrat & culpat cum Senecâ: Iam verò pædagogia ad transitum virilitatis custodiantur argento; feminæ lauen- tur, & nisi ARGENTEA solia fastidian, eademque materia & probris seruiat, & cibis. Videret hæc Fabricius, & STRATAS ARGENTO mulierum balneas, ita ut vestigio locus non sit cum viris lauantium. Sed de argento parum est: nonne & de gemmis substratis Seneca di- xit? Quod si igitur Priuata hæc ita culta: credo equidem & Principes in suis, quæ publicabant, parcis aut sordidos nō fuisse. Eiusmodi Publica & Gratuita balnea, duodecim P. Victor agnoscit Romæ fuisse: omitto alia Publica, quæ Meritoria licet agnominare. Nam paruo ære, & Quadrante, ad ea lautum ibant. Quid, quod Plinius scribit M. Agrippam in Ædilitate suâ, gratuita lib. xxxvi. præbuisse balnea centum septuaginta atque addit Plinius: quæ nunc Romæ ad INFINITVM auxere numerum. AVD. Hem! tot igitur &

Priuata

Priuata & Publica balnea? & quo fine? Lips. Quæris? ad equitandum scilicet. & quis nescit, quod ad lauandum? AVD. Ne sic increpa. ego hoc rogatum volebam, cur tam multa, & an tam assidua lauatio? Lips. Assidua. & cottidie, de more, lauabant ituri iam ad cænam. Artemidorus scripsit; Balneum nihil aliud suo æuo fuisse, quam TRANSITVM ad cænam. Itaque qui sæpius etiam cibum capiebant, sæpius lauabant. Commodus Imp. notatur septies aut octies in die lauisse. Etiam inter Christianos, Sisinnius quidam Episcopus bis in die: non sine suspicione intemperantia & voluptatum. Sed ille dieterio culpantes illusit, rogatusque Cur Episcopus cùm esset, bis lauaret? Quia ter, inquit, non possum. Significabat bis se comedere, bis igitur lauare; tertio non ferre valetudinem. AVD. Noua hæc nobis. Lips. Noua, qui desimus hunc morem: nec scio an recte, quod totum. Credam valetu- dini & vitæ profuturū, si in parte seruassemus, & cum mo- do: quem ingestum vetus Epigramma voluit, alibi in lapide sculptum.

*B. V. V. corrumpunt corpora nostra,
Conseruant eadem B. V. V.*

* Balna.
Vina, Pe-
nus.

Tria intellegit, quæ modicè habenda, aut cum damno haben- da, vel non habenda. Sed Ammiano duce satis vidimus: abea- mus. AVD. Maneamus. quid tu nescis, aut dissimulas, de Theatro, Amphitheatro, Odéo, Stadio, Suggestu consulari? Lips. Scio, & memini: sed hæc per te satis te opinor scire. De Amphitheatro qui- dem scorsim libellum ego olim scripsi: idem in Theatro & Circo sit, si conet. Libri, inquam, res: quæso nunc omitte. Nec in Odéo aut Stadio multa dicenda: atque illud Plutarchus in Peri- cle tibi describet, ad Musica certamina spectanda structum fuisse, in- teriore reforma sedilibus instructa, & multis columnis: tecto declui, & ad imaginem atque instar tabernaculi regis Persarum. AVD. Non au- sim vltra te ducere. Lips. Nec debes, fatigor. AVD. Tamen de Suggestu tria verba. Lips. Rostra intellegi arbitror; sed ea quæ Iu- lia dicebant, siue Noua. Nam Vetera illa non in tanto nuncho- nore, vel vsu. Sed cur Suggestum ea dicit? à formâ, quam ostendit per gradus surrexisse cùm dicit vertice scansili fuisse. Dicit & imitamenta priorum Principum portasse: id est vultus & statuas co- rum, quas equidem arbitror in gradibus, ad extrema latera,

S 3 dispositi-



142

DE MAGNITUD. ROMANA

dispositas in ordine fuisse. Eorum basim, siue ima, ornata rostris nauum, ex Actiacâ victoriâ, Dio Cassius me docuit: & inde igitur Rostrorum nomen. AVD. Sed Consulum suggestum cur appellat Ammianus? LIPS. Quia initio magistratus eò conscendere solent, & populum salutare: eodem iterum, cùm deponeant magistratum. Mos ab antiquo mansit: qui & adire, & orare illâ ac gratias agere populo solent, pro honore. Sed inferiori & Principum æuo, nihil factum, nisi ut conscenderent, salutarent; itemque iurarent, aut eiurarent. Plinius de Traiano: *Iam roties procedere in Rostra, hic suscipere, hic ponere magistratus, quād dignum te fuit?* Præiuit etiam: *In Rostris, simili religione, legibus te subiecisti: iurasti in legem, attendantibus Diis.* Denique Claudianus de Stilicone Consule, inter sollemnia ponit:

Circumfusa tuæ consendant Rostra curules.

Ergo & sedisse illâ in Sellâ curuli videntur, & sic se ostendisse, quasi auspicij caussâ.

C A P V T I X.

De Statuis, & earum custodelâ.

AV D. Ah, quād iuuant me hi aspectus! quād doleo ab Ammiano ductore, aut te doctore, deseriri! LIPS. Vide benignitatem, da manum, poriò vel solus ego ducam. AVD. O hominem & verba mellea! non voluptatem meam te dicam, sed salutem. perge sic iuuare. LIPS. Vnum etiam in his omnibus operibus locisque monendum, de Statuis: quarum incredibilis multitudo, pretium, speciesque. Nullum publicum opus, quodcumque nomines; nullus adeò locus publicus aut vacuus, ubi non hæc ornamenta. Et credo equidem nihil magis in totâ vrbe ADMIRANDVM elegantioribus ingenii fuisse. Earum originem & augmentum breuiter in Cassiodoro habes: *Statuas primū Thusci in Italâ inuenisse referuntur, quas amplexa posteritas, pñè PAREM POPVLVM vrbi dedit, quād Natura procreauit.* Ludit in verbo eleganter: nec minore copiâ factos ab arte illos homines in vrbe fuisse vult, quād istos à naturâ. Ludit in verbo, in reserio dicit. & P. Victor in fine Descriptionis suæ claudit, TABVLAE ET SIGNA SINE NUMERO. Planè sine numero.

atque

Lib. vii.

LIBER TERTIUS.

143

atque ego tibi de Tabulis etiam oblitus eram dicere, sed hic monitor suggessit: quas scito magnorum illorum artificum fuisse, & ob quarum vnam alteramque, vel Romanâ philocali & elegantes illi venirent. Iam de Pretio statuarum, quod tetigi, quis non vel è materie cernat? Omitto marmoreas illas & æreas infinitas: dico Argenteas, Aureas, Eburneas fuisse. Et argenteæ quidem sub Augusto maximè increbuerunt, Plinio & Suetonio notatum: sed ille moderatus est, & suas conflavit: non ita alij Principes, & nominatim Domitianus, qui superbo arbitrio (Suetonius scripsit) statuas sibi in Capitolio, non nisi aureas argenteasque ponî permisit, ac ponderis certi. Nota materiem, nota pondus: & ex solido vtroque igitur metallo fuisse. Fortasse autem pondus in his Statianis versibus expressum:

*Da CAPITOLINIS æternum sedibus aurum,
Quo niteant sacri CENTENO pondere vultus.*

Statuam Domitiani consecrari ponique vult in Capitolio, & eam non minus centum pondo. In Capitolio, inquam. nam & hunc locum sacrissimum profanus Princeps statuis suis sedem eligebat. Plinius in Laudatione Traiani: *Itaque tuam statuam in vestibulo Iouis Opt. Max. vnam alteram ve, & hanc æream, cernimus: at paullo ante ADITVS omnes, omnes GRADVS, totaque AREA, hinc AVRO, hinc ARGENTO relucebat, seu potius polluebatur, cum incesti Principis statuis permixta Deorum simulacra forderent.* Quod autem ad illud pondus, aliæ etiam grauiores, ne dubita. atque adeò Commodus Imp. statuam mille librarum auream habuit, cum taurô & vaccâ, quasi vrbis conditor: quod in Dionis compendio est scriptum. Itaque nec pro magno aut vero satis habeam, quod est in Trebellij Claudio: *Populus Romanus, sumptu suo, in Capitolio ante Iouis Opt. Max. templum, statuam auream decem pondo collocauit.* Quid? Principi suo totus populus, & in tali loco, tantillam statuam ponat? Scribe, scribe, & pondo: id est mille, & hinc quoque nota, millenariam notam in Denarium mutasse. Eadem Principi (idem Trebellius notat) in Rostris posta columna est, & palmata statua superfixa; librarum argenti mille quingentarum. Disce & hinc pondus grande in vtroque meliore metallo: quod crebrum omnino fuit, & crebrius etiam misceri, & æs vel argentum inaurari. Ammianus de vulgo Romanorum Lib. xvii. nobis



144

DE MAGNITUD. ROMANA

nobilium: Ex his quidam eternitati se commendari posse per Statuas estimantes, eas ardenter adfectant, atque AVRO curant IMBRACTEARI. quod Acilio Glabroni delatum est primò. Inauratas intellegit, quod aliquoties in lapidum titulis expressum legi, sibi AVRO. STATVAM. PONI. In codem Ammiano, vides studium in eâ re Romanorum. quod & ante illum Dio aperuit, & simul representum ostendit. Vrbs, inquit, statuis implebatur. quia licebat cuique passim in Tabulâ, Ære, Marmore, se publicare. quod Claudius Imp. retinuit, & plerasque iam positas loco mouit, & aliò translulit; edixitq; ne quis in posterum PRIVATVS poneret, nisi Senatus permisso: excepto, siquod OPVS PVBLICVM faceret, reficeret ve. Coercere igitur Princeps ille voluit, quia nimia iam copia: & vrbem, vias, vicos, non ornabant, sed stipabant & arctabant. Atqui exceptio quam ponit, & permissione item à Senatu, fræna iterùm laxant: & in urbe qui non potuit, is se in villis aut agris publicabat. Ad summain, mi Auditor, hæc vna res ad Opes item est Romanas ostendendas: & maximè si varias species Statuarum cogitas, Colossas quasdam, Curules, Equestris, Pedestres, & habitu variante & diuerso. Quid quod equorum, leonum, sphynxum, & variorum animalium? ut Obeliscos, & hæc talia omittam. AVD. At enim mihi hic cogitatio, & pñè cupiditas. LIPS. Quæ AVD. Improbula. nam cur non fas è statuis illis aureis argenteisque Deorum vel Principum, aliquid transeuntem abrade-re, vel refecare? LIPS. Nefas homo, nefas. Tu è statuis Principum? capite luisses violata illa sacra. Sed nec Priuatorum licuit. AVD. Nam quis sciuisse, aut dixisset? de nocte. LIPS. Disce, imperitus es, custodiā & cautelam antiquam. Miles in urbe excubabat, Vrbanus ille & Vigilum ad tempora, ad loca item publica: sed præterea certus etiam Præfectus huic Statuarum custodiæ, & qui militem haberet. Vocarunt id officij, Comitiuam Romanam. & Formula eius hæc in Cassiodoro legitur: Si clausis domibus insidiari solet nequissimum votum, quanto magis in Romanâ cinitate videtur illici, qui in PLATAEIS pretiosum reperit, quod possit auferri? Nam quidam POPVLVS COPIOSISSIMVS STATVARVM, greges etiam abundantissimi EQVORVM, tali sunt cautelâ seruandi, quali tñ curâ videntur affixi. Tum verò addit: Quare per indi-ctionem illam COMITIVAE ROMANAE tibi concedimus dignitatem.

Officiis

Lib. viii.

LIBER TERTIVS.

145

Officium tuum, & MILITES consuetos, noctibus potius inuigilare compelle: in die autem ciuitas seipsa custodit. Atque hic est qui Comes Romanus appellatus, quia Romam, & eius opera, seruabat.

C A P. X.

De Viarum magnis operibus, & nominatim de Appiâ.

111. 23
Lib. i. de
bello Gotho.
AN & longius etiam eo? nec Romam solum, sed quædam circa eam, ostendo? faciā, vt inter tantas Opes & animos, me quoque largum fieri videas & benignum. Tria occurunt, præter Ammiano dicta, vel maximè ADMIRANDA, Via, Aqueductus, Cloacæ. AVD. Nō sustineo me, nec reproto: tu Cloacas nobis inter magnifica, & fortes has inter illos splendores? Hoc verè est, quod poëta dixit: - stellis nebulam spargere cädidis. LIPS. Non sic dices, vide & audi: imò & sub terrâ thesauros tibi ostēdam, & latentium quorumdam operum moles. Sed ordine videamus: & primò iudicium de his tribus Dionysij. Scriptor ille sub Augusto Romæ fuit, & per viginti annos citciter vixit: ergo bene ea vidit, nouit, & (vt viri ingenium) diiudicauit. Profert & eloquitur: Ego sanè in tribus MAGNIFICENTISSIMIS operibus Lib. iii. Rome, & in quibus MAXIME APPARENT illius imperij OPES, pono AQVAEDVCTVS, VIARVM munitiones, CLOACARVM structuras. Neque id solum ad UTILITATEM eiusmodi operum respiciens, sed etiam ad IMPENDII sumptuumque modum. Ecce, hæc tria vult vellut specimen & argumentum esse Romanæ opulentiae & potentiae: siue ab vsu consideres, siue ab impendiis & sumptu. Quod ille censuit, tu accensebis, cum singula dispicies & intentè lustrabis. Primæ sunt Viae, quas illi non in Urbe solum, sed extra eam, ad longissima spatia, plurimas, & plurimo opere, muniuerunt. Stupor me habet, cum vel vnam Appiam considero: de quâ Procopium, non me, audi. Belisarius, inquit, via Latiniæ exercitum duxit, Appiâ ad laevam dimisâ. Hanc Appius Romanorum Censor ante annos nongentos struxerat, & à se dederat nomen. Longitudinem eius quinque dierum spatio vir expeditus possit emetiri. Ab urbe Româ Capuam pertinet, eâ latitudine, ut duo currus ex aduerso obuij, liberè queant peruidere & commeare. Et est sanè hæc via, preter ceteras, spectabilis. siquidem Appius ex alia & longinquâ tunc,

T

23



ut reor, regione excisos lapides, & hos quidem siliceos, ac suopte ingenio durissimos, in hanc viam vobendos curauit. Quos planos deinde aeques redditos, & quadratos incisione factos, iunxit & in ordine locauit, metalli nihil vel alterius rei inserendo. Sunt tamen ita connexi, & validè inter se haerent, ut speciem visentibus praebant, non coniunctos ita, sed congenitos esse. Et quamuis tot iam saeculis atterantur, assiduis plaustris iumentisque: tamen neque serie sua vel minimum excidunt & dimouentur, neque franguntur, aut leuorem suum amittunt. Hæc Græcus ille scriptor, & oculatus arbiter, extra argumentum historiæ suæ accuratè inseruit, admiratione inductus, quæ stylum eò traxit. Examinemus, & libremus. Ait, Appium ante annos nongentos struxisse.] Imò octingentos quinquaginta circiter, quod Fasti dicent. Si autem strauit lapidibus Appius: quid est, quod in Liuio legimus, Q. Fulvium Flaccum & A. Postumium Albinum Censores, vias sternendas silice in urbe, & extra urbem glareas substruendas, marginandasque, PRIMOS OMNIUM locauisse? Quomodo enim primi omnium, cùm hi fuerint Censores anno Vrbis DLXXX: at Appius aliquot ætatibus præcessit? Quid, quod Flaminia via diu ante strata, & sub bellum Punicum secundum? An hoc Liuius sensit, glareas tunc primùm stratas? an potius, primos ipsos locauisse? an denique ad Censores iunctim refert? per otium examinandum sit. Obserua autem in Liuij verbis, duplarem rationem sternendi, vel Glareas, vel Silice. Quæ utraque & Tibullo notata, ad Messallam:

Namque opibus congesta tuis hic GLAREA dura
Sternitur, hic apta iungitur arte SILEX.
Obserua amplius, marginari solere: quod caput sanè erat, & Agger ille viae cùm altiusculus, & instar puluilli esset (ita solet:) firmiter arctari & stringi lapidibus grandioribus ad oras debebat, ne difflueret & spargeretur. Hoc marginari: & ibidem etiam alij lapides duplices, & ad usum duplarem. Piores, Cippi quidam eminentes, in quibus insidere fessis, onera reclinare, aut & ascendere ex iis in equum fas esset. Ij crebriores dispositi per totam viam: alteri autem rariores, qui ut Columellæ exstabant, & notis numerorum incisi, millaria notabant. Vtrumque hoc G. Gracchus instituit, Plutarchus notante: & gratum in vulgus fuit. Cur non esset? experti nos peregrinantes sumus, nihil magis

Lib. xli.

gis ad tædium, & fatigationem esse, quām ignaros spatiorum oberrare: & contrà, refici animum ac vires eā signatione. Quintilianus benè: Partitio reficit audientem, non aliter, quām facientibus iter, multum detrahunt fatigationis NOTATA INSCRIPTIS LAPIDIBVS spatia. Rutilius eodem pertinet:

Interualla viæ fessis præstare videtur,

Qui notat inscriptus MILLIA multa Lapis.

Hinc ille mos per Lapidés computandi: quos Græci ab hac notatione milliarium, Σημεῖα vocant: id est Signa, siue Notas. Sed pergit Procopius, Longitudinem viæ Appie, quinque dierum esse.) Quid? vniuersæ eius Brundisium usque? non opinor, nec res est: sed Capuam dumtaxat, quò & Appius produxit: & verba Procopij ita dicunt. Notauit & Frontinus: Appia aqua inducta est ab Appio Claudio Censore, qui & viam Appiam, à portâ Capenâ usque ad urbem Capuam muniendam curauit. Neque verò vterius illuc potuit, cùm nec vteriores tūc Romani fines. Quis autem longius, & Brundisium usque muniuerit, in obscurō est: munitam tamen id constat. Ecce Strabo, Viam Appiam Tarracinae facit mare Lib. v., primum attingere, & Brundisium usque stratum esse. Tacitus Lib. xi. Ann. consultauisse: vtrum habiturus esset opes, quis viam Appiam Brundisium usque pecuniā operiret. Denique & Horatius:

Brundisium melius Numici via ducat, an Appi?

Producta igitur: an à Julio Cæsare, quem Plutarchus scripsit, Appiae Curatorem factum, plurimum pecunia in eam impendisse? an ab Augusto, qui plerasque omnes vias per Italiam ipse, aut per alios, muniuit? Nam Plinio accedere, siue is Nepos est, de Viris illustribus, non possum: qui Appium viam Brundisium usque lapidibus strauisse scribit, vnde illa Appia dicta. Nam hoc sanè certum, loca ea id æui, hostilia aut aliena Romanis fuisse. Tota autem hæclongitudo est, milliarium circiter CCC: nequis de quinque diebus Procopio dictum, huc trahat. Avd. Atqui nec Capuam usque tanti sunt, nisi ignauo & parùm accincto viatori. Lips. Fateor, sed flexus etiā suos & declinationes scito viam habuisse. Addit de latitudine, ut duo currus peruaderent.) Nescio, neque dimensus sum (alibi tamen potest, & exstat:) sed opinor igitur haud minus vigintiquinque pedes patuisse. Amplius, de materia, ex longinquâ regione lapides aduenctos, eosque siliceos.) Silicem intellege-



148

DE MAGNITUD. ROMANA

intellegit, durum asperumque lapidem, & è rupibus: non illum minutum & tenuem, quem vulgo vocamus, & qui in Glaream potius vénit. Illo modo Plinius, Liuius, atque alij locuti. Sed è quâ regione petiti? in viciniâ tales non esse, hoc Procopius indicauit. Onufrius Panuinus hoc amplius, montes ostendit duos, ad Sinuissam vnum, alterum inter Puteolos & Neapolim, è quibus saxa ea, colore & duritate FERRVM referentia, videantur excisa. Fides penes illum sit, rerum veterum tamen curiosum, & satiis peritum. AVD. Quid, quod apud nos similes? LIPS. Vbi? cupio audire. AVD. In Hannoniâ, vt nos vocamus (nam patres Hainouiam dicebant) ad opidum Bauacum. Columna illâc milliaria in Foro medio est, vt illa Romæ, ad quam viæ istæ finiunt, siue ordiuntur. Sunt autem glarea & minutis silicibus stratæ, & ducunt in præcipias Galliæ partes. Vestigia & reliquiae multis locis comparent. Quod autem dictum volebam simile, est non nihil dissimile: sed tamen & simile. Nam glarea & lapilli vnde aduecta, difficilis indagatio est: cùm in vicinis agris nō gignantur. adeò vt Bouillus quidam, qui vidit & inquisiuit, censeat vel ab humo ebullisse silices, vel ab alto æthere depluisse, vel deniq; non humana manu adiectos. Quod postremum & vulgus censet, feruntque magicum opus, & à reginâ Brunehilde exstructas: cuius & *nomen ferunt. LIPS. Ah, ignaros & incredulos Romanorum operum! qui hæc talia militari manu, & prouincialium item subsidio, supra omnem fidem patrabant. At in Procopio pergamus, qui addit, *Lapides planos quadratosque fuisse.*) Conspicuntur hodie tales, diuersâ magnitudine, trium, quattuor, quinque etiam pedum quaquauersus. Cetera de iuncturâ & firmitate, vtque vnum corpus appareant: sunt miranda magis, quâ explicanda. AVD. Certè mirifica hæc Via: sed tu nempe vnam & eximiâ eligis, de quâ poëta,

Appia LONGARVM teritur REGINA viarum.

alia non ad istam. LIPS. Mihi crede, ad istam. et si hæc celebritate, & longitudine eminuit: quia à Româ in Græciam, Asiam, & trans mare ducebat. Sed quid Flaminia via, an breuior? quâ Roma Ariminum usque, & inde porro Aquileiam ducebat? Nam quod ad munitionem, pleræque similes: nec in Italâ solùm plurimæ, sed in prouinciis ipsis. Isidorus scripsit: *Pœnos primos lapidibus*

*vocantur
Chausées
de Brune-
hilda.

LIBER TERTIVS.

149

lapidibus vias strauisse, quas poste à Romani pœnè per totum orbem disposuerunt. Et quomodo? excisis sæpe montibus, complanatis vallibus, vt æquabiles, & faciliores ita viæ essent. Strabo: Επωρεατὴ καὶ τὰς ὁδοὺς, περιβάντες ἐπικόπτες τε λόφους, καὶ ἔγχωσεις κοιλάδων, ὡς ε τὰς αρματάζας δέχεται πορθμείων φορτία: Strauerunt & Vias, excisis montibus, vallibus repletis, vt currus vehere possint & suscipere nauium onera. Habes vias, & ornatum: mentior, & itâne præcipuum me fugiat? præcipuum dico, si non in vsu, at splendore & voluptate. Id fuit, quod monumenta & sepulchra passim ad viam assita, & latus utrumque prætexebant. Quâm pulcher ille aspectus viantibus? quanta & seriorum, & iocorū, materies? Illâc illustrium ingeniorum, aut clarorum virorum memoria & inscriptio: alibi libertorum, seruorum, scortorum superba monumenta. Mirari, dolere, illudere, etiam detestari occasio erat: & quid in tot titulis & inscriptionibus pasci? Quædam enim à meliore ingenio, & scitâ; quædam aliquâ notâ aut inventiunculâ spectabiles, & istæ que hodie existant, dicent. AVD. Ita me Deus, iucundum aspectum! & ego si in tali viâ, remorer, subsistam, indormiam. LIPS. An non & hoc sapienter cogites, omnium illorum qui disparibus monumentis teguntur, parem in exitu sortem fuisse? *Æquat omnes cimis. impares nascimur, pares morimur.*

CAPVT XI.

Aquæductuum mira.

SED Aquæductus iam nostros videamus, & puluerem sor desque, si quis è Viâ contraximus, abluamus. Quid in iis tamen hæream? Iulius Frontinus est in manibus, qui olim Aquarum Curator, pulcherrimos libellos duos de totâ re scripsit, & ad nos venerunt. Ex illo, aut aliis, quædam libabo. Diu igitur Roma sine Aquæductibus, & Tiberis, ac si qui fontes natuui erant, sufficiebant populo, sed nondum sic aucto. Vrbe dein magnâ, plenâ, & cùm in collibus, procul à flumine, degerent; Optimum rerum aqua, vt poëta canebat, quæsita, & per tubos ac canales, in forniciibus lateritiis, Romam adiecta. Id factum primo, anno Vrbis CCCXL, cùm Ap. Claudius Censor, idem qui

T 3

Vias



Vias sternere instituit, hoc quoque bonum inuenit. Ab eo est Aqua Appia, per millaria circiter undecim deducta. Hoc initium: sed Deus bone, quæ mox incremeta? Nam egebat sanè ille populus aquis, non solum ad potum, sed ad balnea, adfullonicas, ad Naumachias & Circos. Atque ita vbertim inducta fuit, ut quisque domi, aut in vicino, haberet copiam: scribitq; Strabo, FLVMINA per urbem & Cloacas videri fluere, atque VNAM QVAM-QVE DOMVM propemodum habere fistulas & canales, quibus aquam inducat. De eadem re Plinius: *Siquis diligentius estimauerit AQUARVM ABUNDANTIAM in publico, Balneis, Piscinis, Domibus, Euripis, Hortis, Suburbanis villis, spatioque aduenientium exstructos ARCVS, montes perfoſſos, conualles æquatas, fatebitur NIHIL MAGIS MIRANDVM fuisse in TOTO ORBE terrarum.* Copiam habes, molem in adducendo habes, miraculum super omnia mira orbis, Plinio quidem iudice, habes. Quid Cassiodorus de istis! *Formas ipse appellat hos Ductus, quod & Iurisconsulti, atque inferior ætas fecit.* De iis igitur: *In Formis Romanis vtrumque præcipuum est, vt & FABRICA sit mirabilis, & aquarum SALVBRITAS singularis.* Quot enim illuc FLVMINA quasi constructis MONTIBVS perducuntur? naturales credas alueos, soliditates sazorum: quando tantus impetus fluminis tet sœculis potuit sustineri. Credamus hoc ergo iam Frontino, paucis fidisque verbis effanti: MAGNITUDINIS Romani imperij, id PRAECIPVM esse indicium. Benè & verè, quia non Romæ tantum, sed incoloniis plerisque, & maioribus opidis, hæc fuere. Sed norimus Romanos, & alios, ab his exemplis. Ij fuere in urbem perducti quatuordecim (vt Procopius eos numerat) coctili laterculo per prisos illos ædificati, eā LATITUDINE ac simul ALTITUDINE, vt vir eque commodè per eos possit incedere. Vide an non verè aluei quidam flumen dicatur, cùm tam magnis amplisq; canalibus aquas vehant. Sed hæc altitudo, de ipsis modò est: quid Arcus & Fornices arbitraris? *quos in quibusdam locis sublevatos centum nouem pedes, Iulius Frontinus affirmat.* O rem stupendam! & magis, quod à tot millariis continuo opere (etsi non vbiique sic alto) perducabant. Reperies quosdam à QVADRAGESIMO millari perductos esse: & nēpe per valles, per montes, per tot inæqualia, supra, infra terram: ô iterū rem stupendam! & Rutilium audi:

Quid?

Quid loquar AERIO pendentes fornice riuos?

Quā vix IMBRIFERAS TOLLERET IRIS AQUAS.

Hos potius dicas creuisse in sidera MONTES.

Tale GYGANTAEVM Græcialaudat opus.

Sunt certè, aut videantur, opera Gygantum, an Geniorum aliquis dicat? & mens obnubilat Architectis nostris, cùm vel reliquias paucas & ruinas vident. Exstant iuxta Sublaqueum, Aqueductus Claudiani fornices, & ingentes pilæ sustentantes: quas Albertus Leander sedulò vidit & scrutatus est. erumpit deinde in hæc verba: *Fieri profecto non posse scio, quin omnino incredibilis sit, nisi oculis usurpetur, operis huins ratio ADMIRANDA.* Nec enim MAIVS QVIDQVAM excogitari posse HVMANO INGENIO arbitror, quād quod hic Romani, effossis tanto spatio MONTIVM intimis visceribus, fecerunt. Ad que opera patranda NVNC TOTVS ORBIS infirmus futurus videatur. Siquis veterum hæc dixisset, blanditus scilicet æuo suo aut suis fuisse: quid iste vir nouitius? quid in talibus & curiosus vnicè, & peritus? Loquitur autem, vt dixi, de Claudi Aqueductu, de quo & Plinius: *Vicit antecedentes aquarum ductus nouissimum impendium operis, incohati à Caio Cæsare (Caligulam intellegit) & peracti à Claudio. Quippe à quadragesimo lapide, ad eam EXCELSITATEM, vt in OMNES VRBIS MONTES leuarentur, influxere Curtius atque Cæruleus fontes. Erogatum in id opus HS. ter millies.* Notabile valde, & vtile, quod in summos Vrbis colles aqua inde & deriuari, & dispensari posset: adeò in altum educta erat. Hoc ipsum Cassiodorus notat, Claudiā, per tantam fastigij molem, sic ad Auentini caput esse perductam, vt cùm ibi ex alto lapsa cederit, cacumen illud excelsum, quasi inam vallem, irrigare videatur. De pecuniâ autem in id opus imputatâ (fuerunt, ex Plinio, septem nostri millions, & semis) valde miror Budæum nutare, & pænè mutare. Per fidem, quæ caussa est? imò augendi caussa, si quis benè examinet: & planè, nisi aliqua militaris, aut & seruilis manus ad opera damnatorum (vt Romanis mos) accessisset. Iure igitur, vt claudam, exclamat Frontinus: *Tot aquarum, tam multis NECESSARIIS molibus, Pyramides videlicet otiosas comparem, aut cetera inertia, sed famâ celebrata opera? Non compares Frontine, minimè: hæc sunt, vt Plinius appellat, verâ estimatione INVICTA MIRACULA, & quibus aliis orbis*



152

DE MAGNITUD. ROMANA

orbis tam æquo animo victum se à Romanis, quām armis, facili debet. Dixi autem ex Procopio suprà, Aquæductus istos xiiii. fuisse: sed auget P. Victor, & xx. numerauit. Plinius quædam de Lacubus aliisque additamentis Aquæductuum scripsit, non sine miraculo etiam audienda. *Agrippa in Ædilitate suâ, adiecit à Virgine aquâ, ceteris corriuatis atque emendatis, LACVS septingentos fecit, præterea SALIENTES centum quinque, CASTELLA centum triginta: complura etiam CVLTV magnifica.* Operibus iis SIGNA trecenta ærea aut marmorea imposuit, COLVMNAS ex marmore quadrinquentas: eaque omnia ANNVO SPATIO. Hæc vñus Agrippa, & vno anno. O virum Augusto Principe dignum! ô virum vel Principatu dignum! & non credo benignius & publicè utilius ingenium, nō item modestius & Principi aptius, exstitisse. Tales, tales sint vobis ô magni Reges consiliarij & ministri: qui opibus per vos aucti, eas in publicum refundant, & gratiam gloriamque simul, operibus suis, apud posteros, imperij vestri propagent. At scripsit Plinius *Lacus septingentos ab eo factos: recte, ab eo: sed plures longè fuere in vniuersum, & mille trecentos quinquaginta duos Notitia imperij collegit.* Isti non aliud, quām aquarum in publico receptacula: è quibus petere omnibus fas esset. et si gravior aestimatio que è Salientibus ipsis sumpta. Nota autem in Plinio, tot Signa, tot Columnas, ad ornatum Lacuum, Salientum, Castellorum: atque ea ab uno Agrippâ: quid arbitraris ab aliis prioribus & secutis fuisse? Atque alia etiam assidua multa impendia circa has aquas: quarum Curatores ab Augusto instituti, cum lictoribus, seruis, scribis, librariis, accensis, præconibus: vt Frontinus scripsit, ipse inter Curatores. Sed præcipuum, quod familiæ & homines certi ad tuenda hæc opera, sumptu publico tolerati. Quod idem Frontinus ita prodidit. & Agrippam primò, per seruos priuatos suos hæc fecisse, eamque familiam Augusto morientem legasse. Augustum deinde publicasse, & deinceps mansisse: atque habuisse homines circiter CCXL. Erat autem & altera, inquit, Familia Cæsarî dicta, & numerus eius CCCLX. quam Claudio, cum aquas in urbem perduceret, instituit. Addit, in vtrâque varia ministeria fuisse, Villicos, Castellarios, Curatores, Silicarios, Tectores, aliosque opifices. Habes igitur perpetuos homines sexcentos, ad Aquarium tuitionem.

CAP.

LIBER TERTIVS.

153

CAPVT XII.

Cloacarum mira.

QVAS Aquas nunc dimitto, & ad Cloacas te duco. Eas scito à Tarquinio Prisco rege structas, quo nemo Regum plura aut meliora. Structæ autem ad munditiam, quod clarum est, sordesque omnes vel abluendas, vel euehendas: sed & ad sanitatem, quæ illam amat. De magnitudine huius operis, quia mirabaris nos mirari, Plinij & Cassiodori verba danda sunt: qui vterque satis firmiter dicet, quid magni rarique in opere isto fuit. Ille igitur: Cloacæ, inquit, OPERVM OMNIVM MAXIMUM, suffosis montibus, atque vrbe pensili, subterque NAVIGATA. Fecit id Agrippa in Ædilitate, per meatus corriuatis VII. annibus, cursuque præcipiti, TORRENTIVM modo, rapere omnia atque auferre coactis. Qui insuper mole imbrum concitati, vada ac latera quatiant, aliquando Tiberis retrò infusi recipiunt fluctus, pugnantque diuersi aquarum impetus intus: tamen OBNIXA FIRMITAS resistit. Trahuntur moles internæ tantæ, non succumbentibus causis operis, pulsant ruinae sponte præcipites, aut impæctæ incendiis; quatitur solum terræ motibus: durant tamen à Tarquinio Prisco annis propè octingentis INEXPVGNABILES. Initio audis, operum omnium maximum fuisse: atque ego ac tu fortasse rideamus. AVD. Non audeo, et si gestio: sed vereor turbare. LIPS. At aliâ arque aliâ caussâ etiam rideamus. Tu, quia res vilis attolli videtur: ego, quia toties iam audio, operum omnium maximum, aut maximè admirandum. Quid? semper ista maxima? & tamen res sic habet: vt quidque in manus sumis & examinas, super omnia admiraris: & caussas iudicij eius donec. Vno verbo, omnia miraculum: nostrum nunc videamus, & Plinij verba pensitemus. Ait, aut indicat nauigatas has Cloacas.] Quid magni, si tam magnæ vt vehem fœni onus tam large transmittenent? Idenim non Plinius solum ita scripsit, sed & Strabo. cum Romanos ait trium maximè operum curam gessisse, que neglecta videbantur à Græcis: Viarum, Aquæductuum, Cloacarum. Additque: Cloacaristas, LAPIDIBVS SECTIS ET AD NORMAM POSITIS suffultas, spatium etiam currui fœno onusto ad transitum prebuisse. Enim uero Marlianus, qui dimensus est, prodiit, pedum XVI. latitudinem se repperisse: de altitudine vellem etiam addisset.

V

disset.



154

DE MAGNITV D. ROMANA

disset, nec minor sanè fuit. Dixit amplius Plinius, *Corruatos VII. amnes.*) Intellegi opinor, ipsas septem Cloacas præcipuas, tot quot sunt montes. Nam ex iis defluebant & deriuabantur aquæ ac sordes, & in magnam vnam confluebant. Quin enim plures minutæ fuerint, non ambigendum est: sed istæ tot fuere quasi flumina, & alueo grandiore, atque ea per plana vrbis ferebantur. Liuum sic interpretor, de Tarquinio Prisco: INFIMA vrbis loca circa Forum, ALIAS QVE interieetas collibus CONVALLES, quia ex planis locis haud facile euehebant aquas, Cloacæ è fastigio in Tiberim ductis, siccata. Has olim per publicum ductas idem Liuius alibi scripsit: sed vrbē inquit, incensā à Gallis, festinatio curam exemit vicos dirigendi, atque ita CLOACÆ passim priuata etiam subeunt tecta. Pergit deinde Plinius firmitatem commendare, & caussas concutientes quatuor commemorat: quarum vel singulæ firmissima opera euertant, at non labefactant istud. Sunt, Pugna aquarum & copia intus; Moles & columnæ vastæ, quæ per vias, & super illas, trahuntur; Ruinæ variae & pondera incidentium ædificiorum, denique validi aliquot Terræmotus. Quidni igitur firmum & rarâ duritie opus, quod omnibus resilit? & id per tot sæcula? Etsi tamē repararunt, aut fulserūt interim, quod omnino necesse fuit. notatque Liuius, *Censores detergendas Cloacas, & in Auentino atque aliis partibus, quæ nondum essent, faciendas locauisse.* Quam sumptuosa illa, aut similis reparatio, dicit apud Dionysium C. Aquillius, qui scripsit, neglectis aliquando cloacis, & non defluentibus, Censores in earum instaurationem mille talēta impendisse in redemptores. Ea sunt sexcenta millia Philipporum: quid igitur & quanti paratio vniuersa, si tanti in partibus reparatio? Sed audiamus & Cassiodorum de istis, ac finiamus. SPLENDIDAE Romanae ciuitatis CLOACAE, tantum visentibus conferunt STVPOREM, ut aliarum CIVITATVM possint MIRACVL A superare. Videas illic FLVVIOS, quasi montibus concavis clausos, per ingentia stagna decurrere. Videas structis NAVIBVS per aquas rapidas, non minimâ sollicitudine, nauigari, ne præcipitato torrenti, marina possint naufragia sustinere. Hinc ò ROMA SINGVLARIS, quanta in te sit potest colligi MAGNITVDO, quæ enim vrbium audeat tuis culminibus contendere, quando nec IMA tua possunt similitudinem reperire? Pulchra conclusio, & in scito eo dicto conquiesco.

CAP.

Lib. 1.

Lib. v.

Lib. xxxix.

Lib. lxxi.

LIBER TERTIVS.

155

C A P. X I I I.

Traiani Pons in Danubio.

A VD. Non patiar, & te excito. Quid enim? tu & ego destituamur in his Cloacis: quæ vt sint, magnæ, operosæ, mirabiles; tamen Cloacæ sunt, & oletum suum habent. Exime nos, & mundiùs alibi pone. LIPS. Hem! bona monitio, sequere me ad Danubium, & illuc in eius aquis lauemur. AVD. A Tibéri ad Danubium? bonus saltus, quis Pegasus nos vehet? LIPS. Ille Mentis: quæ momento summa, ima, propinqua, dissita, permeat & peruidit. Nec ad Barbaros tamen imus, ne metue. AVD. Ego verò metuo, & iam cor meum vasa colligat atque abit. Nescis tu pugnas illuc cùm maximè nunc pugnari? & in quibus vita, libertas, religio aguntur? LIPS. Scio, securus esto. Romanus imperator, atque is Traianus, aderit, cum legionibus suis copiisque. Utinam nunc tales ibi decem, tali disciplinâ? O quam Victoria mox applaudat & circumuollet purpureis suis pennis? Sed ecce in Danubio Pontem libet memorare, quem dictus ille Imperator struxit: operum omnium fortasse, arte & difficultate maximum, si non sumptu. Describit graphicè Dio Cassius, & gratia sectori eius Xiphilino esto, quod hanc partem non recidit. O quam pulchras valentesque ille alias? nihil penè nos fugeret in rebus Romanis (tanta diligentia & accuratio fuit) si scriptor ille totus exstaret. Sed de Ponte, sunt verba è Compendio Dionis: *Traianus Imperator pontem lapideum super Istrum statuit, quem EGO NEC DIGNE QVIDEM HABEO ADMIRARI.* Nam et si alia pulcherrima Principis eius opera existant, tamen hoc est SUPER OMNIA. Pile igitur eius sunt viginti, è lapide sexto & quadrato, quæ altitudinem habent CL. pedum, latitudinem LX. Distant inter se CLXX. pedes, fornibus deuinete. Quomodo autem non aliquis SVMPTVM in istas admiretur? quomodo non & desituendi firmandique modum? idque in flumine MAGNO ET VORTICO, & fundo ipso infido & limoso. nam nec auertere quidem cursum fluminis licuit ullo modo. Nec verò de magnitudine fluminis ideo dixi, tanquam ibi maximum sit (imò verò alibi duplo maius est aut triplo, atque instar pelagi se diffundit:) sed quia locus ille arctissimus ibi locorum, & aptissimus ponte iungi, est tantus. Quo autem

V 2

magis



magis in arcum illud ex iato coniabitur, & rursum in latum se effundit, tanto nimis rapidius fluit, & profundius exsuffit. Ut hoc quoque difficultatem atque arduum operis valde auxerit. Magnitudo igitur animi Traiani ex eo quidem constat, non tamen usum nobis nunc præbet: sed pilæ dumtaxat stant, quasi in eum finem modò structæ, ut documento sint NIHIL ESSE QVOD INGENIO HVMANO NON POSSIT EFFICI. Additque deinde, Hadrianum Imp. metu ne Barbari cù transirent, an simulatione in Optimum Principem, insisse superiora Pontis dirui: atque ita Pilas solas mansisse. Quid autem ego aut tu h̄c dignè miremur? negat ab illo æuo Dio, se id posse. Atqui plura magna & magnifica viderat, quā nos mente concipere aut deformare possimus. Putat tamen & censet, omnia ab hoc opere superata: quod leuiter adsistamus, & inspectemus. Ait, Pilas viginti fuisse: atqui Paulus Iouius, florantis ingenij & stili scriptor, dicit etiam nunc triginta sex extare & conspici, in confinio Valachiae & Transiluaniae, ad opidum Seuerinum. Vtri credam? sanè si oculi nunc conuincunt ita esse, manus & herbam do; videant modò & dicant, qui adserint & possunt arbitrari. Sin rationem & scriptionem Dionis sequor; adferam audacter de viginti: quia signanter notat, fluuum ibi arctissimum (ut in iis locis) esse. Atqui descriptio ista viginti Pilarum, quæ sexaginta pedes latæ sint, quarum fornices, centum septuaginta: quid efficit & colligit, nisi fluuij latitudinem quatuor mille septingentorum septuaginta fuisse? id est, paullò minus, viiiii milliaris. Si aliter, aut si grandius, videbunt ij qui accolunt & docebunt: tum nobis opus rescribere & reformatre ipsum Dionem. Nam quod aliquis dicat eum nescisse, aut de opinione ista scripsisse, ipse opinetur & erret. cùm vir ille insignis peritiâ rerum & honoribus, in ipsis iis locis Praeses fuerit Dalmatiæ, Pannoniæque. Itaque scire omnino potuit, & debuit, in curâ istâ rerum scribendarum. Vereor ut Iouius sit, quod etiam alibi, auditionum facilis, & parum diligens examinis aut veri. Sed ut dixi, vicini aut inspectores arbitrantur. Ait Dio amplius: Pilarum interuum fuisse centum septuaginta pedum. Ita me Deus (nam exclamo) grande hoc concamerationis spatium, nec efficiendum, nisi altitudo illa Pilarum accessisset, & tardè ac lentâ inclinatione fornix surrexisset. Præterea, mirari se quomodo in tali profun-

profundo flumine & verticibus Pilæ firmatæ.) Ego tecum, ô Dio, miror: & maximè, cùm neges auerti flumen potuisse aut derivatione exhaustiri. Difficile omnino opus, & fundamentorum molitus talis è lapide: si sublīcarum & materiæ res esset, aliud esset. Sed heus tu Hadriane! si citare Imperatorem fas, dica & lis tibi apud me sit, fortasse & punitio: quòd tamē pontem vix benè structum destruxisti. Dicam tibi verum vel mortuo? Inuidisti optimo maximoque Principi, & habere super omnes gloriam voluisti magis, quam meruisti. Valete Opera publica: quin tu etiam, mi Auditor, in crastinum vale aut salue.

C A P. X I I I .

Priuatorum hominum Urbana aut Rustica ædes.

A V.D. Ego verè nec valeo nec salueo (da veniam immo-
destiæ:) nec amoliris me, nisi nomine plenè persoluto.
An non, post Publica opera, pollicebaris Priuata? & certè ita
disponebas; nec tam madidâ memoriam sum, vt hoc effluxerit.
LIPS. Disposui, haud nego: sed fatigor, nisi quòd in extremâ ta-
men calce, vt cursores, spiritus & vires excitabo adspectu ipso
metæ. Priuatis igitur Operibus duo nunc considero, Domos &
Villas. Illæ fuerunt in tam splendidâ & nitenti vrbe, pro ipsâ vr-
be, & vt pulchri corporis apta ac decora membra. Domus dico
magnificæ, ornatae, instructæ, columnis, marmore, auro, sta-
tuis: & quidquid excogitare ambitio aut luxuria poterat. Sed
eædem etiam laxæ, patentes: quod docuerint satis Valerij hæc
verba, de Cincinnato, cui quattuor sola iugera aranti non solum (vt
inquit) dignitas patris familiæ constituit, sed etiam Dictatura delata est.
Et tum comparatione quadam & indignatione addit: Angustè
se habitare nunc putat, cuius domus tantum patet, quantum Cincinnati
rura patuerunt. Nec est in sermone supergressio: reuera amplæ
domus, & præsertim magnatum virorum procerumq;. Quas
& P. Victor ac Notitia imperij propriæ Domos appellant, & ab
Insulis distinguunt. Itaque computant, Insulas totâ vrbe quadra-
gintæ sex millia sexcentas duas, Domos mille septingentas octoginta
fuisse: harum longè minore numero, vt quæ tanto grandiores,
instructioresque essent. Enimuerò grandes instructæque: &



DE MAGNITUD. ROMANA

Apuleij hæc attende. Igitur illas ædificiorum species, in quas PARTRIMONIA SVA profuderunt, amœnissimas & exstructissimas deprehendas: aulas AEMVLAS VRBIVM conditas, domos VICE TEMPLO-RVM exornatas. Sed clatius Olympiodorus (in Bibliotheca Photij:) Oτιένασος τῷ μεγάλῳ οἴκῳ τῆς ρώμης, ἀπόστρατη εἶχει ἐνταφίεσσι πόλις σύμμετερη τῷ ιδιωτικῷ ἔχειν ιππόδρομον, καὶ φόρους, καὶ ναούς, καὶ πηγὰς, καὶ λεπτές δέσμοφορα. Μὴ πάλι οὐ συγχρεαφέος απεφθέξετο.

Εἰς δέ οὐ πᾶσαν πόλιν πάσαν μέρεα ταῦτα.

Quæque magnarum domuum omnia in se ipsa habet, quecumque MEDIOCRIS VRBS possit continere: nempe Circum, Fora, Templa, Fontes, Balnea diuersa. Ideo & poëta dixit,

Vna domus VRBS est. vrbs OPIDA PLVRIA claudit.

Examina & nota, mira sunt: sed Martiali etiam paucis versibus comprehensa, In habentem amœnas ædes:

Daphnonas, platanonas, & aérias cyparissos,
Et non unius Balnea solus habes.
Et tua centenis stat Porticus alta columnis,
Calcatusque tuo sub pede lucet onyx.
Pulchrumque fugax Hippodromon vngula plaudit,
Et pereuntis aquæ fluctus ubique sonat.

Sunt ipsa, quæ Olympiodorus dixit, exceptis Foris: quæ intellegas fuisse hypethra quædam & subdiuaria, inter illas Porticus, & statuis alioque ornatu, in Fori faciem. Plinius: Mox Forum & in domibus priuatis factum, atque in atris. Honos clietum instituit sic colere patronos. Hoc ille, ubi de Statuis, in priuato ita dispositis. Sed ut in re maneam, talis igitur laxitas: quid Apparatus & instructio? Communiter ita Seneca: Quid inter pueros & nos interest? nisi quod nos circa Tabulas & Statuas insanimus, carius inepti. Illos reperti in litore calculilæves & aliquid habentes varietatis delestant, nos ingentium maculae COLVMNARVM, siue ex Ægyptiis arenis, siue ex Africæ solitudinibus aduecta, porticum aliquam vel CAPACEM POPVLI canationem ferunt. Miramur parietes tenui MARMORE inductos, cum sciamus quale sit quod absconditur: oculis nostris imponimus. Et cum AVRO tecta perfundimus, quid aliud quam mendacio gaudemus? scimus enim sub illo auro foeda ligna latitare. Primum in ipsâ domo est, Columnarum dispositio, & è lōginquis petitatum: de quibus Plinij obiurgationes, si quis volet, legit, & de generibus

LIBER TERTIUS.

ribus pretiisque earum totus liber eius existit. Et quidem notat in vnâ Cænatione Callisti, Claudiani liberti, triginta se vidisse, easque è Sudine lapide Germanico, cui ingens tunc pretium & nouitas. Idem, in atrio Scauri collocatas maximas, atque adeò duodequadragenūm pedum, Lucullai marmoris. Vide hanc altitudinem in uno atrio, quam multæ domus totæ vix æquant. Alterum in Senecâ, Parietes marmore inducti: quod genus Incrustationes Latini, Græci Maruapæsic dicunt. Primum autem Romæ parietes crustâ marmoris operuisse totius domus sue, in Cœlio monte, Mamurram equitem Rom. Praefectum fabrū Casaris, Plinius tradidit au-
tore Nepote. Id non aliud fuit, quam marmor in tenues cru-
stas sectum parieti imponere scitè, & proectorio ei dare.

Lucanus: Nec summis crustata domus sebisque nitebat
Marmoribus.

Declamator apud Senecam patrem: In hos ergo exitus varius ille secatur lapis, ut tenui fronte parietem tegat. Secandi autem ratio (in Plinio, & Isidoro) arenâ, & serrâ, in prætenui linea versante arenas, traetuque secante. Et nos in Italâ hodie vidimus fieri. Tertium, Auro tecta perfundi. Significat laquearia inaurari tota solere, quod passim scriptores & tradunt & damnant. Musonius apud Stobæum: τί δὲ αἱ ωχίσυλοι ἄνθαι, τί δὲ αἱ πομίλαι γένοις, τί δὲ αἱ γενοβεροποτέραι; Quò pertinent hæc atria Columnata? quò variae istæ colorationes? quò aurata lacunaria? In secundo enim membro (ut mea versio est) χρωστεοι cupiam, & ad marmora variegata parietibus imposita referam, vel etiam ad Musiuum opus. Nam ita & Mamertinus, ad Julianū: Neque ei comparanda sunt PICTVRATAE marmorum crustæ, & SOLIDO AVRO tecta laquearia, qui maiorem anni partem in nudâ humo cubat. Ibidem & solidum aurum in Lacunaribus notes: quod passim in poëtis, ut in Statio:

Et nondum CRASSO laquearia fulua METALLO,
Montibus aut altè Graijs effulta nitebant
Atria.

Qui montes etiam Graios poëticè nominat, grandes illas sublimesque columnas. Idem de vtroque:

Pendent innumeris fastigia nixa columnis,
Robora Dalmatico lucent sociata metallo:
Sed & Lucanus, de Cleopatra regiâ;

* Vulgo
satata.



DE MAGNITV D. ROMANA

Ipse locus, templi (quod vix corruptior etas
Exstremat) instar erat, laqueataque tecta ferebant
Diuitias, crassumque trabes absconderat aurum.

Quibus versibus tamen plusculum etiam latet, & trabes quidem auratas fuisse vult: sed cameram gemmatam, eboratam. Vtrumque enim & horum fiebat, ad splendorem & varietatem: præsertim in templis (cum templo autem Lucanus comparat) ut quasi cælum imitarentur. Arnobius de templis ipsis differens: Sint ergo hæc licet aut ex molibus marmoreis stræta, laquearibus aut renideant aureis, splendeant hic gemmae, & sidereo euomant variata interstitione fulgores: terrasunt hæc omnia, & ex face vilioris materiae concreta. Et tu, mi Auditor, obiter & hoc adde ad templorum suprà ornatum. De ebore autem, in Ciceronis Paradoxis: Tecta ebore & auro fulgentia. In Propertio:

Quòd non Tænaris domus est mihi fulta columnis,
Nec camera auratas inter eburna trabes.

Non leues porrò inductiones, aut ut poëta loquitur, sputa fuisse, Panegyricus ostendit: qui SOLIDO AVRO tecta laquearia commemorat, & poëtæ suprà, Crassum aurum dixerunt. Hieronymus autem in Epistolâ quadam, longius etiam hoc producit, & ad parietes ac columnas. Viuimus quasi alterâ die morituri, & adificamus quasi semper in hoc sæculo victuri. Auro parietes, auro laquearia, auro fulgent capita columnarum. Sed alia hîc etiam & ingeniosa luxuria. nam lacunaria ista versatilia faciebant, & aliâ atque aliâ subinde facie conuiuas delectabant. Seneca alibi: Versatilia cænationum laquearia ita coagmentant, ut subinde alia atque alia facies succedat, & toties tecta, quoties fercula, mutentur. En, priuata ingenia & luxuriam: quid existimas Principes tētasse & fecisse? Nero Cæsar in vestibulo ædium suarum Colossum centum & viginti pedum posuit. Hoc principiū: deinde porticus triples milliarie, item stagnum, maris instar, circum septum ædificiis ad urbium speciem. Rura insuper, aruis, atque vinetis, & pascuis, siluisq; varia, cum multitudine omnis generis pecudum ac ferarum. In ceteris partibus, cuncta auro lita, distinetæ gemmis, vñionumque conchis erant. Cænationes laqueata tabulis eburneis versatilibus, * ut flores, & fistulatis, ut vnguentæ de super spargerentur. Præcipua cænationum rotunda, quæ perpetuò, diebus ac noctibus, vice mundi circumageretur. Ita verbatim ista Suetonius:

Ad Gau-
dienta.

Epist. xci.

* Ita iam-
pridè publi-
cè legèdum
docuimus.

LIBER TERTIVS.

nus: multa ADMIRANDA, si tu singillatim explicas & in rem ducis. Sed vnum in hac Principum insaniâ (ita appellanda est) Plutarchi testimonium suffecerit, qui de Capitolij magnificâ & impendiosâ structurâ cùm disserisset, addidit. Quòd si quis hunc Capitolij magnificum instruclum miretur, idem si Domitian in aulâ vnam Porticum, vel Basilicam, vel Balneum, vel pellicum Dietam viderit; exclamat cum Epicbarmo,

Non liberalis aut benignus tu clues,
Profusione gaudes.

Dicit satis clarè, omnia illa Capitolina (quæ & quanta, antè diximus) nugas & quisquilias videri, præ vno membro aliquo Palatinæ domus. Quod mihi quidem stuporem incutit, non dissimulo: & iam lingua hæret. AvD. Soluam eam quæstiunculâ. Dixti auro distincta vel ebore laquearia, an non & siluis? id est, an non ibi tales species, & intermixtæ veræ aues? Nam Rutilius Gallicanus hoc dicere videatur, in Romæ laudibus.

Quid loquar INCLVAS inter laquearia SILVAS,
Vernula quâ vario carmine ludit avis?

LIPS. Poëtæ, aut poëtarum potius, vulgatam phrasim non attendis: nec inter laquearia propriè, sed οὐκενδοξμας inter tecta & domos includit eas silvas. Luci enim & arbusta in magnis istis ædibus erant: imò & super ædes, quod mireris, erant. Sene-
cam auctorem do, qui, ut solet, castigans & increpans suum æuum: Pomaria, inquit, in summis turribus serunt, quorum silua in tectis ac domorum fastigis nutant, inde ortis radibus, quòd improbè ca-
cuminæ egissent. Atque ego Bruxellæ meæ (quam ut alteram pa-
triæ colo) hoc vidisse memini, sponsione ita factū; sed in breue aliquod tempus, & cùm domus oneri illi non diu esset. Satis de Domibus: ad Villas eamus. vtinam, vtinam! sed hæc pericula & latrocinia, domo & vrbe nos claudunt. O IScanum meum, cur non liberè te fruor & interuiso? cur natali illo aëre & aquis non me recreo? Da deus hoc ante obitum, & pedem atque animum vagum per rura & hortos illos ferre. Sed Villas tamen Romanas animo & memoriâ lustremus, vt vel disposui anteà, vel promisi. De iis hoc vniuersè Strabo pronunciat, vbi de Pisis & Liguariâ scribit: Esse ibi lapicidinas & materiem ad ædifica vberem, sed quam Romani ad ædifica ferè sua in vrbe aut & Villis consumunt:



162 DE MAGNITUD. ROMANA LIB. III.

Villis, inquit, in quibus velut more Persarum REGIAS QVASDAM struunt. En, Praetoria aut Villæ totæ eorum, Regias, & quidem Persarum, referunt: quid maius ampliusq; in hanc rei dicam? Vis specimen tamen aliquod in vnâ Villâ? Capitolinum audi: Exstat Gordianorum villa viâ Prænestinâ, DVCENTAS COLVMNAS uno peristylo habens, quarum quinquaginta Caryæ Claudiæ, quinquaginta Sienitides, quinquaginta Numidicæ, pari mensurâ sunt. In quâ BASILICÆ CENTENARIAE tres: cetera HVIC OPERI CONVENIENTIA & THERMÆ, quales, præter urbem, nusquam in orbe terrarum. Tu si lubet, per te singillatim lustra: ductorem me ultrâ non habes. Sed nec Hadriani Villam in Tiburtino ingero, cuius superbæ reliquiæ exstant; quid tot aliarum in solo Latio, & circa Romam? Vidimus ipsi apud Ostiam & Ardeam ruderâ: & per silvas illas aut vepreta, quot Columnæ, aut earuin frangina, cryptæ, porticus, & disiecta ædium membra? O Deus, quæ mutatio? quâm hæc cogitatio me ad te trahit, infirma & incerta hæc omnia humana spectantem, & spernentem? Sed desinimus de Operibus & Româ: quam decoramus Constantij Imp. elogio, apud Ammianum. Is enim visis plerisque cum STVPORE HORRENDO, de Famâ querebatur ut inualidâ vel malignâ, quòd augens omnia semper in maius, ERGA HAEC EXPLICANDA, QVAE ROMAE SVNT, OBSOLESCIT. Si fama non potuit adæquate, multiplici suo ore & lingua: quid ego meo sermone tenui, sine sensuum subsidio, pertenues conjecturas eunte? Sed tu, aliique, nec dicta suspicamini: & quidquid maximum conceperitis, fortasse nec id par erit. Philosophemur autem breuiter, duce Hormisdâ: qui regij Persarum sanguinis, à Constantio interrogatus in re præsentî, Quid de Româ sentiret? Id tantum sibi placuisse dicebat, quòd didicisset IBI QVOQVE HOMINES MORI. Mori mi Auditor, mori: & vbi hæc omnia præclara, ampla, ADMIRANDA? quæri vides, vbi qui fecerunt ea, aut moliti sunt? periisse vides. Cogita, & tibi applica, nosipsi, qui hæc meditamur aut loquimur, post aliquot annos, dies, horas, puluis, vmbra, nihil. Nunc vale, & abi.

I. LIPSI

163

I. LIPSI
DE MAGNITUDINE
ROMANA
LIBER IIII.

CAPVT I.

Transitum ad Virtutem Romanorum, & ea in genere prædicata.



V.D. Meridies abiit, ego me tibi sisto. Lips. Video, sed quid ita tristore vultu? Avd. Nec læta adfero. Lips. Quæ? Avd. Tibi. Lips. Quæ inquam? Avd. Vereor dicere. Lips. Aude. nec ego ex his fatuis, qui ignorare mala, mederi censem. Avd. Obiit tibi ex amicis tuis. Lips. Hem! ex amicis? effare. Avd. In Galliâ. Lips. Quis ibi? Avd. Vir doctus. Lips. Ede nomen. Avd. Et probus quoque. Lips. Enecas. et si ab his notis propemodum iam scio Petrum Pythagoræ esse. Avd. Diuinasti. obiit. Lips. At tu me vulnerasti. sed quo fato? Avd. Suo, & illâ quam Augustus optabat, ^{*Davaracia} _{cili.} morte for. Lips. Virum magnum Gallia amisit, & inter publicas clades aut iacturas hanc quoque licet ponas. Sed ab exemplo disce, quâm non temerè heri clauerim & monuerim de morte. Avd. Profectò præsagium fuit: sed tu perge ad nostra. Lips. Inter hæc tristia, ad illa amœna? durus es. Avd. Quid ergo? dum viuo, non vis me viuere? Et ego Pythagoræ nostro bene esse spero, & gaudere ac ridere in beatissimis locis: cur doleam? Theodosius Imperator, qui variè in imperio iactatus, cùm mors instaret, inscribi sepulchro suo hoc vnum verbum iussit, TIEIA; id est, SANITAS. Profectò illa medicina morborum, refugium & asylum malorum est: & in mundi his fluctibus portus, quem sapiens nunquam fugiat, imò (Deo vocante) totis velis in eum feratur. Tu autem hoc magis perge, quòd iam non amœna, vt aiebas, sed potius utilia aut sapientia dices; & vt partitio erat, de Viris ac Virtutibus Romanorum. Lips. Ita est, quartus hic noster limes: & libentiū insistam ac decurrām, quia tali argumento.

X 2

Cur



Cur apud te dissimilem? finis & fructus præcipuus mihi studiorum aut lectionum, hæc talia excerpere, & exempla aut dicta enotare ad sapientiam ac virtutem. Fabulemur autem, si placet, ambulantes. Amat valetudo, & lingua hæc magis soluit in motu. Cōmuniter igitur primūm (nec ordo hoc abnuit) laudemus Romanos: tum & distinctius quædam addamus. Plinius enunciatio est: *Gentium in TOTO ORBE præstantissima vna, & in OMNI VIRTUTE, haud dubiè Romana exsilit.* Appellas ab hoc iudice, & suspectum de Romanis Romanum habes? Accipe Græcum, & Ammianus prodeat, qui brevibus & grauibus verbis, *Romam imperij VIRTUTVM QVE OMNIVM larem dixit.* Quid homo Gothicis sanguinis, Cassiodorus? *Roma VIRTUTVM OMNIVM latissimum templum.* Profectò sedes suas per aliquot sæcula ibi habuere, nec iniuriâ ipsi Romani templum struxere HONORI pariter ac VIRTUTI. Vtramque colebant: sed & Fortunam etiam: id est (vt rectè interpretemur) Prouidentiam & Fata ab alto, quæ incredibile est, quām prepresso nec tardanti pede secuta sunt Virtutem. His duobus incrementa sua Roma debuit, his duabus statum suum & firmitatem. Nullum imperium mihi dabis, & tam magnum simul, & tam diuturnum. Iure igitur Ammianus: *Roma vt augeretur sublimibus incrementis fædere pacis æternæ VIRTUS CONVENIT atque FORTVNA, quarum si altera defuisset, ad perfectam non venerat summitatem.* Conuenerunt autem ita, vt vtraque suum opus facere niteretur, & pñè dissidium esset in euhendo. Plutarchus alibi hoc vberitatem edisseruit: & breuiter ac neruosè Annœus Florus extulit, *Ad constitutum Romanum imperium, VIRTUTEM ac FORTVNAM contendisse videri.* Sed amica contentio fuit: in quâ tamen vicit, si Rutilium iudicem capis, ipsa Virtus. Nam ille sic Romanum adfatur:

*Quot regnas, minus est, quām quod regnare mereris,
Excedis FACTIS grandia FATA tuis.*

Pulchrè. & habuit igitur Fortunam, siue cælitum illum fauorem; sed habuit à caussis, quas iidem cælites, per virtutum gradus nexusque, præstruxerunt. Ut id liqueat, videamus primūm vniuersè qui Viri in imperio illo fuerint, & tum quæ Virtutes.

Triplex ordo in populo ostensus, & quisque in suâ parte laudabilis.

VIROS considero dupliciter, & eos qui in Magistratu, Imperiis, Consiliis fuerunt, id est *Capita reipublicæ*: & parte alterâ, *minora etiam membra*, id est Populum & eos qui paruerunt. Dico utrosque egregios fuisse, nec quibus alia gens facile aut ex vero (de Religione, hinc non est sermo aut quisitio) comparetur. Primores igitur illi in duplice discrimine sunt, *Senatores Equitesque.* Illos si inspicias, qui propriè sedebant ad clauum: proh Deus, quanta grauitas, sapientia, maiestas? Ut qui ordinem eum *Ex REGIBVS constare dixit, vnuis veram eius speciem cepisse*, Lib. IX. Liuius videatur. Is fuit Cyneas legatus Pyrrhi regis: vir nec mentis nec oris egens, qui cum urbem lustrasset, atque etiam blandiloquentiâ & munificentâ variè tentasset, vnde repulsus, ad Regem rediit: & interroganti *Quid de hostium sede sen-* Flor. lib. I. *tiret?* *Vrbem TEMPLVM sibi visum, Senatum REGVM esse confessum fatebatur.* Profectò talis fuit, & nec sub Principum imperio nimis degenerauit. Cassiodorus de suo ævo: *Vrbs ornata tot EXMIIS SENATORIBVS, beata tam nobilibus populis:* etsi tunc quidem fateor discessisse ab illâ præstantiâ, & vt grande ædificium, paullatim mole suâ desedisse, & mox ruisse. Erant autem in illo Senatu, vt cum Lucretio hoc dicam,

Ductores Danaùm dilecti, PRIMA VIRORVM: eximij, inquam, ciuium, genere, censu, virtute. Nam hæc spectabant: nec temerè viles aut sordidos (etsi plebeios interdum, quos magna virtus eueheret:) inopes numquam, & improbos rarò admittebant, aut si tales, non tenebant. Censores enim (ò laudabile & diuinum institutum!) legebant hunc Senatum: atque iidem per singula lustra examinabant, ac relegebant: & si quis loco eo indignus, aut si quid in priuatâ etiam vitâ turpe aut maculosum, notabant & emouebant. Quomodo id siebat? silentio, & sine accusatione ullâ, aut causâ apud iudices dictione. Dumtaxat in recitando Senatu, quod publicè & sollemniter siebat, nomen eius præteribant, quem motum Senatu vellent. Ita cùm in albo illo non esset, nec in Senatu censebatur. Causa quidem



quidem iis mouendi semper erat, & hanc subsignabant, & voluntibus edebant: sed certare de eâ lite, nihil opus erat. iudicium sufficiebat: quod à tam grauibus viris (nam primores ferè Senatus erant) bonum meruisse, laus & approbatio habebatur, culpa & damnatio, triste. AVD. Pulchrum, bis pulchrum: sed cum eâ lege, si viri illi boni essent. quid si per affectum iudicasent? LIPS. Rarenter, aut vix euenissemus legimus. Nam voces statim omnium damnassent, & exagitassent: & factamen semel iterumq. euenissemus; quid magni mali, præ magno illo bono, erit? Non enim alia pœna, quam Ignominia: facile aut contemnenda, aut eluenda, qui publica iudicia aut testimonia pro se haberet. Denique alij Censores mox reponabant. Nam & hoc scire debes, non in grauibus & grādibus peccatis hanc Censuram interuenisse: ea enim legibus & iudiciis seruabantur: sed minoribus delictis, aut domesticis flagitiis. à quibus vacare & castos esse primos illos Ordines maximè volebāt, & quorum vita erat in exemplum. AVD. Iterum exclamo, Pulchrum! Sed dic sodes, multi igitur isti tam electi in Senatu? LIPS. Initio à Romulo centum facti, & Patres, iidemque Senatores, vel à curâ, vel ab ætate dicti. Postea ad trecentos creuere, & in liberâ Republicâ sic mansere, vsque ad Liuium Drusum. Is in Tribunatu, cùm opes Senatus vellet extollere, eosdem iudiciis etiam preponere, numerum auxit, & ad sexcentos fecit. Mansisse ita ad Cæsarem opinor, qui per bella ciuilia non opes solùm, sed honores multis largitus, amplificauit, & vel ad mille allegit. Displicuit Augusto, & magnâ curâ, atque iteratâ aliquoties recensione, purgauit: & denique ad modum veterem, id est sexcentos, rededit. Qui sanè satis amplius numerus, etsi in ampio illo imperio: atque ex his plerique, non solùm consiliis publicis semper adhibebātur, sed etiam in prouincias, ad imperia, aut exercitus mittebantur. Itaque curia hęc velut promptuarium erat, è quo statim Princeps caperet viros, ad omnia ciuilia aut militaria munia aptos, & suffecturos. Et hoc aspectu tenuerunt Senatum, grande vel vnicum fulcrum illius Principatus. Otho Imperator ipse, apud Tacitum: *Quid? vos pulcherrimam hanc urbem, dominibus tectis, & congestu lapidum, stare creditis? Mutatis & inanima intercidere, ac reparari, possunt: AETERNITAS RERVM, & PAX GENTIVM*

.H.11.

GENTIVM, & MEA CVM VESTRA SALVS, incolumitate SENATVS firmatur. Et elogia ista de Senatu, res & veritas multis dictauit. In Cicerone leges: *Senatum PRINCIPEM SALVTIS, PUBLICAEQVE MENTIS.* In Ammiano, *ASYLVM mundi totius.* In Cassiodoro, *Gloriosum Senatum, MORVM QVE LVMINA.* In Petronio, *RECTI BONIQVE PRAECEPTOREM.* Iam in Tacito etiam dicitur, *CAPVT IMPERII, & DECORA omnium PROVINCIARVM.* Cur nominatim de Provinciis? quia iam sub Principibus, ex omni regione capiebantur Senatores. Et ut ditissimi honestissimique Provincialium ciuitate donabantur, Equites siebant, ita & mox Senatores. Vtile inuentum, & ad populos sub vnum imperium firmiter colligandos. Symmachus eâ causâ scripsit: *Pars melior HUMANI GENERIS Senatus.* Cassiodorus: *Quidquid HUMANI GENERIS floris est, habere Curiam.* Et Panegyricus scriptor: *Sensisti Roma te tandem arcem omnium gentium, & terrarum esse reginam, cum ex OMNIBVS PROVINCIIS, Optimates viros Curiae tuae pigneraueris; ut Senatus dignitas, non nomine quam re esset illustrior, cum ex TOTIVS ORBIS flore constaret.* Alter autem ab hoc ordo est Equitum: qui & ipsi ab illis notis tribus probati, aut probandi. Nam de Genere, multierant è Senatoribus & Patribus orti: & certè liberti aut libertini, nec si Censum haberent (nisi beneficio Imperatorum) in hunc ordinem veniebant. Quod inferiore etiam æuo Alexander Imp. seruauit, de quo Lampridius: *Numquam libertinos in equestrem locum rededit, afferens SENATORVM SEMINARIUM equestrem locum esse.* Erant tamen ex ingenuis multi, & fere omnes qui Censum equestrem haberent. Is fuit *Quadringentorum:* id est, decies mille Philippicorum. Igitur latus hic ordo & amplius, vt tunc opes plerisque ampliæ erant: & ideo quod ad Vitam, coërcendus aut recidēndus. Apud veteres id quoque Censores feceré, siue in *Transuētione* (quæ tamen eorum modò erat, qui *Equum publicum* habebant) siue per lustra singula, cùm ordines digerebant & recognoscabant. Nam hīc quoque *Album* erat, siue tabulæ, & recitabant: quiq; primus ex iis nominatus, *Princeps iuuentutis* dicebatur. planè, vt qui in Senatu primus recitatus, *Princeps item Senatus*, augusto titulo, dicebatur. Sed cur *Iuuentutis?* an omnes iuuenes? imò viri plures & senes



168

DE MAGNITUD. ROMANA

senes erant: sed causa & origo, quod olim & primâ republicâ, pauci Equites, nec ferè nisi filij Senatorum. Creuit paullatim largiter numerus, & magnam ciuitatis aut ciuium partem comprehendit: sed nomen tamen Iuuenum mansit. Sed & Iuuenes antiquis dicti ad annum XLV. AVD. Iam semel iterumque de Senatorum filiis: non ergo iij Senatorij, aut Senatores? Lips. Cane eres: distinctione hoc dicam. Aliud *Senatus*, si Principum tempora adspicias, aliud *Senatorius ordo*. Ille certo numero stetit, vt diximus, & intrâ sexcentos, sub Augusto quidem: at iste, latius patuit, & iuuenes quoque ac Senatorum filij, sed & alij equites in eum cooptati. Censebantur enim Senatorij, qui ius lati clavi à Principe impetrassent: id est, insigne ipsum Senatorum. & in Senatum quidem iij veniebant, sed sententiæ ius fuisse non putabis. Institutum enim Augusti fuit, quod ipsis Suetonij verbis dicam: *Liberis Senatorum, quod celerius reip. assuererent, protinus à virili togâ latum clavum induere, & Curiae interesse permisit.* Hoc ita Augustus, sed restrictè, in *Senatorum liberis*: poste à Caligula etiam aliis quibusdam equitibus permisit. Permisit dico, aliique Principes; sed sic vt ab ipsis peteretur. Talis est ille Iulius Montanus apud Tacitum, *Senatorij ordinis, sed qui nondum honorem capessisset.* Hos ipsos Senatores interdum dici reperio, vt in Tacito: vbi Togonius Gallus censet, *Principem diligere Senatores viginti, sorte ductos, ad custodiam sui: & Tiberius custodes oblatos hos amoliens, Nam quos omitti posse, quos eligi? honoribus perfundatos, an iuuenes?* Intellegit hos nostros Iuuenes, qui nondum propriè Senatores, sed, vt ita dicam, Senaturiebant. Hi sunt, qui *Illustres equites* à Tacito eodem, atque aliis, ad discriminem dicuntur: & palam ipse Tacitus cum Senatoribus iungit, aut coequat. *Augustus, inquit, inter alia dominationis arcana, se posuit Ägyptum, vetitis ingredi, nisi permisso, Senatoribus, aut illustribus equitibus Romanis.* Sed ne abducamus à nostris Equitibus: genus igitur diffusum, & in vario discrimine: erant qui *Equo publico*, erant qui *Iudices*, erant communin nomine *Equites* dicti. illi qui *Equo publico*, tempore Dionysij Halicarnassæi, id est Augusti, ad *quinque millia* erant, aut supra, vt ipse vidit ac numerauit. Qui in *Iudicibus*, haud pauciores: imò plures ex Plinio scribente, *Iudicium non nisi quattuor Decurias fuisse primò, vixque singula millia*

in De-

LIBER QVARTVS.

169

in Decuriis, nondum prouinciis ad hoc munus admissis. Quâ adiectiunculâ notat, largiter plures suo æuo fuisse: cùm & Caligula *Quintam Decuriam addidisset.* Quid iam dicemus in reliquâ clas  eorum, qui immunes, fuisse? Atque isti Equites, quos Perseus rex apud Liuium ita laudat & insignit: *Equites enim illis, PRINCIPES iuuentutis, equites SEMINARIVM Senatus, inde lectos in Patrum numerum, Consules, inde Imperatores creant.* Quæ omnia satis clara tibi, ex iis quæ dixi. Supereft tertius ordo *Plebis*, de quo quid singulariter dicam, nisi triplici discrimine fuisse, Ingenuos, Libertinos, Libertos? Et in militiâ discrimin erat ab hoc Genere; itemque à Censu, sicut & in aliis muniis, si qua publicè subirent. Vita etiam Censuræ permissa: quam tamen neglexisse postea (malo sanè publico) Imperatores video, contentos duplē illum priorem ordinem recognosse. AVD. Satis decora & vtilis tota hæc Ordinum distinctio: sed vulgo & in occursu poterântne agnoscî? Lips. Poterant, & statim quidem, ab habitu. Nam etsi toga communis omnium ciuium vestis esset: tamen discrimina alia, ab aliis notis. Ut solis Senatoribus, aut istis quasi Senatoribus, ius *Lati clavi* gestandi erat: quod non aliud, quâ velut bullæ è purpurâ, & capita clauorum intacta aut inserta. Equitibus autem Aurei annuli, qui hunc ordinem, vt Plinius ait, à plebe distinguebant. Qui his duabus notis carebant, Plebs erant.

C A P. III.

Iustitia & Clementia in bellis.

VIROS igitur communiter iam vidisti, & in classes suas distinctos: ire per Magistratus & officia Ciulia aut Militaria, longum sit, nec nostri nunc sermonis. Etsi omnia ea optimè & prudentissimè instituta, siquâ vñquam in Republicâ: sed omittantur, & quod propositum, de *Virtutibus* addamus. Nam viros illos laudabiles, vel potius ADMIRABILES fuisse dico, idque à duplice virtute, *Militari vel Ciuli.* Illam in imperio & republicâ iure considero, vt tutelam eius, imò augmentum: sine quâ frustrâ aliquis status aut commune se iactet. Præmitto igitur, & duo hæc in Romanis, *Iustitiam ac Fortitudinem*, miror.

Y

Quod



Quod ad illam, nescio an alia gens consideratiūs, & caussis in Rationis trutinā libratis, bellū suscepit, quām ista. Nam plerique, aut Regum suorum arbitrio arma induerunt, aut primorum aliquot in Republicā, qui decernebant. Hic aliter. & nec Senatui, nec populo toti, plenum hoc ius, nisi cognitio & iudicatio sacerdotum publicorum interuenisset, quos *Fetiales* dicebant. Eorum arbitrio sumpta arma, posita arma: & religio, non solum iustitia, ea temperabat. Laudat & probat hoc vnicē Dionysius: & Græcos suos caruisse eo dicit: & sese ideo obiter expositurum, quid muneris & iuris habuerint: ut, inquit, quibus ignota ha-
bitenus fuit Romanorum. IN BELLIS RELIGIO, mirari desinat felices euentus plerumque habuisse. Nam omnium bellorum initia & cau-
sas, apparebit iustas fuisse: atque ideo Deos meritò proprios sensisse &
fauentes. AVD. Prudēs & pia scriptio Dionysij, fateor: sed an vera
Lipſi? Itāne omnia bella iusta, & à talibus caussis? Mirum sanè.
cū video tot regna aut regiones bello petitas, & subiectas, at-
que adeò in paucis annis, cū extra Italiā pugnare cœperunt,
domitum pñē vniuersum orbem. Singularis hæc occasio. vel
opportunitas, si omnes sic ordine lacererunt aut laceſſerunt: &
planè ponenda inter tua ADMIRANDA. Quin, quod res est, dici-
mus? Bella quædam iusta, non nego: plura à duobus malorum
ſtirpibus nata, Ambitione & Avaritiā. quod nec ipſi Romani
scriptores negent. Vis Sallustium audire? Romani arma in OMNES
habet, in eos acerrima, quibus viciis SPOLIA maxima sunt. Et iterum:
Romanis cum nationibus, populis, regibus cunctis, VNA & VETVS bel-
landi cauſsa est, CUPIDO profunda IMPERII & DIVITIARVM. Quid
Tacitus tuus, ille iudicij consideratus simul & liber? RAPTORES
ORBIS, postquam cuncta vastantibus defuere terre, & mare scrutan-
tur. Si locuples est hostis, AVARI; si pauper, AMBITIOSI. quos non
ORIENS, non OCCIDENS satiauerit. Audis, Lipſi, præclara hæc
elogia? & ab ipsis quidem Romanis: nec tu veste aut colore
aliquo sermonis facile hæc teges. Lipſi. Suauiter rideo. AVD. Ita
video, cur autem in re seriā? Lipſi. Nam tuam hanc mali-
tiam (imperitiam dicere non possum) quī non rideam? qui ver-
batedare mihi censes, in his quasi Romanorum verbis, quæ
reuera hostium esse non ignorō. Nónne priora illa Mithrida-
tes apud Sallustium profert, altera Galgacus apud Tacitum?

Mirum

Mirum autem, si ij benè honesteque de Romanis loquantur
aut sentiant, qui viris & equis expugnatū eos eunt & euer-
sum. O tuam dissimulationem! quasi nescias decorē hæc hi-
storiis inseri, non quia probè aut verè, sed quia probabiliter
ab iis dicta. Nam talia non desunt, nec vñquam deerunt,
magnis imperiis obiectari. Miserabiles enim ferè victi sunt,
& fauimus imbecillis, & passi iniuriam videntur, quia non
fecerunt. Atqui terras eorum invaserunt, & ceperunt. Quid
ergo? libet & impunè læſisse vis? incipere bella, in alienā ma-
nu est: non ponere cūm lubet, & vt lubet. Amittere sua non
iniuste incipit, qui aliena aut alios iniuste læſit. Sed enim or-
do iste mirificus, & inter mea ADMIRANDA referendus, vt
aiebas. Ego tecum hoc sentio, & arripi: & admirabilem
planè hic habeo Prouidentiam diuinam. Itāne serie quadam
bella ex bellis nata, prouinciae ex prouinciis subactae? Illa cau-
ſas dedit, aut permisit: & semper dupli hoc titulo Roma-
ni vñsi, vt aut pro Salute arma caperent, aut pro Fide. Pro illâ,
vbi res eorum ageretur; pro istâ, vbi Sociorum. Et hoc de Sociis
latè patuit, & est illa catena, quæ bella & terras coniunxit aut
subiunxit. Cicero verè & liberè: *Noster populus, sociis defendit, TERRVM OMNIVM potitus est.* Verè inquam: & vis
pauca exempla? Ecce Carthaginenses validi sunt, imò æmuli
virium Romanarum. obstant crescentibus: quid fit? remouen-
dus ille obex, & cauſam ipſi præbebunt. Siciliam inuadunt, &
Mamertinos: isti ad Romanos appellant, vt Socios. Veniunt,
subueniunt, pellunt eos, & quæſita iam ipsis ad se trahunt. Fit
pax, & Sardinia etiam Siciliæ adiicitur, concessu ipsis. Vi-
des augmentum? Sed enim iam fistimus, & illi manent ac flo-
rent? non. in Hispaniam malâ cupidine transſtant, arma
etiam Saguntinis inferant, & amicum ſociumq; Romanis op-
idum euertant. Bellum ergo iterum iustum: quo fine, & fru-
ctu? Vici illi, & in Africam compulsi, Hispaniā aucti Roma-
ni. At enim Græcia & Macedonia iam defunt. Vis iuste da-
ri? Philippus Macedo fœdus cum Annibale coibit, Romanos
& Græcos simul laceſſet: atque isti eos aduocabunt, & ſibi pri-
mū, mox & Macedonibus, imponent. Talia in Antiocho,
Iugurthā, ipſo Mithridate. qui ſceleratissimus non regum,

Y 2

ſed



172

DE MAGNITUD. ROMANA

sed mortalium, quid de fraude veliniustitiâ Romanorum queritur? vt volet, ipse ab illis & nobis audiet, *Vt vici*. Non dicam pereant, sed tamen pareant, qui vincere aut quiescere non potuerunt. AVD. Hem! acriter tu pro Romanis: sed ex animi tui sententiâ? LIPS. Ex sententiâ: saltem de antiquis illis Romanis, & ante Sullam ciuili bello nondum infectis &, vt sic loquar, decoloratis. Pleraque omnia tunc pura & iusta: & liceat cum Rutilio, verè de Româ dicere,

IVSTIS BELLORVM *caussis*, nec PACE *superbâ*,

Nobilis ad SVMMAS gloria venit OPES.

At posteà degenerarunt, Auaritia & Ambitio quædam dictarunt, ad hoc Rationis examen non dirigenda. AVD. Iam remissiùs, & laudo. quid tamen in Rutilio audio, nec *Pacem superbè* dedit? Imò raro dedit, aut impotenter & superbè dedit. LIPS. Neque id tibi dabo. Quosdam populos puniuit, fateor; sed non nisi imperio suo, & stipendiario illo iugo. Quàm multis autem & pacem indulxit, si vti eâ potuissent, aut voluissent? Ipsis Carthaginensibus bis: Philippo etiam, & Antiocho, & Tigrani: atque hos omnes cùm pellere terris in eorum manu esset; contenti fuerunt restringere, & vt imagine hac vtar, pennas incidere, nec temerè & lasciuè sic euolarent. Sed satis super Iustitiâ.

C A P V T I I I .

Fortitudo Romanorum militaris.

Fortitudinem in militiâ nunc consideremus. Quid tamen hîc diffundar? nónne satis in ROMANA MILITIA meâ feci? Opinor: sed argumenti & contextus etiam eaussâ, pauca dicantur. Aio igitur & Milites & Duces præstantissimos huic genti fuisse, & in omni æuo ADMIRANDOS. Vide mihi legiones illas, quæ binæ iunctæ, & cum totidem Sociis, equitatu autem *mille octingentorum*, ad quæcumque bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel cælum diruere* eas potuisse? Ecce gigan tes nouos, & veros, nec è fabulis petitos. An non tales tibi videbuntur, si in *Opere, Agmine, Acie,* paulisper

LIBER QVARTVS.

173

paulisper eos consideras? Quod ad Opus, fodiebant, vallum & fossas ducebant; aggerem, testudines, turres struebant: omnia celeriter & industriè, vt fidem superet paucos homines tanta, in tantulo tempore, struxisse. In * *Poliorceticis* meis dedi exempla. Iam de Agmine, quid istud est? arma omnia peditem ferre, cibos semestres aut menstruos, vtsilia, & septenos aut plures interdum vallos. Iumentum ita oneres, negabis par futurum. Adde ordinem in toto incessu, à signis non discedere, pari passu omnes ambulare, decurrere etiam, cùm opus eslet, in plenis armis. Denique in acie quis par Romano miles erit? nam non fuisse quidem, id constat. Cum omnibus gentibus, omni generre armorum aut pugnarum, concurrerunt: ecquando victi sunt ignauia suâ aut culpâ? nam hoc addendum est: & optimus ille miles semper potior, nisi mens & directio impediret imperiti aut temerarij Ducas. Liuus gloriatur: *Absit inuidia verbo, & ci- Lib. ix. uilia bella fileant, numquam ab EQVITE hoste, numquam à PEDITE, numquam APERTA acie, numquam æquis utique locis laborauimus.* Vera dictio, & trophya victarum gentium adstipulantur. Grecos aut Macedonas aliquos mihi compones? Pyrrhus ipse Macedo refutabit: & cùm Romanæ militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare, aut mihi Romanis militibus, aut Romanis me rege!* Atqui si quisquam Regum bono & veterano milite instrutus fuit, is fuit. Quid autem mirandum tales fuisse, apud quos, à primâ adolescentiâ, vita omnis in armis, honos omnis ab armis erat? Nemo honestiorum ad remp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem operæ pretium est in hac re audire: *Quinetiam in militari disciplinâ vos, o Romani, omnium aliorum inscitiam coarguistis.* Nec enim contra hostes dumtaxat milites vestros ac Duces, sed inter se primum committitis & exercetis. Ita fit vt COTTIDIE STENT IN ACIE, nec vñquam quisquam LOCO CEDAT, sed vt in eterno & cœlesti choro, quisque stationem suam cognoscat & seruet. Reuera ita est: & de statione quod ait, quis nescit locum in acie, vel in præsidio, militi seruandum,

Y;

vel

* Itemque
in Militiâ.



vel moriendum fuisse? Leuiter ab eo discedere, à virtute erat abire: vt seueritas quidem volebat saluberrimæ illius Disciplinæ. In de contemptus periculorum & hostium: & in medios illos vel exiguam manum si Dux misisset, quis non sine cunctatione parabat? Exemplum illustre & notum, sed ADMIRABILE est, in bello Punico primo. Consul parum prouidè suos ductans, in locum humiliorem, & collibus vndique cinctum, insinuarat. Hostes aditus insederant, & sine ferro confectum bellum videbatur. Ibi Tribunus consilium suppeditat: *Consul, inquit, videt tu collem illum, ab hostibus nondum occupatum: illuc censeo mitterandam cohortem aliquam militum, si te & alios vis saluos.* Hostes enim in illos irruent, interea tu, si vir es, te explicabis, & peruades. Placuit Consuli sententia, & vera erat: nec de militis obedientiâ dubitabat, sed Duce, inquit, illum qui in certam mortem eat, quem habemus? Me ipsum, ait ille. Dictum, factum, quadringenti ad moriendum profiscuntur, & cadunt: solus Tribunus inter mortuos, semimortuus ipse, repertus conualuit, & saepè utilem operam reipublicæ postea nauauit. Viros istos tali robore, tali obedientiâ, alibi mihi dabis? Spartanos tamen excipio, solos dignos qui cum Romanis comparentur, si vires & copiae maiores fuissent nam alia non degenerant. Sed hæc infelix audacia: illa lætior. cum Punico item bello, fugientem eorum classem, pedites in mare se coniicientes & natantes, quasi in camporum firmitate aggressi, manibus suis in litus retraxerunt. Paullò vetustiora ista sunt: ecce magis noua exempla. Bello Africano ciuili, Centurio Cæsar is cum aliquot veteranis in mari captus, ad Scipionem aduersarium Duce, perductus fuit. Ibi Scipio clementer vitam statim offerre & honorem, si deficeret a Cæsare, & pro se stare vellet. Ille autem contraria horrari vt ipse desisteret, neu contra tam inuictum virum & copias pugnaret: *Quæ, inquit, cuiusmodi sint, si minus antea expertus es; licet nunc cognoscas.* Elige ex tuis cohortibus unam, quam putas esse FIRMISSIMAM, & constitue contra me. ego autem ex meis commilitonibus, quos nunc in tua tenes potestate, NON AMPLIUS DECEM sumam: tum ex virtute nostrâ intelleges, quid ex tuis copiis sperare debeas. Ita Hirtius, siue Oppius, siue Balbus, castè & puriter hæc narravit. AVD. Légi equidem, & memini; sed quid nisi militaria & vanæ hæc verba sunt?

Nam

Nam vt decem contra quadringentos consistant, nulla ratio aut exempla dicent. LIPS. Rationem nunc omitto, et si ea quoque in veterano isto robore est: sed exemplis hoc firmari potest. Non tu in eodem Hirtio legisti, Numidarum copias, in corona modum, Cæsar is copias cinxisse? Cæsariani interim, inquit, NON AMPLIUS TRES aut QVATTUOR milites veterani si se conuerissent, & PILA VIRIBVS CONTORTA in Numidas infestos coniecerint, AMPLIUS DVORVM MILLIVM, AD VNVM terga vertebant. Hoc etsi mirum, tamen verum est: & nisi fallor, ipso illo scriptore arbitrio & inspectore gestum. Sicut quod idem eodem bello, de Gallis nostris tradidit: *Accidit res incredibilis, vt equites MIVS TRIGINTA Galli, Maurorum equitum duo millia loco pellerent, vngerentque in opidum.* Vis nominatim & L. Sicium aliquem citem, qui centies & vicies in aciem descendit: sex & triginta spolia ex hostibus rettulit: octo ex prouocatione occidit: quinque & quadraginta vulnera pectora exceperit, tergo nullum? Vis Cassium Scæuam? qui in Britannico litore, cum quattuor commilitonibus in scopulo relictus, cum mari abundante hostibus adire fas esset, atque iij confertim irruerent, desertus ab aliis, solus impetum sustinuit, multos deiecit aut occidit, denique armis suis onustus, solo scuto abiecto, in mare se dedit, & ad Cæsarem natauit. Qui stupens ad viri virtutem, laudare parabat, at ille disciplinæ memor, *Daveniam Imperator,* inquit, quodscutum reliqui. O dictum, factis illisq; laudabilius? & quid à tali animo, non enim iam manibus solum, non species? Idem Pompeiano bello, ad Dyrhachium castello præpositus, solus in portâ consistens, contra Romanas, Romanas dico legiones & copias, id seruauit. Quo tempore oculus ei effossum, humeri traecti & femur, scutum centum triginta ictibus perforatum. Fabellas recitat hodiernis militibus videamus: sed nos res dicimus, tanq; hercules quam cum *Onera aut Opera* narramus, adeò non imitanda, vt nec credenda. Sed in victoriâ quid milites istos miror? magis pœnè in clade & morte. Miles in Cannæsi prælio, cum vulneribus confectus, manus etiam mutilatus esset, spoliare se conatis Numidæ ceruicem brachiis inuadens, ad se traxit, & naribus atq; auribus corrosis (cum alia tela nō essent, aut tractare nō posset) deformè cadauerat spicentibus



tibus reliquit. De uno loquor: sed quinam illi viri fuerunt (Flori verba dabo) quos ab elephantis obrutus Pyrrhi prælio accepimus? omnium vulnera in pectora, quidam hostibus suis immortui, omnium in manibus enses, & reliæ in vultibus mine, & in ipsa morte ira viuebat. Vide mihi istos, non homines, sed Martes, si fas dicere: & nec viatos quidem, vincendos. Satis de Militibus, transeo ad Duces: et si quomodo non isti omnes Duces? Imò quod Thucydides de Lacedæmoniis scitè dixit, ὅτι ἀερ, πλευραὶ τοσαντοὶ ἀπόχονται, ἀπόχονται εἰσι: quod, paucis exceptis, exercitus eorum DUCES DVCVM essent: id profecto in Romanos conueniebat. Sed tamen Duces etiam aliqui eximij: ut parens ille Romulus, ut M. Furius Camillus, ut L. Papirius Cursor, quem vel Alexandro parem (si venisset) Liuius opponit, ut M. Claudius Marcellus igneo impetu, ut Q. Fabius Maximus, salubri tarditate; ut P. Scipio Africanus prior, diuinâ felicitate; & posterior, diuinâ virtute, ut denique (nam omnes quis numeret?) caput & culmen C. Iulius Cæsar: fortunâ, peritiâ, magnitudine & celeritate animi, super omnes qui arma tractarunt, aut tractabunt. Sed concludimus: si post Cæarem, tamen unum addidero, alterius Cæsaris ô fidum utilemque ministrum! Is M. Vipsanius Agrippa fuit, vir bello prouidus & fortis, & vel caussa victoriarum Augusti, vel instrumentum. Nec post eum, flaccescente iam Romanâ indole, quos mirer habeo, nisi fortè Germanicum Cæarem, sed properata mors eripuit, aut magis certè Traianum, suo & proprio elogio
OPTIMVM MAXIMVM QVE.

CAPUT V.

Pietas, Probitas, Constantia Romanorum.

SED ad Ciudem iam Virtutem venio, domi & in togâ spectandam. Eam per omnes ordines diffusam triplicem maximè reperio, Pietatem, Probitatem, Constantiam. Pietas eminet, vana illa quidem dixerit aliquis, sed tamen in assiduo Numinis cultu (pro ipsorum captu) reuerenter occupata. Incredibile est, quām omnia publicè & priuatim religiosè cœpta, administrata, patrata: ut totam ciuitatem sacris operataim & addictam possis arbitrari. Atque id secundūm vetera instituta, nec nouitati

tati aut mutationi dabant hīc locum. Miratur hoc Dionysius: quod quanquam * sexcenta nationes pñè in urbem fluxerant, quibus singulis sacra sua ritusque patrij essent, tamen ad suum æuum (inquit) nulla peregrina religio publicè suscepta, aut siqua oraculorum monitu introducta, ea ipsa Romano more culta, abdicatis fœdis vanitatibus, aut fabularum portentis. Quò valdè faciebat, quod Sacris præcessent, & ipsi non interpretarentur solùm, sed administrarent, viri in Republicâ primi, honoribus honesti: qui & exemplo plebem eò trahebant; & prudentiâ ac maturitate, noua aut nocitura spernebant. Ab hoc deinde capite alia Virtutum membra: & in primis illa Probitas, quam nominaui, id est animi morumque integritas quædam & candor. Sine fuso, sine fallaciâ diu mores illi fuerunt: & in proverbiū abierat, Homo Romani ingenij, Romana simplicitas, & Romana fides. Incerti, sed Romani scriptoris, versus sunt:

CIVE ROMANO PER ORBEM nemo viuit IVSTIVS.

Quippe malo vnum Catonem, quām trecentos Socratas.

Etsanè disserere alibi de virtute crebrum, hīc usurpare. Quā in re alienum testimonium audiamus, & Polybij, id est hominis Græci. Deus bone, quām ille dilaudat, & suæ genti præfert! Apud nos, inquit, si cui talentum concreditum sit, & exstant decem syngraphæ, decem signa, bis totidem testes, tamen fidem vix est seruare. apud Romanos autem, cùm in Imperiis aut Legionibus plurimum pecunia in manibus habeant & dispensent, tamen officium & fides constant, solâ iurisurandi religione inductis. Vides probitatem in hac parte? sed & in bello candor is fuit, & raro astu aut fraudibus victoria quæsita aut parta. Tangit grauiter M'. Aquillium Imperatorem noster Annaeus Florus, quod is bello Asiatico vene- no fontes miscuisse, addeditioinem quarumdam urbi. Quæ res, inquit, ut maturam, ita infamem fecit victoriam. quippe cùm contra fas Deum, MORESQUE MAIORVM, medicaminibus impuris, in id tempus SACROSANCTA Romana arma violasset. Iam & huic Probitati Abstinentia, siue etiam Continentia, adhærent: non fœde aut iniuste appetere alienum, parcè & modicè suo vti. Et illius quidem (Abstinentiae, dico) quām pulchrum, nec iactatum nimis, exemplum fuit ab vniuerso populo editum, Marianâ & Cinnanâ proscriptione? Quippe cùm iij hostium suorum penates,

Z omni-



omnibus opibus aut elegatiis plenos, vulgi manibus diripiendostrō obiecissent: nemo inuentus est, nemo, qui iniustam hanc prædam è ciuibus peteret, caperé tve: sed, tanquam à sacris ædibus, omnes manus & cupidinem abstinuerunt. Et quid in togā miramur hæc exempla, cùm in ipso bello, & inter hostes, præda abstinentia fuerit? quæ non nisi permisso capta, & sic quoque tota ad Duces relata. Iam in Continentiâ quam laudabiles, si cibum, vestem, aut externa alia spectes? Plinium & Plautum testes habemus; populum Romanum per aliquot sæcula, non nisi farre & pulte vulgo vsum. Quod si nuptiæ, festiuitas, aut letius conuiuiū esset, pro magno pauci pisciculi, & porcinæ aliquot pondo, in obsonium adiecta. Similis in vestibus frugalitas: & omnium, ditium pauperumque, è lanâ: atque eâ natuui & albidi coloris. nisi quod ditiorum splendentes paullò magis & nitidae à fulloniâ arte essent. Nam Sericum, Holosericum, ipsa Lintea, serò innotuerunt, & timidè etiam in vsum paucorum venerunt. Adderem Modestiæ laudem, & reuerentem Senatus & procerum suorum populum: nisi Tribuniciæ interdum procellæ turbassent, quam ego pestem vnicam & labem reperio in re Romanâ. Denique & tertiam virtutem Constantiam feci: ô verè ADMIRANDAM in hac gente! Nam in aliis parres alios habeant: in hac nec comparandos. Mucius ille olim oraculum protulit: *Et facere, & PATI FORTIA, Romanum est;* quasi hæc in malis magnis Patientia (quæ ipsa est Constantia) peculiaris eorum virtus esset. Et tu dispice. Vmquâmne vnum aliquem hominem, plus inuidi, & obnixi in omnes casus, roboris ostendisse, quam populū hunc vniuersum? Exemplis doceatur. Pyrrhus ille in Italiam venerat, cum noui generis gentisque copiis, & in primis inaudito terrore elephantum. Victor grandibus præliis erat, Italiam percurrerat, & à trigesimo pænè lapide Romam prosplexerat. Quid Romani? trepidant scilicet, & pacem petunt? Imò oblatam vtrò respuunt, & legatos eius cum animoso hoc responso dimittunt: *Pyrrhus Italiam cum copiis excedito. ubi excesserit, de pace si volet, agito. Ni excesserit, arma & viros, & aciem expectato.* Neque deslituros ab incepto se, etiam si **SEXCENTOS LAEVINOS** (ea verba Plutarchus posuit) pugna vicisset. Qui animi isti, aut verba sunt? non contra Pyrrhum, sed contra fortu-

fortunam, & pænè dixerim cælum, dimicantium. Etsi mos ille eorum semper in bellis (notandus & ADMIRANDVS) nihil largiri armato hosti: sed vbi ea posita, & obsequiosi aut flexibiles illi visi, tunc denique conditiones ferre & æquas, & saepe nec expectatas. Generorum hoc est: ire in aduersos, parcere aut abfistere iam abiectis. Fructus autem Constantiæ in Pyrrhū fuit, sponte Italiâ illum fugere, ipsos eius dominos & potentes fieri. Vide & bellū Punicum primum. quot ibi clades, rarae aut nouæ? Rara in Africâ ipsâ, cùm Atilius Regulus Consul, eum toto exercitu oppressus, & viuus venisset in hostium potestatem. Nouæ aliquot in mari: cuius anteâ expertes & imperiti, classes plures vel naufragio vel pugnâ amiserant. Polybius scribit, & ipse miratur, *septingentas quinqueremes eo bello amissas fuisse.* Satis autem iacturam eam æstimas aut intellegis? in quaue earum (Polybio sic ordinâte) *trecenti remiges fermè erant, milites * cen-* * Manuscriptus.
tum viginti. Hos tu si vñà computas & colligis, videbis paullò minus *trecentis hominum millibus* periisse. Et qui Romani tunc erant? nec totâ etiam Italiâ plenè adhuc potiti. O constâtiam, ô robur, & ô fortunâ! nam hæc se vertit, & puduit tam meritis non se dare. Iam ad mortem plaga, Punicum bellum tertium. Annibal summus ducū in Italiam ipsam venit, siluam exscindere parat, in quâ stabulabâtur Martiales isti lupi: & pænè fecit. Tribus præliis magnis victor, & ultimo illo Cannæsi, quid nisi totum virile sanguinem Romanum exhausit? Heu cladem! *quinquaginta millia* selectorū militum, vñà cum altero Consulū, cum tot Tribunis & Centurionibus, tot Senatoribus & Equitibus Romanis iacet: & tu Roma adhuc spiras? quibus fretâ senibus, puerisq;, & feminis, quos solos pænè reliquos habes? Spiro, inquit, imò alta & vetera spiro. De pace nulla mentio: veniat vel Romam Annibal, arx & Capitolium nos defendet, & è cinere isto suscitabûtur rerum domini Romani. O insanas, dixerit aliquis, cogitationes! sed res & exitus docuit, constates & felices. *Magna populi Romanî fortuna* (ait Florus) *sed SEMPER IN MALIS MAIOR,* surrexit: & pueros, senes, vincitos, seruos armavit: & imbecillo aut fœdo exercitu viætrices illas copias profligauit. Plura possem. nam in omni Romanâ historiâ propriæ huius virtutis exempla sunt: sed quid maius istis possim? Claudioanus cœcludat:



NVMQVAM SVCCVBVIT DAMNIS, & territa nullo
Vulnere, post CANNAS MAIOR Trebiamque fremebat.

Et Liuius: MAGNITVDINEM populi Romani, aduersis propè rebus ADMIRABILIOREM, quām secundis esse. AVD. Atqui vnum miror, & pñè doleo, à te omitti. LIPS. Quod illud est? AVD. De Varrone. nam quid admirabilius, quām cùm ille auctor & caussa tantæ cladis (nec falsò) diceretur: Romam redeunti obuiam itum ab omni ordine & populo, & Gratias actas, quōd de Republicā non desperasset? Siqua alia hæc plebs fuisse, itāne gratias funesto & furiali capiti? sputa, saxa, tela, nec vnam mortem. Illi fecerunt. quia hoc quoque Constantiæ proprium, mederi malis potius, quām irasci. LIPS. Est & minutum aliud. Nam cùm urbem ipsam Annibal obssideret, & terreret: fundus, in quo castra eius posita, publicè sub hastâ Romæ vñiit: nec minoris, quām si liber, nec incessus ipse aut Italia ab hoste essent. Item alterum. eodem illo tempore, cùm ad vnam portam Annibal pugnaret & inuaderet, alterâ militem & auxilia in Hispaniam emiserunt. Fiducia hæc, vt verum dicam, humana non fuit: à Deo inspirante vñit.

C A P. VI.

Contra Probitatem & Abstinentiam dicta & obducta quædam.

ET hæc sufficiunt, mi Auditor, de Virtute Civili: cuius custodes & sacerdotes si viritim recensem, quando finiam? & certè me, fatigem. AVD. Numquam me, nec si Iliadem sermonis tui texas. Sed tamen si arbitrari me dicta tua vis, non solum audire: habeo quæ speciosè aut firmiter obducam iis & opponam. Itāne Virtutem hanc attollis? Pietatem omitto: et si ea externa tota, & miseratione magis, quām refutatione digna. Sed de candore & fide adiunxisti: an non ipso animo tuo alibi retinente, aut refragate? Proh sancta Fides, quæ igitur lego alibi aut video, contra tuum numen aut nomē admissa? Caucei populus Hispaniæ satis potens & notus fuit. qui cùm pares Romanorum armis & violentiæ non essent, legatos supplices in castra ad Lucullum Imperatorem miserunt, pacem & foedus quacunque lege facturos. Ille obssides imperat, & argēti statim * talenta centum

*6000a
rbil.

centum, equites auxiliares certo numero. Omnia fiunt sedulò & obnoxie. Imperat tum amplius, vt duo millia militum in vrbem suam accipiant, præsidij causâ. Id quoque factum. Sed illis occultò mandatum, vt muros portasque occuparent: atque ita Lucullus reliquum exercitum induxit, & tubâ signum datum, vt sine discrimine, senes, pueri, viri, feminæ interficerentur. Ita opidum direptum, deletum: ipsa viginti millia hominum, per summum scelus, interempta. O candorem, o simplicitatem! & ecce aliam, in eâdem Hispaniâ, similem. Sulpicius Galba Lusitaniam hostiliter ingressus vastabat, miratibus illis nec caussæ aut culpæ satis consciis. Legatos mittunt, fœdera priora renouant: illo recipiente, & vltro miserante, quōd sic affligerentur. Sed, inquit, egestas fortasse vos impulit prædas agere, & belli speciem præbere: medebor. Tripartito vos diuidam, & in agro ac solo pingui collocabo, vbi reliquum beati ac tuti agatis. Venite cum uxoribus, cum liberis: in talem vallem, talis illa pars adsignabo. Veniunt miseri, læti ac securi, & in triplici regione distincti. ad quorum primos cùm accessisset, arma ponere quasi amicos sociosque iussit: & iis positis, milites immisit, & fidem ac deos implorantes, ad vnum omnes occidit. Idem alteris, tertiiisque celeriter factum, & priusquam fama prioris facinoris ad eos venisset. Aspicio te Lipsi, & oculis vultum ac pectus verbero, si tale aliquid infidum & barbarum, in vllâ barbarie factum? Atqui nouitia hæc sunt, dices, & reipublicæ inclinantis. Non nimis, nec longè à bello Punico secundo, cùm Respublica motibus legibusque vel maximè floruisse censemur. Sed vis igitur antiquiora? accipe. Ausonius gens in Italâ fuit, vno tempore, nullo satis certo crimine, excisa. Liuius ipse narrat, suspectos & delatos à paucis, quasi deficere ad Samnites vellent: præuentos autem à Romanis, qui occultè submissis militibus, quibusdam & togatis, portas trium opidorum occuparunt: & eâdem horâ, cædibus promiscue factis, vrbes & gentem deleuerunt. Audistu mi doctor: quid istis hominibus probius aut candidius? cedunt Gallicanæ nostræ niues. Iam & Abstinentiam ac Continentiam laudasti: & vt leuisimè dicam, subrisi, aut & irrisi. Nam quæ, aut vbi, hæc Abstinentia? Romæ & inter ciues fortasse? credo, & ex veteri dicto, Coruus coruo oculum non eruit. Sed an eadem in prouinciis, & vbi occasio



occasio aut facultas peccandi? O dij deæq; (si fas sic exclamare) quæ illic occulta aut aperta furta, libidines, nundinationes, rapto? Poëtæ Harpyas aliquas finxerunt, quæ cōtactu & vnguis omnia diriperet, aut fœdarent: in re, isti Romanorū Præsidēs fuerūt. Optimus & bellissimus quisq; ita se gerebat, vt bella omnia domū auferret. Demades olim dictitare solitus, cūm ad Tribunal aut Magistratum iret, ad Auream messem se ire: mihi crede, isti ibant, & Colchos quisque Iason sibi spondebat. Legisti tu Ciceronis illa de vno Verre? pleraque talia in aliis, & miseri prouinciales non nisi præda & spolium Præsidibus suis erant. Quòd si in pace talia: per bellum & arma quid suspicamur fuisse? & tu tamen illic quoque Abstinentiam eorum laudas. O iuste, ô meritō! & tuā veniā, dabo exempla. Ecce L. Sulla in Asiā, cūm communiter viginti millia talentū exegisset, priuationē edixit, vt hospes militi apud se diuerteti sedecim drachmas in diem daret; cænam insuper ipſi, & fodalibus quot vocasset. Centurio autem acciperet in diem * quingenas drachmas, vestem preterea duplēm Domesticam & Forensem. Hæc Sulla, inquies, homo nequam, & natus ad Disciplinam militarem dissolendum. Benē est, accipio excusationem: quid ergo L. Paulus qui Macedoniam vicit, inter optimos ciuium? Destinatum ei Epirum totam diripere, & in prædam militibus dare, quia cum Perseo rege sensissent. Quid facit? ipsi Liuij verbis, *Centuriones in singulas vrbes submittit, qui se dicerent ad presidia deducenda venisse, ut liberi Epirotæ, sicut Macedones essent.* Denos principes è singulis euocauit ciuitatibus. Quibus cūm denuntiasset, vt aurum & argentum in publicum proferretur, per omnes ciuitates cohortes dimisit, sic vt uno die in omnes peruenirent. Edicta Tribunis Centurionibusque erant, que ageretur. manè omne aurum argentūque collatum: horā quartā signum ad diripiendas vrbes datum est militibus: tantaque præda fuit, vt in equitem* quadringenti Denarij, peditibus ducenti diuiderentur. Centum quinquaginta millia capitum humanorū abducta. Muri deinde direptarum vrbiū diruti sunt: ea fuere opida circa LXX. Quibus auribus tu candoris, tu abstinentiæ mirator, hæc audis? Centuriones submittit, per speciem liberandi, decem primos euocat, vt consilio & ducibus spoliet: & candidum factum! Milites deinde immittit, diripit, cædit: ô clemens abstinenſque factum! Sed pulcher-

* 50. Phil. Lib. xlv.

* 40. Phil.

pulcherrima clausula, tot millia capitum abducta: nec finis, in miseros muros & tecta sœ uitum, & dirui ea iussa. In vicinâ Græciâ, quid Hortensius Prætor patravit? Legati Abdicitæ in ipsâ Româ audiantur, (Liuij item verbis) *Fleentes ante Curiam, querentesque, opidum suum ab Hortensio expugnatum direptumque esse.* Causam excidij fuisse, quod cūm * centum millia ^{10000.} Phil. denariū, & tritici quinquaginta millia modiū imperaret, spatium petierant, quod de ea re ad Hostiliū consulem, & Romam, legatos mitterent. Vixdum ad Consulem se peruenisse, & audisse opidum expugnatum, principes securi percussos, sub coronâ ceteros vaniisse. In ipsâ Italâ, Locrorum opido Q. Pleminius, Legatus Scipionis Africani, cum milite præfuit. Sed quomodo? Liuius iterum dicet: *In CORPORA, in LIBEROS, in CONIVGES, INFANDAE contumelie editæ.* Libidines, & non dicenda habes: iam avaritia (inquit) ne sacrorum quidem spoliatione abstinuit. nec alia modo tempora violata, sed Proserpine etiam intacti omni ætate thesauri. En religionem & pietatem, quam laudabas. Et quid ego Consules, Prætores, Legatos, nomino aut conquirō? ecce pusillus unus Præfectus equitum, titulo tenus, Scaptius, cūm pecuniam deberi sibi à Salaminii diceret, illi ad Senatum appellarent, eiusque consultum: homo probus & iustus, quinquaginta equites ab Appio Proconsule impetrat, inclusum in Curiâ Senatum habet in multos dies, adeò vt interierint nonnulli fame. Hæc Cicero ita narrat, & simul æquabile illud ius inter prouinciales & Romanos ostendit. Quid plura addo? claudat mihi Polybius testium agmen, qui scribit Scipionem, captâ Carthagine Nouâ, omnes obuios occidi iussisse, nec vt ulli parcerent. Tum addit, sollempnem hunc morem Romanis fuisse: *Videntur enim, inquit, terroris gratiâ hoc illi facere.* Itaque frequenter videre est, quando Romani ciuitates capiunt, non homines modo occidi, sed etiam canes dissecari, & aliarum animantium membra truncari. Heu, heu clementiam, candorem, probitatem, & omnia, quæ dixi, inter ADMIRANDA!

Lib. vi. ad Attic.



Pariter contra Continentiam; & de luxu Romano.

AM tu Continentiam etiam laudabas, in Victu & Veste: voluntate tuâ, aliquid opponam? Lips. Valde interest scilicet quid velim: tu mihi videris, vt Mithridates aliquis, non libero, sed hostili ore & animo, in yehi in Romanos. Avd. Non ita est: sed falsa si dicam, uterque parati erimus, tu refellere, ego refelli. Hoc iam agis, video: sed prius & istae audi. Continentiam igitur & frugalitatem veterum illorum, sed planè veterum, si ladas: ego succino, & Fabricios, Curios, Quintios tecum miror. Sin longius trahis; ut non ego, lectio tua & obseruatio tacite refellent. Quid leges illæ sumptuariæ ab antiquo latæ, & sub bellum Punicum secundum, non ostendunt morbos in eâ parte fuisse, cum ad publica hæc remedia decurrentum? Ipsæ cœnæ, & lauitiae quæ narrantur, non id clamant? Reminiscere Pontificia illius cœnæ apud Macrobius, ubi incognita & nobis quærenda ciborum genera: reminiscere & Sallustij verborum de Metello Proconsule, in Hispaniâ: Cœna, ultra Romanorum, ac mortalium etiam, morem curabantur, exornatis ædibus per aulaæ tñ insignia, scœnisque ad ostentationem histrioniam fabricatis. Simul croco sparsa humus, & alia in modum celeberrimi templi. Præterea, sedenti in transennâ demissum Victoriae simulacrum, cum machinato strepitu tonitruum, coronam ei imponebat: tum venienti thure, quasi Deo, supplicabatur. Toga picta plerumque amiculo erat accumbenti. epulæ vero exquisitissimæ, neque per omnem modum prouinciam, sed trans maria, ex Mauretaniâ volucrum & ferarum, incognita anteâ, plura genera. Considera cœnaculi apparatus, cœnantis habitum aut honores, cœnæ ipsius exotica fercula: quis ganeonum & lurconum, possit vel ausit imitari? Quis nostrum hodie aues aut feras trans mare, cœnæ caussâ, conquirit? Atqui olim non Metellus solùm aliquis, sed iam vulgus lautiorum. Petronius Arbiter:

Ingenios agula est, Siculo scarus a quoore mersus
Ad mensam viuus deducitur. inde Lucrinis
Eruta litoribus vendunt conchylia cœnæ,
Ut renouent per damna famem. iam Phasidos vnda

Orbata

Orbata est aubus, mutoque in litore tantum
Sole desertis adspirant frondibus aurae.

Pulchrè & floridè, sed an poëticè & clare? non opinor, immò Seneca, acer ille talium quæsitor & censor, auget & attollit. Non est necesse (inquit, ad sœculi sui mores) OMNE perscrutari profundum, ac strage animantium ventrem onerare, nec conchylia VLTIMI MARIS ex ignoto litore eruere. Dij deæque istos perdant, quorum luxuria tam inuidiosi IMPERII FINES transcedit. Ultra PHASIM capi volunt, quod ambitiosam popinam instruat: nec piget à PARTHIS, à quibus pœnas nondum repetimus, aues petere. Vides affectum & stomachum viri, & sine bilo hæc nec in sermone quidem usurpant. Quid Latinus Pacatus, in Panegyrico? Laudat Theodosium Principem, quod nihil tunc opus esset, ad penum regiam flagitare remotorum litorum pisces, peregrini aëris volucrem, alieni temporis florem. & tum addit imaginem prioris sœculi: Nam delicati illi ac fluentes, & quales sèpè tulit Respublica, parum se lautos putabant, nisi luxuria vertisset annum, nisi hibernæ poculis rosæ innassent, nisi astiuâ in gemmis capacibus glacie falerna fregissent. Horum gulæ angustus erat orbis noster, namque appositæ dapes, non sapore, sed sumptu estimantes, illis demum cibis acquiescebant, quos EXTREMVS ORIENS, aut positus extra Romanum COLCHVS imperium, aut famosa naufragiis maria misissent. Ecce vitia & prodigiosum luxum, omnia fastidientem, nisi remota & sumptuosa. Sed inferioris tantum illa æui? immò vero, ut terigi, à bello Punico secundo, aut circâ: cum ecce Cato Censorius publicè questus, Non posse salvum esse urbem, in quâ pisces pluris, quam bos, vñiret. Attende mi Lipsi. hocne nostro æuo sit? & tamen in luxum inuchimur, nec immetitò: at ego tibi dico, pluris quam decem boues vñisse vnum pisces: pisces? pisces addo. Mulli in quanto pretio? putantur fuisse, quos Barbos hodie, aut Regulos marinos vocamus: sed quidquid fuit, pisces, & vix quinque aut sex librarum. O non delicias, sed insanias! vnum ex iis quinque, sex, octo, decem millibus HS. reperio emptum. Seneca ioco se narrat de Tiberio, seuero Principe, & luxui nec duce nec fauore. Nullum ingentis forme (quare autem non pondus adiicio, & alio- Epist. xcvi. rum gulam irrito? quattuor pondo & selbras fuisse aiebant) Tiberius Cesar missum sibi, cum in macellum deferri & vñire iussisset: Amici, a inquit,



inquit, omnia me fallunt, nisi istum nullum aut Apicius emerit, aue
P. Octavius. Ultra s̄pem illi coniectura processit. Licitati sunt: vici
Octavius, & ingētem consecutus est inter suos gloriam, cū Hs. ^{* centū vi-}
^{gintiquin-}
^{que P. hil.} ^{* ducentis}
^{Philipp.}
^{cap. xxxiiij.} ^{Duo mil-}
^{liones &}
^{semis.} que missa est pīscem, quem Cæsar vendiderat, ne Apicius quidem
emerat. Notetur hīc, quāso, non pretium solūm pīscis, sed Tī-
berij mirabilis continentia, qui in tantis opībus nec edere pi-
scem voluit, nec donum alteri tradere, sed pretium ex eo fecit.
quod sordes hodie aliquis fortasse (nescio an recto iudicio) in-
terpretetur. At in Plinio, *Asinius Celer, è consularibus, hoc pīscē pro-*
digis, vnum mercatus est octo millibus. Atque id quasi summum
pretiū Plinius habet, cū tamen in Suetonij Tiberio sit, Prin-
cipem eum graniter questum, tres mūlos triginta millibus nummūm
venisse. Si numeri recti, certum est excessisse, & singulos ducen-
tis quinquaginta Philippicis stetisse. An falsus aut mendax er-
go fui, de bobus vel decem? Iam alia si conqueram, vereor non
longus solūm, sed vanus esse. Dicam tamen, vel tui iudicij ex-
plorandi caussā, & corrīges, sic ubi ego, aut testes mei, extra fi-
nes veri ibunt. De Apicio, quem iam nominaui, res nota est,
hominem perditæ gulæ fuisse: de quo, vt alia sileantur, mors
sola iudicabit, quam Senecę verbis dicam. *Apicius, inquit, nostrā*
memoriā (sub Tiberio) vixit, qui scientiam popīna professus in eā vr-
be, è quā quondam philosophi pulsifuerant, disciplinā suā sēculum infe-
cit. cuius exitum nosse, operā pretium est. Cū Hs. millies in culinam
concessisset, ære alieno oppressus, rationes suas tunc primūm coactus in-
spexit. Superfuturum sibi Hs. centies computauit, & velut in vltimā
fame vīcturus, vīeno vitam finiuit. Quam luxuriam, & quam
effusam vitam priuati hominis hanc fuisse putamus, cui centies
Hs. (id est, ducenta quinquaginta millia Philipporum) paupertas
& desperatio fuit? O quām multorum millium improba vota
hodie sint, vel quinquagies habere? Sed hunc omitto, & duos eo-
dein nomine alios, qui in exemplar & nomen transierūt huius
vītij: Clodium Aēsopum addamus, histriōnēm. De eo Plinius:
Maximè insignis est in hac memoria, Clodij Aēsopi, tragicī histriōnis pa-
tina, sex centis Hs. taxata. in quā posuit aues, cantu aliquo aut sermone
humano vocales, millibus sex singulas cōemptas, nullā aliā inductus vo-
luptate, nisi vt in his imitationem hominis manderet. Benē hæc
postrema fortasse: sed an non acrius, imitatione hominem man-
dere?

deret? Anthropophagum facere hunc Aēsopum vult, qui aues
comederet, cūm hominem non posset, humanas. Aēstimatio
autem ea vnius patinæ est, quindecim millium Philipporum.
Atque iste etiam fuit (alij ad eius filium referunt) qui margare-
tas sorbere solitus aceto solutas. O scelus, in mare deportandum!
LIPS. Ne nimis, ne nimis: & an me eō vis? nam ne nescias,
& ego margaretas, vel potius margaretulas, arte liquefactas, va-
letudinis caussā, soleo sorbere. Nec res magna aut impendiosa
est. A v d. At ego pretiosas aio, & mens corum est, qui
scripsere. Tu autem vel aurum & gemmas sorbe, vt viuas.
Sed quod ad illos gulones, de M. Antonij & Cleopatræ spon-
sione non ineminiſti, cūm haec se centies Hs. vnā cānā dice-
ret absumpturam? Ille negare, & rem adūvator censere: ad ^{* que fieri}
summum, iudex & sculna captus Munatius Plancus. Res ^{non posset.}
non differtur, sequenti die illa cānam apparat pollucibilem,
siquis vñquam, & denique vt Cleopatra, & Aēgypti regina.
Nihil mirari Antonius, & calculos ad extremum poscere:
cūm illa atridens, Vnum, inquit, ferculum rem confecerit.
& simul ex composito, illatā phialā acris aceti plenā, vnio-
nem quem aure dextrā gestabat, singulare naturæ opus, de-
tractum in phialam demisit, cumque, vt natura est, statim
liquefactum absorbuit: parata & in alterum, quem sinistrā
gerebat, manū inūcere, ni prouidē & properē Munatius,
victum Antonium clare pronuntiasset. Quidni victum? cūm
sola ea gemma vel centies Hs. esset? siue, vt nostra aēstimatio,
ducentis quinquaginta millibus Philipporum. Atque illa igi-
tur arte hoc consecuta est, vel astu: an re ipsā & simpliciter Ca-
ligula, de quo Seneca? C. Cæsar, quem mihi videtur Natura edidis-
se, vt ostenderet quid summa vīta in summā fortunā possent, centies
Hs. cānauit uno die, & in hoc omnium adiutus ingenio, vix repperit,
quomodo prouinciarum tributum vna cāna fieret. Nam si margaretæ
vel lapilli absumendi, quid ingenii magnis aut inuentis opus?
via strata & nota iam erat, per vestigia Cleopatræ. In Suetonio
tamen sic lego, de ipso isto Caligula: Commentus est portentosissima
genera ciborum; vnguentis calidis frigidisque lauabatur; pretiosissimas
margaretas, aceto liquefactas sorbebat; coniuis ex auro panes & ob-
sonia apponebat. Quid iam Vitellius, ille helluonum omnium
a. 2. altissi-



altissimus gurges? de quo Plinius: Vitellius in principatu suo^{*} decies HS. (ita libri veteres) condidit patinam, cui facienda fornax in campis exædificata erat. Ego mallem (sed tu iudica) condidit patinam: quia non de ipsâ lance, et si grandi & pretiosâ, sed de instructo eius & obsonio est sermo. Scripsit autem Suetonius: in hac scarorum iocinera, phasianorum & pauorum cerebella, linguas phœnicopterum, murenarum lactes, à Carpathio usque, fredoque Hispania, per nouarchos ac triremes petitarum, cum commiscuisse. Vbi optimus quidam liber à Parthia usque (non à Carpathio) habet: & considerandum est, ex Senecæ & aliorum suprà verbis. Etsi tamen structura videtur hæc ad Murenarum lactes referre. Idem verò Vitellius, non ipse solum prodigus, sed alios impellens, indicebat aliis eadem die, ientacula, prandia, canas, commissiones, ipse omnibus sufficiens, vomitandi consuetudine. Quod Suetonius cùm rettulisset, ita addit: nec cuiquam minus singuli apparatus, quadrigenis millibus nummum constiterunt. Heu illusum vel abusum, in alienis opibus! nam ea sunt decem millia Philipporum, siue ipse census equester. Super hæc nihil reperio, nisi in Latini Panegyrico obscurè quosdam Principum perstrictos: *Vt tacem, inquit, infami dilecta scriptos in provinciis aucupes, ductasque sub signis venatorum cohortes, militasse conuiuiis: nonne cognouimus cuiusdam retrò Principis non prandia sèpe, sed fercula, HS. millies estimata, patrimoniorum equestrium pretia traxisse?* Nec satis firmiter scio, quem aut quos tangat: puto Vitellium tamen, si in verbis eius emēdes, HS. mille estimata. Nam de illo millies, quis credat in uno ferculo absumptum? quod nec Cleopatræ aliquot, aut Caligulæ iuncti fecissent. Iminane hoc nimis est: at illud mille plausissimè conuenit, cum Plinius suprà notâ de vnâ Vitellij patinâ decies HS. estimatâ. Nam millena HS. & decies, Romanis idem sonant. Iam de Heligabalo quid dicam? de quo Lampridius: *Numquam minus centum HS. cenanasse, hoc est argenti libris xxx.* Aliquando autem tribus millibus HS. cenanasse, omnibus supputatis que impendit. Canas verò Vitellij & Apicij viciisse. Vbi tamen non argenti libras xxx. legi calculus ullus admittit, ut paries cum centum HS. sed potius CCL. quæ pura veritas esset. Atque ego in isto super omnes stupeo. Lips. Quid ita? nam Cleopatra, imò Caligula superauit. A V D. At enim hoc mihi magnum & stupendum,

*2500.
phil.
*75000.
phil.

dum, quod sumptus isti in Heligabalo cottidiani, & numquam minus (verba Lampridi) centum HS. cenauit. Essent septuaginta quinque millia Philipporum in mensem: quid iam conuiua, quæ eiusdem totius summæ, in unum diem interposuit? Ita enim & Lampridius addidit factum. Sed iam monstra omittimus: aliquid ad communem morem querimus, à quo non dimis Philippus, Hortensius, Lucullus, & hi tales, lumina reipublicæ, abiuerunt. Piscinæ & viuaria istorum nota sunt: cænæ, ex vnâ hac Lucullanâ. In famâ homo erat lautitiarum, & quod esset non ganeo & profligator, ut plerique sua haurientium, sed Tacit. de Petronia.

Inueniunt in foro, salutant, cænam indicunt: Sed heus tu, aiunt, eâ lege nequid præmandes. nam sumptum sumi in nos, non placet. Ille tergiuersari primò per simulationem, & Cras potius, inquit: cùm negarent, Ergo nec hoc licet, inquit, famulo dicere in quo triclinio cænaturi simus? Permittunt. Ille altâ voce, Abi, dic in Apollinis cænaturum. Mox sequuntur: omnia lauta, splendida, regia, cum stupore duorum conuiuarum. Sed caussam nesciebant scilicet, & totam vim habuerat ad apparatum, unum illud Apollinis verbum. Nam homo ita disposuerat, ut cænacula suis nominibus distincta essent, & in quo quæcib[us] cibi, & impendia. Eminebat autem illud Apollinis: atque ita cùm Dispensator aut Coquus audissent id nomen, sciebant statim quid, & quantum, opus esset. Summa enim taxata huic cænaculo, ait Plutarchus, quinquaginta milliū drachmarum erat: quæ sunt quinque millia Philipporum. Quid plura ego adferam? unum hoc Senecæ, ad æui sui mores aptuin: *Quid est sumptuosâ cænâ flagitious, & EQVESTREM CENSVM absumente? & tricies tamen HS. adiciales cæne frugalissimis viris constiterunt. Hic unus ictus, Lipsi, te conficit: vulgo census equestres insumpi: & ab ipsis frugalissimis viris, tricies HS.* Quantum hoc postremum est? colligit septuaginta quinque millia Philipporum. O frugalitas in uno conuiuio ADMIRANDA! & quis Principum hodie vel in nuptiali pænè epulo tantum prodigit? Silebam Lipsi, & stupebam: nisi quod de Veste etiam aliquid sit addendum. Sumam à Censore nostro Senecâ: *Quidquid est boni moris, extinguitus levitate & politurā*



politut̄ corporum. Muliebres mundicias antecessimus, colores meretrios, matronis quidem non induendos, viri sumimus. Tenero & molli ingressu suspendimus gradum: non ambulanus, sed incedimus. Exornamus anulis digitos, in omni articulo gemma disponitur. Ista de vi-
ris: quid de iuuenibus? Pater illius Senecæ: Torpent ecce ingenia
desidiosæ iuuentutis, nec in ullius rei honestæ labore vigilatur. Cant andas
saltandiæque obscena studia effeminatos tenent: & capillum frangere,
& ad muliebres blanditas vocem extenuare, mollitie corporis certare
cum feminis, & immundissimis se excolere mundiciis, nostrorum ado-
lescentium specimen est. Quis equalium uestrorum, quid dicam sa-
tis ingeniosus, satis studiosus, imò quis satis vir est? Emolti enerueſ-
que, quod nati sunt, inuitimarent, expugnatores alienæ pudicitiae, ne-
glegentes suæ. Dei fidem! luculenter utramque ætatem, ab
utroque scriptore, laudatam! Fortasse de feminis addam, quas
scimus cum veniâ peccare, ubi viri gradum struunt? Tamen
quid Propertius?

Matrona incedit census induita nepotum.

Seneca iterum: Video unctiones non singulos singulis auribus compara-
tos: iunguntur inter se, & insuper alijs bini superponuntur. Non satis
muliebris insanias viros subiecerat, nisi BINA AC TERRA PATRIMO-
NIA auribus singulis pependiffissent. Ille de auribus queritur: alias de
toto corpore. vt Manilius:

Per que caput ducti lapides, per colla, manusque,

Et pedibus niveis fulserunt aurea vincla.

Pedibus etiam aurum, vt ait, sed & gemmæ: ac Plinius scribit,
non crepidarum tantum obstragulis, sed & totis socculis addi. Neque
enim (inquit) gestare iam margaretas, nisi calcent, ac per unctiones etiam
ambulent, satis est. Addit pro fastigio insanias, Visam à se Lolliam
Paulinam, ne serio quidem ac solenni ceremoniarū aliquo apparatu, sed
mediocrium etiam sponsalium cenan, smaragdis margaretisque opertam,
alterno textu fulgentibus, toto capite, crinibus, spiris, auribus, collo, ma-
nibus, digitisq; que summam quadringenties HS. colligebant, ipsa confe-
stim paratā mancupationum tabulis probare. O monstra! o aruspice,
non te vindice Lipsi, digna! Una mulier, in uno cultu decies cen-
tena millia Philippicūm habeat? habuit: & pauca hæc satis ad
Vestem & cultum. Nam cingi te iam aut suspicor, aut vescor:
neque fortasse deceat nos iuuenes non dicam tam liberè, sed
tam-

ram liberaliter, nec in vos, sed apud vos loqui. At tu si pec-
caui, puni: quomodo? contemptu & silentio, quæ poena
maxima mihi erit.

CAPVT VIII.

Excusati Romani à prioribus: & primū in Raptu vel Seni-
tiā, obiter.

NEVTRVM ego faciam, o mi Auditor. Contemnam vel te,
vel tuum hoc discendi studium: nam ita oppositionem
hanc interpretor. Vel sileam etiam quod non aliud sit, quām
causam non solum perdere, sed prodere: quod esse non potest,
nisi aut improbi, aut dissidentis. At qui non est magnum hoc
opus, ne erra: quæ tu coaceruasti, vnius alteriusque manus im-
pulsu deruam, nec machinā aut ariete alio adhibito cadent in-
firmi isti muri. Triple accusatio à te structa, in Probitatem, in
Abstinentiam, in Continentiam: & videamus. Fraudulēti qui-
dam aut perfidi fuere, rapaces quidam aut crudeles, luxuriosi
in cibis aliqui aut veste: sed quidam, sed aliqui: & hæc prima
responsio sit, & scutum pro me firmum. Quid pungis aut inua-
dis gentem totam, ob pauculos à te, tot fæculis, alias vitiosos-
que nominatos? Fuisse non miror: nec id prodigium aut mon-
strum, vt tu aliquoties dixisti, imò esset, si non fuissent. An tu
in hac fæce nostrâ hominum, puram meramque virtutem ali-
quam vis? soles nobis imperiorum lucere, sine nube, aut toni-
tru, aut procellâ: nec fuere ista, nec erunt: & Deus in superis il-
lis locis & liquido æthere, serenum hoc habet, & seruat; cetera
omnia inferiora, miscentur, & turbant. Galbam aut Lucullum
aliq; in Hispaniâ nominas, Hortensium, aut Pleminium ali-
bi: quid ista sunt, in tot millenis Præsidibus, qui boni & inno-
xi fuerunt? Ut si guttas aliquot acetii in magnū vas aquæ mul-
sæ iaciam, non ipsum corrumpam, sed gratiam fortasse magis
ab acore aliquo addam: sic in magnis istis imperiis, magis sen-
titur bonorum bonitas, si pauci interueniant, acidi aut amari.
Vis tibi Taciti mei verbis hoc dicam? Cerialis apud eum rebel-
les Gallos sic mitigat & componit: Quomodo sterilitatē aut nimios
imbres, & cetera naturæ mala; sic luxum, vel auaritiam dominantium,
tolerate.



192

DE MAGNITUD. ROMANA

tolerate. VITIA ERUNT DONEC HOMINES: sed neque hæc continua, & meliorum interuentu pensantur. Hæc sunt non Cerialis, aut Taciti, sed Sapientiæ voces: tu, & alij isti queruli, audite. Atque hæc si locum in exiguo aliquo nec diti imperio habeant (cottidie enim occurunt:) quidni magis in illo amplio, diffuso, opulento? Magna peccandi materies & illecebra erat, & quod procul ab urbe dominâ & Senatu agerent, & vbi vix cerni vel nosci vitia sua posse arbitrabantur. Et tamen (quæ altera responsio) aduersa sæpe fuere, atque etiam animaduersa. Hoc excusat Senatum & imperij præsides, quod legibus pœnas dederunt, qui cunque conuicti sunt leges alibi violasse. Nónne id in Galbâ, Hortensio, Pleminio, Verre, & talibus? Nec Romanis igitur vniuersis fraudi aut culpæ sit, peccasse aliquos, sed impunè & liberè peccasse. Paullum Æmilium mihi etiam attulisti, magnum virum, fateor, & uno illo vel colore culpæ, nō enim culpâ indignum. Cur tamen cùm inuidiosè rem totam narras, hoc callidè files, Senatum ei iussisse? Ex præscripto id fecit: & qualcumque est, non iam ipse, sed Senatus potius accusetur. Cur tamen vel iste: audi & disce. Epirotæ illi omnes firmiter pro Perse steterant, Romanos oppugnauerant: quæ iniuria est, si hostes hostium pœnas luant? At nimias, inquires. Nolle faustum, si me consulis, & clementia placeat: sed ad coercendas rebelliones aut defectiones, talia quædam à modestissimis Regibus aut Rebus publicis facta, possim docere. Addis sollemnem sauitiam Romanorum, ut putas, in expugnatione opidorum: homines occidi, canes dissecari, animantes truncari. Miseranda sunt, non nego: nec tamen, ut tu censes, referenda inter mea ADMIRANDA. Quid dissimulas? non herè & hodie hæc fiunt in puberes & viros omnes, vbi vis ultima expectata? Et caussa aliqua huic rei est, Terror, quod Polybius dixit: & non facile alioquin manum & finem bellis imponere, nisi hæc interdum, frangendæ pertinaciæ, & surpentur. At canes etiam dissecti. o ridiculum te, si in canes non licet, quod in homines! & amo ego quoque hoc genus, sed absit ut supra nostrum genus. Hæc dici & excusari possunt, & verè possunt: non insiteortamen, sub Sullâ aliquo, Mario, aut Cæsare, & præsertim per ciuilia bella, ius omne & fas neglectum aut calcatum: sed mox attollendum ab Augusto.

LIBER QVARTVS.

193

gusto, aut si quem bonum Principem Deus dedit. Illo medico opus fuisse fateor Rep. iam tam laxâ & opulentâ: & inter parres, seueritas aut terror esse non poterat ad satis reprimendum. Leges erant: sed inuaidum earum auxilium, ait Tacitus: quæ vi, ambitu, postremò pecuniâ turbabantur. Itaque sub Principe status iam melior, maximè quod ad Prouincias attinet: nec ex avaritiam aut rapinas Praesidum sic impunè sentiebant.

C A P. I X.

Factum idem in Luxu mensarum, aut vestium.

SATIS, quod ad priora duo attinet, excusat: venio ad Continentiam afferendam, in quâ conuellendâ valde te iactasti. Argumenta in eam præcipua duo erant, Leges Sumptuariæ ab antiquo latæ, & Exempla aliquot luxus. Quod ad Leges, vide quām ego à te abeam: aio & adfirmo, non firmius pro frugaliitate argumentum esse. Nam quod ex eo coercent aut emendant, quale est? ex emendatione appareat, quam videamus. Fannia ecce lex, sub bellum Punicum tertium lata fuit, in hanc sententiam: permitti diebus festis centenos æris, ceteris, denos. O vere ADMIRANDA æui continentia, cui satis esse potuit finitio iam dicta! Nam attendisti hoc mi Auditor? centeni illi æris, decem drachmas nobis reddunt, deni, vnam. Onuptias, repotia, natales, apparatu celebri, quibus Philippæus unus sufficeret in potum, in cibum! Quis de viâ aut ponte mendicus pænè, non plus hodie absumperit? Atqui Respublica tunc satis opulenta & florens erat: & maximè autem sub Sullâ. Tunc & Græcanicæ, & Asiaticæ deliciæ cognitæ: videamus igitur, & laxè lauteq; iam epulemur. Ita opinor. nam ecce tulit Sulla, ut feriis solleñibus triginta seftetios liceret insumere, ceteris diebus, ternos. Hem, hem, hem quid istud est? itâne regredimur, & recidimus? ego autem iure progredi, & accedere aliquid debere censebam. Triginta HS. sunt, meo calculo, septem drachmæ & semis; id est, nondum Philippicus: terni autem, nec drachma. AVD. Ego hæc non credo Lipsi, nec fero: ridenda & explodenda sunt. Tales leges, tam arctas, ferrat ille, qui sic copiosè vixit? LIPS. Rem habes, & verba ipsa apud Agellum: tu vide. AVD. Corrigenda sunt: & HS. trecenos lib. II. cap. xxvii.

b

legendum,



legendum, non tricenos. Lips. O bonum promptumque Criticum! sagacitas magna est, viceris vel Luceium. Sed desine, desine homo: & manum tuam coercent lex Licinia quae praeiuit, in qua non nisi triginta ases (tres denarij) permitti diebus festis. Laxauit igitur & auxit Sulla. Sed quid hic solum? Augustus ille, qui Romam opibus & gazâ Ägyptiâ repleuit, & sub quo illa in ipso flore, Cibarium legem hanc tulit: quâ profestis diebus ducenti festi; Kalendis, Idibus, & alijs quibusdam festi; trecenti; nuptiis autem & repotius, milleni finiuntur. Sunt quinque Philippæi, profestis, festis, septem cum dimidio; nuptiis, virginis quinque. Quid tu, cùm hæc legis, non cogitas, tot illos illustres Equites & Senatores, & censum eorum vel Principum opibus hodie comparandum? Atqui quâ coercentur, vides: & ego tibi hodie adfirmo, raro sollennius paullò conuiuum dari, quod nuptiale illum summam non excedat. En, abi nunc, & luxum obiice: quem totum satis reieci argumento ipso tuo legum. quia (vt veterum aliquis ait) indicium sobrij seculi est, ubi tali prescripto legum, coeretur expensa cœnarum. Atquin Apicius, Lueullos, Caligulas, aut Vitellios adduxisti. Quid ad me? cùm Rempublicam laudaui, plurimos in eâ laudaui; nec adspicere debui, siquæ in tanto & tam vberi agro malæ alibi & nocentes herbæ. Non obstant, quo minus hæc seges bona & laudabilis sit: nec tales certè mihi dabis ante labentem Remp. id est Sullanum æxum. Avd. Imò dedi Lipsi. nonne Cato de pisse exclamauit supra bouem? nonne frugalissimis etiam viris, vt Seneca dixit, cœnæ tricies constituerunt? Hæc purganda sunt, si potes: aut labitur tuum illud legibus solis nixum. Lips. Vah, quomodo potero? quò me vertam? Bos ille Catonis occursat: & plane, ex Græcorum verbo veteri, Bouem nunc habeo in lingua. Sed audi quod verum est, nec nimium in boue te iactes. Bos & alia, minimi tunc pretij, nec credo equidem vñiisse ultra quaternas aut quinas drachmas. Avd. Totum bouem? Lips. Totum. Avd. Quaternas? Lips. Ipsas. Avd. Si hoc doces, tum ego dixerim vel me bouem esse. Lips. Quid si amplius doceo, & ad Drachmam vñam te duco? Avd. Habebo hoc caput & culmen inter omnia hodie, heri, & nudiū tertius, quartusque, ADMIRANDA. Lips. Da te mihi, disces, & credes, Plinius ita

ita scribit. nam ipsa verba recitanda sunt: M. Varro auctor est, Lib. xviii. cap. 118. cùm L. Metellus in triumpho plurimos duxit elephantos, ASSIBVS SINGVLIS farris modios fuisse, item vini congios, fisciique siccae pondo triginta, olei pondo decem, CARNIS pondo duodecum. Hoc ille bono auctore, & omnis antiquitatis indagatore, Varrone protulit: & obseruasti? Avd. Nihil respondeo, stupeo: & tamen nihil etiam de boue. Lips. Vel maximè, sed non attendi. Nam ait, Carnis pondo duodecum, singulis assibus vñisse: & fac igitur bouem pependisse quadringentas aut quingentas libras: quid erunt nisi quaterne aut circiter drachmæ? Sed illa nimis vetera sunt, inquires. Nec id quidem, sed bello *Punico primo Anno Vr- bis D 11. euenerunt: haud longè à Catonis æuo. Et demus postea aliquid mutasse, paullatim tamen nec enormiter: & hoc Polybius nobis dicet. Ille, ipso Catonis æuo, scribit de fertilitate & copiâ Galliæ Cisalpinæ: suis etiam sepe temporibus, medium frumenti Lib. 11. Siculum, quattuor obolis vñisse, hordei, duobus, metretam autem vi- ni, tantidem quanti hordeum. Ista magis mira ADMIRANDA sunt, medium Siculum (sex modios continet) non nisi duabus Drachmæ partibus vñisse; metretam vini (*duodecim Libra mœ. surales 120. congij sunt, si Atticam, quod opinor, intellegit) tertiam parte. Addit etiam facetum corollarium, Viatorum in iis locis, nihilcum diuersitore aut hospite pacisci, sed benè & laute habitum, abeuntem soluere dimidiatum Assem. O si nobis peregrinari ita fas! tota iuuen- tis dilabatur, & abeat in beatas illas oras. Sed ego tibi promis- sum meum plenè soluam, & bouem reducam ad Drachmam. Factum bello Mithridatico, cùm Lucullus prædas è Ponto egit, sic abundanter, vt mancipium quattuor drachmis vñale esset; bos, vñā, capræ, oves, vestes, alia, pari vilitate. In Appiani Mithridati- cico hoc leges. Quid tu iam? Avd. Silco, & bos à tuâ lingua transiit in meam. Lips. Imò tu, vt volebas, in bouem. Nec ramen, vt feriò loquamur, sentio vel affero, tam grandem vilitatem hanc semper fuisse: sed analogiâ talem, & quam leges illæ Sumptuariæ satis ostendunt. Absque eâ enim, quid nisi irrisio & illatio ex sint? facit huc, quod de Pomponio Attico, insigni viro & prædiuite, ac digno cui Agrippa gener esset, & progener Tiberius Princeps, Cornelius Nepos in vitâ cius scribit. Cùm, inquit, in primis laetus esset eques Romanus, & non parvus liberaliter in domum



domum suam omnium ordinum homines inuitaret, scimus non amplius quām terna millia æris, perequè in singulos menses, ex ephemeride, eum expensum sumptui ferre solitum: atque hoc non auditum, sed cognitum predicamus. Hæc notanda profectò. Atticus inter planè diuites erat, inquit; idem inter liberales, & domus eius ac mensa cottidie omnibus patebant, etiam è Senatu: & tamen non plus in mensem, quām tria millia æris absumpsit. Sunt triginta Philippici: ergo in diem, Philippicus unus. Hæc in florentissimâ re Romanâ facta: & Martialis æuo non dissimilis etiam vilitas, sed, vt opinor, in anti aliquâ vberitate:

Amphora vigessis, modius datur ære quaterno:

Ebrius & crudus nil habet agricola.

Obserua. amphora XLVIII. sextarios continet, siue congios octo: itaque congios hac ratione sit duorum assuum & semis, non longè nimis à Varronianâ vilitate. Et simile in Modio. Sed iam ad tuum illud, ne subterfugere videar, de Frugalissimis viris, qui Tricies absumpsere. Sed heus tu, satin' plenè & ex fide Senecæ verba attulisti? Ego faciam, & pluscula recitanda sunt, vt de sententiâ constet. Ait, cōtra luxuriam differens: Non in facto laus est, sed in eo, quemadmodum fiat. Quid est cœna sumptuosa flagitiosus, & equestrem censem cōsumente? Quid tam dignū censoriā notā, si quis, ut isti ganeones loquuntur, sibi hæc & genio suo præstet? & tricies tamen HS. adiuviales cœne frugalissimis viris constituerunt. Eadem res sigula datur, turpis est, sin honori, reprehensionē effugit. Mens huius viri, non in re peccatum sape esse, sed in cauſâ & fine. Tu epulum sumptuosum das, sed gulæ aut vanitatis cauſâ: alius dat, sed legis & moris cauſâ: ille peccat, hic minimè, quia nō cupidini, sed consuetudini est obsecutus. Sicut, inquit, in Adiuvialibus epulis, viri etiam frugales multū impenderunt, sed quia debebant. Totum in eo, vt sciamus seriò, quę sint istę Adiuviales: ego nullas arbitror (pace eorum, qui aliter) & Adiuviales omnino scribo. Intellego eas, quæ in aditus honoris, & auspiciis quasi primis, etiamnunc dari solent: sed olim maximè Sacerdotiorum. Inde Pontificiæ, Saliæ, Augurales, Diales cœne prouerbiis celebratæ: & Seneca hīc aperte de Adiuvialibus scripsit, honori eas dari. Talis illa apud Macrobius, ex Indice Metelli Pontificis transcripta: Ante diem ix. Kal. Septembres, quo die Lentulus FLAMEN IN AVGVRATVS est.

Datax

Datax igitur in ipsâ inauguratione & aditu, vt dixi: & quidni sic Adiuviales, vt Initiales? Tranquilli nostri simile, in Claudio: *Sestertium* * octogies PRO IN TRO ITV noui sacerdotij coactus impendere: * 200000.
et si Dio videtur hoc aliò ducere, & in summâ mutat. Sed tu ne aliò igitur traxeris ea Senecæ, nec à solleñibus sacrisque epulis, ad communem sœculi luxum. Sed addidisti etiam in fine de Vestibus, & viros feminasque lasciuissime. De his, non nimis nego, nec excuso: concessu omnium peccet in nugis ille sexus, ad seria non aptus. Sed viri, parum aut nihil in veteri Republi- câ: sub Principibus cœpere, nec Principibus ipsis intuitis. Fran- gi aut mitigari altos & generosos animos, vestium, conuiuio- rum, ludorum, deliciis aut remissionibus, haud abs reorum est: nec Augustus & sagaciō resili ignararunt. Itaque Tacitus scripsit, *Luxus mensæ, à fine Actiaci belli, usque ad arma, quis Ser. Galba rem Romanam adeptus est, per annos centum, profusis sumptibus exercitos fuisset.* Sed anteà negamus: & cum Liuio totum hoc de Virtute claudimus, Nulla unquam Respublica nec maior, nec SANCTIOR, nec BONIS EXEMPLIS ditior fuit: nec in quam tam SERAE Avaritia Luxuriaque immigrauerint, nec ubi tantus, ac TAM- DIV Paupertati ac Parcimonie honos fuerit.

CAPUT X.

Doctrina studia Romæ, & Salaria in Doctores.

ABSOLVI igitur de Virtute, nisi placet ornementum vel adiumentum eius me adtexere Doctrinam. Nam & ea Romæ viguit, atque adeò à conditâ ipsâ vrbe, vel potius ante eam, si Dionysio & Plutarcho credam, Romulum & Remum litteris & omni liberali doctrinâ institutos Gabiis fuisset. Cur verò non credam? opeta & facta non abnegant expolitum Romulum fuisset, & sequentes item Reges: & multa Græcanica instituta in moribus, verba ipsa in linguâ comparent. Atque adeò erat transfusa ipsa Græcia in magnam Italæ partem, cui & nomen reliquit. Exoleuisse tamen hæc paullatim, fateri debemus, & usque ad bellum Punicum secundum, raras Romæ vel elegan- tias, vel litteras fuisset: Mars & hortida virtus omnia obtine- bant. Postea intrata & capta ipsa Græcia, victores iterum ce- pit, &



pit, & feliciter artes suas intulit & diffudit. Magno gradu tunc itum ad variam doctrinam, sed primò ad eloquentiam maximè: ut quæ coniuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honestè oblectandos, facere videretur. O hanc quoque curam laudabilem! & maximè, quia cum modo & temperie fuit: quod nec omnes passim se darent, nec nimis etiam darent. Non omnes, sed primores ferè & ij qui velerant in Republicâ, vel ad eam se præparabant. E triplici illo ordine, Plebs ad militiam adspirabat, neque erat harum rerum, Senatus & Equites, præter illam, animi cultum adsumebant, & mente non manu solum conspicivo-lebant. Modum etiam plerique seruabant, nec vt mancipia quædam litterarum essent, sed vt quatenus opus, haurirent, & ad rem atque usum transferrent. Talis Scipio ille posterior, talis Cornelius Sulla, Pompeius, Lucullus, Cæsar, alij uno verbo, quicumque in Rep. eminentes postea fuerunt. Quod Thucydides Athenienses suos profiteri facit: φιλοπαθοῦμεν τε μετ' αὐτοῖς εἰσάγει, καὶ φιλοσοφοῦμεν ἄρδεν παιδείας: Elegantes sumus, sed cum parcimoniam, philosophamur, sed sine mollitie: id, inquam, conuenientissime Romani veteres sibi vindicarint. Itaque studium hoc Doctrine publicè viguit, & doctores paullatim, in priuatis primò Principum ædibus, mox & in publico, ac stipendiis publicis, audiuti, conducti, & præmiis variè affecti. Quis nescit C. Cæsarem omnes liberalium artium Doctores, qui Romæ essent, ciuitate donasse? Qui summus extero honos, & nullâ pecuniâ æstimandus. Etsi nec hæc defuit, primò quasi è priuatis loculis data: mox è fisco annuatim appensa. Primus id Vespasianus firmiter instituit: qui Latinis Græcisque Rhetoribus annua centena constituit. Ea reddunt bis mille quingentos Philippæos: ubi hodie vel eximiis doctoribus largédos? Atqui & medicis quingenta hs. mercedem annuam fuisse Plinius docuit: quæ sunt duodecim millia & quingenti Philippæi: cur non igitur admittam vel sexcenta excellenti alicui honorarium fuisse? Imò fuerunt Eumenio Rhetori, & doctori in scholis Augustoduni: quem Constantius princeps sub Augustis Diocletiano ac Maximiano, salarium in sexcentis millibus nummum accipere iussit. Ita ipse semel iterumque profitetur in

Oratio-

Lib. 11.

Sueton.

Sueton.

Oratione, quæ exstat: nec sexagena describi mihi aliquis persuadet. Scilicet alienum nimis à MAGNITUDINE ROMANA est, quindecim millia Philippæorum, singulari doctori, & qui Magister Palatij fuisset, dari nihil est: & credent mecum, qui veteres opes & animos satis sciunt.

C A P. X I.

Diuturnitas Romani imperij, & in occasione de patriâ Constantini.

SED peregrisse cursum meum sermonis videor, & vela colligo, & nauigo in portum. Vidisti quām magnum hoc imperium à Finibus, Copiis, Opibus, Operibus, Virtutibus Virisque fuerit: & potuisse à Tempore addere, ac diuturno statu. Nam quod alibi imperium, modicè magnum, tamdiu perseverauit? Atque istud maximum, tot sæcula stetit: & reliquæ eius cum nomine, etiamnunc in Germaniâ & AVSTRIACA domo feliciter ecce viuunt. Itaque Plutarchi verba liceat usurpare: Cum Fortuna alata sit ac vagâ, & modò Assyrios, Medos, Persas, Macedonas, Carthaginenses lustrauerit, eosdémque reliquerit: videtur ad Tiberim alas posuisse, volubilam globum reliquisse, & urbem quasi perpetim inhabitatura intrasse. Quid Homerî iam olim vaticinum, quām mirabile est?

Nuv. δὲ δὴ δὴ τὸν τελεσθέντα οὐαῖει,

Kαὶ τῶνδες τούτων, τοῖνυν μετόποια γένεσσι.

Nunc autem Troiana Æneas sceptra tenebit,

Et nativorum, & quinascentur ab illis.

Ille verò tenuit, & nati eius; inter quos Romulus primus Regum, ex eo sanguine, & ô occultam decreti vim! primus Imperatorum, Cæsar. Etsi autem mutatio aliqua status interuenit, tamen imperium mansit: primò sub Regibus, tum Cōsulibus, tum Principibus: & sub istis, scissum diuulsuque, & caput alterum in Thraciam aut Græciā translatum. Constantinus id fecit, quod non ignoras: & caussam dedit ruinæ aut inclinationi deinde rerum. AVD. Oro te mi doctor, benignè & honestè de hoc viro loquamur, & qui vt fidus illustrauit vicinam nostram terram. LIPS. Ego verò loquor in omni aliâ re: & præ-



& præsertim quæ sacra & pietatem tangit. Quis nescit illum, Deo duce, depulisse tenebras, quæ orbem terræ densâ superstitionum nube obsidebant? Ille dissipavit, lucem intulit, tempa nobis & Christo aperuit, vanis cultoribus & diis clausit. Magnus igitur laudatusque vir; sed quid tamen ea lux propriè ad vicinam nostram terram, ut dicebas? AVD. Nam quis nescit in Britanniâ ortum huncesse, & gloriam etiam redundare ad natalem terram? LIPS. Ego verò nescio, & ambigo, & propior sum ut negem. AVD. Tûne, contra eruditissimis viris nuper asserta? & clarum hunc etiam Panegyrici scriptoris locum? Nam ille apud ipsum Constantinum hæc profert: *Pater tuus liberavit Britanniæ seruitute, tu etiam nobiles ILLIC ORIENDO fecisti.* Quod os tuum erit, contra verba tam expressa, euntis? Nisi hoc dices, æui eius oratorem nescisse Principis sui patriam, & in re tam nobili, ignatiè & fœdè apud ipsum errasse. LIPS. Hoc non dicam, & os non abdicabo, imò nec perfribabo quidem. Fides apud me esto Panegyristæ: sed quid dicit igitur? *Ortum illuc Constantinum:* at non in tuam sententiam fortasse, sed meam dicit. Ea est, non ipsum ibi, sed imperium eius ortum: non Constantinum, sed Principem. Verè tibidico, (siste, nec resilias) hæc cius mens est: *Tu nobiles fecisti Britanniæ, quod illuc ortus factusque es Imperator.* Prima imperij tui lux illuc, & illinc, fulsit. Nec disimile nimis in verbo, quod pauloante idem Orator dixit, *Constantine oriens Imperator.* AVD. Percussisti me nouâ interpretatione: sed quid tu tamen contra communem omnium assensum? LIPS. Nego, communem: imò nemo veterum hoc scripsit. Mediæ aut nouellæ ætatis hæc assertio est, nec nisi ab illo imperij ortu orta. Quid? nonne Nicephorus, Ecclesiastice historiae scriptor, de Bithyniâ palam affirmat? *Nam patrem eius Constantium, cum ad Persas legatus iret, Drepandum Bithyniæ venisse, diuertisse, Helenam hospitis sui filiam novisse, Constantinum hunc genuisse.* Cur autem ille hoc tam constanter, tam nihil ambigens, aut de varietate inserens, si variatum tamen fuit? Atque ego arbitror, verissima Nicephorum tradidisse. Quo teste? quem nemo respuat, veteri, & ab ipso Constantini ævo. Is est Julius Firmicus, qui Matheseon libros

Lib. v.1.
Eccl. Hist.
cap. xxi.ii.

libros scripsit: & in eorum primo, hæc verba. *Dominus & Augustus noster ac TOTIVS orbis Imperator, Pius, Felix, ac Prouidus Princeps CONSTANTINVS scilicet MAXIMVS, DIVI CONSTANTII Filius, augustæ ac venerandæ memoriae Principis.* qui ad liberandum orbem à TYRANNICIS immoderationibus, & ad compremenda domestica mala, fauore propitiæ maiestatis electus est. APVD THARSVM GENITVS, à primo ætatis gradu gubernacula imperij retinens, quæ prosperis natus fuerat auspiciis, ROMANVM ORBEM salubri gubernationis moderamine sustentat. Ea de Constantino nostro accipienda esse, primùm doceo, tum de re meâ addo. Aliquis enim dixerit *Constantinum eius filium* capiendum, quoniam in libris vulgatis legitur, *Divi Constantini filius:* sed profectò id improbum est, & *Constantij*, ut recitaui, legendum. Multa docent clare. primùm quòd ait, *Totius orbis Imperatorem* fuisse. atqui *Constantinus* ille, inter tres Constantini Magni filios, sorte duntaxat Gallias, Hispanias, Britanniæque habuit. Item, quòd *Maximum* agnominat: quòd, *Tyrannos* ab eo extintos; & quòd *Romanum* orbem salubriter facit gubernantem. Atqui partem modò, ut dixi: nec eam ipsam diu tenuit, intra triennium occisus. Quid, quòd disertè mox idem Firmicus, *Constantinum Maximum Principem, & eius INVICTISSIMOS LIBEROS, Dominos & CAESARES* appellat? Certe non habuit tales minor ille *Constantinus*, & palam ad nostrum hunc spectant. Ista præmisî, si quis (ut sunt mores, aut ingenia) refragari vel calumniari vellet: nunc ad rem aptemus. Ait igitur, *Constantinum illum suum Principem apud Tharsum* genitum. Quæ illa est? an nobilis in Ciliciâ? non est, sed in Bithyniâ ego eam inueni. Nam Stephanus de Vribibus, Nicetas, Porphyrogennëta, *Tarsum* hanc (ita scribunt, sine adspirante litterâ) in Bithyniâ signatè ponunt, iuxta Nicomediam ipsam. Ego verò aio & infero eandem cum *Drepano* esse, quod *Nicephorus* nominavit. Quo argumento? quòd apud Nicomediam sinus & curuatura maris est; quæ loca talia communi nomine *Drepana Græci*, quasi *Falces*, à similitudine, vocabant. Inde passim *Drepani* hoc nomen in maritimis, & *Ortelium* nostrum vide. At proprium eius loci opidiique nomen, & magis restrictum, *Tarsus* fuit. Mea hæc coniecta-



coniectatio est: nec moueor, si posteri, aut Britanni scriptores, aliter de totâ retradiderunt. Multo minùs Georgio Cedreno aurem præbeo, scribenti natum Constantiū $\omega\epsilon\tau\lambda\mu\tau\eta\delta\alpha\eta\zeta\omega\lambda\mu$, circa urbem Dacie. Corrupta, aut falsa sunt: & quoties vanitatum manifestus ille auctor? Pro nobis etiam validè facit, quod ipsum istud Drepanum, Helenopolis appellatum postea, in honorem matris; & Pontus vicinus Polemoniacus, item Helenopontus: sed & sedes imperij in viciniā translata, nōne affectum in patriam testatur? Ipsum denique æuum Constantini adiuuat, si consideras natum eum circa annū ∞ XXIII. vrbis conditæ: quo tempore quieta adhuc Britannia, & turbæ post motæ, & pater adeas sedandas missus. Ergo verius antè, & alibi, natum esse. Sed tu, aut alius, vt volent: ego sine fraude censui, & Sermonem meum totum finiui.

C A P. XII.

Conclusio, & Laudatio magni Imperij.

A V D. O sermonem æternū mihi vtilem, & iucundum! & clarâ voce fateor, nunc denique admittere & concipere me cogitationes tanto illo imperio dignas. Inter quas tamen & istam: Fueritne vtile gentibus sub tam magno illo esse? an non nimia & aspera ista seruitus, sine vindice & domino quem appellares? L I P S. Haud inepta nec importuna quæstio: & scio esse, quæ illud damnare aut certè accusare possint; sed plura ac grauiora, quæ absoluere & alleuare. In primis quanti facias, sub magno tali imperio pacem ac quietem gentium vbiique fuisse? Nusquam arma, hostis, prædo; arabant, serabant, metebant, coniuvia, coniugia inibant, liberos gignebat, educabant: omnia securè, & nec auribus quidem lœsisrumore belli. Nam siquod tale erat; cum barbaris nempe & longinquis, & quod velut ludicrum aut fabellam, tuti limitibus & præsidiis suis, audirent. Pulchrè Aristides: *Bella verò vix unquam nunc creduntur exsistisse, ac pro commentis habentur à plerisque.* Quod si alicubi ad limites conflictus fuerit, (vt in magno & immenso imperio facile sit, ob Getarum insaniam, vel Afrorum miseriā, v. l. ubri maris accolarum infelicitatem, qui commodis bonis que suis nescierunt)

runt vti) mox ista, tamquam fabulae, cum omni memoriam euauerunt. Tanta pax apud vos viget, o Romani, et si militiam bellumque habetis inter patria instituta. Atque iterum idem (quomodo enim melius certiusque vetera repræsentem, quam veteris scriptoris verbis?) idem in eam laudem: *Uniuersus orbis sub vobis, tamquam festum diem agitans, quos olim gerere solebat gladios depositus, ad conuiuia autem & reliquam omnem latitudinem liberè se conuertit.* Et aliae quidem contentiones aut certamina vrbes reliquerunt, vnum omnes habet, vt earum quæque pulcherrima & iucundissimo aspectu appareat. Itaque omnia plena gymnasii, fontibus sine aqueductibus, porticibus, templis, tabernis, scholis: vt aliquis verè dixerit inclinantem & labantem mundum, restitutum à vobis esse. Nec vrbes solum splendore & decore lucent, sed tota adeò terra, instar horti aut paradisi, conspicitur exulta. Vi miseratione planè digni videantur, si qui imperio vestronon subiacent (qui pauci tamen sunt:) vt qui tantus bonis careant. Hæc verè & floridè dicuntur, & capiunt me recitantem: et si non minùs uno iectu penetrat Cornelij nostri breuiloquium: *Quippe immota, aut modice lacesta pax:* quod ille de Principum æuo scripsit. Iam verò alterum bonum, quanti est, Communitatio inter se hominum & rerum, viis vndique liberis commerciisque? In animo tuo cogita, si tutò nunc Byzantium, Persarum aut Sinarum regione in videre liceret: quam tu ipse fortasse atque alij libenter & audiè iretis? per tot terras & maria oculos pedesque ferretis? A V D. Affectum meum tangis. capior vnicè peregrinatiunculis, & animum innouat ac vires nouitatum ille aspectus. L I P S. Optimus quisque in hac cupidine: & alti æthereique animi, vt ipse æther, gaudent motu. Sed sub tali igitur imperio, quam id licuit? tutius quam Belgis nobis hodie, non dicam ab vrbe ad vrbe, sed pænè per vrbem aut circa eam ire. Visete illi licet magna aut nobilia illa opida, clara & inclyta ingenia; Athenas, Alexandriam, Rhodum; disertos aut sapiētes ibi viros; denique ad alia terrarum se conferre, disciplinę aut animi caussā. At mercatores, & quibus aliarum opum cupiditas, ij per maria omnia nauigabant, ij per terras circuibant: vnicos prædones aut piratas placantes, siue me tuentes, Publicanos. Sed uno & certo pretio placantes, nec eo graui sub Principe aliquo moderato & æquo. Itaque res



Lib. 11.
cap. v.

Lib. xxvii.
cap. i.

204

DE MAGNITVD. ROMANA

longinquæ aduehebantur, ignotæ antea ostendebantur: & totus orbis cā communione, quasi vna ciuitas, fiebat. Quid dicam artes barbaris traditas aut inuectas? quid elegantiam, litteras, & cultum animorum? Cūm etiam omnes linguis diuisi, vnā Romanā iungerentur, atque ea cum imperio quaquauersum se propagaret. Plinius hæc grauiter & meritò attollit, in Italiā dilaudandā: *Numine Deūm electa, quæ cælum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret: breuiterque, vna cunctarum gentium in toto orbe patria fieret.* Iterumque alibi idem: *Videmus, inquit, alia aliundē, vltrō citroqué, humana saluti (nam de herbis & re medicā illīc loquitur) in toto orbe portari, IMMENS A ROMANAE PACIS MAIESTATE, NON HOMINES MODO, DIVERSIS IN TERRIS GENTIBVSQVE, verumetiam MONTES & excedentia in nubes inga, PARTVS QVE eorum & herbas quoque inuicem ostentante. Nec minùs Strabo: Romani multas gentes anteā feras, ob montes aut locorum naturam asperam, aut ob frigus altam ve caussam, sub imperium assumentes, easipſas ex disunctis & insociabilibus, vna commerciis iuxterunt, & pro agresti vitā, ciuilem agere docuerunt. Sed & Claudianus magnificè:*

Huius pacificis debemus moribus omnes,
Quod veluti patriis regionib⁹ vtitur hospes,
Quod sedem mutare licet; quod cernere Thulen,
Rursus & horrendos quondam penetrare recessus.
Quod bibimus passim Rhodanum, potamus Orontem,
Quod CVNCTI GEN S VNA SVMVS.

Overba & res pulchræ! & potestne maior esse voluptas, aut commoditas? Omitto gubernationem & leges fere eadem; pondera, & mensuras, & numos: & plura, quorum bonorum sensus etiam hodie aliquis in Turcarum imperio est, & esset maior, si leges & politia illīc meliores. At nostra Europa misera, quam iam à multis sæculis expersorium est: iactatur assiduis bellis aut dissidiis. quare? quia regna aut dynastiae parvus aut modicis finibus inclusæ, semper in vicinos caussam habent timendi vel sperandi, querendi vel vlciscēdi. Idem & ante Roma-

LIBER QVARTVS.

205

Romanum imperium erat, quod Plutarchus afferuit: & pulchrā imagine addidit, *Istud velut ANCHORAM fuisse fluctuanti mundo. Quid propriè de nostrā Galliā triplici Cerialis apud Tacitum? Regna bellaque per Gallias semper fuere, donec in nostrum ius concederetis.* Fuēte mi Auditor, & nunc erunt, donec talis aliquis euentus. AVD. Per ignem sermones tui eunt, & vide ne amburare. LIPS. Ego verò apud te liberè, & vt Philosophi in scholis, de Republicā dissero: neque sunt ista, neque erunt fortasse, & (dicet aliquis) nec debent. Deo euentus permitto: ego arbitror & ad Religionis unitatem, & ad subditorum omnium usum, & denique contra communem Turcarum hostem fore, potens & validum caput vnum. Tu Deus SALVS ET TVTEL A RERV M, da quod expedit, da, si non imperio, saltem födere coire ac iungi, da latos & pacatos ad læta & pacata loca tua venire. In quo finio, & te mi Adolescens, dimitto.



c 3

NOTÆ



NOTÆ IN LIB. I.

CAPVT II.

Puteomitus.] Pro versu fortasse melius, *χρυσήν ωτραν* diuinim. Sed hoc leue: illud momentum habet, quod monitus à viro doctissimo sum, totum hoc Carmen videri scriptum, non in ipsam urbem Romam, sed eis p̄p̄ulo (nam Græca ambigua) id est, in *Valētam sive Fortitudinem*, quasi Deam. A cutum est: & argumentum habet, quod Erinna illa celebris vixerit circa Sapphus tempora, id est Tarquinij Prisci, priusquam Roma nostra sic magna & admiranda. Sed mihi tamen serio insipienti, carmen in urbem & imperium nostrum scriptum videtur: & plures Erinnas fuisse, quod in textu indicatum volui, indicio est dissensus in eius patriâ, de quo Suidas.

CAP. V.

Sed ubi, ignoro.] Ego verò firmiter nondum repperi, et si Theodosia in Bosphoro, portum fuisse vel centum nauum capacem, Strabo me doceat libro vii. Sed an ibi, an alibi (plures enim portus) si quis eruit, ostendet.

CAP. VI.

Sed nec Vellej⁹ iudicium valde prob⁹.] Cui tamen caussam aliquam esse, etiam hodie Hispani experiuntur: sed non illam proprie, quam Velleius suspicatur aut timet. Hoc vsus docuerit, longinas aut externas colonias, si coniugiis & stirpe cum indigenis miscantur, paullatim ipsos aut posteros transire in mores & affectus eius regionis. Cauere hoc malum vis: vnica ratio, à coniugiis, & (si potest) à mixtione arcendi: quod Iudei olim & nunc seruāt. Nec alia magis intima caussa est, cur crescat assiduæ ea gens, & in veteri lege & institutis, aliena à populis, persecueret.

L I B. II.

CAP. II.

In agros & in corpora eorum.] Illud ipsum conqueritur & exaggerat Būndica regina Britannorum, in Dionis Nerone: & ὡρδε ποτε τὸ ἀλλα τείνει τὴν γένειν τῷ γεωργεῖν οἰκείοις, η τῆς στρατευτῶν αὐτῶν δασμὸν ἐθείσιον φέποντο; Nōnne, præter cetera omnia, & pascitis & aratis Romanis, corporum etiam ANNVM tributum pendentes?

CAP. III.

Pluscula cogitavi aut collegi.] Imò & quædam edidi, Commentario ad Taciti librum i. Eruditissimus etiam Brissonius videatur, in voce *Capita*, De verborum significatione. Veritas tamen, opinor, est, indictiones fuisse in capita pro modo opum: quod genus hodie Galli *Tatlas*, nos *Impositiones* aut *Affimationes* lingua nostrâ vocamus.

Qui diuinandi artem tenet.] Nec ego inter istos: tamen peragrande gentes

Pag. 43.
lin. 26.

Pag. 51.
lin. 3.

NOTAE.

207

gentes prouinciasque subditas, & ratione colligendo, subduxí non infra trecentos milliones hominum fuisse in Romano orbe. Et cauſas sententiæ possim dare.

Supra centum quinquaginta milliones.] Percusserit hoc quosdam, qui ^{Pag. 53.} nostra aut noua cogitant tantum: sed ratiocinando facile quiuis adstruat ^{lin. 11.} ex his quæ dixi, & non etiam dixi. Pro magnis quidem istis vestigalibus, nōne satis fecerit vel Suetonij locus, de Vespasiano? qui initio statim *Principatus professus est, quadringenties milles opus esse*, ut *Res publica stare posset*. Sunt ipsi (horresco dicere) *mille milliones* nostro titu: vnde sic subito parandi, si non tales tantique reditus? Sed & nostro aucto, vt desinant isti miriones obloqui, Rex Sinarum accipere in tributo annuo asseritur *centum viginti milliones*. Et Sinas aliquis ad totum Romanum orbem comparet?

CAP. VIII.

Si verè Plutarchus, viginti millia talentum intulisse.] Verba Plutarchi ^{Pag. 65.} ^{lin. 14.} non ambigua: Αναφέρεται δὲ εἰς τὸ Δημόσιον Τάμειον, καὶ καταστατικά πρυτανεῖαν τὴν γενετὴν, δισμύεια τὰ λαντα, πάρεξ τῆς εἰς τους τελεωτας δεοπέρων. Οὐ δὲ τὸ λαχίσον αἴρετο, γετὰ λόγον δραχμας εἰληφε γελίας περτακοτας; Intulit in ærarium publicum in pecunia signata, itemq; auro & argento facta, viginti millia talentorum, præter ea que in milites expendit. Quorum is qui minimum accepit, habuit drachmas mille quingentas. Ergo gregarius quisque miles accepit Philippicos centum quinquaginta. Magna sanè donatio, in liberâ illâ republicâ: sed quam minuit Plinius, vti & summam illati publicè argenti, si eum audimus. Valde, inquam, minuit nam scribit lib. xxxvii. cap. ii. Cetera triumphi eiusdem (Pompeij de Asia & Mithridate) quam virilia? Reipublica datum mille talentū, Legatis & Questoribus, qui oras maris defendissent, h.s. bina millia, commilitibus singulis quinquaginta. Sanè hæc nullo modo cōueniunt, neque sana sunt; quamvis audacter id dicam. Primum, de mille talentis illatis in ærarium; nugæ, & minuti gurgulunculi, vt ille inquit: & in Textu docuimus. Quid iam de Legatis & Questoribus? dum taxat bina millia h.s. ea essent, quinquaginta Philippai: atqui gregariis plus datum, non Plutarchus solum, sed Appianus (qui ex eo ferè haurit) ostendit. Et omnino pro magnis illis exiguum est, quid in milites singulos? ait, quinquaginta h.s. ij essent, duodecim denary & semis. Ab ilice hæc omnia, & indignū est in Plinio tolerari aut legi. Primo numero legendum sit ex Plutarcho, id est ex vero, Reipublicæ datum vices mille talentum. Hoc ex conjecturâ: in alijs libri adiuuant, & adaugent. Nam scripti habent: Questoribus, qui oras maris defendissent, datum mille talentum: militibus singulis sena millia fæstigiorum. In quibus mirum est, & iuvat, sic concorditer consentire cum Græcanicâ summa illud ultimum, de senis millibus h.s. Nam ij sunt, ipse centum quinquaginta drachmæ. At prius illud de Questoribus, non restum, nec potest: exorbitat. Scribo, data deceas talenta: que sunt, sex millia Philippum: & error est ex



208

N O T A E.

est ex notis ortus, denarij millenariaque : quæ nimis saepe alternarunt. Examinanti hæc apud Plinium, & cum nostris ac ratione conferenti, vera erunt: aut si quis aliunde firmiora, doceat, innitemur.

C A P . I X .

*Etsi non ad usum tales.] Sicut & in torque aureo, quem centum pondum
Diu Augusto Galli dederunt, ut est in Quintiliano. Hæc in speciem tan-
tum: imo plerumque nudo nomine, Pecunia ipsa data.*

*Hoc prætextu rapinas extortionesq; usurpatas.] Ita & Plinius igitur in
Traiani laudibus ponit, non spoliis prouinciarum, & extorto sociis auro, sed
hostilibus armis, captorumq; regum catenis triumphum grauem. Nec aliud
ab hoc coronatio auro intellegit.*

L I B . I I I .

C A P . I I I .

*Paulatim Italia pene deserta esset.] Vel Lucanum audi:
At nunc semiruis pendent quod mania tectis,
Rarus & antiqui habitatores in urbibus errat,
Horrida quod dumus, multosq; in arata per annos
Hesperia eis, defunq; manus poscentibus aruis.*

Idem Liuius: partem Italie ergastula à solitudine vindicare. Sed & Dionysius pleraque opida olim frequentia, suo aeuo lapsa aut vacua satetur. Caussa prof. Etò ipsa est, quam dixi, quod Roma omnia ad se traxit & abduxit. Itaque (considera) vicina vibi loca maximè in hac causâ reperies, longinqua pleniora.

C A P . V I I I .

*Aly solia maluerunt reddere.] In Græco est ορθίσπαι, ut vides: quod
magis est ut Sellas reddas. Sellæ autem in Frigidariis maximè, ex Sidone:
Hinc Frigidaria dilatantur, ita ut ministeriorum sese non impediente
famulatu, tot possint recipere Sellas, quot Soli sigma personas. Quæ lectio
mihi recta est, et si alij mutant. Nam ita hic Sigma soli, ut postea idem,
Soli capacis hemicyclum. Quod planè dat intellegi formam Solarem: &
fallor, aut in ruinis Thermarum hodieque vestigia & ιχνογεαφαι sic ap-
parent. Si tamen aliter, parum est: hoc addo, Solia, à Græcis solere reddi
ιπλατας vel επιπλατεις: quod in ea lauandi causâ descenderent. Nec aliud
initio fuere, quam lignea quædam vasæ siue aluei, nostris quoque mori-
bus noti: quod genus Augustus (in Suetonio) Hispanico verbo Duretas
appellabat, atque ipse vrebatur. Eiusdem tamen aeuo alia reperta, in ipsâ
terrâ effossa, & magnificè structa, in quibus fas esset, sedere, stare, natare.
Inuentio tributa, nisi fallor, Mæcenati à Dione Cassio. ορθίσπαι, inquit, νο-
λυμένησ θερμή ψευτος την πόλεις πατεσσεισ: Primus Solium (siue Na-
tatorium) aquæ calidae in urbe struxit. Planè huc pertinet, & notandum
est. Solia autem hæc capacia fuere, ut Sidonij verbum erat; & Martialis
ostendit, plures simul solitos lauari. Quid, quod Oceanis solium postea,*

magni

N O T A E.

209

magni maris nomine & quasi imagine dictum? Itaque nullo modo pro-
babile, tot illa millena Solia in Thermis vnis fuisse.

L I B . I I I .

C A P . X I .

*Helenam hospitis sui filiam.] Itaque ipsam istam Helenam Bithyniam
faciunt Acta Sylvestri Papæ, quæ in Symeone Metaphraste habes. At
alia Chronica mirè vacillant, ut Godefridi Viterbiensis: Hanc Helenam,
inquit, quidam ex patriâ Treuirorum oriundam faciunt, alius de regno Per-
sarum, ubi Constantius ad tributa colligenda transmissus eam legitur conti-
gisse. Miror de Treuiris, & quod idem nihil de Britannis. Sed nec Beda
in Historiâ, cum occasio vel maximè esset, & de patre atque eo scriberet,
inlytum Principem asseruit suæ genti. At enim Galfridus Monume-
tensis, & alij Britannici scriptores, id fecerit. Fateor, sed fidei nec hic, nec
in aliis, satis certi. De Cælo regulo fabulantur, cuius filiam Helenam du-
xerit Constantius, & undecimo post anno mortem obierit, reliquo imperio,
quem ex eâ generat, huic Constantino. Ergo ex hac narratione, decem
modò annos natus Constantinus fuerit, aut circiter, cum imperium ac-
cepit: at constat ex Eusebio aliisque, supra triginta fuisse. Sed nec Guili-
elmus Cambdenus (accuratus scriptor, & qui omnia Britanniae scrinia
excusit) quidquam repperisse prodit de naio ibi Constantino: imo fa-
bulam totam de Cælo, & hominem ipsum, explodit. Itaque videndum
vnde alij adstruant: nam Panegyrici locus, meâ interpretatione, de-
struit, quam alius item firmat, ibidem: *Omnibus beatior terrus Britannia,
que Constantinum Cesarem prima vidit. Vedit prima, sed non genuit.**



d

INDEX



INDEX CAPITVM

LIBRI PRIMI.

OCCASIO & ingressio sermonis. Cap. i. Pag. 13.
Communiter Roma & eius Potentia laudata, per elogia pauca veterum. Cap. ii. 14.
Fines imperij Romani; quando maximi; & Prouinciae breuiter adnumeratæ. Cap. iii. 18.
De Copiis & præsidiis sparsim circalimites, itemque in ipsa vrbe. Cap. iii. pag. 22.

De Copiis in mari aut fluminibus; de Classicis variis earumque sedibus. Cap. v. 28.
De Coloniis, & modus fructusque deducendi. Cap. vi. 33.
Multitudo Romanorum, & ratio adscendentes, aut transferendi. Cap. vii. 36.

LIBRI SECUNDI.

De Priscis populi Romani vestigalibus, Decumis, Quintis, Scripturâ, Portoriis. Cap. i. Pag. 41.
De Tributis & Capitatione, tum inquisitum in Modum vestigium, & quid videatur reddidisse. Cap. ii. 43.
Inquisitum item in Capitationis modum, & pensum vniuersorum Tributorum. Cap. iii. 48.

De Aerario militari, & Vigesimâ, Vigesimaquintâ, Centesimâ ad id explendum. Cap. iv. 53.

De Metallis, & argenti, auri, aliarumque rerum fodiinis. Cap. v. 55.
De Vrinario vestigali & Chrysargyro, item de Meretricio. Cap. vi. 57.
De opibus Byzantini imperij; & clausula ac finis Tributorum. Cap. vii. 59.
Pecunia è Triumphis, & aliquot eorum inspecti estimatiue. Cap. viii. 61.
De Auro Coronario, & Coronis diem. Cap. ix. 66.
Impensæ publicæ in Militem, Magistratus, Populum: & de Frumentatione. Cap. x. 70.

Impensæ in Ludos obiter ostensæ. Cap. xi. 76.
Dona Principum effusa, & primò Iulij Cæsar. Cap. xii. 80.
Augusti Principis dona. Cap. xiii. 84.
Aliorum Principum dona. Cap. xiv. pag. 88.
De priuatorum aliquot opibus, & materia huius finis. Cap. xv. 91.

LIBRI TERTII.

Ad Opera Romana transitum, & primò de lignis aut temporariis dictum. Cap. i. Pag. 96.
Diurna opera, & caput omnium Roma. De situ eius, & in primis de magnitudine indagatum. Cap. ii. 100.
Magnitudo Suburbiorum Rome, & hominum in totâ Româ multitudo. Cap. iii. 107.
De ædificiis vrbis Romæ communiter, & eorum altitudo. Cap. iv. 113.
Decor & ornatus ædificiorum. Excerpta quædam, & primò de templo Capitolino exactius dictum. Cap. v. pag. 115.

Item de templo Panthei, Vrbis, & Pacis. Cap. vi. 127.
Fora Romana descripta; & distinctè Romanum, Iulium, Augustum, Transitorium, Vlpium. Cap. vii. 132.
De Balneis Thermisque, & breuiter de Rostris. Cap. viii. 139.
De Statuis, & earum custodelâ. Cap. ix. pag. 142.

De viarum magnis operibus, & nominatim de Appiâ. Cap. x. 145.
Aquaductuum mira. Cap. xi. 149.
Cloacarum mira. Cap. xii. 153.
Traiani pons in Danubio. Cap. xiii. pag. 155.

Priuatorum hominum Urbanæ aut Rusticæ ædes. Cap. xiv. 157.

LIBRI QVARTI.

Transitum ad Virtutē Romanorum, & ea in genere prædicata. Cap. i. 163.
Tripex

INDEX.

- Triplex erdo in populo ostensus, & quisque in suâ parte laudabilis. Cap. ii. 165.
Iustitia & Clementia in bellis. Cap. iii. pag. 169.
Fortitudo Romanorum militaris. Cap. iv. 172.
Pietas, Probitas, Constantia Romanorum. Cap. v. 176.
Contra Probitatem & Abstinentiam dicta & obducta quædam. Cap. vi. pag. 180.
Paritor contra Continentiam; & de Lu-

xu Romano. Cap. vii. 184.

Excusati Romani à prioribus: & primùm in Raptu vel Sæuitia, obiter. Cap. viii. 191.

Factum idem in Luxu mensarum, aut vestium. Cap. ix. 193.

Doctrinae studia Romæ, & Salaria in Doctores. Cap. x. 197.

Diurnitas Romani imperij, & in occasione de patriâ Constantini. Cap. xi. 199.

Conclusio, & Laudatio magni Imperij. Cap. xii. 202.

FINIS.

APPROBATIO.

Quatuor hos I. Lipsij de Magnitudine Romana libros, prælo dignos censeo, quod eruditæ sint, & pulchra varietate mirificè afficiant obleuentque, nec non ad illustrationem antiquitatum plurimum conseruant, nihil interim continent quod Catholicæ fidei aduersetur.

Guiliel. Fabricius Nouiom. Apostolicus ac Regius librorum Censor.

d 2 PRIVI-



PRIVILEGIUM CÆSAREVM.

RUDOLPHVS SECUNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiria, Carinthia, Carniolæ & Wirtembergæ, &c. Comes Tirolis, &c. Nostro & Sacri Imperij fidelis dilecto IUSTO LIPSI O gratiam nostram Cæsaream. Postquam inter alia, quæ Deus immortalis hominibus liberali manu dedit dona, illustria in primis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed & rudi etiam & imperito hominum vulgo ita distinguuntur, ut tanquam Diuini quidam splendescere in terris videantur: rem sanè præclaram sequere dignam illi præstant, qui diligentem iis ipsis in literis ac disciplinis operam ponunt, præclarissimam verò & Reipub. utilissimam, qui eas ita excolunt, ut aliorum menti docendo, scribendo lumina præferant, eosque ex ignorantiae tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, in primis pertinere existimamus. Cum itaque ab iis, quorum nobis spectata fides, quique iudicare de Literis possint, acceperimus, insignes te animi ingeniique tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditio specimina præbueris, dum obscura in antiquis scriptoribus loca, quæ quedam tanquam lustra erant, illustrasti, quæque in iis iniuria temporum depravata & corrupta fuerunt, restituisti, dum vetusta Latinæ antiquitatis rudera in nouam subinde strukturam singulare artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitarit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperierte sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæq. à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirificè recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animadum magis patrocinioq. nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortem velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut

aut aliorum, qui librariam negotiationem exercent, eos libros, quos tu editurus es, quoconque modo, charaktere, aut forma, siue integras, siue aliquam eorum partem typis imitari, edere, excudere, aut venundare intra faciū Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorum ve hæredum consensu audeat. Hac autem lege addita, vt tria ut minimum cuiusque libri exemplaria, quemadmodum moris est, ad Imperiale nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, vbi cunq. reperti fuerint, vendicandis, priuari, sed triginta etiam Marcharum auri puri mulda, cuius semissis quidem Fisci nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiamve exercent, ne quemquam hoc Priuilegium nostrum impunè violare, spernere aut negligere patientur. Sed, si quos contumaces compererint, constituta à nobis multa, eos puniri & quibuscumque modis coerceri current, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millefimo, Quingentesimo Nonagesimo secundo. Regnorum nostrorum Romanorum decimo septimo, Hungarici vigesimo, & Bohemici itidem decimo septimo.

Subsign.

RUDOLPHVS.

Jacobus Curtius à Senftenaw.

Ad mandatum sacre Cæsareæ M^{is} proprium.

Io. Baruitius.

Additum sigillum Cæs. M^{is} in cerâ rubrâ.



SVMMA PRIVILEGII REGII.

PHILIPPVS Dei gratia Hispaniarum, &c. Rex Catholicus, diplomate suo sanxit, ne quis, Iusti Lipsij Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalèse habeat. Qui secùs faxit, præter librorum confisctionem triginta marcharum auri puri illatione multabitur. Vt latius patet in litteris, datis Bruxellæ xiv. Feb. m. d. xcviij.

Signat.

Verreycken.

Tibi JOANNES MORETE, pro amicitiâ que mihi cum Plantino (heu, quondam meo) & Plantinianis est ac fuit, tibi, inquam, permitto, uti hos DE MAGNITUDINE ROMANA libros quattuor, typis tuis excudas ac diulges. Ne quis alibi aliis prater te, cupio sine iubeo, ex lege quam magnus Cæsar & Rex meus dixerunt.

Iustus Lipsius.

ANTVERPIÆ,

EX OFFICINA PLANTINIANA,
APVD IOANNEM MORETVM.

M. D. XCIX.



А И Ч Я З У Т Й А
А И А И Г И А Г А И Г И Г О Х Г
З А Ч Т Е О М М Е И М А Б : С У В
Л И С Х Д И С

